

Homiliæ in om=

NES EPISTOLAS FERIALES

Quadragesimæ iuxta literam per F. Ioan=

nem Royardum ordinis F. Minorum

æditæ, ac nunc denuò per eun=

dem recognitæ &

emendatæ.

L V C Æ. XIII.

Nisi pœnitentiam habueritis, omnes

similiter peribitis.

A N T V E R P I Æ,

In ædibus Ioannis Steelfii,

Anno. M. D. XLII.

Men. Ianuar.

Cum Priuilegio Cæsareo.

THE HISTORY OF THE

ROYAL SOCIETY OF LONDON

FROM ITS INSTITUTION

TO THE PRESENT TIME

BY JOHN DE LAET

AND JOHN WALLIS

IN TWO VOLUMES

THE SECOND VOLUME

CONTAINING

THE HISTORY OF THE

ROYAL SOCIETY OF LONDON

FROM ITS INSTITUTION

TO THE PRESENT TIME

BY JOHN DE LAET

AND JOHN WALLIS

IN TWO VOLUMES

THE SECOND VOLUME

CONTAINING

THE HISTORY OF THE

ROYAL SOCIETY OF LONDON

FROM ITS INSTITUTION

TO THE PRESENT TIME

Eorum quæ sparlim in hoc opere tractantur
Index compendiosus per Alphabetū digestus.

¶ A.

- A** Bigail qualiter iram Dauid placauit 108 L
Abstinendum vnde. 37 F
Abeunt post deos alienos 72 I
Achaz regis Iuda impietas 12 F
Affectio grandis vt in dei laudem prorumpit 96 N
Agnus secundū legem cōmandus Christi typū gessit 131 E
Altare aureum in templo dei, myst. 140 H
Altare nostrum humanitas Christi 68 I
Altaris lapides duodecim non dolati, myst. Ibidem.
Ambitiosi dignitatum 32 F
Ambitosorum votum & studium 118 F
Amor huius mundi qualiter hominem peruertat 114 C
Anima, spiritus, & corpus, qualiter distinguuntur 37 G
Animæ quid suggerant mundus & diabolus 76 G
Animæ peccatricis typus 63 A
Anima fidelis quid facere inter tentationes debeat 77 I
Apostolorum & prophetarū præcepta adsimilantur 21 G
Apostolos ante Christi passionem ipsius doctrinam non
plenè intellexisse 133 K
Aquæ Marath vt per lignum dulcoratæ sunt 124 E
Audacia pessimorū cōtra bonos quāta præsumat 102 C

¶ B.

- B**abylonica captiuitas, myst. 39 D
Babylonij vt Iudæorum contra Christum figuram
prætulerunt 107 I
Benedictio iustorum qualis 59 M
Benedictio hominum mundanorum qualis Ibidem.
Benedictionē paternā quo pacto Iacob obtinuit 57 C D
Benedici cupiens à deo, quid faciat 58 H
Benignitas dei erga peccatores 58 K
Benignitas dei innotescit 5 M
Bonos pessimi persequuntur 102 B Item 116 A B
Bona temporalia cur hominibus malis deus largitur 5 M
Bona sua opera citra iactantiæ culpam commemorare
contingit 12 E
Bona quæ à deo petimus in ipsius gloriam esse referen-
da 47 G
Bonorum hominum studium & votum 118 F

A 2

Cala

- C**alamitas primæ sedis 40 G
Calumnia prohibetur 108 G
Candelabrum luminis in templo dei, myst. 41 H
Carnalium hominum mos 36 B
Cercum paschalem quis benedicit 141 N
Cerei paschalis mysteria attende. Ibidem & inde.
Christus in mundum veniens imbri comparatur 26 I
Christus ad patrem non vacuus rediit 27 I
Christus non per se sed per Apostolos consilium salutis
 gentibus nuntiavit 60 C
Christus petra bis virga percussus 74 F G
Christus passione percussus quam aquâ profudit Ibidem
Christus à morte rediuius per Apostolos gentibus præ
 dicat 100 M
Christus in tribus patriarchis præfiguratus 110 B
Christus cur leo dictus & leona 140 L
Christus vtroneus sese pro nobis obtulit 121 B
Christus quâ indigna propter nos sustinuit Ibidem
Christus in tota ciuitate nec vnius noctis hospitium ha
 buit 123 A
Christus per crucem amplius clarificatus 124 D
Christus agnus paschalis in victimam destinatus 123 B
Christus quare brachium domini vocetur 126 A
Christus radix ascendens de terra sitienti Ibidem C
Christus à seculis desideratus 127 F
Christus vt suos in finem vsq; dilexit 131 C & inde
Christus cur solos discipulorum pedes lauit Ibidem H
Christus quor vestimenta sua posuit, & postea iterum
 sumpsit, quid. 135 Q R
Christus cur & magister est & dominus 135 S
Christus superato forte, quo modo domum eius ingre
 sus, spolia diripuit 138 E
Christus cur ad inferos descendit Ibidem F
Christi typum vt præclare Ioseph gessit 53 H & inde.
Christi de nece Iudæorum techna 55 P
Christi resurrectio cur per feminam primum annun
 tiata 141 N
Christi mira patientia præfigurata 121 B
Christi humanitas ad quid nobis data Ibidem.
Christi primum spoliū quis fuit 140 K
Christi caro cur ceræ comparata 141 M

I N D E X.

- Christi doctrina per passionem ipsius robur accepit 125 F
 Christi doctrinam per crucem destruere molientes frustrati. 124 E
 Christi in necem duo genera hominum cōsensisse 125 G
 Christi exortum iniqui aestimatores Iudæi despiciunt. 127. D
 Christi passio ignominiosa, dolorosa, spontanea. Ibidem E. & inde.
 Christi semen longæuum, quid. 127 I
 Christi transitus ex hoc mundo præfiguratus 130 A
 Christi humiliter ministrantis schema 132 G
 Christi passionem non omnibus prodesse 134 P
 Christi post exhibitum ministerium dispositio veneranda. 135 Q
 Christi monumentum frustra clauditur 137 B
 Christi caro esca, diuinitas hamus diabolo capiendo. 139. H
 Christo quale testimonium perhibet pater 92 A & inde
 Christum Iudæi propter duo oderunt 54 N
 Christum Iudæi super se regnare noluerunt 55 O
 Christum cereus paschalis quomodo significat 140 M
 Christum Iudæi quare reprobauerunt 127 D
 Christiana vnitas vt discissa 39 E
 Cham patrem irridens quorum gessit typum 132 H
 Ciuitates propter hæc à deo puniri 71 H
 Cogitationum quæ abiiciendæ & quæ nutriendæ 25 F
 Cogitationibus in malis culpatur mora. Ibidem
 Cogitationes dei à cogitationibus hominum quantum exaltantur. 26 G
 Colligationes impietatis quid sint 17 L
 Comminatio differt à prædestinatione 99 I
 Comminatio facta fuit Niniuitis non diffinitio vltionis. 97 B
 Confundi quid sit 113 A
 Confusio mala & confusio bona 115 A
 Considerare in domino quod sit vtile 49 F
 Conscientia bona, secunda sit. 121 D
 Conscientiæ domus qualiter disponi debeat. 10 C
 Conscius sibi bene, non citò turbatur 115 F
 Consilia euangelica semitæ sunt compendiosæ 95 L
 Conspiratio prauorum aduersus bonos in quatuor consistit. 102 B

I N D E X.

- Conspirandi malorum hominum modus contra bonos. Ibidem A
 Contritio duplex 116 I
 Constantino baptizato, sedes Apostolica obtinuit auctoritatem. 101 Q
 Cooperatio ad homicidium multis modis 106 D
 Conuersio ad deum suadetur 1 A
 Conuersio vera quæ sit 2 C
 Conuertat se peccator vnde & quò. Ibidem
 Cor hominis quare prauum dicitur 50 I
 Cor hominis soli deo cognitum Ibidem K
 Cor peccatoris quasi lapis bis virga percutiendus 74 H
 Cordis duri incommoda quatuor 82 E
 Cor lapideum quid sit, & quid cor carneum 86 E
 Corda scindi quomodo & quare debent 4 I
 Corrigere peccator quid debeat 70 C
 Coronæ templi, myst. 41 K
 Corporis CHRISTI communionem, nos à peccatis mundari 132 I
 Crimina quibus authoribus defendantur 117 D
 Criminatio prohibetur, & quis sit criminator 108 H
 Crux Christi lectus eius 91 F
 Crux Christi per virgam Moyse figurata 73 E
 Crucis ligno cibum sibi parat Ecclesia 43 G
 Cruce fidelem populum congregari 74 E
 Curam esse deo de piis adhuc peregrinantibus 103 E
 Curam esse deo de necessitatibus bonorum 42 B
 Curationis Naaman pretium cur recusauit Helisæus.
 61. E

¶ D.

- D**anielis in lacum leonum coniectio, cuius rei typus fuerit. 104 H
 Dauid rex inclytus, Deum orans pauper & humilis.
 39 C
 Defendere inualidos quomodo iubemur 86 G
 Defensio iusti contra aduersarios 118 G
 Deus hinc iudicat iustè. 125 F
 Dei erga peccatores mira benignitas & patientia.
 69 A
 Deus propositum suum num mutet 99 H
 Deum superbos punire & pios defendere patet exemplo. 118 H

Deus

I N D E X.

Deum plura q̄ petimus elargiri. 13 L
Deum querere & inuocare, quando & qualiter debemus.
24 B. & inde

Deum vt efficaciter exoret peccator 25 E
Diabolus qualiter propriis captus insidiis 45 C
Diabolus quod possederat, nunc CHRISTO & ecclesie
cessit. 46 D.

Diabolus contra animam hinc stimulatur inuidia. 76 G
Diabolus optimo cuiq; maxime infestus 77 H
Diabolus vt illusus est. 139 G. & inde.
Diaboli draconis rictus septem vt CHRISTVM des-
uoraret 139 H

Diabolum quo pacto possumus superare 46 D
Diem hominis desiderare, quid sit. 114 E
Dilectio Christi hoc signo erga suos exprimitur 131 E
Doctrina noui testamenti plana & aperta. 95 K
Domus mundata vacare non debet. 86 E
Domum beatitudinis vt nobis comparemus 11 D
Domi quosdam non libenter consistere. 11 C

¶ E.

Ecclēsia fidelium ciuitas quædam est. 40 F
Ecclesie arbor æternis. ex qua radice prodiit. 127. D
Ecclesie hostes qui sint. 8 V

Ecclesie typus. 90 C
Ecclesiastica censura contra quos debeat exerceri. 89 E
Ægrotatio ad mortem, mystice 91 E
Ægrotantes nemo debet spe vana lactare 12 H

Eiiciendos esse qui ceteros inficiunt 61 F
Elemosyna qualiter sit facienda 17 M
Elemosyna in pauperes secretè conferatur. 64 C

Elemosynæ erogatione rem crescere. 64 D.
Elemosynæ negatione, etiam dei dona cessare 64 E
Elemosynæ fructus. 64 E F.

Emere absq; vlla commutatione vinū & lac quid sit 24 A
Errores & hæreses quis suggerat 77 H
Error excusabilis quis sit 90 A

Esau & Iacob in vtero matris pugnantes, quid portende-
rint. 57 A.

Esau qualiter primogenita fratri vendidit 57 B
Esau & Iacob duos populos designabant. 57 F G
Exempla sanctorum qui suscitant 21 G

Exempla & præcepta bonorum quasi sepes sunt. 21 H
A 4 Eze

I N D E X.

- Ezechiel qualibus prophetauit 30 A
 Ezechix regis ægrotationis causæ. 10 A
 ¶ F.
F Ames moraliter. 44 L
 Familia qualiter disponenda 10 B
 Farina ecclesiæ & oleum 44 K
 Fasciculi deprimentes 17 L
 Fæderamur deo quatuor modis 93 E
 Fædus quatuor modis inuitum fuisse. Ibidem C
 Fera pessima, quid 55 P
 Fide nos accessum habere ad Christum 68 K
 Fideles esse Christi hæreditatem 47 F
 Fiduciam esse necessariam ad impetrandum. 46 E
 Filij num pro parentibus puniantur, & econuerso. 30 B
 & inde.
 Fonti indeficientis aquæ vira iusti comparatur 20 F
 Frumentum, vinum & oleum, myst. 9 Y
 Furtum prohibetur. 66 C.
 Furtum quo modo committitur. 66 C
 ¶ G.
G Iezi minister Helisei gratiam domini sui venalem
 habuit 62 L
 Gentes Iudæorum literis instituuntur 61 D
 Gratiæ lumen qualiter in homine extinguitur 37 E
 Gratia dei cur aquæ nomine designatur 73 L
 Gratiam Dei percepturi qualiter primum debent con-
 gregari. 73 D.
 Gratiarum actionem nos deo debere. 104 F
 Gratias a sturur hæc consideret. Ibidem
 Grex vsq; dispergitur 87 C
 ¶ H.
H Aman Iudæorum molitur exterminium 45 A
 & inde.
 Haman propriis captus insidiis, diaboli typi gessit 45 C
 Heliam lezabel terruit 27 A
 Heliam corui pascunt 42 B
 Helias mortuum suscitatur. 90 B
 Helix à vidua nutriti figura exponitur 43 G. & inde.
 Hypocritam quo signo deprehendas. 5 L.
 Homo iustus virenti ligno comparatur 49 G
 Hominum malorum ministerio deum nonnunquam pa-
 scere sanctos 45 C

I N D E X.

- Hominiſibus malis bene vti deum, 48 C
 Humanum genus qualiter in Adam mortuum. 88 A,
 Humanã miſeriam prouocare miſericordiam dei 47 F
 ¶ I.
Iacob qua fraude paternã obtinet benediſtionem. 37. D
 Iactantia vitanda pœnitentibus 4 K
 Iactantia duplex. Ibidem
 Idolatria prohibetur 72 I.
 Ieiunium nobis indiſtum duplex 3 E
 Ieiunium quadrageſimale tria requirit 3 F
 Ieiunium quadrageſimale cur verno tempore celebretur
 Ibidem.
 Ieiunium cur quadragenario numero. Ibidem G
 Ieiunij vtilitas multiplex. Ibidem H
 Ieiunium ſanctificare quid ſit 7 R.
 Ieiunium Achab. Ibidem
 Ieiunium quorundam reprobatur, quare. 16 H
 Ieiunium ſuperſtitioſum. Ibidem.
 Ieiunium quale prædicat Iezabel 16 I.
 Ieiunium ſcleratum. 17 K
 Ieiunium deo acceptum. Ibidem
 Ieiunij deo accepti fructus quintuplex 18 N O
 Ieiunium quadrageſimale quo exẽplo cõmendatur. 19. G
 Ieiunaſſe quadrageſimam leguntur. 3 G
 Iezabel prophetas perſequitur 27 A
 Imber quid conferat terrã, moraliter 26 H
 Incarnatio filij Dei efficaciſſima ſaluti hominum medicamen-
 tum. 89 C
 Inconſtantie exemplum. 81 C
 Ingratitudo nequiſſimã gentis 80 A
 Inimicus homo qualiter hoc tempore ſuperſeminauit ziz-
 zania tritico. 40 E
 Innocens confidat in Domino. 75 C
 Innocentis oppreſſi diuinitus facta liberatio 103 D
 Inuitant ſibi ſimiles quatuor genera hominum 117 C
 Iniuriarum retentio prohibetur. 109 M.
 Ionas in ceto quid designet 92 E
 Ionas tentata fuga à facie dñi, in mare miſſus eſt 97 A
 Ionæ in gentibus prædicationis fructificatio 98 C
 Ionas vt Chriſti typum geſſit. 99 I. & inde
 Iordanis Chriſti paſſionem quare ſignificat. 61 H
 Joſeph cur à patre plus cunctis filiis amabatur 50 A
A 5 Joſeph

I N D E X.

- Ioseph somnia qualia 50 B
 Ioseph qualiter à fratribus persecutionem sustinuit 30,
 D. & inde.
 Ioseph qualiter regni moderationem accepit 52 F
 Ira prohibetur. 103 L
 Iræ dei num resistere quis possit 82 F
 Iræ dei obstiterunt. Ibidem
 Ismahel proditor vt diaboli typum gessit. 65 G
 Iudæi gentibus peiores conuincuntur 98 D F
 Iudæi vanè pauentes in concilio, quales 116 I. & inde.
 Iudæi sua consilia Christum ignorare putabant. 123 A
 Iudæorum machinatio præfigurata. 117 C
 Iudæi propositum diuinitatis dum impedire student, pro
 mouent. 125 E.
 Iudæorum in Christum odium inexsaturabile 56 Q
 Iudæorum duplex & digna punitio 105 M
 Iudæorum fames, mysticè 45 F
 Iudæorum inter gentes calamitas 110 D
 Iudæorum incredulitatem propheta præuidens miratur
 126. A.
 Iudæorum in CHRISTVM etiam mortuum perse
 cutio. 137 C
 Iudæis per fideles meritò insultatur, & qualiter perse
 cussi. 124 E
 Iudæis incredulis qui nunc similes 126 B
 Iudicium & iniustitia quid 25 F
 Iudicium iniquum contra proximum prohibetur. 106. C
 Iuniperus arbor quid significat 27 B
 Iustitia hominis num aliqua sit 33 C
 Iustitia pristina peccantem non commendat 34 D
 Iustitiæ simulatio arguitur 15 E
 Iustitiæ complementum multa requirit 31 F
 Iustitias suas vniuersas ob vnum peccatum num homo
 amittat. 44 D.
 Iustus semetipsum tantum saluabit. 31 E.
 Iusti & impij duorum fratrum typo signantur. 58 H
 Iudices iniqui arguuntur 102 G
- ¶ L.
- L** Auacrum animæ duplex. 85 G
 Lauare inuicem pedes, moraliter 139 T
 Lepre curatio notabilis 60 B
 Lepre morbo peccatum significari, 61 F

I N D E X.

- Leuiathan hamo captus, quid 139 G
 Lex Moyfi baculus cædens 88 B
 Lex quare cum terrore data 67 E
 Lex conferre salutem non potuit 88 B
 Legalium obseruatio Euangelio publicato 79 E F
 Lætitiæ & laudis caussa 96 O
 Liberum esse hominis arbitrium. 87 I.
 Lignum in panem mittere quid fit. 124 C. & inde
 Linguam mentiri posse non affectum 78 C
 Locum propter gentem prophanari 70 D E
 Locus terræ sanctæ quare nunc contaminatus 71 F
 Loco sacro non esse nimis fidendum. Ibidem
 Lotus, non indiget nisi vt pedes lauet. 134 N
 Lotio Naaman septena in Iordane, quid. 61, D & 62 I.
 Lotio pedum discipulorum, quid designet. 133 L M
 ¶ M.

- M** Agnus deus Danielis 104 F
 Maledicentia prohibetur 108 H
 Mali quomodo & cur bonos persequuntur 102 B
 Malis hominibus bonos semper esse exosos. 102 A
 & 116 A
 Mali dum impedire moliuntur dei dispositionem, pro-
 mouent. 52 F.
 Malitia propria facit de alio malignè suspicari 35 G
 Malorum hominum contra bonos seueritia 103 D
 Mendacium spem suam ponentes arguuntur. 47 B
 Mendaces aduersus deum 30 A
 Mendacium prohibetur 107 E
 Mendacium ob officiosum, an obstetrices *Ægyptiæ* re-
 muneratæ 107 F
 Mentiri propter officium num liceat. 107 B
 Mensa propositionis panum in templo, myst. 41 I
 Mensa aurea, mortariola, quid. Ibidem
 Mercenarius non pastor, quis fit. 81 C
 Michæas vir dei cur regi impio exosus 116 A
 Ministrorum ecclesiæ cupiditas 62 L
 Misericordia dei se manifestat. 5 M
 Misericordia & iustitia de pescatore altercantur 80 G
 Moyfi pro populo potens oratio. 82 G
 Moyse se deo pro populo obicit. 83 I.
 Moyse populi crimen vlciscitur 84 K
 Moyse legatus fidelis. 84 L

I N D E X.

Moyſi orationis conditiones imitandæ 23 H I

Moyſi deprecantis mira fiducia 23 I

Mors ſpiritualis & optanda 28 C

¶ N.

NAaman leproſus qualiter ab Helifæo curatur. 60 A B.

Naaman leproſus quid allegoricè deſignet. 60 C

Naaman leproſus quid ſignificet moraliter. 61 F.

Naaman mundationis pretium cur propheta reſuſauit. Ibidem E.

Naaman remedium ꝑ eſſet facile contempſit. 62 K

Niniue cur mundum ſignificet 100 M

Niniue, id eſt, mundus ſubuertetur, nota. Ibidem N

Notorios peccatores à communitate eiiciendos. 61 F

Niniuitarum pœnitentia 101 O

Niniuitarum cõparatione claret malitia Iudæoſũ 99 G ¶ O.

Odium prohibetur & qualiter differt ab ira 108 K

Offerendum quid pro peccatis. 111 G

Oleum viduæ auctum per Helifæum, myſt. 63 B

Opera hominis bona deo placere 99 G

Operariorum merces detineri prohibetur. 106 B

Orare inter veſtibulum & altare, quid ſit 8 S

Orandum cum profunda ſui humilitate. 39 C

Orandum pro quibus. Ibidem D

Orans quid cõmemoret, & quid confiteatur. 38 A B.

Orantes cur non exaudiantur 85 B

Oraturi, cur prius audire verbum dñi iubentur. 69 B

Oratione, prolongationem vitæ obtineri 13 K

Oreb, myſt. 29 H

Ornamentum aureum ante faciem templi 41 L

Oves ſuas ſe deſ promittit viſitaturũ & requiſiturũ. 22 A

Oves cõfractæ & infirmæ quæ ſint 23 D

Ouium Chriſti congregatio. Ibidem C

Ouium Chriſti paſcua vberriſſima 24 E

¶ P.

Patientiam erga omnes eſſe ſeruandam 36 B

Patientia dei innoteſcit. 5 N

Pacificatio mentis qualiter habetur 20 D

Parentibus ſuis filij tria debent 66 B

Paries ad quem nos ſientes conuertamus. 12 G

Paſſeri cur vani homines comparantur 49 E

Paſſio.

I N D E X.

- Passio Christi qualis 128 G H
 Paschæ nomen unde 130 A
 Pascha mysticè celebrare. Ibidem.
 Paschæ tempus 130 B
 Patres quare puniuntur in filiis 119 L
 Pauli apostoli præcepta virtutem iustitiæ concernentis
 35 A
 Pauperibus non tantum affectum, sed & effectum esse ex-
 hibendum 19 B
 Peccare contingit in hominem tribus modis 66 B
 Peccata sua peccatori cathenâ faciunt qua vincitur. 19. A
 Peccata non semper puniri in hac vita 9 X
 Peccatum includit duo 47 A B
 Peccator cur myricæ comparatur 48 C
 Peccator clementia melius quàm seueritate corrigitur.
 89 E
 Peccatoris humilis confessio 59 L
 Peccatores nihil proficere 48 D
 Pœnam æternam remitti posse non remissa pœna tempo-
 rali 33 B
 Pœna temporalis per quæ remittitur. Ibidem.
 Pœnitentia vera quæ requirit 33 A
 Pœnitentia inter spem & timorem consistit 98 D
 Pœnitentiam promittere non esse satis 99 H
 Pœnitentiam agere cur plerique fastidiunt 73 B
 Pœnitentiæ contemptores arguuntur 1. A
 Pœnitens quo pasci debeat 44 L
 Pœnitere nolentium auersio à deo 1 B
 Pœnitentes per quæ satisfacere iubentur 2 D
 Pignus cui reddendum 32 G
 Pluuiam propter peccata Iezabel & Achab defecisse
 42 A
 Populus Israel in deserto quorum gessit typum. 72. A
 populi Christiani promissa multiplicatio 96 M
 populi Israel leuitas & idolatria 80 A B
 præcepta secundæ tabulæ explicantur 65 A & inde
 prædicatio cur voci tubæ comparetur 14 C
 prædicator speculatoris vices gerit 14 B
 prædicator assentationem vitæ 15 C
 prædicatores adulantes arguuntur 15 D
 prædicatores sancti quasi nubes sunt 43 F
 prædicandum oportune importune 69 A

I N D E X.

Prælati ecclesie quid de se existimare debeant 136 E
 Prælatorum quidam atroces. Ibidem.
 Præscientia dei duobus modis aliquid comprehendit. 13. I
 Periurium multis modis committitur 107 G
 Petri pedes cur primo lauentur à Christo 133 K
 Petri obedientia 133 M
 Primogenituræ ius in quo consistebat 57 B
 Prophetarum mortes significantur 141 M
 Proximi deceptio prohibetur 106 A
 Proximi oppressio. Ibidem. B
 Pseudoprophetæ qualiter populum lætabant. 70. D
 Puer per Heliam suscitatus mysticè 92 D
 Pueri in fornace illæsi 109 A

¶ Q.

Quærendum dominum qualiter debemus 24 B
 Quemque pro suo peccato puniri 31 E
 Quærendum iudicium quomodo debeamus 86 G

¶ R.

Raphaëlis archangeli consilium 100 C
 Raptores per Helie coruum significari 48 C
 Rectoris absentia damnosa 81 B
 Rectores hinc sibi exemplum capiant 84 L
 Religiones sacre euangelicis consiliis nituntur 95 L
 Remissio culpæ quibus promittitur 87 H
 Rex Ninive, Romanum imperium 102 P
 Romanæ reipublicæ principes crediderunt. Ibidem. Q
 Romæ urbis afflictio 71 F

¶ S.

Sabbatum spirituale quomodo seruari iubetur 21 I
 Sabbatum duplex à duplici opere dei 136 A
 Sabbatum paschale cur sanctum vocetur 142 Q
 Sacerdotes debent esse ministri domini 8 T
 Sacerdotes pro populo quid presentur. Ibidem.
 Sacerdotum munus est orare 8 S
 Sacrificia Iudaica reprobata 84 A
 Sacrificia Iudaica cur deus ad tempus tolerauit. Ibid.
 Sacrificium nostrum quo modo fieri debeat III E
 & inde
 Sanctificatio hominis perfecta 85 C
 Sanctuarium dei viuum & rationale 40 G
 Sanctuarij rationalis prædator quæ inde tollat 70 H
 Sancti

I N D E X.

- Sancti ab hominibus contempti, amplius à deo glorifican-
cantur 83 C
- Salomon postulatam accepit sapientiam 77 A
- Salomō impletus sapientia, in ox quæstione meretricum
pulsatur 78 B
- Salomonis iudicium de infante viuo, mysticè 79 D
& inde.
- Sapientiam hominis per patientiam eius agnosci, 77 A
- Sapientiam veram vt consequaris 51 B
- Sapientia dei laudanda 104 G
- Sapientes huius seculi practici vocantur 118 E
- Scandali subministratio prohibetur 106 C
- Scribi in terra quid sit 113 A
- Scribuntur in terra reprobi quibus literis. Ibidem B.
- Sedechias rex exoculatus & vinctus 19 A
- Senes impudici propter tria vituperantur 75 A
- Senes impudici conuincuntur 76 D
- Serui domino sapientiores vtile dedere consilium. 62 K
- Siccitas, terra saluginis, & inhabitabilis moraliter. 48, E
- Signa terribilia in datione legis 67 E. & inde.
- Somnus sub cruce Christi salubris 28 C
- Sperandum esse cum timore 3 N
- Spei virtus quo tempore debet exerceri 115 G
- Spem nostram quid maximè confirmet 6 O
- Spiritus qualis iam ingressus est nonnullos 117 B
- Subcineritius panis & vas aquæ mysticè 28 D E
- Superbos à deo humiliari, & defendi deuotos 118 H
- Susanna à tribus commendatur 75 A
- Susannæ mira constantia & pudicitia. Ibidem B
- Susannam innocentem morte digni interficere molis-
untur. Ibidem.
- Susanna qualiter per Daniele liberatur 76 D
- Susanna moraliter quid significat 76 F
- Susurratio prohibetur, & quid sit 108 I

¶ T.

- T**empli spiritualis vasa 40 H
- Tempus concessum ad pœnitentiam 100 N
- Temporalia bona cur deus malis elargitur 5 M
- Tenebræ sicut meridies 19 C
- Tentanda prudenter ea quæ bona esse videntur 37 F
- Testi diuinæ veritatis tria esse necessaria 115 E
- Tabæ clangor cur prædicationem verbi designet, 7 P
- Tuba

I N D E X.

- Tubarum vsus legitimus ad quinque 7 **Q**
 Tunica Ioseph missa ad patrem, myst. 55 **S**
 ¶ V.
Vasa vacua non pauca oleo implenda 64 **C**
 Velum templi mysticè 41 **K**
 Venundatorum sub peccato captiuitas 39 **D**
 Verbum dei quid in homine operetur 26 **H**
 Verbum dei audire quam sit utile 69 **B**
 Verba folio comparantur 49 **H**
 Verba qualia esse debent. Ibidem.
 Vestis Christi mysticè 87 **I**
 Vestes spirituales ad quid profunt 4 **I**
 Via grandis quæ restat 27 **F**
 Vitia libere & instanter esse arguenda 14 **A**
 Victoriâ de suis fratribus filij Israel qualiter luxerunt.
 39 **E**
 Viduæ Sareptanæ commendatio 43 **E**
 Vidua Sareptana cuius rei typum gessit Ibidem **G**
 Viduæ Sareptanæ duo ligna, farina, & oleum, mysticè.
 44 **H**
 Vidua cuius filium Helias suscitauit mysticè 90 **B**
 Viæ domini quales 26 **G**
 Viæ peruersæ à sinistris 70 **C**
 Vitam tria prolongant 13 **L**
 Virtutem vnde discamus 86 **F**
 Virtutem bene operandi à spiritu sancto esse Ibidem.
 Vtrio iusta in pessimos 104 **G**
 Voluptuosorum hominum studium & votum 118 **E**
 ¶ Z.
 Zelus domini bonus erga terram suam 9 **X**

¶ Fol. 142. fa. 2. lin. vlt. leg. redimire.

F
N
R
D
E
tio.
tium
Quæ
Prir
Et c
tium
dit I
C
fion
iube
tion
Et s
C
qu
simil
cont
est v
& v

Homiliæ in om- NES EPISTOLAS FE-

RIALES QUADRAGESIMÆ IUXTA LI-
teram, per fratrem Ioannem Royardum, ordi-
nis fratrum Minorum æditæ, ac nunc
denuò per eundem recogni-
tæ & emendatæ,

IN DIE CINERVM.



ONuertimini ad me in toto
corde vestro. Iohel. 2.

In hac lectione propheticus ser-
mo quatuor nobis consideranda pro-
ponit. Primum est salutaris exhorta-
tio. Secundum est eiusdem exhortationis ratio. Ter-
tium est pro delinquentibus sacerdotalis intercessio.
Quartum, Dei benigna conuersis facta promissio.
Primum ponitur à principio lectionis. Secundum ibi.
Et conuertimini ad Dominum Deum vestrum. Ter-
tium ibi. Inter vestibulum. Quartum ibi. Et respon-
dit Dominus.

Circa primum tria facit. Primo hortatur ad conuer-
sionem. Secundo docet conuersionis modum. Tertio
iubet vitare de conuersione iactantiam & ostenta-
tionem. Secundum ibi in toto corde. Tertium ibi.
Et scindite corda vestra.

Circa primum dicit, Conuertimini ad me, inquit,
à quo utiq; post vanitates & peccata in regionem dis-
similitudinis abiistis. Conuertimini filij reuertentes,
conuertimini ad me & ego recipiam vos. Non enim
est voluntatis meæ mors impij, sed vt conuertatur
& viuat. Et iterum, Conuertimini, & agite pœniten-

A
Ad pœni-
tentiam deus
inuitat.
Eze. 33.
eiusdem, 18

B tiam

tiam ab omnibus iniquitatibus vestris, & non erit vobis in ruinam iniquitas. Projicite a vobis omnes iniquitates vestras in quibus præuaricati estis, & facite vobis cor nouum & spiritum nouum. Et quare moriemini domus Israel?

Prouer. 1.

Qui habet aures audiendi, audiat patrem benignū vocantem ad gratiā, vt tandem audire non cogatur iudicem, duritiā & impcnicens cor terribiliter exprobrantem, & mittētem in gehennam ignis. Dicturus est enim: Quia vocaui & rennuistis, extendi manum meam, & nō fuit qui aspiceret. Despexistis omne consiliū meū, & increpationes meas neglexistis. Ego quoq; in interitu vestro ridebo, & subsannabo quum vobis id quod timebatis aduenerit. Quum irruerit repentina calamitas, & interitus quasi tempestas ingruerit, quando venerit super vos tribulatio & angustia. Tunc inuocabūt me, & ego nō exaudīā, mane consurgent & non inuenient me, eō q̄ exosam habuerint disciplinam, & timorem Domini non susceperint, nec acquieuerint consilio meo, & detraxerint vniuersæ correptioni meæ. Comedent igitur fructus viæ suæ, suisq; consilijs saturabuntur.

Auersio
peccatoris.

Iere. 2.

Proinde, auersionem præuaricatorum a Domino & eorūdem ad vanitates exitiosam cōuersionem Dominus detestans, per Hieremiam Prophetam loquitur, dicens: Duo mala fecit populus meus. Me dereliquerunt, fontem aquæ viuæ, & foderunt sibi cysterias dissipatas, quæ continere non valent aquas, vnde & post pauca subdit, dicens: Arguet te malicia tua & auersio tua increpabit te. Scito & vide quia malum & amarum est reliquisse te Dominum Deum tuum, & nō esse timorem eius apud te dicit Dominus exercituum. A sæculo confregisti iugum meum, & rupisti vincula mea, & dixisti: Non seruiam. Et rursus in gratitudinis culpam obijcit, dicens: Ego plantaui te vineam electam. Omne semen verum. Quomodo ergo conuersa es mihi in prauum vinea aliena? Si laue-

Iere. 2.

ris te

ris te nitro & multiplicaueris tibi herbam horith maculata es in iniquitate tua coram me dicit Dominus. Quomodo dicis, non sum polluta? Vide vias tuas in conualle, & scito quid feceris. Quomodo confunditur fur quando deprehenditur, sic confusi sunt. Vertentur ad me tergum & non faciem, & in tempore afflictionis suae dicent: Surge & libera nos. Vbi sunt Dii tui quos fecisti tibi? Surgant & liberent te in tempore afflictionis tuae.

Quin potius conuertimini (inquit) videlicet a vijs vestris prauis, a via lata quae ducit ad perditionem, a vijs quae sunt a sinistris, ne tandem in magni iudicij die ad sinistram cum haecis collocati, auditionem illam malam, atque pauendam audiatis. Ite maledicti in ignem aeternum, ergo nunc dum tempus est misericordiae, dum misericordia superexaltat iudicium, conuertimini ad me utique mitem & humilem corde. Nisi enim conuersi fueritis, & efficiamini sicut paruuli, non intrabitis in regnum caelorum. Ad paruulum ergo conuerti necesse est, malicia paruulos effici, & in proprijs oculis paruulos esse. Et quia nihil facilius est volenti quam se humiliare, patet quod in superbia & abusione sua contumaci voluntate perdurantes, prorsus sunt inexcusabiles. Secundo docet conuersionis modum dicens,

In toto corde vestro, in ieiunio & fletu & planctu.

Haec sola vera est conuersio, primum cor per penitentiam mutare interius. Nam ieiunare, flere, plangere, & hoc habitu foris incedere, corde interius pristinam peccandi intentionem retinente, non est veraciter conuerti. Prius ergo in toto corde conuertimini ad me, & tunc demum veram animi respicientiam, ieiunio & fletu & planctibus exterius indicate, ut nunc ieiunantes, postea saturemini, nunc fientes, postea rideatis, nunc plangentes, postea plaudatis & consolemini.

C
Vnde te
conuertas
& quo.
Mat. 7.
Mat. 25.
Iacob. 2.
Mat. 18.

vera conuersio quae fit.

D Quoniam verò tria sunt per quæ Deum offendimus, videlicet corpus nostrū, anima seu mens, & substantia rei temporalis, ideo docemur etiā per hæc eadem quod deliquimus emendare. Quod ergo per carnem deliquimus corrigatur ieiunio, quod mentis cōsensu & voluntate absq; exteriori opere peccauimus, humili oratione (quæ per fletum & planctum intelligitur) abstergatur, quod verò per abusum rerum iniquè gessimus, eleēmosynis in Christi pauperes Deū erogatis expiatur.

Et vide si non hoc triduo sancta mater Ecclesia ad hæc tria nos exhortetur, siquidem hodie in præsentilectione inducit ad ieiunandum, crastina verò, proposito exemplo Ezechia regis Iudæ impetrantis oratione productionem vitæ, inducit ad orandum, porrò tertio ab hinc die ad faciendam eleēmosynam exhortatur, clamante Esaia (cuius tunc sermo proponitur) & dicente, frange esurienti panem tuū & egenos vagosq; induc in domum tuam. Quum videris nudum operi eum, & carnem tuam ne despexeris.

Cæterum quum peccare contingat vel in semetipsum, vel in Deum, vel in proximum, quod in nos ipsos deliquimus, per ieiunium, quod in Deum, per orationem, quod in hominem, per eleēmosynæ largitionem emendetur.

E Porro ieiuniū duplex indictum nobis esse nouerimus, corporale. s. & spirituale. De spiritali ieiunio (quod omni tempore, & ab omnibus obseruandum est) ait, S. August. Ieiunium magnum & generale est abstinere ab iniquitatibus & illicitis sæculi voluptatibus, imò verò (vt Ber. ait) ieiunandum longè amplius à vicijs q̄ à cibis. Nam si sola gula peccauit, sola quoq; ieiunet, & sufficit. Si verò peccauerūt & membra cætera, cur non ieiunēt & ipsa? Ieiunet ergo oculus qui deprædatus est animā, ieiunet auris, ieiunet lingua, ieiunet manus, ieiunet etiam anima ipsa. Ieiunet oculus à curiosis aspectibus, & omni petulantia, ieiunet

net auris nequiter pruriens à fabulis & rumoribus
& quæcunq; ociosa sunt & minimè pertinent ad salu
tem, ieiunet lingua à detractiōe & murmuratiōe.
Sed multò magis anima ipsa ieiunet à vicijs, & à pro
pria voluntate. Etenim sine ieiunio hoc, cætera à Do
mino reprobantur. Si enim ieiunij vestris (inquit) inue
nitur voluntas vestra, non est tale ieiunium quod elegi.

Esa. 58.

Corporale verò ieiunium quod modo nobis indi
citur, tria requirit. Vnum est qd semel in die tantum,
corpus cibo reficiatur. Alterum, qd hora refectiōis
obseruetur, vt videlicet refectio non admittatur, nisi
post officium vespertinum in Ecclesia celebratum.
Reliquum vt ciborum delectus habeatur, ita qd esus
carnium nequaquam admittatur, sed nec cibi cuiuslibet
qui à carne originem sententiam trahit, cuiusmodi
sunt oua, caseus, lac, butyrum & similia. Porro ieiunium
hoc vernali tempore seruari conuenienter institutum
est, tum vt per illud carnalis concupiscentiæ motus,
qui hoc tempore tam in hominibus qm in cæteris ani
mantibus maximè inualescunt, reprimantur. Tum ob
memoriam & imitationem Christi Domini nostri
qui hoc tempore propter nos ieiunare & mori digna
tus est. Siquidem dominus noster Iesus Christus suo
nobis exemplo ieiunium commendauit. Sed qualis iam
Christianus est qui id contemnit, quod ei tradidit ip
se Christus? Tanto deuotius imitandum nobis est
Christi ieiunantis exemplum, quâto certius est pro
pter nos eum ieiunasse non propter semetipsum.

F
Ieiunium
quadrage
gesimalc.Cur ver
nali tem
pore ieiun
emus.

Conuenienter etiam in numero dierum quadrage
nario ieiunium hoc est institutum: vt sic Deo totius
anni quodam modo decimam præstemus, quæ trigin
ta, & sex dies continere dinoscitur, cui non sine myste
rio dies quatuor vt quadragenarius compleatur nu
merus, superadduntur. Nam in figura nostri (qui per
pœnitentiam & ieiunium ad promissam tendimus hæ
reditatem) filij Israel annis quadraginta vagi fuerunt
in deserto, mansionem stabilem non habentes. Rursus

G
Cur nume
ro quadra
genatio.

Num. 14.

I N D I E

- Exod. 24.** quadraginta diebus ieiunauit Moyses vt legem Domini mereretur accipere. Quadraginta proinde dies
Ionz. 3. dati sunt Niniuitis ad poenitentiam agendam. Quadra-
3. Reg. 19. ginta etiam diebus ieiunauit Helias, dum persequutionem fugiens Iesabelis per desertum ambulabat Dominum visurus in monte Oreb. Demum (quod his omnibus praestat) ieiunium nobis (vt iam dictum est) commendans baptizatus a Ioanne in Iordane Dominus, vbi etiam a patre filius dilectus recognitus fuit & commendatus, quadraginta diebus & noctibus in deserto solitarius ieiunauit.

H Multiplex proinde utilitas nobis ieiunium commendat. Nam per ieiunium peccator Deo reconciliatur, & euadit comminata sibi mala. Prout patuit exemplo Niniuitarum, qui per ieiunium promeritum & iam denunciatum euaserunt exitium. Rursum exemplo
3. Reg. 12. Dauid qui irato aduersum se Domino, exuto regio cultu in terram prostratus ieiunauit. Obsessi proinde
Iudith. 4. ab Holoferne in Bethulia filij Israel, ieiunantes Dominum non frustra inuocauerunt. Ieiunauit Hester
Hester. 4. regina, vt mortis edictum contra populum suum iam publicatum auerteret. Iosaphat rex Iuda innumerabilem contra se hostium multitudinem venientem expauescens, ieiunium praedicauit, & hostium vires fregit. Denique angelus Tobiam docens, ait: Bona est oratio cum ieiunio.

Tob. 12. Secundo per ieiunium spiritui rebellis caro subijcitur. Vnde Apostolus Paulus Christo seruiens in fame & siti in ieiunijs multis, ait: Castigo corpus meum, & in seruitutem redigo. In cuius rei figuram
per ieiunium
caro subij-
citur.
1. Cor. 9. Helias (sicut iam dictum est) fugiens Iesabelem
3. Reg. 19. quae Domini prophetas interficiebat, ieiunabat. Iesabel fluxus sterquilini interpretatur, & recte carnem spiritui repugnantem designat, quae diuinis in mente nostra illustrationes (vtique futurorum praefagas) quasi Domini Prophetas, delicijs suis & voluptatibus necat.

Tertio

Tertio per ieiunium mens, humana in Deum & eleuatur & illuminatur. Vnde & Moyses diuinæ legis scientiam accepturus quadragesimā vnam, & rursum alteram ieiunauit. Danieli proinde & socijs eius abstinentiæ meritō dedit Deus scientiam & disciplinam in omni libro, & sapientiam. Danieli autem intelligentiam omnium visionum & somniorum. Deniq; Apostoli ieiuni spiritum sanctum accipientes, omni sapientia repleti sunt. Circa tertium vbi iubet vitare conuersionis ostentationem dicit,

Et scindite corda vestra & non vestimenta vestra.

Iudaicæ consuetudinis fuit in rebus aduersis & tribus vestimenta scindere: quod & Pontifex ad Domini Saluatoris insimulatum crimen augendum in Euangelio fecisse memoratur: Paulum quoq; & Barnabam audientes verba blasphemiae itidem fecisse legimus. Scindite (inquit) corda vestra & non vestimenta vestra. Corda inquam, quæ plena sunt peccatorum, quæ instar vtrius nisi scissa fuerint, sponte rumpuntur. Quum hoc feceritis redite ad Dominum Deum vestrum, quem vobis priora peccata fecerant alienum. Sed quum sint quorundam corda lapidea, quo pacto possent illa scindi quæ nec circuncidi quidem possunt? quibus per Christi testem dicitur. Incircuncisi cordibus & auribus, vos semper spiritui sancto restitistis. Debet autem peccatoris cor scindi gladio spiritus quod est verbum Dei, vtiq; verbum viuum & efficax, & penetrabilius omni gladio ancipiti. Alioqui non est conuerti ad Dominum in toto corde, nisi contrito & scisso corde.

Itaq; corda scindamus, quatenus integra proinde vestimenta seruemus. Vestes enim nostræ coram Deo, virtutes sunt. Bona vestis charitas, bona vestis humilitas, bona vestis castitas, bona vestis patientia est. Beatus qui vigilat & custodit hæc vestimenta sua ne nudus

per ieiunium mens illustratur.

Deut. 9.
Dan. 1.

Act. 2.

I Vestimenta scindere
Mat. 26.
Act. 14.

Scindere corda.

Act. 7.

Ephe. 6.
Heb. 4.

Vestes spirituales.

Apoca. 6.

nudus ambulet. Denique beati quorum tecta sunt peccata: *1. Pet. 4.* charitas enim operit multitudinem peccatorum. Itaque vestimentis his saluis & integris, cor nostrum si prauum fuerit, scindatur ad confessionem, si durum ad compassionem. Quid ni scindatur cor, ut visceribus affluat pietatis? Quid ni scindatur vlcus, ut sanies extillet? Vtilis omnino utraq; scisso, ut nec clausum lateat peccati virus in corde, nec indigenti proximo viscera misericordiae claudamus, ut & ipsi misericordiam consequamur.

K Quod autem ad sensum literae attinet dum scindere precipimur non vestimenta sed corda, utique vitare iubemur conuersionis & poenitentiae nostrae iactantiam & ostentationem (ut supra dictum est) iuxta sententiam Domini dicentis: Quum ieiunatis, nolite fieri sicut hypocritae tristes. Exterminant enim facies suas, ut pareant hominibus ieiunantes. Tu autem quum ieiunas, unge caput tuum, & faciem tuam laua, ne videaris hominibus ieiunans, sed patri tuo qui est in abscondito. Et pater tuus qui videt in abscondito reddet tibi. Vbi August.

Manifestum est, inquit, his praecipis omnem nostram intentionem in interiora gaudia dirigi, ne foris quarentes mercedem huic saeculo conformemur, & amittamus promissionem tanto solidioris atque firmiteris, quanto interioris beatitudinis qua nos elegit Deus conformes fieri imaginis filii sui. Vbi maxime aduertendum est, non solum in rerum corporearum nitore atque pompa, sed etiam in ipsis sordibus luctuosiss, esse posse iactantiam, & eo periculosiorem, quo sub nomine seruitutis Dei decipit. Qui ergo immoderato cultu corporis atque vestitus, vel ceterarum rerum nitore praefulget, facile conuincitur rebus ipsis pomparum saeculi esse sectator, nec quem fallit dolosa imagine sanctitatis. Qui autem in professione Christianitatis inuisitato squalore ac sordibus intentos in se hominum oculos facit, quum id voluntate faciat, non necessitate patitur

Iactantia
duplex.

Iactantia
duplex.

Iactantia
duplex.

subun

4 21

ciatur

riatur: cæteris eius operibus potest conijci vtrum hoc cõtemptu superflui cucus an ambitione aliqua faciat.

Quia & sub ouina pelle cauendos lupos Dominus præcepit, sed ex fructibus (inquit) eorum cognoscetis eos. Quum enim cõeperint aliquibus tentationibus ea ipsa illis subtrahi vel negari quæ isto velamine vel consequuti sunt, vel consequi cupiunt, tunc necesse est vt appareat, vtrũ lupus in ouina pelle sit, an ouis in sua. Non tamẽ propterea ornatu superfluo debet aspectus hominũ mulcere Christianus: quia parcum habitũ ac necessariũ etiã simulatores sæpius vsurpant vt incautos decipiãt, quia & illæ oues non debent deponere pelles suas, si aliquãdo eis lupi se cõtegunt.

Circa secundum principale dicitur.

Et conuertimini ad Dominum Deum vestrum, quia benignus & misericors est.

Hic ponitur dictæ exhortationis ratio. Vbi tria ponit quæ nos ad cõuersionem inducunt. Primum est Dei benignitas & misericordia. Secundum est Dei longanimitas & patientia. Tertium est pia spes de Dei in nos beneficentia. Secundum ibi, patiens & multa misericordia. Tertium ibi, quis scit,

Circa primum dicit: Et conuertimini ad Dominum Deum vestrum, quoniam benignus & misericors est. Benignus enim nobis est Dominus in eo quod indignis affluenter administrat temporalia bona, quibus proculdubio peccator dignus non est, Deus enim creaturam mundi huius fecit, non vt impijs & sui cõtemptoribus, sed sibi subditis, deseruaret. Verum bonus & benignus est super malos & ingratos, & solem suũ facit oriri super bonos & malos, & pluit super iustos & iniustos. Et hoc quidem, vt ipsos malos ad suæ bonitatis agnitionem & dilectionem alliciat, quum & ipsas feras videamus beneficijs mansuetas effici ac domesticari, tametsi etiam fortassis hæc illis Deus bona largitur vt pro his quæ hic rectè gessit

L
Mat. 7:
hypocritã
deprehendit.

M
Benignitas Dei innotescit,

Luc. 6.
Malorum prosperitas,

I N D I E

rint accipiāt mercedem suam. Siquidē (vt ait Greg.) mali bona quæ hic agunt recipiūt vt ad sola postmodum tormenta pertrahantur. Vnde & ardenti in inferno diuiti dicitur. Recordare fili quia recepisti bona in vita tua. Deniq; & hanc vel præcipuam ob causam, Deus malis bona largitur, vt benefaciendi inimicis nostris in semetipso nobis exemplum ostendat, sicut ipse ait. Diligite inimicos vestros, benefacite his qui oderunt vos, & orate pro persequentibus & calumniantibus vos, vt sitis filij patris vestri qui in cælis est. Porro misericordia eius in eo nobis præcipue innotescit, q̄ peccatores per viam perditionis aberrantes & ad se reuocat dicens, conuertimini ad me, & ego conuertar ad vos, & iterum, venite ad me omnes qui laboratis & onerati estis & ego reficiam vos, & redeuntes paterna clementia ad reconciliationis osculum recipiens, misericorditer illorum delictis ignoscit. Quam gratiam pharisæi peccatoribus inuidentes dicebant. Hic peccatores recipit & manducat cū eis.

Luc. 6.

Misericordia Dei.

Zach. 1.

Mat. 11.

Luc. 15.

Circa secundum quod nos ad conuersionem debet inducere, quod est, Dei longanimitas et patientia, consequenter dicitur.

Patiens & multus misericordia, & præstabilis super malitia.

N

Patientia Dei.

Esa. 30.

Sap. 11.

Patiens est (inquit) et multus misericordia qui non humanam imitetur impatientiam, sed longo tempore nostram pœnitentiam præstoletur, sicut Esaias ait. Expectat Dominus vt misereatur. Et vnde per Sapientem ad Dominum dicitur. Misereris omnium Domine, & nihil odisti eorū quæ fecisti, dissimulans peccata hominum propter pœnitentiam. Vnde etiam B. Bern. Magna plane (inquit) patientia Domini in expectatione peccatoris est. Non enim peccantem angelum expectauit, sed præcipitauit è cælo. Primum hominem peccantem non distulit, sed protinus expulit de paradiso. Sed nunc patiens est & præstabilis super malis

malitia, id est, poenitens, vt si nos egerimus super peccatis poenitentia, vt ipsum quodammodo poeniteat comminationis suae & promerita mala non inferat, nostraeque mutatione sententiae & ipse quodammodo mutetur. Circa tertium, quod est pia spes de Dei beneficentia consequenter dicitur.

Quis scit si conuertatur, & ignoscat Deus & relinquat post se benedictionem?

Aduerte quemadmodum nos in ipsa poenitentia cautos esse cupit, & securitatem tollens humilitate sancta nos reddit sollicitos, dicens: **Quis scit si conuertatur & ignoscat Deus?** Ac si dicat. Ego quidem horror (quod meum est) ad poenitentiam, & Deum ineffabiliter noui esse clementem, dicente Dauid: **Miserere mei Deus secundum magnam misericordiam tuam.** Et secundum multitudinem miserationum tuarum dele iniquitatem meam, sed quia profundum diuitiarum sapientiae & scientiae Dei nosse non possumus, sententiam temperet, opto potius quam praesumo, tantum interrim Sacrificium & libamen Domino Deo nostro subaudis offeratur. Sacrificium contriti cordis, & libamen pie confessionis ac boni operis, & quod nescimus videlicet si conuertatur & ignoscat Deus, & relinquat post se benedictionem, in eius arbitrio relinquamus, in spe miserationis suae pendentes. Quod autem Deus ad poenitentiam nostram conuertatur & post se benedictionem relicturus sit, illud nobis exemplo est, quod ipse in Exodo loquitur dicens: **Erit autem sanguis vobis in signum in aedibus in quibus eritis, & videbo sanguinem & transibo vos, nec erit in vobis plaga disperdens, quando percussero terram Aegypti. Vtique verbis istis sese ad sanguinis signum conuerti, & videre sanguinem ac transire, atque benedictionem & vitam post se relinquere profitetur.**

Sperandum esse cum timore.

O

Spem confirmat.

Exod. 12.

Secun.

I N D I E

Secundum hanc similitudinem post passionem saluatoris nostri Iesu Christi, sanguine eius postes suos, id est, frontes suas signantes cuncti qui poenitentiam in nomine eius prædicatam susceperunt, spem habent non vanam quæ conuertatur Deus ad signum istud, & relinquat post se benedictionem, transiens, & Ægyptios, id est, cunctos superbos, atque impoenitentes, æterni iudicij sententiâ percutiens. Hanc poenitentiam & remissionem peccatorum prædicandam in omnes gentes incipi oportebat ab Hierusalem, sicut ipse testatus est postquâ resurrexit à mortuis, loquens apostolis suis. Quoniâ sic scriptum est inquit, & sic oportebat Christum pati et resurgere à mortuis die tertia, & prædicari in nomine eius poenitentiam & remissionem peccatorum in omnes gentes, incipientibus ab Hierusalem. Proinde per prædicationis tubam conuocari iubet sermo propheticus ecclesiam vniuersam ad poenitentiam & ieiunium, dicens.

Luc. vii.

Canite tuba in Sion : sanctificate ieiunium, vocate coetum, congregate populum, sanctificate ecclesiâ, coadunate senes, congregate paruulos & sugentes vbera. Egre diatur sponsus de cubili suo, & sponsa de thalamo suo.

P Hoc totum futurum prædixit Propheta in conuersione multitudinis gentium ad Christi fidem & ad poenitentiam per tubam apostolicæ prædicationis, quæ (vt dictum est) in Sion hoc est in Hierusalem incipiens, progressa & audita est per vniuersum mundum.

Psal. In omnem terram, inquit, exiuit sonus eorum, & in fines orbis terræ verba eorum. Et non solum hæc esse futura Propheta prænūciauit, sed etiâ hortatur vt per nos intente & studiose perficiantur. Et quidē bene per tubæ clangorē prædicatio accipitur. Nā sicut in Numeris

ris lee

vis legimus, Moyses duas tubas argenteas facere iubetur quas filij Aaron sacerdotes inflarent, vt per illarum clangorem populus (dum esset opus) conuocaretur ad concilium, ad bellum, ad motionem castrorum, ad solenne epulum, & ad festum.

Tubæ duæ argenteæ, pura & sonora prædicatio est scripturæ diuinæ quæ in duobus testamentis continetur, quam seire & populo prædicare sacerdotum est, iuxta illud. Labia sacerdotis custodient scientiã & legẽ requirent ex ore eius. Itaq; per huiusmodi tubæ clangorem conuocandus est populus ad fidei & vnanimi-
nimitatis atq; pœnitentiæ conciliũ. Cohortandus est nihilominus cõtra antiquum hostem ad bellum contra carnem quæ aduersus spiritum concupiscit, & contra fallaces illecebras huius mundi. Præparandus insuper & monendus ad motionem castrorum, quia non habemus hic manentem ciuitatem, sed futuram inquirimus.

Inuitandus proinde est credentium populus huiusmodi clangore tubarum ad epulum cœlestis verbi, quo animæ fidelis in Christo vita nutritur, ad epulum etiã paschalis agni in venerabili eucharistiæ sacramento, de quo ipse ait. Nisi manducaueritis carnem filij hominis, & biberitis eius sanguinem, nõ habebitis vitam in vobis. Et iterũ. Caro mea (inquit) vere est cibus. Et qui manducat me, ipse viuet propter me.

Deniq; ad cœlestis gloriæ festum his tubis inuitamur. Mittit enim Dominus qui dicant inuitatis. Parata sunt omnia, venite ad nuptias. Ait ergo.

Canite tuba in Sion, sanctificate ieiunium. Vbi aduertendũ est, quod plus est sanctificare ieiunium quã prædicare ieiuniũ, quia ieiunare & etiam ieiuniũ prædicare impij quoq; possunt, qui nõ remissionem peccatorum, sed tantummodo malorum præsentium ieiunando quærunt remediũ. Quale fuit ieiuniũ Achab qui occidit iustum virũ Naboth, vt vineam eius possideret.

Num. 10.
Tubarum
vſus ad
quinq;

Q

Malac. 2.

Galat. 5.

Heb. 13.

Ioan. 6.

Ibidem.

Mat. 22

R

Sanctifica
re ieiuniũ.

3. Reg. 22.

sideret. Quum enim audisset sermones Helia, scidit vestem suam, & operuit cilicio carnem suam, ieiunauitq; & dormiuit in sacco, & ambulabat demisso capite. Sed quam ob causam? Nunquid vt remissionem peccatorum acciperet, & salutem æternam obtineret? Non utiq; sed ne temporali regno viuens careret. Ergo ieiunauit quidem, sed non sanctificauit ieiunium, & ideo nec mercedem sanctorum recepit, sed mercedem suam, mercedem transitoriã, dicente Domino ad Heliam. Nonne vidisti Achab humiliatum coram me? Quia igitur humiliatus est mei causa, nõ inducam malum in diebus eius, sed in diebus filij eius inducam malum super domum eius.

Itaq; sanctificate ieiunium, id est, idcirco vt sanctificis celebrare ieiuniũ, & ad illud vocate cœtum, congregate populum, sanctificate ecclesiam, & in ea coadunate senes, & congregate paruulos, ac suggerentes vbera, vt videlicet senum, id est, sapientum maturitas paruulos quibus adhuc lacte opus est erudiat, & ad solidum vsq; cibum perducatur. Quod deinde subiungit, egrediatur sponsus de cubili suo, idem ei est quod et Apostolus dicit. Hoc itaque dico fratres, tẽpus breue est, reliquum est, vt qui habent vxores tanquam non habentes sint. Item, volo vos, inquit, sine solitudine esse. Qui sine vxore est, cogitat quæ Domini sunt, quomodo placeat deo. Mulier innupta et virgo cogitat quæ Domini sunt, vt sit sancta corpore & spiritu. Nimirum secundum huiusmodi prædicationem euangelicam siue apostolicam viuere, hoc est sponsum de cubili & sponsam de thalamo suo exire.

Circa tertium principale dicitur.

Inter vestibulum & altare plorabunt sacerdotes ministri Domini & dicent: Parce Domine parce populo tuo, & ne des hereditatem tuam in opprobrium, vt dominentur eis

turcis

2. Cor. 7.

Ibidem.

tur eis nationes. Quare dicunt in populis,
vbi est Deus eorum?

Hic designatur sacerdotalis intercessio. Nempe sacerdotū est orare pro populo. Vnde in Leuitico scriptum legimus. Si omnis turba filiorum Israel ignorauerit, et per imperitiam fecerit contra mandatum Domini, rogante pro eis sacerdote, propitius erit eis Dominus. Si peccauerit princeps et fecerit quod lege Domini prohibetur, rogabit pro eo sacerdos et pro peccato eius, et dimittetur ei. Quod si peccauerit anima per ignorantiam de populo terrae vt faciat quicquam de his quae Domini lege prohibentur atque delinquat et cognouerit peccatum suum, rogabit pro ea sacerdos et dimittetur ei. Vnde & hic dicitur. Inter vestibulum & altare plorabunt sacerdotes ministri Domini et dicent: Parce Domine parce populo tuo. Vbi propheticus sermo et locum designat vbi praesentur sacerdotes, et quales esse sacerdotes, et quid postulare debeant pro populo deprecantes.

Porrò locum designans dicit. Inter vestibulum et altare, quo proculdubio assiduitatem significat religionis et continentiae sacerdotū, qui vt parati sint semper ad orationes & hostias Deo iugiter offerendas, in castis locis & domibus circa templum vel ecclesias Deo dicatas decet commorari, quomodo videmus apud viros religiosos obseruari, qui sub regulari disciplina in sacris locis commanentes, ad preces & Dei laudes nocte & interdiu excubantes peruigilant, quemadmodum hic Propheta quum haec diceret futurum esse praeuidebat. Qui eiusmodi sunt & sui non obliuiscuntur propositi, quo proposuerunt esse sacerdotes Domini plorant & orant die ac nocte, crebris noctium vigilijs dierumq; ieiunijs pro peccatis populi Christiani.

Quales autem esse debeant sacerdotes satis innuit, dum addidit ministri Domini, vtpote qui se habitu & actu,

S
Leuit. 4.
Sacerdotū
mun⁹ ora
re.

Inter vesti
bulum &
altare.

T
Sacerdo
tes attēdāt.

I N D I E

Ioan. 12.
Mat. 6.

& actu, Domini ministros esse testentur, sicut ipse ait. Qui mihi ministrat me sequatur. Non ergo possunt esse ministri auaritiæ, dicente Domino. Non potestis Deo seruire & mammonæ. Nō immunditiæ & luxuriam, quia nō nisi qui ingreditur sine macula & operatur iustitiã, stabit in tabernaculo Dei in loco sancto, sicut ipse ait. Ambulans in via immaculata, hic mihi ministrabit. Non arrogantiam vel ambitionis, dicente rursum Domino. Non habitabit in medio domus mex qui facit superbiam.

Quid sacerdotes
precentur.
Exod. 32.

Denique quid sacerdotes ministri Domini precari debeant, ostendit dicens: Parce Domine parce populo tuo, quo modo Moyses orauit pro populo dicens: Aut dimitte eis hanc noxam, aut dele me de libro tuo quem scripsisti. Parceret & nunc populo suo Dominus, si essent qui precibus suis obiectis starent pro populo. Hinc enim per Ezechielem Dominus dicit. Quæsiui de eis virum qui interponeret sepem, & staret oppositus contra me pro terra ne dissiparem eam, & nō inueni. Et effudi super eos indignationem meam, & in igne ire mee consumpsi eos. Parce (inquit) Domine, parce populo tuo, & ne des hereditatem tuam, id est, eundem populum tuum, ecclesiam tuam, quæ est hæreditas tua, magno precio per te redempta.

Ezech. 22.

V
Hostis ecclesiam.

Hanc ergo hæreditatem tuam ne des in opprobrium, ne super illam gaudeant inimici eius, ne deprædentur, ne dissipent, ne discindant eam extranei, hostes eius, inimici tui, siue dæmones illi sint, siue homines mali, videlicet, vel tyranni auferentes substantiam & humanam pacem, siue hæretici surripientes fidei unitatem, siue falsi fratres sint qui videntur esse domestici, & veri sunt inimici. Precantes ergo sacerdotes ministri Domini dicant parce Domine parce populo tuo. Sequitur.

Vbi est
Deus eorum.

Quare dicunt in populis vbi est Deus eorum? hoc erat insipientium, dicere in populis, vbi est Deus eorum? pro eo quod videbant virgam peccatorum admissam

missam super sortem iustorum, & cædi corpora eorum, diripi substantiam eorum, irrideri simplicitatem eorum, blasphemari pietatem & sanctitatem eorum, negari fidem eorum, suggillari spem eorum, infamari mendacibus calumnijs innocentiam ipsorum, putare illos non habere Deum, aut certe non posse aut non velle eos adiuuare Deum ipsorum. Non ita, sed quid?

Zelatus est Dominus terram suam, & percit populo suo.

Zelatus est Dominus terram suam, hæreditatem suam, ecclesiam suam, id est, fideles suos, zelatus est inquam, zelo bono, zelo paterno, & sicut pater percussus miseretur filiorum suorum, & percit eis, ita percussus & percutiendo pepercit populo suo tanquam filijs. Ecclesiam quippe suam Dominus his nostris temporibus (sicut etiam sæpe prius) zelatus est, ne sacramenta eius indigne tractarēt, & permisit fieri persecutiones ut electi cribrarentur sicut triticum discendente palea, qualis in initio fuit proditor Iudas, oportere indicans hæreses quoque esse, ut qui probati essent fierent manifesti, et inter ipsas tribulationes fierent clariores, signis etiam & virtutibus glorificati. Hanc disciplinam patris ignorantes dicebant & dicunt in populis. Vbi est Deus eorum? Qui autem intus esse videntur, quasi eundem profitendo Deum dicunt. Vbi est sanctitas vel perfectio viarum illorum? Quemadmodum in amicis Iob apparuit, qui ex eo quod percussus erat, opinabantur quod coram oculis Dei extitisset impius, qui coram hominibus iusti famam obtinuerat. Dicebant enim, Vbi est timor tuus, vbi est fortitudo tua & perfectio viarum tuarum? Recordare obsecro te, quis vnquam innocens perijt, aut quando recti deleti sunt? Quin potius vidi eos qui operantur iniquitatem & seminant dolores & metunt eos, flante Deo perisse, & spiritu iræ eius consumptos esse. Subauditur, ut tu nunc consumptus es. Sic longa con-

X
Zelus dei
bonus.

1. Cor. 13.

Iob. 4.

Non semper ob peccata homines affligi. certatione contendebant, vt cogere eum cedere, ad consentiendū eis q̄ de illius vita nullatenus bene aestimandum sit, quemcunque aduersis opprimi vel flagellis diuinitus cingi contigerit, & quod neminem contingat secundum corpus consumi, nisi pro merito propriæ iniquitatis. At ille plus aliquid sentiebat q̄ quod hic dictum est. Zelatus est Dominus terram suam, & pepercit populo suo, videlicet q̄ neq̄ (vt illi aestimant) semper peccatores aut impij reputandi sint quos Deus afflixerit, neq̄ omnes quos Deus percuti permittit, percuti a Deo zelo corripientis ad purificationem, verum nonnullos ad probationem vt coronæ illis & præmia multiplicentur.

Circa quartum principale dicit.

Et respondit Dominus, & dixit populo suo. Ecce ego mittam vobis frumentum & vinum, & oleum, & replebimini in eis, & nō dabo vos vltra opprobrium in gentibus.

Y Hic ponitur benigna Dei promissio. Ecce (inquit) ego mittam vobis frumentum, & vinum, & oleum. Si consideremus maiestatem eius qui hæc pro magno promittit, maius aliquid his tribus, scilicet, frumento, vino, & oleo, significatur quàm carnalis quisq̄ & animalis homo, vel etiã Iudæus intelligat, videlicet frumentum illud, et vinum & oleum illud, quo edentes illud & bibentes, et quo delibuti, omnes æternitatem gloriæ consequantur. Et istud quidem frumentū corporale vinumq̄ & oleum dona Dei sunt, et nonnulli quam timentibus Deum pro quadam consolatione dantur, et data sunt. Sed frustra dantur & frustra sumuntur, nisi vtentes istis operemur vel queramus frumentum illud quod est verbū Dei scilicet Christus, qui de semetipso loquens dicit. Nisi granum frumenti cadens in terram mortuum fuerit, ipsum solum manet, si autem mortuum fuerit, multū fructum affert,

Frumentum, vinū,
& oleum
mys.

Ioan. 12.

& vñ

& vinum & oleum illud quod pius Samaritanus
 vulneribus eius qui in latrones inciderat, infundit. LUC. 10
 Quia nimirū de talibus veraciter dicit maiestas pro-
 mittentis, & replebimini in eis. Sola nempe hæc sunt
 quibus repleri vsque ad sufficientiam vacuitas nos-
 tra possit.

FERIA QUINTA POST
 diem cinerum.

IN diebus illis ægrotavit Ezechias
 vsque ad mortem. Esaia. 38.

In hac lectione tria nobis consideranda
 proponuntur. Primum est Ezechia regis
 letalis ægrotatio. Secundum est ægrotantis
 lachrymosa deprecatio. Tertiū lachrymose
 deprecantis benigna exauditio. Primum a principio
 lectionis. Secundum ibi. Et conuertit. Tertium ibi.
 Et factum est verbum Domini. Circa primum ad **A**
 uertendum est, quod sancta mater ecclesia quæ nos he-
 sterna die hortata fuit verbis prophetici sermonis ad
 ieiunium, hodie proposito nobis Ezechia regis ex-
 emplo productionem vite precibus obtinentis, indu-
 cit ad orationem. Hæc enim post ieiunium satisfactio-
 nis altera pars est. At ergo. In diebus illis ægrotavit
 Ezechias vsq; ad mortem. Vbi tria sunt consideran-
 da. Primum est ægrotationis occasio. Secundum est
 morituri præmonitio. Tertium est mortis denuntia-
 tio. Secundum ibi. Et introiuit ad eum. Tertium ibi,
 quia morieris tu & non viues. Circa primū aduer-
 te quod hanc Ezechia dicunt ægrotationis causam
 fuisse, quia post incredibilem diuinitus sibi datam vi-
 ctoriam de rege Assyriorum, in cuius castris angelus
 Domini vna nocte percusserat centū octoginta quin Esa. 37.
 que milia virorum, in superbiam elatus est, nec Deo
 debitas reddidit gratiarū actiones. Circa secundum
 quod est morituri præmonitio, dicitur.

FERIA QUINTA

Et introiuit ad eum Esaias filius Amos propheta & dixit ei. Hæc dicit Dominus. Dispone domui tuæ.

B Hoc est. Hæredem designa qui tibi morituro succedat. Quum autem & ipsi nos morituros non ignoremus, etiam nobis dictum putemus, Dispone domui tuæ. Itaq; tripharia nobis est domus disponenda. Prima est habitationis terrenæ. Secunda est domus conscientia propriæ. Tertia est domus habitationis æternæ. Domus habitationis terrenæ, in opibus et familia consistit. Igitur de rebus seu opibus dum in tua sunt potestate dispone per æquitatem & iustitiam, cuiusque quod suum est reddendo si potes, si non potes, saluabit te bona voluntas sine opere, sed cuncta ut nosti prius quam moriaris edicito, ne post te lites derelinquas.

Dom⁹ habitationis terrenæ.

Ergo si potes aliena restitue, ne cum importabili sarcina iniquitatis, hinc ad iudicium Dei demigrans, in operibus manuum tuarum peccator comprehendaris, & accepta damnationis sententia cum sarcina iniquitatis demergaris in infernum.

Proinde etiam familiam in filijs & domesticis tuis in vita tua moderando & corrigendo dispone, ne quomodo quondam Heli propter filiorum peccata, quæ corrigere dissimulauit à Deo percussus interiit, & ipse ob simile delictum à Domino reproberis.

C Porro conscientia tuæ domum hoc modo dispone, ut videlicet hanc per veram cordis compunctionem, immundo primum habitatore pulso, mox intromisso per aurium fenestras lumine verbi Dei, confessionum scopis mundatam & operibus pijs redde

Tob. 6 re cures ornatam. Pelles autem ex ea habitatorem immundum, si secundum consilium archangeli Raphaelis cordis particulam, id est, sollicitæ meditationis curam, vel super illos cunctis metuendos inextinguibiles gehennæ carbones, vel certe super illius ignis carbo

Luc. 12

bonem quem Dominus ipse misit in terram & vult

velo

vel
ali
per
qu
gu
hæ
cap
tan
aso
aut
co
frig
stri
in
Co

æ
ma
in
ta
me
tejs
nes
nul
vel
vte
sari
gi
bil
cor

Et
cor
net
su
Be
cjs

vehementer accendi, collocaueris. Quid enim sunt aliud sua incarnatio, conuersatio cum hominibus super terram, cœlestis suæ doctrinæ verba, passio denique & preciosa mors ipsius quam incomparabilis argumento dilectionis pro nobis adiit, quid inquam sunt hæc, nisi diuinæ dilectionis indicia, & congesti super caput mentis nostræ carbones ignis & amoris incitantamenta? Hinc proculdubio compunctionis fumus ascendens, extricat omne genus dæmoniorum. Exeat autem necesse est ab hac domo, malarū corruptus aër cogitationum, & cœlestis verbi quasi vitalis aëre refrigerium, apertis (vt iam dictum est) aurium fenestris, quasi salubris aër introeat. Quo peracto poteris in hac tua domo spe sancta conuiescere, & dicere. Conuertere anima mea in requiem tuam.

Verum vt histriones & illis similes, homines vite leuioris raro proprijs in domibus reperiuntur, sed magis in domibus alienis, iuxta illud. Pes fatui facilis in domum proximi, & illud de muliere indisciplinata. Garrula vaga, quietis impatiens, nec valens in domo consistere pedibus suis. Nunc foris, nunc in plateis, nunc iuxta angulos insidians, sic nimirum homines vani à semetipsis dissidentes & intra semetipsum nullam habentes requiem ad aliena se conuertunt, vt vel in ipsis exterioribus & fluxis rebus ad tempus utcumq; sese solentur. Vno siquidem illo (quod necessarium est & solum sufficit) derelicto, vagi & profugi sunt super terram. Vagi per inordinatam & insatiabilem concupiscentiam, profugi vero per sceleratam conscientiam.

Denique de domo mansionis æternæ dictum est. Et ibit homo in domum æternitatis suæ, videlicet corpus in terram, vbi tamen imperpetuum non manebit, spiritus autem in locum suum quem sibi metipsum sua libera voluntate elegit, et operibus suis quæ gestit in corpore preparauit, siue in supplicijs, siue in delictijs & gaudijs sempiternis, Domum itaque nobis ipsi

A sua domo vagi.
Eccle. 21.

Prou. 7.

Luc. 10

Gene. 4.

D
Domus
æternitatis.
Eccle. 11.

FERIA QUINTA

1. Cor. 5.
 His si sapiamus, dum tempus & facultas datur in cœlo comparemus, vt possimus cum Apostolo dicere. Sci mus quoniam si terrestris domus nostra huius habita tionis dissoluatur, q̄ ædificationē ex Deo habemus, domum non manufactam, sed æternā in cœlis. Nam et in hoc ingemiscimus, habitationē nostram quę de cœlo est superindui cupientes: si tamen vestiti & non nudi inueniamur, videlicet a veste nuptiali. Ad hanc domū suspiramus cum Propheta dicentes: Heu mihi quia incolatus meus prolongatus est: sicut et Apосто lus qui rursus ait. Nam & qui sumus in hoc taberna culo ingemiscimus grauati, quotidianis, scilicet, hosti um incurtionibus. Tabernaculum enim diuersorium militatiū est. Ergo quia nō poteris hic amplius villi care, & velis nolis demigrandum est, illic tibi mans ionem per sanctę operationis instantiam parare con tende. Illuc iam mente transcende, desideriorum san ctorum & precum nuntios præmitte, illic colloca thesaurum tuum, vbi nec erugo nec tinea demolitur, & vbi fures non effodiunt & furantur, vt & illuc in hora suprema diuulsus a corpore spiritus tuus euo let & ascendat. Vbi enim est thesaurus tuus ibi et cor tuum erit. Circa tertium quod est mortis denuntiatio: dicitur.

Mat. 6.

Ibidem.

Quia morieris tu, & non viues.

- E
 Hoc dicebat Propheta secundum dispositionem causarum inferiorum quę sufficiebant ad mortem regi inferendam. Et non viues (inquit) scilicet in futu ra vita cum Domino. Et ita comminatur ei & cor poris & animæ mortē, quia viuens non fecerat quod debebat.

Circa secundum principale dicitur.

Et conuertit Ezechias faciem suam ad parietem & orauit ad Dominum & dixit.

Obsec

Obsecro Domine memento quæso quomodo ambulauerim coram te in veritate & in corde perfecto, & quod bonum est in oculis tuis fecerim. Et fleuit Ezechias fletu magno.

Hic ponitur ægrotantis Ezechix lachrymosa deprecatio. Audita nempe sententia suæ mortis, ad precæ & spem se totum conuertit. Conuertit autem faciem suam ad parietem ne vel suus audiretur gemitus vel lachrymæ viderentur. Et orauit ad Dominum et dixit. Obsecro Domine memeto quæso quomodo ambulauerim coram te in veritate, non in hypocrisis vel simulatione. Nec tamen deputandum est iactantiæ quæ à se bene gesta commemorauit, sed prudentiæ, vt videlicet in extrema necessitate spem quæ tum maxime erat necessaria confirmaret, iuxta illud. In die malorum non immemor sis bonorum. Sicut autem grauis culpa est sibi arrogare vel quod non habet, vel quod non est, sic etiam culpa nulla est, si humiliter dicitur de se quod bonum est. Et in corde perfecto (inquit). i. corde integro non diuiso, vt post idola claudicarem, sicut fecerunt prædecessores mei reges multi.

Et quod bonum est in oculis tuis fecerim. Pater enim ipse Ahas Dei cultum prorsus abiecerat & vsque adeo aboleuit, vt templum Domini clauderet, ne illuc colendi gratia quisquam ingrederetur. Et de altari Domini, id est, altari holocaustorum, quod æneum erat (vt dicunt) horologiū fecerat: & multiplicauerat sacrilegia & cultum idolorum. Ezechias autem abominations & simulachra quæ reliquerat iste suus pater destruxit, et Dei cultum in statum pristinum restituit. Et fleuit (inquit) Ezechias fletu magno. Et utique fletu magno, quia rei magnæ imò oim maxime, iacturam deflebat, quia videlicet non haberet quæ post se relinqueret filium heredem, vnde possit impleri ea quæ ipsi Dauid facta

Citra culpam se commendat.

Eccli. ii.

Impietas Ahas.

FERIA QVINTA

fuerat à Deo pollicitatio dicente. De fructu ventris tui ponam super sedem tuam.

G
Paries ad
 quē flentes
 conuertatur.
mur.

Iob. 1.

Ezec. 8.

Sanè ad nostrā quoq; spectat eruditionē quod dicitur factum est conuertisse regem faciem suam ad parietem & fleuisse. Paries enim qui diuidit inter nos & Deum, peccatorum nostrorum congeries est. De quo nobis valde est formidandum, ne cadens opprimat nos, quomodo super filios Iob paries cecidisse legitur, & hos omnes oppressisse. Inclinator enim est ad casum. Parietem hunc in Ezechiele fodere iubemur, vt videamus & cognoscamus abominationes intra parietem hunc magnas, iram Dei prouocantes. Si enim nosmetipsos ad hunc parietem (annos nostros in amaritudine animæ nostræ recogitantes) conuertimus, copiosam proculdubio reperiemus causam plorandi. Potest nihilominus per hunc parietem non incongrue fragilis nostræ carnis mortalitas designari, cuius etiam consideratio inducit ad fletum & humilitatem.

H Cæterum & illud ociose prætereundum non est, videlicet quòd si Ezechias non audisset denunciatam sibi mortis sententiam, nequaquam se flens ad orationem conuertisset. Vnde patet culpandos esse qui ægrotantem quemlibet fratrem vel proximum, spe longioris vitæ vel recuperandæ sanitatis fallaciter lactantes, studio placendi decipiunt. Hæc enim repromissio nequissima multos perdidit. Debent itaque ægrotantem visentes, præsertim corporum medici vbi verò similiter de morte timetur, illud suggerere quod hic propheta Domini Ezechia regi denunciauit, dispo-
 ne domui tuæ quia morieris tu & non viues.

**Ægrotantes
 non debent
 spe vana la-
 ctari.**

Eccli. 29.

Circa tertium principale dicitur.

Et factum est verbum Domini ad Esaiam dicens. Vade & dic Ezechia. Hæc dicit Dominus Deus David patris tui. Au-
 diui

diui orationem tuam, & vidi lachrymas tuas. Ecce ego adiiciam super dies tuos quindecim annos, & de manu regis Assyriorum eruam te & ciuitatem istam, & protegam eam ait Dominus omnipotens.

Hic ponitur lachrymosæ deprecationis benigna exauditio. Vbi etiam patet quantum potest apud Deum humiliari & compuncti cordis supplicatio. Factum (inquit) est verbum Domini ad Esaiam: videlicet à denunciata regis morte, priusquam mediam atrij partem egrederetur. Hæc dicit Dominus Deus David patris tui, cuius & fidem sectaris, & opera, & desideras impleri quæ sunt illi de nascituro ex eius semine Christo promissa. Audiui orationem tuam, vidi lachrymas tuas quibus tibi donari vitam postulas.

Sed nonne falsum dixerat qui denunciauerat morturum? Rursus. Si hoc quod dixerat Propheta viderat in libro diuine veritatis, falsum vidisse putetur, & quod consequens est mutata fuisse videtur præscientia Dei. Sed verum Propheta dixerat, nec quicquam falsum aut incertum scriptum est in libro vitæ, in speculo diuinæ veritatis. Nam quasi duobus modis aliquid illic scriptum est, videlicet, vel secundum causas superiores in mente diuina, & sic erat ibi scriptum regem non moriturum, quod utique Dominus Prophetæ non ostendit, vel secundum causas inferiores cuiusmodi sunt morbi, vel casus quilibet mortis discrimen afferentes, & sic erat ibi scriptum Ezechiam moriturum, & hoc ostendit Dominus Esaiæ. Non ergo falsum dixerat Esaias, nec mutata est præscientia Dei. Deus enim (vt B. Greg. ait) sententiam suam non consilium mutauit. Res tantum mutatae sunt, non consilium Dei, Naturam enim quæ iam in rege decreuerat, sciebat Dominus se reparaturum ad orationem

Num vera fuerit Esaiæ denuntiatio.

In dei præscientia aliquid duobus modis esse.

FERIA QUINTA

nem & lachrymas deprecātis. Quod autem Prophe-
ta mortem denunciāns mentitus non fuerit vel hoc
declaratur exemplo, quo videlicet quispiam de cæco
loquens, diceret: Iste amplius non videbit etiam si
postea per Dei potentiam miraculosè foret visum re-
cepturus, non propter hoc mētitus esse diceretur, qui
dixerat hunc amplius non visurum, nec falsum dixisse
set secundum intentionem suam, quæ causis naturali-
bus tantum & inferioribus nitebatur.

Simile.

K

Oratione
vitā pro-
longari.

1. Reg. 12.

Ecce (inquit) ego adijciam super dies tuos quin-
decim annos, non ultra illos quos in præsciētia mea
statuerā, sed istos quindecim quibus carere propter
peccata tua merueras, reddam tibi, & erit vita tua, tan-
ta quanta fuerat in præsciētia mea. Huic simile aliquid
habes in Dauid, qui mox vt ad Prophetam Nathan
se arguentem de crimine, dixerat corde cōtrito & hu-
miliato, peccauit, audire meruit. Dominus quoq; tran-
stulit peccatum tuum non morieris. Et rursus alibi,

2. Reg. 14.

Quum vidisset Dauid angelum percutientem plaga
mortis populum, & dixisset orans & clamās ad Do-
minum. Ego sum qui peccauit, & ego iniquè egi, isti
qui oues sunt quid fecerunt? Vertatur obsecro ma-
nus tuā contra me, & contra domum patris mei, sta-
tim post hæc audiuit ad se Prophetā dicentem: Ascen-
de & constitue altare Domino & plaga cessauit. Sic
regi Achab, sic etiam Niniuitis Dominus pepercit
quia induti sunt faccis, & ieiuuantes clamauerunt ad
Dominum in fortitudine.

3. Reg. 21.

Ionæ. 3.

L

Prover. 28.

Vitā pro-
longant.

Exod. 20.

Deu. 22.

Porrò vitam hominibus prolongant, tum largi-
tas, sicut per Salomonem dicitur. Qui odit auaritiam
longi fient dies eius, tum erga parētes honor & reue-
rentia, dicēte Domino. Honora patrem tuum & ma-
trem tuam, vt bene sit tibi, & sis longguus super ter-
ram. Tum erga proximos pietas & misericordia,
dicente rursus Domino per Moysen. Si ambulans
per viam in arbore vel in terra nidum auis inueneris
& matrem pullis vel ouis incubantem, non tenebis
eam

eam

eam cum filijs sed abire patiaris captos tenens filios, vt bene sit tibi, & longo viuas tempore. Sanè quo magis erga homines clementia mouerentur, ipsis etiam brutis animantibus (vt longa vita essent non indigni) hanc iubet impendere misericordiam. Sequitur. Et de manu regis Assyriorum eruam te, vt nouerimus Deum precantibus non modo quæ salubriter postulant, sed etiam ea plerunq; quæ non postulant elargiri.

FERIA SEXTA

post Cinerum.

HÆc dicit Dominus Deus.
Clamane cesses, quasi tuba exalta vocè tuâ. Esa. 58

In hac lectione. 4. nobis consideranda proponuntur. Primum est, indicta Prophetæ libera peccantis reprehensio. Secundum est, superuacui & inutilis ieiunii reprobatio. Tertium est, Accepti Deo ieiunii ostentio. Quartum. Accepti Deo ieiunii fructificatio. Primum à principio lectionis. Secundum ibi. Quare ieiunauimus. Tertium ibi. Nonne hoc est magis. Quartum ibi. Tunc erumpet quasi mane.

Circa primum. Primo, libera & districta peccantium increpatio Prophetæ diuinitus indicitur. Secundo, vnde redarguendi sunt peccatores, aperitur.

Circa primum dicitur: Hæc dicit Dominus Deus. Ergo timeant & audiant vniuersi, nec vereatur prædicare sacerdos, quod ipse loquutus est Dominus.

Leo rugiet (inquit Amos Propheta) quis non timebit? Dominus Deus loquutus est, quis non prophætabit? Sed quid dicat aduerte. Clama (inquit) ne cesses. Verbum hoc Prophetis primum, deinde Apostolis, post Ecclesiæ prædicatoribus, & cuilibet eorū dirigitur. q. d. Dominus. Licet aduersum te ferueat impiorum turba, quasi mare quod quiescere non potest,

clama

A

Amos. 5.

Liberè vitia arguenda.

FERIA SEXTA

clama tamen neq; timeas à facie corū. Non enim debet lucerna verbi Dei sub modio humani timoris abscondi. Nam (vt beat. Greg. ait) præconis officium suscipit quisquis ad sacerdotium accedit. Vt antè aduentum iudicis qui terribiliter sequitur, ipse clamando gradiatur. Ne cesses (inquit) à prædicationis clamore, sicut & Apostolus ad Timotheum scribens ait: Prædica verbum, in sta oportune, importune.

2. Tim. 4.

B
Prædicator speculator
Ezech. 3.

Quid enim aliud q̄ speculatoris officium est ministerium prædicatoris? Speculatoris autem in alto stantis atq; vigilantis est, venientia de procul mala nunciare, sicut ad Ezechielem Dominus ait. Fili hominis speculatorem te dedi domui Israël. Audies de ore meo verbum, & annunciaris eis ex me. Si dicente me ad impium morte morieris, non annūciaueris ei neq; loquutus fueris vt auertatur à via sua impia & viuat, ipse impius in iniquitate sua morietur, sanguinem autem eius de manu tua requiram. Si autem tu annūciaueris impio & ille non fuerit conuersus ab impietate sua & à via sua impia, ipse quidem in impietate sua morietur, tu autem animam tuam liberaisti. Et hæc quidem ad vnumquemq; cœlestis verbi prædicatorum. Ad populum autem quid à Domino dicatur aduerte. Constitui (inquit) super vos speculatores, & dixi. Audite vocem tubæ. Et dixerunt: Non audimus. Ideo audite gentes, & cognoscite congregatio, quanta ego faciam eis. Audi terra. Ecce ego adduco mala super populum istum, fructum cogitationum eius, quia verba mea non audierunt, & legem meam proiecerunt. Qualiter autem se habeant huius temporis auditores, ad verbi Dei prædicatorum dictum fuit super epistolam Dominicæ. 23. post Penthecosten.

Hiere. 6.

C
Vox tubæ

1. Thess. 4.

Quasi tuba exalta vocem tuam. Vox tubæ strenuos ad fortiter agendum incitat, ignauos autē & desides terrore dissoluit & in fugam conuertit. Porro sicut per tubam resurgent mortui in die nouissimo, ita & nunc per tubam prædicationis respiscunt & resurgunt.

furgunt prauaricatorū quidam à peccato. Vnde qui in monumentis sunt (inquit Dominus) audient vocem filij Dei, & qui audierint vsuent. Circa secundum vbi Prophetæ vnde sint arguendi peccatores aperitur, subditur.

Ioan. 5.

Et annuncia populo meo scelera eorum, & domui Iacob peccata eorū. Me etenim de die in diem quærūt & scire vias meas volunt, quasi gens quæ iustitiam fecerit & quæ iudicium Dei sui non dereliquerit. Rogant me iudicia iustitiæ, & appropinquare Deo volunt.

Vbi ostendit peccatores reprehendendos esse de duobus. Primo de manifesta iniquitate. Secundo de iustitiæ mendaci simulatione, ibi. Me etenim. Circa primū dicit: Annuncia populo meo siue illis per hoc placeas, siue displiceas, nec assentatores imiteris, qui per dulces sermones & benedictiones seducunt corda innocentium, à quibus iubet Apostolus declinare. Annuncia (inquit) populo meo scelera eorum, vt & hæc cognoscant, & super ijs in spiritu humilitatis & in animo cōtrito luctum habentes, accepta remissione Deo reconcilientur.

Predicator vitet assentationem.
Rom. 16.

Sed vā malitiæ temporū nostrorū, quibus quod Hieremias plangens ait, adimpletur. Prophetæ tui non aperiebant tibi iniquitatem tuam, vt te ad poenitentiam prouocarēt. Quod nimirum hominum peccata merentur, qui non nisi tales habere volunt predicatores, quibus dicant: Loquimini nobis placentia, videte nobis errores, declinate à me viam, auferte à me semitā, cesset à facie nostra sanctus Israël: sed quid sequatur aduerte. Disperdet (inquit) Dominus ab Israël caput & caudam, Longeuus & honorabilis ipse est caput, & Prophetæ docens mendaciū ipse est cauda. Et

D
Tren. 2.
In prædicatoribus aduertentes.
Esa. 30.

FERIA SEXTA

da. Et erunt qui beatificant populum istum seducetes, & qui beatificantur, precipitati. Itaque annuncia (inquit) populo meo scelera eorum, & domui Jacob peccata eorum. Scelerum vocabulo maiora, peccatorum verò nomine, delicta minora accipiuntur. Clericorum seu Sacerdotum sunt scelera, populus quippe Dei ipsi sunt, & sanctuarij pondus præscripto legis pondere publico grauius est.

E Secundo ostendit sermo propheticus arguendos esse peccatores de simulatione iustitiæ quum dicit: Me etenim de die in diem quærunt, hoc est, quærere se simulant, ad templum scripturas audituri pergunt, & Dei verbo (vt videtur) intendunt. Et scire vias meas volunt, hoc est præcepta mea, actiones meas, voluntatem meam. Hæc inquam scire volunt, non facere,

Ezech. 33.

de quibus ad Ezechielem Dominus loquitur, dicēs: Fili hominis filij populi tui qui loquuntur de te iuxta muros, & in ostijs domorum, dicunt vnus ad alterum vir ad proximum suum loquentes. Venite & audiamus quis sit sermo egrediens à Domino. Et veniunt ad te quasi ingrediatur populus. Et audiunt sermones tuos & non faciunt eos, quia in canticum oris sui vertunt illos & auaritiam sequitur cor illorum. Et es eis quasi carmen musicum quod suauiter dulciter sono canitur. Ait ergo: Scire vias meas volunt quasi gens quæ iustitiam fecerit, quasi dicat: Non ad lux præuinitatis correctionem, sed ad simulationem iustitiæ, quasi gens quæ iustitiam fecerit ad te veniunt Dei verbum audituri. Et quæ iudicium Dei sui non dereliquerit.

1. Cor. 11.

F
Iudicium
& iustitia

Iudicium est in discussione sui, de quo per Apostolum dicitur. Si nosmetipsums diiudicauerimus, non utique iudicauerimus. Iustitia verò executio iudicij, & delicti proprii in semetipso punitio est. Vtrumque necessarium est. Feci iudicium & iustitiam (ait Propheta) non tradas me calumniantibus me, hoc est. Quum in memetipso peccata mea ultione condigna punierim, non puniar obsecro rursus (quasi adhuc iniquus) odietis

odientium me furore. Rogant me iudicia iustitiæ, vt eos iuste iudicem, quasi sint ipsi iusti. Non autem petunt iudicia misericordiæ, quasi se iustos, iniustum vero Deum cōuicturi. Et appropinquare Deo volunt, hoc est, accedere volunt cum Deo in iudicium, opera & quasi innocentiam suam defensuri.

Circa secundum principale dicitur.

Quare ieiunauimus & nō aspexisti, humiliuimus animas nostras & nescisti? Ecce in diebus ieiunii vestri inuenitur voluntas vestra, & omnes debitores vestros repetitis. Ecce ad lites, & contentiones ieiunatis, & percutitis pugno impiè. Nolite ieiunare sicut vsq; ad hanc diem vt audiatur in excelso clamor vester.

Hic ponitur inutilis ieiunij reprobatio. Vbi primo ponitur suam iactantium iustitiã superba aduersus Deum querela. Secundo ieiunij ipsorum reprobationis causa, ibi. Ecce in diebus. Circa primum ex eorum persona loquitur Propheta, dicens: Quare ieiunauimus & non aspexisti? Vbi iniquè & imperitè iniustitiæ arguunt Deum, q̄ eorum bona opera non aspiciat. Non aspicere dicitur Deus quæ nō acceptat, nec remunerat, quasi eorū opera pro magno esse debeant Deo, & ea mox debeat remunerare, Quam ob rem contra Deum tumentes mox parati essent dicere hypocritæ murmurantes quod in Malachia Propheeta scriptū est. Vanus est qui seruit Deo, & quod emolumentū quia seruauimus præcepta eius & ambulauimus tristes? Sanè duobus modis se Domino seruiuis se iactant, vel potius impropertantes Deo obijciunt, sin parcitate victus, quum dicunt: Quare ieiunauimus & non aspexisti, & in asperitate vestitus dum dicunt; humiliuimus animas nostras & nescisti.

Circa

Malach. 3.

FERIA SEXTA

H
Quæ ieiunia repro-
bantur,

Circa secundum, quod est ieiunii ipsorum repro-
bationis causa, mox subiunctum est. Ecce in diebus
ieiunii vestri inuenitur voluntas vestra. q. d. Ideo ieiunia
vestra non proba, quia non mihi sed vobis ieiunatis, hoc est. Non ad meam sed ad vestram dumtaxat
ieiunatis voluntatem.

Sunt enim qui indicta ieiunia contemnent, ieiunia
quædam sibi propria voluntate statuta ieiunant,
non ad Dei sed suam ipsorum voluntatem.

Denique quidam auaritiæ, quidam gulæ, cæteri vero
superbiæ & malitiæ suæ ieiunant. Luxui seu gulæ
ieiunant, qui ex ieiunio maiorem postintendunt luxum
& gulæ voluptatem, quibus dicitur: In diebus ieiunii
vestri inuenitur voluntas vestra.

Auaritiæ ieiunant, qui ne per luxum rem dimi-
nuant impensis parcentes, suos suorumque ventres mo-
dio castigant iniquo, quibus dicitur: Et omnes debi-
tores vestros repetitis. Verum qui repetit non habet
tem, inopi facit iniuriam imò & violentiam, cui nimis
rum per legem dicitur. Si pignus à proximo tuo acce-
peris vestimentum, ante solis occasum reddes ei, ip-
sum enim solum est operimentum carnis suæ.

Exod. 22.

I Superbiæ suæ & malitiæ ieiunant, quibus dicitur:
Ecce ad lites & contentiones ieiunatis, & percutitis
pugno impiæ. Quibus etiam per. b. Iacobum dicitur.
Quod si zelum amarum habetis, & contentiones
sunt in cordibus vestris nolite gloriari & mendaces esse
se aduersus veritatem. Et post pauca subdit. Vbi enim
est zelus & contentio, ibi inconstantia & omne opus
prauum. Et quod peius est quàm verbis contendere, etiam
percutitis pugno impiæ. Tale ieiunium indixit Iesabel
sanctum Naboth falsis testibus oppressura.

Iacob. 3.

3. Reg. 21.
Ieiunium
prædicat
Iesabel.

Ieiunium
prædicat
Iesabel.
Ioan. 18.

Tale etiam erat ieiunium Scribarum & Phari-
sæorum & Pontificum interficientium Christum, qui
non introierunt in prætorium Pilati vt non contami-
narentur, sed manducarent Pascha. Sic nimirum quos-
dam ieiunare conspiciamus ad scelus & nefas, quales
erant

erant illi quadraginta Iudæi qui ieiunantes, dicebant: Act. 23.
 Deuotione deuouimus nos nihil gustaturos donec
 occidamus Paulum. Quosdam deniq; ob ieiuniorũ
 molestiam vsq; adeo cerebrofos & impatientes spe-
 ctamus, vt vel ad minimam quamlibet occasionem
 etiam furere putentur. Quibus omnibus frustra ieiunantibus dicitur.

Nolite ieiunare sicut vsq; ad hanc diem vt audia- K
Gene. 19.
 tur in excelso clamor vester. Clamor noster auditur,
 quando nos ante Deum operum nostrorum peruersi-
 tas accusat, sicut scriptum est. Clamor Zodomorum
 multiplicatus est, & peccatum eorum grauatum est
 nimis. Descendam & videbo vtrum clamorem qui
 venit ad me opere compleuerint. Frustra igitur ieiunantibus
 atterimur quandiu de nobis clamor auditur, vnde
 de sequitur.

Nunquid tale est ieiunium quod elegi
 per diem affligere hominem animã suam?
 Nunquid contorquere quasi circulum caput
 suum & saccum & cinerem sternere?
 Nunquid istud vocauit ieiunium & diem
 acceptabilem Domino?

Deus enim non quærit solam afflictionem nostram,
 nec capitis in modum circuli circumuolutionem,
 aut nunc huc, nunc illuc inclinationem, nec vilitatem
 cilicij & cineris, nec rursus vt quis sacco vestiatur.
 Circa tertium principale dicitur.

Nonne hoc est magis ieiunium quod
 elegi? Dissolue colligationes impietatis,
 solue fasciculos deprimentes. Dimitte eos
 qui contracti sunt liberos, & omne onus
 dirumpes. Frange esurienti panem tuum,

D & age

SABBATO POST

& ægenos vagoſq; induc in domum tuam.
 Quum videris nudum operi eũ, & carnem
 tuam ne despexeris.

Ieiunium
 Deo acce-
 ptum.

Hic ostenditur quale ieiunium Deo fit acceptum,
 quia nimirum illud quod pietas vera commendat,
 quæ in duobus illis præceptis conſiſtit quæ nobis per
 Prophetam commendantur, vbi ait: Declina à malo
 & fac bonum.

L
 Colliga-
 tiones im-
 pietatis.

Circa primum hic dicitur. Hoc eſt ieiunium quod
 elegi. Diſſolue colligationes impietatis. i. impieta-
 tem in te per diuturnam conſuetudinem colligatam,
 vel vetuſtum in te peccandi propoſitum. Societates
 proinde, & conſilia ad facinus aliquod prauum perſi-
 ciendum, colligationes impietatis rectè poſſunt intel-
 ligi. Fasciculi deprimentes, iniquitates vniuſcujuſq;
 ſunt, quæ ſupergreſſæ caput eius, ſicut onus graue gra-
 uatæ ſunt, vſq; aded, vt quaſi mola aſnaria peccatri-
 cem animã demergant in profundum. Poſſunt etiam
 horum fasciculorum deprimentium nomine angariæ
 iniquæ, & oppreſſiones intelligi, quibus humiles à po-
 tentioribus opprimuntur. Dimitte eos qui confracti
 ſunt liberos. i. eos qui in te peccauerunt, propter quod
 & proprio peccato confracti ſunt, liberos nec libera-
 ri videntur niſi offenſam donaueris. Illos proinde qui
 tibi debito ſunt aſtricti, ſed inopia, ſenio, morbo, vel
 alio quouis modo confracti fatiſfacere debito nõ ſuſ-
 ficiunt, hos dimitte propter Deum liberos, & debi-
 tum miſericorditer relaxando, omne illorum onus
 ſub quo procumbunt antè te, diſrumpe.

M
 Eleẽmoſy-
 na qualiter
 ſit faciẽda.

Circa ſecũdum dicit: Frange eſurienti panem tuũ.
 Quum dicit, frange, docet cautelam & diſcretionem
 in dante, & tollit excuſationem indigentia. Frange,
 inquit, panem non de rapina alienum, ſed tuũ. Et æge-
 nos vagoſq; induc in domum tuam. i. non modo no-
 tos, ſed etiam peregrinos & exteros à quibus nõ ſpe-
 res in hac vita conſequi pro impenſis bonis remunera-
 ratio

rationem. Et carnem tuam ne despexeris, id est, proximum in necessitate constitutum, tui similem recognosce, exemplo illius qui ait: Si despexi praterentem eò q̄ non haberet indumentum. Quum ergo videris inopem (inquit Chrysoft.) & dixeris iuuenis est & sanus, nihil agens vult cibari, hæc dicas ad teipsum, quoniam sanus existens pigritaris & nihil agis eorū quæ iniunxit Deus. Sed tamen nunq̄ dixit tibi, Quia pigritaris, non accendam tibi solem, quia nihil facis, extinguam tibi lunam, constringam tibi ventrem, flumina tibi & fontes prohibebo.

Iob. 31.

Chryst.

Nota.

Circa quartum principale dicitur.

Tunc erumpet quasi mane lumen tuum, & sanitas tua citius orietur. Et anteibit faciem tuam iustitia tua, & gloria Domini colliget te. Tunc inuocabis, & Dominus exaudiet, clamabis & dicet: ecce adsum quia misericors sum Dominus Deus tuus.

Hic describitur accepti Deo ieiunij & in hac & in futura vita fructificatio, hæc mixtim propheticus sermo profertur, dicēs: Tunc erumpet quasi mane lumen tuum, hoc est, postquã ieiunium tuum operibus pietatis ornaueris, tunc inquam erumpet quasi mane (.i. post multam peccati noctem adluentibus tibi radijs solis iustitiæ) lumen tuum. Et hæc est vna ieiunij utilitas quia videlicet intellectum illuminat.

Ieiunij fructus quintuplex.

Malach. 4.

Alia proinde utilitas est, quia videlicet rectificat & sanat affectum, vnde sequitur. Et sanitas tua. .i. a peccatis & vitijs quasi quibusdam letalibus animæ morbis, citius orietur. Quod innuens Propheta quū dixisset. Vobis timentibus nomen meum, orietur sol iustitiæ, mox securus adiunxit. Et sanitas in pennis eius.

Tertia utilitas hinc proueniens est famæ bonæ & gratiæ antè Deū & homines acquisitio, vnde subditur. Et anteibit faciem tuam iustitia tua, hoc est fa-

D 1 ma

SABBATO POST

- Philip. 2.** ma virtutis præcedet te, & lucebis alijs per exemplum quasi luminare in mundo, continens verbum Dei descriptum in operibus tuis. Præparabit etiam tibi hæc tua pietas viam qua pertingas ad propitium vsq; Deū, sicut per Salomonem dicitur. Donum hominis dilatat viam eius, & antè Principes spacium ei facit. Et vade rursus per alium Sapientem dicitur.
- Prover. 18.** Eleëmofyna viri quasi sacculus cum ipso, & gratiam hominis quasi pupillam conseruabit.
- Eccli. 17.**


Quarta vtilitas est, quia meretur colligi à morte in vitam, de qua ait: Et gloria Domini colliget te. Tum præsertim quum audies iudicem dicentem: Esuriui & dedisti mihi manducare, & cætera quæ sequuntur. Venite benedicti patris mei possidete paratum vobis regnum à constitutione mundi.

Quinta vtilitas est, quia in præsentis meretur orationis exauditionem quæ notatur quum dicitur. Tunc inuocabis & Dominus exaudiet. Siquidem beati misericordes quoniam ipsi misericordiam consequuntur.

Mat. 5.

Tob. 12. Bona enim est oratio (ait angelus Domini) cum ieiunio & eleëmofyna. Quomodo enim fieri posset vt non illi adesset Dominus, qui Domino in paupere sedulo studet adesse? Quia (inquit) ego misericors sum, ideo libenter exaudio misericordes.

SABBATO POST diem Cinerum.



Senim Domini loquutum est. Esaia. 58.

In hac lectione describitur fructus veræ cõuersionis ad Deum qui partim in præsentis vita, partim in futura percipitur. Quadruplicem autem describit cõuersionis in præsentis vita fructum. Primus est intellectus illuminatio. Secundus est reconciliatæ Deo mentis pacificatio, Tertius est

est iugis in opere Dei exercitatio. Quartus est in opere & sermone proximi ædificatio. Primus à principio lectionis. Secundus ibi. Et requiem dabit tibi Dominus. Tertius ibi. Et eris quasi hortus irriguus. Quartus ibi. Et ædificabuntur in te deserta sæculorū. Circa primum duo præmittit quæ ad veram cõuersionem sunt necessaria. Primum est vt cesses à malo. Secundum vt facias bonum. Circa primum dicit.

Si abstuleris de medio tui cathenā, & desieris digitum tuū extendere, & loqui quod non prodest.

Cathena hæc damnationis æternæ reatus est, qua vinctum peccatorem diabolus trahit ad inferos, hæc tot constat circulis seu nodis, quot criminum peccator reus est. Vnde per Salomonem dicitur. Iniquitates suæ capiunt impiū, & funibus peccatorū suorum vnusquisq; constringitur. In cuius rei typum, Nabuchodonosor rex Babylonis, Sedechiā regem Iuda cõprehendit, deinde filios eius occidit coram eo, & post oculos eius effodit, ac tandem vinctum cathenis adduxit in Babylonem, & in carcerem coniecit, Sedechias qui ob culpam perfidiæ & temeratum iurandum comprehensus atq; iudicatus est, peccatoris figuram gerit, qui præuaricata Christianismi professione, in operibus suis comprehensus Dei vindicis effugere iudicium non valet. Huius filij bona opera sua sunt per criminum malitiā mortificata. Cuius etiam intellectus, qui vtiq; oculorū animæ vicem gerit, peccadī assiduitate cæcatur, sicut scriptū est, Ex cæcauit eos malitia eorum. Vinctum proinde cathenis. i. perplexitate & consuetudine peccatorum, diabolus rex Babylonis. i. confusionis, ad carcerem gehennæ pertrahit. Hanc ergo cathenam de medio tui. i. è corde & conscientia tua auferre contende, vt & Babylonis carcerem euadere, & ad Deū verè cõuerti possis. Sequitur, & desieris digitum tuum extendere, hoc est volunta-

A
Peccata cathenam faciunt.
Prouer. 5.
4. Re. ult.

Figura.

SABBATO POST

tem propriam diuinam voluntati præferre, & operibus malis Deum prouocare. Et loqui quod non prodest q.d. Si cor tuum, linguam, & manum prohibueris à delicto.

Circa secundum quod ad perfectionem conuersionis requiritur, quod est facere bonum sequitur.

Quum effuderis esurienti animam tuam, & animam afflictam repleris.

Quod utique spectat ad opera pietatis, quæ à quibusdam solummodo voluntate, à quibusdam uero tam opere quam voluntate peraguntur. Effundis enim esurienti animam tuam per uiscerosam compassionem, animam uero afflictam repletis, per exhibitionem operis.

Affectum sequitur effectus. Iacob. 2.

Et bene post affectum subdit de effectu, ut non putet affectum sufficere, ubi facultas suppetit ad effectum. Unde b. Iacobus. Si frater, inquit, & soror nudi sint & indigeant victu quotidiano, non dederitis autem eis quæ necessaria sunt corpori, quid proderit? His igitur ad veram conuersionem necessarijs, prælibatis sequitur de primo fructu conuersionis.

Tunc orietur in tenebris lux tua, & tenebræ tuæ erunt sicut meridies.

Philip. 2. Tenebræ sicut meridies.

Hoc est, in nocte huius sæculi. In medio nationis prauæ & peruersæ, uita & doctrina sicut luminare à Deo accensum & illuminatum lucebis. Et tenebræ tuæ, id est, peccata tua, erunt sicut meridies, ut ubi abundauit delictum superabundet & gratia. Deus enim

Rom. 5. 3. Cor. 4.

qui de tenebris dixit lucem splendescere, ex tenebris ignorantie tuæ lumen ueræ cognitionis educet. Denique tunc in meridiana lucis fulgorem huiusmodi delictorum tenebræ conuertuntur, quando ex pristinis erroribus quispiam uerè conuersus, tanto humilior,

Meridies in tenebras uersatur.

feruētior in dilectione, & in opere constantior & circumspectior inuenitur, quo grauioribus antè criminibus fuerat irretitus. E conuerso, malorum meridies tenebra fit, quæ quo fuerat clarior cognitionis lumine

tanto

tanto obscurior efficitur iniquitate, quum videlicet in scientia scripturæ peritiores, moribus & vita tenebrosiores esse conspiciuntur. Vnde per Prophetā dictum est. Occidet sol in meridie, & tenebrescere faciam terram in die luminis. Et rursus per Prophetam alium dicitur. Occumbet sol super Prophetas & obtenebrabitur super eos dies.

Amos. 8.

Mich. 3.

Circa secundum dicitur.

Et requiem dabit tibi Dominus Deus tuus semper, & implebit splendoribus animam tuam, & ossa tua liberabit.

Hic ponitur secundus conuersionis fructus qui est reconciliatæ Deo mentis pacificatio. Nimirum post acceptam peccatorū remissionem, mox succedit requies & tranquillitas mentis. Sicut enim ira & indignatio, tribulatio & angustia in omnem animam hominis operantis malum, ita proculdubio, gloria, honor & pax, omni operati bonum. Rursus quomodo aqua assiduo pecorum transitu cœnosa & turbida lympha rursus efficitur si immota consistere permittatur, sic & hominis mens concupiscentiarum carnis & cæterorum vitiorum incurfione his exclusis, ad pacis & securitatis tranquillitatem reparatur. Vnde bene subiecit. Et implebit inquiriens splendoribus. i. consolationibus animam tuam, etiam si corpus squaloribus pro Dei causa, atteratur. Et ossa tua. i. fortitudinem tuam liberabit, videlicet ab ariditate & dissolutione acediae & tædij, sicut per Esaiā dicitur. Ossa tua quasi herba germinabunt. Vnde & Salomon ait. Animus gaudens ætatem floridam facit, spiritus tristis exiccat ossa. Liberantur autem ossa. i. spirituales animæ vires, quando pinguescunt. Vnde & translatio. 70. habet. Et ossa tua pinguescent, quod nimirum fit per pactum verbi Dei, sicut in Ezech. scriptum est. Ossa arida, audite verbum Domini.

D
Mentis pacificatio.
Rom. 2.

Simile.

Esa. vlt.
Prouer. 17.

Ezech. 37.

Circa tertum dicitur.

D A Et eris

SABBATO POST

Et eris quasi hortus irriguus & sicut fons
aquarum cuius non deficient aquæ.

E

1. Reg. 1.

Hic ponitur tertius veræ cōuersionis fructus, qui est iugis in opere bono fructificatio. Et eris (inquit) quasi hortus irriguus. Multum sanè interest inter mōtes Gelboe, & hortum irriguum. Super illos enim nec ros nec pluuia descendit, sed alios in circuitu uisitans Dominus istos præterit derelictos. Qui nimium vanos, & superbos sæculi amatores significant. Alti sunt enim per superbiam & arrogantiam. Lapidosi per cordis duritiam. Aridi, per gratiæ diuinæ carentiam, steriles per accidiam, utpotè ab omni opere bono vacantes.

Hortus autem irriguus sterilis nō est, sed fructum suum dat in tempore suo, semper ut flores habens, vel saltem radices viuas atq; fœcundas, vel germen, vel frondes, vel fructus, vel semina, ut in eo delectetur qui possidet & colit eum. Hortus enim vel flore, vel fructu, vel odore placet. Viua radix, fides sana, frondes virore delectabiles, verba rectæ confessionis & sanctæ ædificationis sunt. Flos, voluntas bona. Opus bonum, fructus est. Odor autem hinc diffusus, bonæ opinionis est fama. Porro semen ipsum quod in futurum reponitur, futuri nimirum spes præmiij est. Vnde ipse Dominus ait: Merces vestra copiosa est in cœlis. Et rursus Apostolus, Reposita est mihi (inquit) corona iustitiæ, quam reddet mihi Dominus in die illa.

Mat. 5.

2. Timo. 4.

F

1. Iere. 2.

Eris proinde sicut fons aquarum cuius non deficient aquæ, nequaquã ut cisterna dissipata quæ aquas cōtinere nō valet, qualis est anima illa quæ spem suã in his rebus constituit quæ illi prodesse non possunt. Quomodo verò possent illius fontis aquæ deficere, quæ illi iugiter ex abyssu diuinæ bonitatis subministrantur? Aquæ profectò illius fideles sunt, de cuius ventre fluunt aquæ viuæ, doctrinæ videlicet, consolationis

Esa. 33.

Ioan. 7.

tionis

tionis & consilij, non modo ad propriam, sed etiam ad irrigationem ceterorū. vt & ipse vocari iure potest fons hortorum, puteus aquarum viuentium quæ fluunt impetu de libano, id est, à celsitudine diuine bonitatis. Sed aduerte quod hortus cibum, fons potum ministrat. Iustus enim qui & hortus hic & fons appellatur, alios reficit fructu boni exempli, & potat eos poculo verbi Dei. Circa quartum dicitur.

Carat. 4.

Et ædificabuntur in te deserta sæculorum, fundamenta generationis & generationis suscitabis. Et vocaberis edificator septimum, auertens semitas iniquitatum.

Hic ponitur quartus veræ cōuersionis fructus, qui est, tam in opere, quā in sermone proximorum ædificatio. Et ædificabuntur (inquit) in te deserta sæculorum. Fundamenta generationis & generationis suscitabis, hoc est fundamenta Apostolorum & Prophetarum, id est, fidei & morum præcepta ab illis relicta, quæ apud ignauos & viciosos quodammodo deserta iacent, & à multis retroacti temporis annis quasi à sæculis iacuerūt derelicta, & neglecta, quia nec illorum præcepta, nec mores extulerunt, super illa vel sese vel alios ædificantes. Hæc (inquit) in te suscitabis, quia te & alios super fundamentū Apostolorum et Prophetarum, in fide & moribus construendo ædificabis. Suscitabis ergo quæ ad fidei & morum spectant integritatem, quæ à sæculi amatoribus deserta & quodammodo abolita sunt. Hoc modo per beatū Franciscum suscitata & renouata fuerunt exempla vitæ Christi et apostolorum eius. Sic nimirum & vsq; adhuc, virtutis amatores sanctorū patrum suorum exempla, probis moribus suscitare noscuntur.

G
Fundamē
ta derelicta
quæ sunt,

Proinde patriarcharum longanimitatis et spei exempla suscitant in Deo recte & perseveranter sperantes, Exempla charitatis Apostolorū suscitant seruen-

Sanctorū
exempla
qui susci
tant.

SABBATO POST

ter Christum & proximum amantes. Exempla prophetarum suscitant in lege Domini meditantes. Exempla martyrum suscitant in tribulatione patientes. Exempla confessorum suscitant iusti & abstinentes. Exempla sanctarum Christi virginum suscitant cœlibem vitam propter Deū sectantes. Et quia per huiusmodi probitatis exempla quasi fundamentorū suscitationem, vicijs libertas præcluditur, & ne liceat animæ peccatrici ea quæ male amat prosequi, quasi sepes opponitur, iuxta quod per Osee Deus ait. Ecce ego sepiam viam tuam spinis, ideo sequitur. Et vocaberis ædificator sepium, auertens semitas iniquitatū. Siquidem honorum exempla atque præcepta, quasi sepes sunt, semitas iniquitatū (vias vtiq; inconcessas) auertentes, & inordinate vagantibus eas præcludentes. His sepibus dissipatis animæ possessio diripitur. Sed qui frangit sepe, mordebit eum coluber. Ad hæc autem requiritur sabbatismus quidā spiritualis, vt ab operibus peruersis (quæ maxime seruilis sunt) penitus abstinetur, non solum in opere, sed etiam in voluntate, ideo subdit.

Osee. 2.

H

Eccli. 36.

Eccli. 10.

Si auerteris à sabbato pedem tuum, facere voluntatē tuam in die sancto meo, & vocaueris sabbatum delicatū, & sanctum Domini gloriosum, & glorificaueris eum dum non facis vias tuas, & non inuenitur voluntas tua vt loquaris sermonem, tunc delectaberis super Domino.

I

Sabbatū
spirituale.

Hoc est. Si auerteris à violatione interioris pacis animæ tuæ cum Deo, pedem tuum. i. affectum & voluntatem tuam, vt non per illicita desideria vageris, et vocaueris illud (hoc est, illam interioris hominis tui cum Deo pacem) sabbatum delicatum, ita q̄ nullam malitiæ aut peccati molestiam aut amaritudinem admittat,

mittat, et auerteris facere, id est, vitaueris facere voluntatem tuam in die sancto meo, et hoc modo glorificaueris Deum, dum non facis vias tuas, & non inuenitur voluntas tua vt loquaris sermonem. Vbi vias hominis concupiscentias ipsius appellat, videlicet concupiscentiam carnalium voluptatum, diuitiarum, & huius seculi pomparum. Sequitur. Tunc delectaberis super Domino, dignus vt in Domino, & de Domino per spem sanctam lateris, & hoc etiam in vita presentis. Porro quoad fructum qui ex vera conuersione ad Deum in futuro promittitur, subdit dicens.

Et sustollam te super altitudinem terræ & cibabo te hæreditate Iacob patris tui os enim Domini loquutum est.

Sustollam te, inquit, super altitudinem terræ, hoc est, de terrenis pressuris & malis sustollā te per spem & contemplationem super omne terrenum, in cœlestia et æterna, sicut Moysi morituro præcepit vt ascenderet in montem, promissam hæreditatem inde contemplaturus. Et cibabo te, videlicet post hanc mortalem vitam, hæreditate Iacob patris tui. Iacob duodecim filiorum pater, à quibus Dei populus disseminatus est, Christum Dominum aperte figurat, à quo populus electorū & nomen & gratiam habet qui æternam possidebit hæreditatem, quam idem pater tuus Christus sponsus ecclesiæ matris tuæ, pro te certando cum principe tenebrarum sua morte quæsiuit. Et ne tibi super hoc subeat dubitatio, promissionem hanc os Domini loquutum est.

Feria secunda post Inuocauit.

HÆc dicit Dominus Deus. Ecce ego ipse requiram oues meas. Ezech. 34.

In hac lectione promittit Dñs circa oues suas. i. fideles & electos suos se tria facturū, quæ in plenitudine temporis homo factus, per semetipsum

K

Deut. 32.

Iacob
Christi ty
pum gela
fit.

Gene. 35.

SABBATO POST

sum fideliter adimpleuit, Primo enim promittit se oves suas congregaturum. Secundo promittit se eas curaturum. Tertio se illas pastu conuenientissimo re-
fecturum. Primum facit à principio lectionis. Secun-
dum ibi. Quod contractū fuerat alligabo. Tertium
ibi. In riuis & in cunctis. Verum vt hic dicendorum
ordo seruaretur, non potuit ordo literæ seruari.

A Circa primum aduerte q̄ sicut in Euangelio Io-
ann. 11. annis scriptum legimus, Iesus moriturus erat pro gen-
te, & vt filios Dei qui erant dispersi congregaret in
vnum. Vnde & ipse ait. Qui non est mecum contra
me est, & qui non colligit mecum dispergit. Et iterū.
Et alias oves habeo (inquit) quæ non sunt ex hoc oui-
li, & illas oportet me adducere, & vocem meam au-
dient, & fiet vnum ouile, & vnus pastor. vnde & in
præsenti lectione dicit.

Ecce ego ipse requiram oves meas & vi-
sitabo eas sicut visitat pastor gregem suū,
in die quando fuerit in medio ouium suarū
dissipatarum. Sic visitabo oves meas, & li-
berabo eas de omnibus locis in quibus dis-
persæ fuerant in die nubis & caliginis. Et
educam eas de populis, & congregabo eas
de terris, & inducam eas in terram suam.

**Oves vt re-
quit.** Vbi promittit primum se oves suas requisiturum,
quum dicit. Ecce ego ipse requirā oves meas. Nam
Iere. 50. vt per aliū Prophetam ait. Grex perditus factus est
populus meus, pastores seduxerunt eos. Et rursum ad
pastores. Lac comedebatis (inquit) & lanis operieba-
Ezech. 34. mini, & quod crassum erat occidebatis, gregem au-
tem meum non pascebatis. Quod infirmum fuit non
consolidastis, & quod ægrotum non sanastis, quod
contractum erat non alligastis, & quod abiectum nō
reduxistis, & quod perierat nō quæstistis, Sed cum au-
steris

steritate imperabatis eis & cum potentia. Et dispersæ sunt oves meæ eo quod non esset pastor, & factæ sunt in deuorationem omnium bestiarum agri. Ideo (inquit) ego ipse requiram oves meas. Illud autem requiritur quod vel aberrauerat, vel perierat, quod tamen suo possessori preciosum est. Vnde Propheta. Errauit inquit sicut ouis quæ perijt, quære seruum tuum. Ouis autem vocabulo electorum hominum in peccatis errantium ignorantiam & insipientiam expressit. Has ergo, inquit, oves meas ipse requirã, eas ad me ab erroribus suis reuocando.

Secundo promittit se eas visiturum quum dicit. Et visitabo eas sicut visitat pastor gregem suum in die quando fuerit in medio ouium suarum dissipatarum. Visitat autem eas consolationem à tribulatione, & refrigerium ab afflictione tribuendo. Sic, inquit, visitabo oves meas. Consolando in miseria, dirigendo in via, corrigendo in virga, portando in patientia. Visitatio tua (inquit sanctus) custodiuit spiritum meum. Quod perierat per Dei ignorantiam, vel per hæreticorum persuasionem fraudulentam, requiram, & quod abiectum fuerat à pastoribus per contemptum et quasi iam deploratum, ego ad viam salutis reducam. Et quod contractum erat per peccatorum assiduitatem, hoc alligabo per penitentiam medicinam, ne per insolentiam rursus in peccata prolabatur.

Tertio promittit se eas liberaturum quum dicit. Et liberabo eas de omnibus locis in quibus dispersæ fuerant in die nubis et caliginis, id est, in tempore idolatriæ & gentilitatis, vel si ad eos qui iam christianismum professi sunt referre malueris, per diem nubis & caliginis, tempus illud accipere potes, quo in peccatis & obæcatione mentis perditæ viuunt.

Quarto promittit se oves suas educturum dicens. Et educam eas de populis, in erroribus et peccato remanentibus et pereuntibus, quomodo per angelos è Sodoma peritura Loth educens liberauit, Et quidem hæc

B
Oves suas
vt visitat.

Job. 10.

Oves suas
vt liberat.

Oves suas
vt educit.

FERIA SECUNDA

hæc omnia ad ouium suarum congregationem perti-
nere noscuntur de qua subdit.

Et congregabo eas de terris, & inducam
eas in terram suam.

C Congregabo, inquit, eas de terris, hoc est de rerum
Ouium terrenarum laqueis & illecebris quasi è vinculis &
Christi cõ misera seruitute quam passi sunt in terra hostili. Et in-
gregatio. ducam eas in terram suam, vt quasi postliminio reuer-
si, fidei gratiam in præsentis, & post regni gloriã quasi
suæ patriæ terram perenniter beateq; possideant. Con-
gregat autem Dominus ipse pastor bonus oves suas
in vnam fidem, in vnam ecclesiam, in vnam gratiam,
in vnam spem, in vnam fraternitatem, & tandem in
vnam gloriam.

Circa secundum dicit.

Quod contractũ fuerat alligabo & quod
infirmum fuerat consolidabo.

D Hic promittit se oves suas curaturum. Fit autem
curatio contractis & infirmis. De contractis dicit.
Oves con- Quod contractum fuerat alligabo. Oves contractæ
tractæ. pusillanimes & desperantes sunt, in quibus animæ for-
titudo, id est, spes ipsa defecit. De infirmis vero dicit.
Oves infir- Quod infirmũ fuerat consolidabo. Oves infirmæ vi-
mæ. ciorum morbo laborantes, inualidos & inconstantes
in bono significant. Venit itaq; Dei filius pastor ve-
rus, pastor benignus & bonus, vt afferat ouibus suis
Luc. 10 ægrotis medelam. Alligauit quippe vulnera dispo-
1. Pet. 2. liati, & semiuiui relictĩ, & impostum iumento (dum
peccata nostra pertulit in corpore suo super lignum)
introduxit in ecclesiæ suæ stabulum, vbi fideles quasi
animalia mansueta reficiuntur, & curam illius egit, &
Mat. 9. agere non desinit. Medicus si quidem ipse est male ha-
bentibus oportunus.

Circa tertium dicit.

Et pa

Et pascam eas in montibus Israel, in rivis & in cunctis sedibus terræ. In pascuis vberimis pascā eas. Ibi requiescent in herbis virentibus, & in pascuis pinguibus pascuntur super montes Israel.

Hic promittit oves suas pastu convenientissimo se refecturum. Vbi aduertendum est haec refectionem fieri partim in via, partim in patria. In via siquidē huius vitæ multipliciter reficit Deus & pascit oves suas. Primo in lachrymis compunctionis & affectionis piæ, quasi in rivis. Secundo in herbis virentibus. i. in desiderijs pijs sancto feruore & indefessa charitate, quasi virore perpetuo vernantibus.

Tertio in pascuis vberimis euangelicæ legis & scripturæ diuinæ, & sanctorum ecclesiæ sacramentorum. Quæ utiq; vberima esse pascua recte dicuntur. Nam sicut legislator Dei filio maior aut melior esse nullus potest, sic nec melior lex aut sacramenta meliora q̄ ea quæ ipse dedit, esse vllatenus possunt. Quarto dum se dicit oves suas pasturum super montes Israel, refectionē illam designat quam illis daturus est in vita beata. Hæc est cœna illa de qua ipse in parabola loquens ait. Homo quidam fecit cœnam magnā & vocauit multos. Et misit seruum suum hora cœnæ dicere inuitatis vt venirēt, quia parata sunt omnia. Et vtique beatus qui manducabit panem in regno Dei.

Pascua
vberima;

Luc. 14;

Ibidem.

Feria tertia post Inuocauit.

IN diebus illis loquutus est Esaias dicens. Quærite Dñm dum inueniri potest, inuocate eū dum prope est. Esaiæ. 55.

In hac lectione propheta. Primo ponit sanctā exhortationē, Secūdo hui⁹ exhortatiōis rationē. Tertio eiusdem

FERIA TERTIA

iusdem rationis per exemplū confirmationem. Primum à principio lectionis. Secundum ibi. Et reuertatur ad Dominū & miserebitur eius. Tertium ibi. Et quomodo descendit imber & nix.

Circa primum dicit. Quærite Dominum dum inueniri potest. Præmiserat in principio capituli dicens: Omnes sitientes venite ad aquas, & qui non habetis argentum properate, emite, & comedite. Venite emite absq; argento, & absq; vlla commutatione vinum & lac. q. d. Quicumq; per sancta desideria salutem sititis, & si honorum operum merita non habetis, gratis è fronte diuinæ pietatis salutem accipite, accipite inquam lac innocentia per iustificationem à peccato, et vinum lætitiæ spiritualis, propter spem vobis repositam in cælo. Et post pauca sequitur. Quærite Dominum. Vbi Primo nos monet Dominum quærere. Secundo Dominū inuocare. Tertio modum indicans quo quærendus est Dominus iubet impiū viam suam derelinquere. Secundum ibi. Inuocate eum. Tertium ibi. Derelinquat impius.

Emere absque vlla commutatione.

B
Qualiter quæras.

Mich. 6.

Iob. 40

Amos. 5.

Simile.

Tre. 1.

Iōan. 6.

Circa primū dicit. Quærite Dominū, id est, legē & mandata eius, beneplacitū eius, gratiā et misericordiā eius. Quærite inquā Dñm, quomodo aquas ille quærit in cuius domo grassatur incendium, vt illud extinguat. Nam vt Micheas ait, adhuc ignis in domo impij, quem incendiarius fraudulentus, hostis antiquus, suggestionē suā quasi flatu, excitat in flammās. Scriptum nanq; est de eo. Alitus eius prunas ardere facit.

Itaq; (vt ait Amos propheta) quærite Dominum & viuite, ne forte comburatur vt ignis domus Ioseph, id est, conscientia cuiuslibet per virtutem augescere cupientis.

Rursus, quærite Dominum, quemadmodum ille panem quærit quem vrget fames, vnde scriptum est. Omnis populus eius gemens & quærens panem. Ipse enim est panis viuus qui de cælo descendit, qui nisi cor hominis viatoris confirmet, vtique deficiet in

via,

via, quæ illi adhuc multa superest, sicut per angelum ad Heliã dicitur. Surge comede grandis enim tibi restat via. 3, Reg. 19

Deniq; quærite Dominum, quemadmodum ille vitam quærit, qui propinqua morte terretur. Vnde scriptum est. Si quis nõ quæserit Dominũ Deum Israel moriatur à maximo vsq; ad minimum, à viro vsque ad mulierem. Si is qui reclusus in carcere ad mortem seruetur per fenestram licet arctam si quo modo potest se vitamq; suã saluare cõtendit, quid ni respiceant peccatores à diaboli laqueis à quo captiui tenentur ad ipsius voluntatem, & quærant Dominum qui est omnium se quærentium salus & vita?

Sed quærite Dominum, inquit, dum inueniri potest, habetis enim iam legem, & prophetas qui vos si doceri vultis doceant qualiter hunc possitis inuenire. Ipse enim ad quosdam ait. Quæretis me & non inuenietis. Iuravit angelus (in Apocalip.) per viuentẽ in sæcula sæculorum, quia tempus amplius non erit, scilicet, aptum ad quærendum & inueniendum Dominum. Non enim post iudicium patet precum aut meritorum locus.

Secundo nos monet Dominum inuocare dicens. Inuocate eũ dum prope est. Modo nobis prope imò proximus est. Quis enim videtur tibi fuisse proximus illi qui incidit in latrones? Nonne is qui fecit misericordiam cum illo? Hic est ille benignus Samaritanus qui super nos dispoliatos & vulneratos, & semiuuos relictos misericordia motus, per nostræ carnis susceptionẽ eadem qua & nos via mortalis vitæ ambulans, mira dignatione nobis appropians alligauit vulnera nostra infundens miserationis oleum, & vinum consolationis. Deniq; prope est Dominus omnibus inuocantibus eũ, omnibus inuocantibus eum in veritate. Quoniam vero per peccatum homo se à Deo elongat, deferens patrem, & abiens in regionem longinquam, ideo vt tibi Deus prope sit, audi quid facias,

E cias,

C
Simile.
2, Para. 15

2, Tim. 26

Quando
quæras.

Ioan. 7
Apo. 10

D
Inuocare
dum prope
est.
Luc. 10

FERIA TERTIA

estas, audi modum quo Dominum quæras quod est
tertium, Sequitur etiam.

**Derelinquat impius viam suam, & vir
iniquus cogitationes suas.**

E Quia præmiserat inuocandum esse Dominum in
auxilium dum prope est. i. paratus misereri, peccator
autem in malitia perseverans exaudiri non meretur,
iuxta quod hic idem Propheta ex persona Domini
loquens ait. Quum extenderitis manus vestras aue-
tam oculos meos a vobis, & quum multiplicaueritis
orationem, nō exaudiam, manus enim vestræ sangui-
ne plene sunt. Ideo vt efficax sit oratio, derelinquat im-
pius viam suam. i. opera sua mala quæ sunt via ad per-
ditionem. Et quia non sufficit opera mala relinquere,
superstite mala voluntate, ideo & hanc nos docens
cogitatio-
nes nutri-
enda.

Esa. i. corrigere subdit. Et vir iniquus cogitationes suas.
Vbi est aduertendum quorundam cogitationes esse
sanctas & virtuosas, eorum, scilicet, qui proposuerunt
Deum ante conspectum suum de quibus dictum est.
Sap. 5. Cogitatio eorum apud altissimum. Huiuscemodi cog-
itationes derelinquendæ non sunt, sed nutriendæ per
verbum Dei, & studiose conseruandæ.

F Porro cogitationes quas derelinquere iubemur
multiplices sunt. Quædã enim sunt cogitationes ociosæ
Cogitatio-
nes abjci-
enda.

Eccli. 17. & sanguis? Quædam sunt fraudulentæ & dolosæ, vt
decipiant pauperem & inopem. Vnde per Psal. dici-
tur. Iniquitatem meditatus est in cubili suo. Quædam
sunt cogitationes malitiosæ, quales sunt quas vel inui-
dia suggerit, vel furens ira ministrat. Quædam sunt
cogitationes diffidentis seu perfidis, videlicet in fide
dubitantium, vel deficientium a spe. Denique quædã
sunt cogitationes blasphemis in Deum, vel in san-
ctos, de quibus omnibus per Psal. Dominus querit-
Iere. 4. tur dicens; Usquequo morabuntur in te cogitationes
noxis.

noxia. Moram accusat, non earum sensum, nam sola mora in culpa est. Non enim in potestate nostra est cogitationes malas non sentire, consentire vero illis vel dissentire, libere voluntatis nostrae est. Quemadmodum (verbi gratia) efficere quidem potes ne aues super domum tuam nidum comportent, ne autem praeteruolent, vel ad horam illic resideant, efficere non potes. Circa secundum dicitur.

Et reuertatur ad Dominum & miserebitur eius, & ad Deum nostrum, quoniam multus est ad ignoscendum. Non enim cogitationes meae, cogitationes vestrae, neque viae meae, viae vestrae dicit Dominus. Quia sicut exaltantur caeli à terra, sic exaltatae sunt viae meae à viis vestris, & cogitationes meae à cogitationibus vestris.

Hic ponit dictae exhortationis rationem. Ideo enim nunc quaerere debet peccator & inuocare Dominum, & à peccatis cessare & reuerti ad ipsum, quia ipse miserebitur, peccata dimittendo. Et hoc confirmat quum subiungit. Non enim cogitationes meae cogitationes vestrae. Dominus enim pronus est ad condonandum, homo autem ad vlciscendum, Vnde ipse per Hieremiam loquitur dicens: Ego cogito cogitationes pacis, & non afflictionis. Neque viae meae viae vestrae dicit Dominus. Quales sint viae nostrae, superius dictum est. Porro de viis Domini dicit Prophetata. Vniuersi viae Domini misericordia & veritas. Et alibi. Viae eius viae pulchrae, & omnes semitae illius pacificae. Sed peccatorum viae tenebrae & lubricum, crudelitas, saeuitia, dolus, insidia, fraudes. Sequitur. Quoniam sicut exaltantur caeli à terra, sic exaltatae sunt cogitationes meae à cogitationibus vestris, & viae meae à viis vestris, hoc est, quantum distat caelum à

E a terra,

Simile,

G

Iere. 29.

Viae Domini
quales.

Pro. 3.

FERIA TERTIA

terra, tantum interest, imò amplius in immensum, *ter*
ter cogitationes Dei & cogitationes hominũ, etiam
etsi forsã hec bonæ sint. Et hæc quidem de se Domi-
nus affirmare dignatur, ne multorum sibi criminum
conscijs homo modicæ fidei, desperet.

Circa tertium dicit,

Et quomodo descendit imber & nix de
cœlo & illuc vltra non reuertitur, sed inebriat
terram & infundit eam, & germinare
eam facit, & dat semen ferenti, & panem co-
medenti, sic erit verbum meum quod egre-
dietur de ore meo. Non reuertetur ad me
vacuum, sed faciet quæcunq; volui, & pro-
sperabitur in his ad quæ misi illud,

Hic ponit per exemplum seu similitudinem, præ-
dictæ rationis confirmationē. Quomodo, inquit, im-
ber & nix desuper in terram cadens hanc inebriat, in-
fundit & germinare facit, sic etiam pollicitatio mea
qua pœnitentibus promitto veniam fortietur esse-
ctum. Et quia dicit verbum suum ad modum im-
brium & niuis humanã irrigare & fecundare mens-
tem, aduertendũ est, q̄ verbũ Dei animã fidelem inebriat
per gratiã, vt temporalium vanitatum obliuiscatur,
Infundit insuper eam scientia et dulcedine diuinę con-
solationis. Et germinare eam facit, voluntate bona et
honorum initionis operum. Et dat semen prædicationis
ferenti, id est, prædicanti. Et panem, id est, fidei & ope-
rum nutrimentum comedenti, quo ipse pascatur.

Verbum
Dei quid
operetur.

Christus
vt imber
venit in
mundum.

Possunt autem hæc & de æterno & patri consub-
stantiali verbo Dei (quod est ipse Dei filius) dicta in-
telligi, qui & ipse ad modum cœlestis irrigui in mun-
dum à patre missus, sterilem prius terram (i. homines
terrenos) & à honorum fructibus operum steriles, cœ-
lestis doctrinæ verbis irrigauit, & donis suæ gratiæ
insu-

infusus, in sanctitate & iustitia fecit germinare. Nec reuersus est ad patrē vacuus, sed principis huius mundi victor, reconciliata per mortem suam Deo natura generis humani, opimis spolijs victor in altum conscendens, captiuam secum duxit captiuitatem. Fecit proinde quæcunq; voluit pater sicut ipse ait. Qui me misit mecum est, & non reliquit me solum, quia ego quæ placita sunt ei facio semper. Et iterum. Descendi de cælo non vt faciam voluntatem meam, sed voluntatem eius qui misit me. Et prosperabitur, inquit, in his ad quæ misi illud, sicut prædixerat Esa. Si posuerit, inquit, pro peccato animam suam, videbit semen longæuū, et volūtas Domini in manu eius dirigetur.

Dei filius
nō vacuus
rediit.
Ephe. 4.

Ioan. 8.

Ioan. 6.

Esa. 51.

FERIA QVARTA

post Inuocauit.

SUrge comede grandis enim tibi restat via. 3. Reg. 19.

In hac lectione describitur. Primo a facie Iesabelis Helix in desertum secessio. Secundo in desertum secedentis obdormitio. Tertio dormientis repetita per angelum visitatio. Primum a principio lectionis. Secundum ibi. Proiecit se & obdormiuit. Tertium ibi. Et ecce angelus Domini. Circa primum dicitur.

Venit Helias in Bersabeæ Iuda, & dimisit ibi puerum suum, & perrexit in desertum viam vnus diei.

Quum enim interfecisset prophetas Baal & facer-
dotes Lucorum qui nutriebantur de mensa Iesabe-
lis, & illa rescisset omnia quæ fecerat, misit nuntium
ad eum dicens: Hæc mihi faciāt dñi & hæc addant, nisi
hac hora cras posuero animam tuam sicut animam
vnus ex illis, Timuit ergo Helias, & surgens abiit

A
3. Reg. 18.
Heliam Ie-
sabel ter-
ruit.

E 3 quo

FERIA QVARTA

quocunque eum fatebat voluntas, venitq; in Bersabea Iuda. Fugit à facie mulieris qui regē non timens (tametsi sacrilegus esset & impius) hunc liberius increpauerat. Sequitur.

Quumq; venisset & sederet subter vnam iuniperū, petiuit animæ suæ vt moreretur, vitā perosus tot malis obnoxiam. Et ait. Sufficit mihi Domine. s. hæc tēnus vixisse. Neq; enim melior sum q̄ patres mei, qui mortui sunt. Tolle quæso animam meam.

Iesabel
moraliter.

Vbi moraliter per Iesabelem, quæ Dei prophetas persequens occidebat carnis concupiscentiam accipimus. Interpretatur enim Iesabel, fluxus sterquilini. Hæc melioris vitæ propositū & meditationes ac desideria sancta (quasi Dei prophetas ad nos missos) extinguit, & voluptatibus necat. Hanc fugiat Helias. i. fidelis quisq; virtutis ac diuini honoris amator, relictoq; huius sæculi sectatorum contubernio, fugiens eius quæ in mundo est concupiscentiæ corruptionem, interiores curas, quasi desertum quoddam ingredietur, proiciatq; se meditatione sancta subter lignū crucis, quod bene per arborem iuniperum designatur. Si quidem spinosa iuniperus & aspera est, fructum ferens medicatum, cuius etiam folia multo tempore ignem seruare dicuntur.

2. Pet. 2.

B
Iuniperus
crux Christi
est.

Esa. 53.

Porrò Christi cruce quid penalitate acerbius? quid asperius? quid horridius? Rursus, quid illo fructu quem arbor ista portauit. i. Christo passo & crucifixo egris cōscientiis salubre magis ac medicatius? Ipse enim (vt ait Propheta) vulneratus est propter peccata nostra attritus est propter scelera nostra, cuius liuore sanati sumus. Deniq; quid efficacius seruanda in cordibus credentium diuinæ charitatis igne, q̄ Dei & Domini nostri propter nos crucifixi vel verba quæ loquutus est, vel ea quæ pro nobis in carne gessit opera? Fugiamus itaque hanc Iesabelem vt ad crucis fructum pertingere possimus. Non enim potest conuenientius carnis cōcupiscentia superari, q̄ per fugam.

fugam. Cæteris vitis resistendum est, & quasi confer-
 ta manu repugnandū. Fornicationē vero docet Pau-
 lus fugiendā. Fugite inquit fornicationem. Dimisit
 Helias puerum suum, & nos insipientiam (quæ quass
 quædam mala pueritia est) & cogitationes pueriles et
 leues derelinquamus, sicut fecit Apostolus, qui de se
 metipso loquēs ait. Quum essem paruulus loquebar
 vt paruulus, sapiebam vt paruulus, cogitabā vt par-
 uulus. Quando autem factus sum vir, euacuaui quæ
 erant paruuli. Pergat ergo fidelis Christi seruus qui
 concupiscentiarum carnalium imperio subesse dedi-
 gnatur, in desertum, fugiat huius sæculi tumultus, &
 (vt supra dictum est) sanctam animi solitudinem re-
 quirat. Circa secundum dicitur.

Proiecitq; se & obdormiuit in vmbra iu-
 niperi.

Hic ponitur Helix in desertum secedentis obdor-
 mitio. Proiecit sese Propheta in terram, vitam hanc
 perosus (vt dictū est) proiecit se a se in Deum, vitam
 mortemq; suam illius arbitrio derelinquens. Sic nimi-
 rum & fidelis anima carnis voluptates & sæculi hu-
 ius fugiens illecebras, cruci Domini sui substrata, &
 illic tota spe sua quasi anchora firmiter hærens, obdor-
 miat secura, domum patris sui, id est, sæculum hoc, &
 populum suum .i. consortia hominum mundanorum,
 crucifixi Domini amore, obliuioni tradēs. Petat pro-
 inde sibi mortem desiderabilem & vitæ carnali pror-
 sus anteferendam, qua vitis moriatur. De qua morte
 per Apostolum quibusdā dicitur. Mortui enim estis:
 & vita vestra abscondita est cum Christo in Deo. Et
 vnde rursus ait. Existimate vos mortuos esse pecca-
 to: viuentes autem Deo.

Circa tertium dicitur.

Et ecce angelus Domini tetigit eum,
 dixitque illi. Surge comede. Et respexit.

E 4 Et

1. Cor. 6.

1. Cor. 13.

Somnus
 salubris.

Mors spū
 ritualis &
 optanda.
 Col. 3.

Rom. 6.

FERIA QVARTA

Et ecce ad caput suum subcinericius panis,
& vas aquæ. Comedit ergo & bibit & rursum
obdormiuit.

D Hic ponitur Helix dormientis per angelum visita-
tio. Porrò litera plana est. Quod autem hinc ad in-
tellectum moralem attinet, consideremus. Et ecce, in-
quit, angelus Domini, id est, instinctus diuinus et gra-
tia cœlestis immissa pulsat torpentem, monens vt sur-
gat à torpore mentis & in ea quæ priora sunt exten-
dens sese: de virtute in virtutem progrediatur. Surge
comede inquit. Quo nimirum datur intelligi eos qui
in vmbra crucis obdormiuit (vt dictum est) ab ange-
lis sanctis visitari: moneriq; quatenus pœnitentiæ cru-
cem assumentes sese crucifixo conforment, quæ pœni-
tentia recte per panem subcinericium et aquam signi-
ficatur. Cinerem, inquit, tanquam panem manduca-
bam, & potum meum cum fletu miscebam. Siquidẽ
subcinericius panis memoria mortis est, in qua se-
metipsum cognoscens homo à superbia liberatur, &
contra dissolutionẽ acediæ non mediocriter resectus,
ad bene operandum corroboratur. Incutit enim re-
cordatio mortis timorem, timor sollicitum reddit, so-
licitudo autẽ depellit torporem, sicut ait Apostolus,
Solitudine non pigri.

Subcineri-
cius panis
mystice.

Rom. 12.

E Porrò vas aquæ, vel cõpuncti cordis lachrymas,
vel sapientiæ salutaris aquam, id est, doctrinam salu-
tis, vel propositam gratiã Dei, potes accipere. Sequi-
tur. Comedit & bibit et rursus obdormiuit. Sic plæ-
riq; peccatorum suorum cum amaritudine cordis re-
cordantur, & intuentur cum spe veniẽ gratiã & mise-
ricordiam Dei, qui tamẽ post in peccata pristina vel
in torporem acediæ relabuntur. Sed angelus magni
cõsiliij rursus suscitatur dormientes. Ait enim. Ego sto
ad ostium & pulso. Sequitur.

Vas aquæ
mystice.

Apo. 3.

Reuersusque est angelus Domini secun-
do, &c

do, & tetigit eum dixitque illi. Surge comede grandis enim tibi restat via. Qui quū surrexisset comedit & bibit, & ambulavit in fortitudine cibi illius quadraginta diebus & quadraginta noctibus vsq; ad montem Dei Oreb.

Iterata reuersio montis angeli, quid aliud significat q̄ cœlestis alloquutionis instinctum ad ulterioꝝ profectum spiritualem semper adhortantem & Grandis enim (inquit) tibi restat via, à terra videlicet ad cœlum quæ & eo tibi maior est, quo pluribus peccatis plures retrorsum diætas abieris. Quum ergo tam multa cōmiseris scelera, vt ab hac denuò redeas retrocessione, grandis profectò tibi restat via, ad eò vt huic viæ perficiundæ vix sufficiant dies sæculi. Quid igitur in hac temporis breuitate & sub tanti operis instantia dormitas? Quin (sicut ad Ionam in periculo naufragij, dormitantem dictum fuit) surge & inuoca Deum tuum. Insensatus enim esse videtur quisquis vel in agone supremo decertans, vel in summo periculo constitutus, vel sub opere omnium maximo, dormitat ignauus. Sanè nemo torpens aut somniculosus regnū Dei (quod violenti rapiunt) assequitur.

Et ambulavit in fortitudine cibi illius quadraginta diebus, nullum prorsus sub his diebus cibum sumens. Quo profectò nobis quadragesimalis obseruatio ieiunij commendatur, vt qui ad montem cœlestis & æterni regni visuri Deum peruenire cupimus, poenitentiam agentes & ieiunantes, illuc indefesso conamine proficiscamur.

Exemplum proinde Moyssi quadragesimam similiter in monte ieiunantis vt Dei legem mereretur accipere in alia (quæ etiam Euangelio prælegitur) lectione nobis hodie simili ratione proponitur, vt per hoc aduertamus lucernam cœlestis verbi in hac no-

F

Grādis est
quæ restat
via.

Ionæ.

G

Helix qua
dragesima

Moyssi qua
dragesimal

Exod. 24.

E s tra

FERIA QUINTA

Diebus &
noctibus
ambulare
quid.

stra peregrinatione & huius seculi nocte, nequaquam nos nisi ieiunando promereri. Quod autem Helias non modo diebus quadraginta sed etiam quadraginta noctibus ambulasse perhibetur, illud nobis significat quatenus toto mortalis vite huius tempore (quod & in aduersis & in prosperis rebus quasi noctibus & diebus peragitur) ad celestem (quo vocati sumus) gloriam indefesso animi studio contendamus.

H Ambulauit, inquit, usque ad montem Dei Oreb. i. usque ad eternam atque beatificam refectionis mensam, super quam electi in regno patris sui epulantur, Oreb enim mensa interpretatur. De qua mensa Dominus noster loquutus est ad discipulos suos dicens: Vos estis qui permansistis mecum in tentationibus meis. Et ego dispono vobis sicut disposuit mihi pater meus regnum, ut edatis & bibatis super mensam meam in regno meo. O vere felices ac ter quaterque immoderabiliter beati, qui cum angelis & Apostolis, cum Abraham, Isaac, & Iacob, cum populo pacis & sine querela, recumbent in regno Dei. Sed nihilominus & illos spe beatos iure dixerimus, qui fide fortes & stabiliter perseverantia, assiduo virtutum studio illuc proficisci contendunt, eos praesertim, qui per huius quadragenarii observationem ieiunij, ut in dominicae resurrectionis solennitate sacrosancta Domini mensa sint non indigni, se totis viribus student praeparare.

Luc. 22.

qui permansistis mecum in tentationibus meis. Et ego dispono vobis sicut disposuit mihi pater meus regnum, ut edatis & bibatis super mensam meam in regno meo. O vere felices ac ter quaterque immoderabiliter beati, qui cum angelis & Apostolis, cum Abraham, Isaac, & Iacob, cum populo pacis & sine querela, recumbent in regno Dei. Sed nihilominus & illos spe beatos iure dixerimus, qui fide fortes & stabiliter perseverantia, assiduo virtutum studio illuc proficisci contendunt, eos praesertim, qui per huius quadragenarii observationem ieiunij, ut in dominicae resurrectionis solennitate sacrosancta Domini mensa sint non indigni, se totis viribus student praeparare.

FERIA QUINTA

post Inuocauit.

Ecce omnes animae meae sunt. EZE. 18
In hac lectione Dominus per Prophetam loquens duo facit. Primo falsam de suis iudicijs Iudaeorum calumniam reprobatur. Secundo omnium se esse iudicem iustum confirmat. Primum a principio lectionis. Secundum ibi.

Ecce omnes animae meae sunt.

Circa primum dicit Propheta,

Factus

Factus est sermo Domini ad me dicens:

Quid est quod inter vos parabolam vertitis in proverbium istud in terra Israel, dicentes: patres nostri comederunt vnam acerbam, & dentes filiorum obstupescunt? Viuo ego dicit Dominus Deus, si erit vobis vltra parabola hæc in proverbium in Israel.

Vbi notandum est q̄ Ezechiel Iudæis à terra sua in Babylonem transmigratis prophetauit, quorū patres grauissimis peccatis captiuitatem illam meruerant. Et quum essent isti patribus suis in peccato ferme per omnia similes, se iustos & iniustum Deū qui eos in captiuitate detineri sineret causabatur, hoc vtentes proverbio. Patres nostri comederunt vnam acerbam, & dentes filiorum obstupescunt. Parabola est, & aliud significat q̄ sonat. Per hoc enim innuere volebant se propter parentum suorum peccata iniquè puniri à Deo, Deum ipsum accusantes, qui innocuos propter aliorum delicta percuteret. Sed mentita est iniquitas sibi, quia nō est ita. Scriptum est enim. Sicut vna acerbam dentibus & fumus oculis, sic iniquitas his qui vtuntur ea. q. d. Illis nocet sua iniquitas qui operantur illam & non alij.

Sed quæstio suboritur. Nam quum in Exodo scriptum sit q̄ Deus est reddens iniquitatem patrum in filios, & super filios filiorum vsq; ad tertiam & quartam generationem. Et rursus. Ego, inquit, sum Dominus Deus tuus æmulator, qui reddo peccata patrū super filios, vsq; ad tertiam & quartam generationem his qui oderunt me, & facio misericordiam in millia, his qui diligunt me. Et in Genesi scriptum legimus, q̄ Cham filio Noë in patrem suum peccante, non ipse sed filius eius Chanaan maledictione seruitutis ob patris culpam punitus est. Ex quibus videtur filios

A

Mendaces
aduersus
Deum.

Prover. 10.

B

Exod. 34.

Quæstio.

Exod. 20.

Gene. 9.

FERIA QUINTA

filios nonnunq̄ portare iniquitatem suorum patrum. Sed filios puniri ob peccata parentū duobus modis potest accidere. Vno, dum filij sunt paternorū scelerum vel imitatores vel approbatores, vel certe contentores & possessores earum rerum quas per rapinam, furtum, fraudem, vsurā, vel alio quouis modo contra iustitiam patres acquisierunt. Et in hoc casu non modo patres eorū, sed etiam ipsi suo proprio peccato paterna scelera confirmātes vnam acerbam manducant, digni profectō quorum obstupescant dentes.

C Alio modo cōtingere potest, q̄ filij à paternis delictis immunes, nihilominus tamen propter hæc puniantur. Et de hoc quæstio mota est, cui per distinctionem est respondendum. Nam infantes filios pro sceleribus parentum à Deo puniri, tribus modis potest intelligi. Vno modo q̄ puniantur corporaliter & temporaliter tantum, & sic nonnunq̄ filij puniuntur pro parentibus, quomodo Zodomitarum parvuli propter parentum peccata corporaliter perierunt, & filius David, quem peperit ei ex adulterio Bersabee, diuino decreto in pœnam paterni delicti mortuus est. Siquidem hoc modo puniuntur patres in filiis quasi in re sua, & vt in præcipuis atq̄ carissimis bonis suis. Sic Chanaan filius Cham punitus est ob patris delictum corporali dumtaxat seruitute & temporaliter. Sic etiam visitat Deus parentum peccata in filios vsq̄ ad tertiam & quartā generationem. Sicut enim Deus concessit Patriarchis sanctis vt videntes filios filiorum suorum in tertiam & quartam generationem feliciter & prosperè agentes, magno Dei munere in filiis letarentur, sic etiam in hoc punit impios, vt in suis quos tabescentes perire conspiciunt filijs, ipsi acerbo luctu crucientur.

D Filij vt parentū peccata non portant.

Secundo potest intelligi pro paternis delictis innoxios filios puniri spiritualiter, vt propter peccata parentum, deneget Deus eorum filijs gratiam suam, aut eos deserat. Et sic filius nequaq̄ portam iniquitatem pa

Solutio.

Gen. 19.

1. Reg. 12.

tena
tes q
I
prop
immo
Ius
(vt
ta no
tiam
isti, c
buel
stur
rato
vua
Quo
ipse
aucl

I
pa
pec
I
caut
Ex
pro
cau
rab
no
&
inic
vur
sun
pat
pre
stru
fili

tenz patris, nec hoc modo obstupescunt filiorum dentes quia patres eorum vnam acerbam comederunt.

Tertio modo intelligi potest puniri à Deo filios propter patres æternaliter. Nec hoc modo portabit innocuus filius iniquitatem patris. Porro si fuerit filius paternorum scelerum imitator vel approbator (vt dictum est) mirū non est si à Deo puniatur. Peccata nempe patrum suorum per imitationem & malitiam effecit sua. Et sic iustè puniti captiuitate fuerunt isti, qui totā calamitatis suæ causam patribus suis tribuentes, quum & ipsi prauī essent, se iustos (vt dictum est) iniquum verò Deum causabantur memorato iactitantes prouerbio. Patres nostri comederunt vnam acerbam, & dentes filiorum obstupescunt. Quorum falsam in Deum & sacrilegam calumniam ipse confutans, probat in consequentibus se omnium auctorem, & irreprehensibilis iustitiæ iudicem esse.

Circa secundum dicit.

Et omnes animæ meæ sunt. Vt anima patris ita & anima filii mea est. Anima quæ peccauerit ipsa morietur.

Ecce, inquit, omnes animæ meæ sunt. Et hæc est causa quare non punio vnum pro alterius peccato. Ex quo, inquit, omnes animæ meæ sunt, quare hunc pro illo punirem. Non erit ita, imò anima quæ peccauerit, ipsa morietur, hoc est à me qui vita sum separabitur. Vnde & per Hieremiā dicitur. In diebus illis non dicent vltra patres comederunt vnam acerbam & dentes filiorum obstupuerunt, sed vnusquisq; in iniquitate sua morietur. Omnis homo qui comederit vnam acerbam, obstupescēt dentes eius. Et vnde rursum in Deuteronomio scriptum est. Non occidentur patres pro filiis, nec filij pro patribus, sed vnusquisq; pro peccato suo morietur. Sequitur. Et si vir fuerit iustus, subaudi, seipsum liberabit, non autem filium aut filiam, Vnde per hunc eundem Prophetam Domi-

nus ait;

E
Pro pecca-
to suo quē
q; puniri.

Hiere. 31.

Deut. 24.

Ezech. 24 nus ait: Noë, Daniel, & Job iustitia sua saluabunt animas suas, filium autem aut filiam non liberabunt. Nec rursus filius malus patri iusto nocebit, nec filius bonus poterit impium liberare patrem. Itaque ratione parabolam prædictam confutans, ostendit eam debere cessare, dicens.

Si vir fuerit iustus, & fecerit iudiciũ & iustitiam, in montibus non comederit, & oculos suos non leuauerit ad idõla domus Israel, & vxorem proximi sui non violauerit, & ad mulierem menstruatam non accesserit, & hominem non contristauerit, pius debitori suo reddiderit, per vim nihil rapuerit, panem suũ esurienti dederit, & nudum operuerit vestimento, ad vsuram non commodauerit, & amplius non acceperit, ab iniquitate auerterit manum suam, iudicium verum fecerit inter virum & virum, & in præceptis meis ambulauerit, & iudicia mea custodierit vt faciat veritatem, hic iustus est, vita viuet & non morietur.

Hic Multa penuntur requisita ad iustitiæ iusti cõplementum. Si fecerit, inquit, iudicium discussionis, & iustitiam executionis aduersus semetipsum, iuxta quod ait Apostolus. Si nosmetipsos dñi iudicemus, non utiq; iudicemur. In montibus non comederit, id est bonis operibus suis se non extulerit, sicut ille qui ait: Gratias tibi ago Deus, quia non sum sicut ceteri hominum, raptores, auari, adulteri. Ieiuno bis in Sabba to, decimas do omnium quæ possideo, Prohibe in montibus & hi quodammodo comedunt, quæ

Eccle

Justitia vt
sit cõpleta.
1. Cor. 11.

Luc. 18.

Ecclēstasticis dignitatibus adeptis pomposē pariter
& deliciose viuunt.

Et oculos suos non leuauerit ad idōla domus Is-
raēl, sicut illi faciunt, qui nondum habitas ambiūt di-
gnitates, auida suspēsi mente, non secus ac famelici ca-
nes oculos habent ad mensam dominorū vigiles vt
aliquid accipiāt. Vel forsan idōla vocat praelatos sicut
per Prophetam dicitur. O pastor & idōlum derelin-
quens gregem, ad quos isti respiciunt eorum mortem
cum desiderio expectantes vt in eorū loca succedant.

Et vxorem proximi sui non violauerit, crimine
adulterij. Et hominem non cōtristauerit, spontē vide,
licet siue p̄ derisiones vel alio quouis modo. Pignus
debitori reddiderit, non omni sed ei cuius indubita-
ta paupertas est, quum enim nostra debeamus tali tri-
buere, multo magis debemus suum reddere, vnde in
Deutero. scriptum est. Si pauper est, non pernoctabit
apud te pignus, sed statim reddes ei antē solis occa-
sum, vt dormiens in vestimento suo benedicat tibi,
& habeas iustitiam coram Domino Deo tuo. Sequi-
tur. Per vim nihil rapuerit. Vbi prohibetur manife-
sta violentia, vnde & de raptoribus dicit Apostolus,
cum his nec cibum nos debere sumere.

Panem suum esurienti dederit. Non enim sat est
ad salutem aliena non rapere, sed etiam oportet egen-
ti sua propter Deum elargiri. Panem, inquit, non ob-
iurgationem. Panem deniq; potius q̄ pecuniam, ne
forfan hac malē pauper vtatur. Vnde per Sapientem
dicitur. Animam esurientem ne despexeris, & ne exa-
speres pauperem in inopia sua. Demum panem suū,
inquit, non alienum.

Et nudum operuerit vestimēto, iuxta illud. Quum
videris nudum operi eum. Ad vsuram non commo-
dauerit, & amplius non acceperit. Aduerte q̄ inter
grauissima hominum impiorum peccata vsura com-
putatur. Ab iniquitate auerterit manum suam, in fur-
to, fraude, & similibus, Iudicium verum fecerit inter
virum

Ambiētes
dignitates.

Zacha. 11.

G
Pignus cui
reddendū.

Deut. 24.

1. Cor. 5.

Eccli. 4.

Esa. 58.

FERIA SEXTA

virum & virum, si videlicet ipse fuerit iudex constitutus. Et nihilominus subaudiendum est hunc grauius sine peccare, si iniquum iudicium iudicauerit. Et in præceptis meis ambulauerit. Istud præcedentia omnia concludit, & designat quandam perseueratē in iustitia voluntatem. Hic, inquit, iustus est, vita viuet & non morietur, ait Dominus omnipotens.

FERIA SEXTA

post Inuocauit.

HÆC dicit Dominus Deus,
Anima quæ peccauerit ipsa morietur. Ezech. 18.

In hac lectione duo facit. Primo pollicetur quod si impius egerit poenitentiam de præteritis culpis suis, saluabitur. Secundo quod si iustus dereliquerit iustitiam suam damnabitur. Primum à principio lectionis. Secundum ibi. Si autem auerterit se iustus.

A Circa primū quum repetisset breuiter quæ prius dixerat. s. Anima quæ peccauerit ipsa morietur. Filius non portabit iniquitatem patris, & pater non portabit iniquitatem filij. Iustitia iusti super eū erit, & impietas impij erit super eum, vt cesset prouerbiū dicentium: Patres comederunt vnam acerbam, & dentes filiorum obstupescunt, mox deinde subiunxit.

Si autem impius egerit poenitentiam ab omnibus peccatis suis quæ operatus est, & fecerit vniuersa præcepta mea, & fecerit iudicium, & iustitiam, vita viuet, & non morietur.

Ac si dicat: Qui fieri posset vt puniam filios propter patres, aut patres propter filios, quum vsq; ad eum sim misericors, quod si etiam ipse impius egerit poenitentiam

tiam de peccatis præteritis, & hunc saluem. Sed aduer-
te quibus conditionibus impium & peccatorem sus-
cipit pœnitentem. Si egerit, inquit, pœnitentiam, vi-
delicet in effectu, & non tantum verbo promiserit,
vel mente tractauerit. Ab omnibus peccatis suis quæ
operatus est declinando, nullis omnino retentis imò
nec vno, quin omnia detestetur. Et hoc est declinare
à malo.

Et custodierit omnia præcepta mea, quod est face-
re bonum. Ex quo patet possibile esse homini omnia
Dei præcepta seruare. Et fecerit iudicium discussionis
& iustitiam executionis cōtra semetipsum, & nihilo-
minus erga proximum iustè se habuerit, vita viuet
pro prædictis, & non morietur pro operibus iniquis
de quibus pœnituit. Sequitur. Omnium iniquitatum
eius quas operatus est, non recordabor, videlicet ad
puniendum supplicio aeterno. Licet hæc puniam in
hoc tempore. Cuius rei exemplum patuit in David,
cuius quum transulisset peccatum Dominus vt non
moreretur propter illud, neq; in aeternum à Domino
reprobaretur, temporales tamè pœnas graues & acer-
bas in mortibus filiorum, & sui ad tempus à regno
per filium Absalon depulsione persoluit. Nec etiam
ad temporaliter, inquit, puniendum recordabor, si pec-
cator ipse vt dignum est propriarium recordatus fue-
rit iniquitatum, vt ea in spiritu humiliatis & in ani-
mo contrito deploret, & detestetur. Quum enim sese
homo punit, Deus parcit, quum homo delictorum
suorum dolens meminit, Deus obliuiscitur, quum ho-
mo ea confitens detegit, Deus tegit. Vnde per Hiere-
miam loquitur, dicens: Repentè loquar aduersus gen-
tem & aduersus regnum vt eradicem & destruiam,
& disperdam illud. Si pœnitentiam egerit gens illa
à malo suo quod loquutus sum aduersus eam, agam
& ego pœnitentiam super malo quod cogitavi vt fa-
cerem ei. Sequitur.

Ad veram
pœniten-
tiam quæ
requiruntur

B
2. Reg. 12.
Culpâ dis-
mitti, pœ-
na referuat-
ta.

Hiere. 8.

F In iu-

FERIA SEXTA

In iustitia sua quam operatus est viuet.

Super quo beatus Hieronymus ait: Non tam mea inquit, q̄ sua iustitia viuet, licet iustitiæ meæ sit bona bonis & mala malis reddere.

C Sed dicat forsitan aliquis. Nihil Deus in nobis proter sua dona coronat, sicut in Euangelio dicitur. Gratiam accepimus pro gratia, ex quo videtur q̄ magis sua q̄ nostra iustitia viuimus. Ad quod dicimus, quia hominis est animum præparare, Domini autem dirigere gressus, cuius etiam est remunerare. Viuit ergo homo & sua iustitia pariter & iustitia Dei. Sed hominis est iustitia per præparationem animi, Dei est per adiuuantis & perficientis collationem gratiæ. Parum est ab homine, à Deo multum, quum & hoc ipsum nostrum bene velle, non à nobis sed ab ipso acceptum habeamus. Sed quia Deus mira sua liberalitate remunerat gratiæ suæ adminiculo hominem bene operantem, & suam liberam voluntatem instinctui gratiæ accommodantem, quasi totum esset profectum ab homine, ideo dicit. In iustitia sua quam operatus est viuet. Hoc audiant hæretici qui dicunt hominem etiam in opere bono peccare. Et subdit ad confirmationem prædictorum. Nunquid voluntatis meæ est mors impij dicit Dominus Deus, & non ut conuertatur à vijs suis, & viuat? Quasi dicat. Volo pereant vitia & peccata, & homo saluetur, iuxta quod Apostolus ad Timoth. scribens ait: Vult omnes homines saluos fieri, & ad agnitionem veritatis venire. Non vult ergo Dominus mortem nostram sed vitam, non perditionem sed salutem, quum sit ipse proprium misereri & parcere, punire verò alienum sit ab eo. Vnde quum per Esaiã dixisset ad viros illusores, qui se percussisse scædus cum morte iactabant, & posuerant mendacium spem suam nec credebant flagellum inundans super se posse venire, illud tandem adiecit.

Esa. 28. Ponam in pondere iudicium & iustitiam in mensura, &

Vtrum hominis sit aliqua iustitia.
Ioan. 1.
Prouer. 16.

1. Timo. 2.

Esa. 28.

ra, & post pauca subiunxit de semetipso loquens. Iras-
 fetur vt faciat opus suū. Alienum opus eius, vt ope-
 retur opus suum peregrinum est opus eius ab eo.

Circa secundum dicit.

Si autem auerterit se iustus à iustitia sua,
 & fecerit iniquitatem, secundum omnes
 abominaciones quas operari solet impius,
 nunquid viuet?

Ostendit q̄ sicut peccatori pœnitenti non nocent
 præterita delicta, ita nec iustum à iustitia se auertētem
 pristina iustitiæ commendant. Vnusquisq; enim in
 quo statu à Domino in die supremo reperitur, in ipso
 & iudicabitur. Itaq; sicut in præcedente articulo elu-
 cet misericordia, sic in isto iustitia. Si, inquit, auerterit
 se iustus à iustitia sua, facienda omittens, & fecerit ini-
 quitatem, quæ facere non licet cōmittens, secundum
 omnes abominaciones quas operari solet impius.
 Quod quidam vigilanter dictum accipientes dicunt
 peccātis omnia pristina bona opera coram Deo non
 oblitū iri, nisi fecerit iniquitatem, non secundum ali-
 quas, sed secundum omnes abominaciones quas ope-
 rari solet impius. Quod si nō omnes impietates quas
 impius operari solet peregerit, sed aliquas dumtaxat,
 etiam nec oēs suas iustitias fore abolendas & est sen-
 tentia Origenis super Epistolam Apostoli ad Rom.

Vnde & Iosaphat regi Iuda qui amicitias illicitas
 cum Achab rege Israēl utiq; sacrilego & idolatra
 cōtraxerat dictum est per Prophetam. Impio præbes
 auxilium, & his qui oderunt Dominū amicitia iun-
 geris, idcirco iram quidem Domini mereris, sed
 bona opera inuenta sunt in te, eō q̄ abstuleris Lucos
 de terra Iuda, & preparaueris cor tuum, vt requireres
 Dominū Deum patrū tuorum. Hæc autem opera bo-
 na fecerat priusq̄ his qui oderūt Dominum. s. Achab
 & Iesabeli vxori eius culpata amicitia iungeretur.

F 2 Vnde

D
 Pristina ius-
 titia pec-
 catorem
 non com-
 mendat.

Num pro-
 pter vnum
 peccatum
 omnes ius-
 titiæ abo-
 leantur.

E
 2. Para. 194
 Nota.

FERIA SEXTA

Vnde videtur illa opera non fuisse in obliuionem data coram Deo propter superueniens peccatum. Non enim fecerat iniquitatem secundum omnes abominaciones ipsius Achab vel Iesabelis, qui propter cultum Baal Prophetas Domini persequebantur, quod ipse non fecit. Porro si auerterit se iustus à iustitia sua & fecerit iniquitatem secundum omnes abominaciones quas operari solet impius, quid de illo sequenter dicatur aduerte. Nunquid uiuet talis merito præteritarum iustitiarum? Sequitur.

Omnes iustitiæ eius quas fecerat non recordabuntur.

Videlicet ad eius salutem. In præuaricatione qua præuaricatus est, bona quæ facere tenebatur omittendo, & in peccato quod peccauit, mala faciendo, in ipsis. i. pro ipsis, non pro peccatis alienis, morietur.

Obiectio.

F

Hebr. 6.

Sed dubium occurrit & contrarium fortasse uideri posset per hoc quod Apostolus ad Hebræos scribens, dicit: Non est iniustus Deus ut obliuiscatur operis vestri, ubi dicit glosa. Quia de præsentibus non habet unde laudet, de spe futurorum eos attollit. Vnde patet quod illi quibus hæc loquebatur eo tempore mali erant, ergo falsum esse videtur quod hic dicitur non recordabuntur omnes iustitiæ eius quas fecerat, iniustus enim Deus esse videtur. Proinde si pœniteant, nonne eorum bona opera pristina per peccatum superueniens reuiuiscunt mortificata?

Solutio.

Sed quod hic dicitur omnes iustitiæ eius quas fecerat non recordabuntur, de his accipiendum est peccatoribus qui à iustitia se auercentes deinde non respiciunt, quorum præcedentes iustitiæ non recordantur, quo ad euasione[m] pœnæ æternæ, vel gloriæ celestis adeptionem.

G

Porro Apostoli uerbum quo ait his qui tum se à iustitia aueruisse putantur, non est iniustus Deus ut obliuiscatur operis vestri, intelligendum est, si à peccato

catō

cato resipiscentes poeniteant. Sic enim quæ per su-
perueniens peccatum mortificata fuerant opera bo-
na, denuò reuiuiscunt. Magnam autem Apostolus de
his spem habebat q̄ poeniterent. Simile aliquid ad
Galatas scribens ait: Tanta, inquit, passi estis sine
causa, si tamen sine causa. Quod addidit quia eorum
reuerſionem sperabat & pristina passionum suarum
pro Christi nomine merita, rursum illis ad gloriæ
præmiũ reputanda. Sequitur.

Galat. 3.

Et dixistis: Non est æqua via Domini, q. d. Quum
ita sit sicut dixi q̄ vnusquisq; moritur ob peccatum
suum non alienum, quare vos me iniustum dictita-
tis imponentes q̄ puniam filios propter patres? Pu-
tatis me iniquum, vt reddam peccata patrum in filios,
& alijs comedentibus vnam acerbam, aliorum den-
tes obtupescant. Ecce vnusquisq; in peccato suo mo-
ritur, & in sua iustitia viuificatur. Neutrobicq; puniũ-
tur præterita sed præsentia peccata, quin potius iniqua
est vestra sententia, qui dicitis q̄ aliorum scelera in
alijs à me puniantur. Sequitur.

Audite ergo domus Israel: Nunquid via
mea non est æqua, & non magis viæ vestræ
prauæ sunt?

Q. d. Ego iustus sum in operibus meis, vos autem
vnus contra alterũ agitis peruersè, & ideo suspicami
m & creditis me vestri ad morem peruersè agere cõ-
tra vos, vt puniam filium pro patre & econuerso.
Sed non est ita, imò punio vnumquencq; pro sua ini-
quitate, vnde subdit.

Peruersæ
suspitionis
causa.

Quum enim auerterit se iustus à iustitia
sua & fecerit iniquitatem, morietur in ea.
Et quum auerterit se impius ab impietate
sua quã operatus est, & fecerit iudiciũ & ius-
titiam, ipse animam suam viuificabit.

SABBATO POST

Considerans enim se, i. videns se in iniquitatibus suis perire dignū, & auertens se ab iniquitatibus suis quas operatus est, vita viuet & non morietur. quasi dicat,

Vel per hoc me esse iustum agnoscite, quia nec filium bonum pro patre malo punio, sicut calumniamini, quum nec eundem hominem pro suis proprijs peccatis puniam si poenituerit. Et licet dem vnicuique iuxta vias suas, murmurant tamen iniquè contra me & dicunt filij Israël, generatio praua & exasperans. Non est æqua via Domini. Quibus vtiq; verè respondetur vias Domini æquas esse, suas autē prauas atq; peruersas.

SABBATO POST

Inuocauit.

Fratres rogamus vos, corripite inquietos, consolamini pusillanimes, suscipite infirmos, patientes estote ad omnes. i. Thess. 5.

In hac lectione docet Apostolus.

Primo qualiter nos habere debemus ad proximos. Secundo qualiter ad Deū. Tertio qualiter ad nosmetipsos. Primum à principio lectionis. Secundum ibi. Semper gaudete. Tertium ibi. Spiritum nolite extinguere.

Circa primum dicit: Fratres rogamus vos, corripite inquietos. Vbi (sicut iam dictum est) ordinat nos rectè cum proximo. Proximorum autem quidam sunt insolentes & inquieti, quidam animo pusilli, quidam infirmiores & imperfecti.

De his qui inquieti, & insolentes sunt, dicit: Corripite inquietos. Neq; tamen per licentiam & arrogantiam eos prouocaueritis aut irritaueritis, sed in spiritu lenitatis huiusmodi instruite. Qui enim peruersis imbutus est moribus, pertinacior fit in malo si acerbius forte

A
Ordinat
nos ad
proximos.

Inquieti
& dissoluti.

forte corripatur. Contra verò ij quieti & bene compositi sunt, qui Dei mandata observant. Deus enim singulis in rebus ordinem præfinit & limites, quos qui transcederit, vagus, dissolutus, & inquietus arguetur. Cuiusmodi sunt hæretici, contentiosi, temulentii, avari, & istiusmodi ceteri, qui constitutas à Deo metas excedunt.

De ijs qui animo pusilli sunt dicit, Consolamini pusillanimes. Pusillo animo sunt qui ferre nil queunt tentationis, qui tamen propter hoc desperandi non sunt, sed subleuandi & consolandi.

Animo pusilli.

Denicq; de his qui infirmiores & imperfecti sunt, dicit: Suscipite infirmos. Hoc est. Validiores reddite, qui fuerint in fide infirmiores, iuxta quod alibi præcipit. Infirmum, inquit, in fide assumite. Docet proinde qualiter se gerere debeant fideles, ad alios qualitercunq; dispositos quum subdit.

Infirmi & imperfecti Rom. 14.

Patiētes estote ad omnes, Videte ne quis alicui malum pro malo reddat, sed quod bonum est sectamini in inuicem, & in omnes.

Patientes, inquit, estote ad omnes. i. dissolutos, pusillanimes & infirmos sustinete, vt sic eos etiam vobis molestos & onerosos tollerando ad bonū cōuertatis. Itaq; videte. i. prudenter cauete, ne quis malum pro malo reddat, non enim hoc esset patientiā seruare ad omnes. Si ergo mala nobis illata, malis compensanda non sunt, quanto minus pro accepto beneficio sunt mala reddenda, vel ij afficiendi sunt malo qui nobis nil mali fecerunt? Quin potius quod bonum est semper sectamini in inuicem & in omnes. Neq; enim fat est nil mali pro illatis malis rependere, quin & benefaciendum erit ei qui nocuerit, id enim intendit Apost. quum dicit: Sectemini quod bonum est, hoc est. Enixè nitamini benefacere, & in inuicem. i. erga fideles, & in omnes. i. etiam erga infideles.

B Patiētiā erga omnes præstemus.

Circa secundum dicit.

F 4 Semper

SABBATO POST

Semper gaudete, sine intermissione orate, in omnibus gratias agite.

C Hic docet qualiter debeamus nos habere erga Deum. Et præcipit tria. Primum est in Deo gaudere, dicēs: Semper gaudete, etiam vel in medijs atq; vrgentissimis malis. q. d. Æquo animo pro Christi amore cuncta vobis aduersantia tolerate. Aduerte quem, admodum postquam malum pro malo non esse reddendum dixisset, mox & gaudendum his esse denunciauert. Qui enim didicit suas non vlscisci iniurias, sed potius & his benefacere qui mala intulerūt, vnde hic talis poterit in ceroris aculeos excipere?

Monet orare. Secundum est assidue orare, quum dicit: Sine intermissione orate. Viam aperit ad perpetuam quandam iocunditatem, vt. s. pro bonis potioribus obtinendis assidue Dominum precentur. Sed quia beneficijs vltioribus nemo dignus est nisi gratias agat pro acceptis, idcirco tertio loco præcipit in omnibus gratias agere.

D In omnibus inquit, siue prospera fuerint, siue aduersa, gratias agite. Quod qui facit perspicuum est perpetuam quandam animi dulcedinem hunc esse adeptum, & continens gaudium. Sequitur. Hæc est enim voluntas Dei in Christo Iesu in omnibus vobis, vt scilicet vos non ingratos pro acceptis exhibeat beneficijs. In Christo, id est, in Christi Domini nostri adiutorio. Nam ille nobis in gratijs agendis & alijs prædictis opitulatur, sicut etiam & in multis factis Euāgelij locis edocet. Vel sic potes accipere quod dictum est. Hæc est enim voluntas Dei in Christo Iesu in omnibus vobis, quasi dictum sit. Hoc est beneplacitum Deo per Christum Iesum de omnibus vobis, nimirum vt semper gaudentes, atq; orantes, perstetis in gratiarum actione.

Circa tertium dicit,

Spiritus

Spiritum nolite extinguere, prophetias nolite spernere. Omnia autem probate, & quod bonum est tenete, ab omni specie mala abstinete vos.

Hic docet qualiter se debeat habere vnusquisque erga semetipsum dicens. Spiritum nolite extinguere, id est, gratiæ cœlestis lumen quod in huius sæculi nocte in mente vestra lucet, non velitis delere neq; spiritui sancto in vobis habitanti impedimentū malæ voluntatis præbere.

Extinguitur autem in hominē gratiæ cœlestis lumen, vel per inanem gloriam, quemadmodum extinctæ sunt lampades virginū fatuarum, quæ lampades oleo vacuas. i. foris opera bona sine interioris gaudii conscientiæ ferebant. Vel per carnalem voluptatem. Vnde scriptum est dicente Dominò, Non permanebit spiritus meus in homine, quia caro est. Hoc modo apud Cœrinthios adulter ille incæstus lumen spiritus luto carnalis luxuriæ obfudit. Vel per intromissionē rancoris & malitiæ. In maleuolam enim animam nō introibit spiritus sapientiæ, qui & si animam prius inhabitasset, malitia superueniente discedit. Obstruendæ sunt igitur sensuum exteriorum fenestræ, ne per illas ingrediatur quod cœlestem habitatorē offendat, & gratiæ extinguat lumen. Nec puluerem, id est, rerum curas terrenarū inspergas, ne & sic lumen quod in te est contingat obtenebrari.

Sequitur. Prophetias nolite spernere, id est, scripturæ diuinæ interpretationes quæ spiritu sancto docente proferuntur. Omnia probate & examinando diiudicate, quod vero fuerit (iudicio eorum quorum interest iudicare) bonum comprobatum, id teneatur, quod secus, reijciatur. Erant enim nonnulli qui se falso prophetas vel apostolos asserebant, vtique fallaces et subdoli à quibus ne fideles circumuenirentur, dicit.

E
Ordinat
hominem
erga seipsum.

Gratiæ lumen sic extinguitur.
Mat. 25.

Gene. 6.
1. Cor. 5.

Sap. 1.

F

SABBATO POST INV.

Prudenter
esse tenta-
ndum.

omnia probate, hoc est, & vera & falsa experimentis
tentando discernite. Nam lupi in vestimentis ovium, i.
seductores ornati folijs scripturæ divinæ verborum,
vtiq; prophete falsi, à quibus nos iubet Dominus at-
tendere, à fructibus operum suorum cognoscuntur.
Deinde quod bonū est tenete, hoc est. Quas rectas es-
se compertum habebitis doctrinas, ac scripturæ diui-
næ interpretationes, admittite securi.

Vnde ca-
uendum.

Demū ab omni specie mala abstinete vos inquit,
id est, ab omni siue propheta siue doctore quouis fal-
so & commentitio, siue prauis quibusuis facinoribus,
siue his quæ tamen si fortasse de se mala nō sunt, nihilo-
minus tamen speciem mali habere noscuntur, ne cui-
quam præstetis offendiculum. Quoniā autem ad hæc
quæ dicta sunt recte gerenda cœlestis adminiculi sub-
fragium homini necessariū est, ideo hoc optans fideli-
bus Apostolus subdit dicens.

Ipsè autem Deus pacis sanctificet vos
per omnia.

G Itaq; post monita sancta, etiam vota inducit, vt &
ex monitis & apostoli votis & precibus, sint ipsi tu-
tiores. Per omnia, inquit, vt videlicet & corpore &
animo sanctitatem adipiscantur, sicut ex sequentibus
patet. Sic autem, inquit, vos sanctificet, vt integer spi-
ritus vesier, & anima, & corpus, sine quærela in ad-
uentu Domini nostri Iesu Christi, seruetur.

Spiritus,
anima, &
corpus dif-
ferunt.

Sed quid inter spiritum distet & animam aduerte.
Quum enim sit homo ex omni animarum specie ad-
mixtus, ea, s. quæ plantis inest, quam vegetatiuam ap-
pellant, deinde & anima sensitua, mox & intellectuua
seu rationali quū spiritū dicit Apostolus, profecto in-
tellectiuā expressit, cum animam, sensibilitatē ipsam,
cum corpus, vegetatiuā vitā nobis inesse ostēdit, quæ
& plantis inesse dinoscitur. Precatur itaque & optat
vnumquenq; fidelium secundū hæc oīa sine quærela ser-
uari vt in his cunctis obsequiū per eū Deo præstetur.

FERIA

post Reminiscere.

O Stende faciem tuam super
sanctuarium tuū quod de-
sertum est. Dan. 9.

Lectio præsens intenta est S.
Danielis prophetę intenta & hu-
milis supplicatio pro populo Iu-

da propter peccata sua in captiuitatem Babylonicam
translato, et pro ciuitate sancta Hierusalem destructa
& in ruinis suis desolata, & nihilominus pro templo
Dei succenso igni atq; deserto, diuinam clementiã im-
plorantis. Ex qua Prophetę precatione tria nobis
pro nostri restauratione supplicãtib; sunt imitãda.
Primum est recognitio diuinę bonitatis. Secundum
est confessio proprię iniquitatis. Tertium est cum ma-
gna humilitate inuocatio diuinę pietatis. Primum a
principio lectionis. Secundū ibi. Peccauimus iniqui-
tatem fecimus. Tertiu ibi. Neq; enim in iustificatio-
nibus. Circa primum dicit.

Domine Deus noster qui eduxisti popu-
lum tuum de terra Ægypti in manu forti, &
fecisti tibi nomen secundum diem hanc.

De Ægypto nempe. i. ignorantie & peccatorum
tenebris ac diabolica tyrannide quasi Pharaonis im-
pij durissima seruitute credentiū populum Deus per
filium suum eduxit & liberauit, & in virtute poten-
tię suę atq; iustitię, captiuitatis nostre vincula dirum-
pens, nomen suum in ecclesia populi fidelis notum fe-
cit et magnificauit. Ergo quotiescunq; peccatorum
vinculis nos irretitos sentimus, & pro nostri libera-
tione diuinam misericordiã imploramus, veterū eius
memores beneficiorū pro his gratias agamus, & sic
demum cum fiducia pro obtinendis vltioribus gra-
tię suę donis ac nostri liberatione precemur.

Circa

A Com-
morat di-
uinę mu-
nera largi-
tatis,

FERIA SECVNDA

Circa secundum dicit.

Peccauimus, iniquitatem fecimus Domine in omnem iustitiam tuam. Auertatur obsecro ira tua & furor tuus à ciuitate Hierusalem & à mōte sancto tuo. Propter peccata enim nostra & iniquitates patrum nostrorum Hierusalem & populus tuus in opprobrium sunt omnibus per circuitum nostrum. Nunc ergo exaudi Deus noster orationem serui tui & preces eius, & ostende faciem tuam super sanctuariū tuum quod desertum est. Propter temetipsum inclina Deus meus aurem tuam & audi, aperi oculos tuos, & vide desolationem nostram, & ciuitatem super quam inuocatum est nomen tuum.

B Precaturus Propheta pro ciuitate & populo & templo, Deo primū dans gloriam peccata sua & populi humiliter confitetur, vt veritati suæ confessionis occurrat misericordia Dei. Allegat autem suum & ciuitatis & populi opprobrium & confusionem, quatenus humana miseria Dei misericordiam prouocet, & poena placare valeat iustitiam quæ nimirum omnia etiam nobis orantibus sunt imitanda.

Circa tertium dicit.

Neque enim in iustificationibus nostris prosternimus preces ante faciem tuam, sed in miserationibus tuis multis. Exaudi Domine, placare Domine, attende & fac. Ne

more

morere propter te ipsum Deus, quia nomen tuum invocatum est super civitatem hanc, & super populum tuum.

Magnam precantis humilitatem agnosce quum dicit. Non enim in iustificationibus nostris prosternimus preces, sed in miserationibus tuis multis. Nemo quippe mendicans opes ostentat, sed ut suscitet misericordiam, clamat inopiam. Quis enim de suis opibus sese iactantis misereatur? Sed paupertatem suam agnoscat, quisquis precaturus accedit ad Deum. Unde David humilis & vir secundum cor Dei, tamen rex esset inclitus & opulentus, nihilominus tamen in oratione coram Domino constitutus. Pauper sum, inquit, et in laboribus a iuventute mea. Et rursus. Ego inquit mendicus sum & pauper, Dominus sollicitus est mei. Et iterum. Astitit a dextris pauperis, ut salvam faceret a persequentibus animam meam. Orantes ergo nostram spiritualem miseriam, inopiam, paupertatem, & peccata nostra veraciter et humiliter confiteamur. Iustitiam vero nostram quae ut pannus menstruatque confusibilis (si discutiat) & erubescenda est, imo vero quae nulla est, nequaquam pratendamus, sed omnem spem salutis in Dei misericordia & gratia constituamus.

Ceterum sicut pro his tribus quae iam dicta sunt, videlicet, pro populo existente in captivitate, pro dissipata civitate, & pro desolata templi sanctitate, Propheta lugens orabat, sic & modo lugendum atque orandum est fidelibus & pijs, ut per divinam clementiam & misericordiam in populo Christiano tria incomparabilis iacturae mala restaurentur. Primum est venundatorum in peccato miserrima captivitas. Secundum est populi christiani dissipata atque discissa unitas. Tertium est primae atque venerandae sedis miserabilis calamitas.

Quoad primum ut agnoscamus quantum sit deploranda venundatorum in peccato ut faciant mala misere

Cum sui humiliati^one orandum.

David in oratione qualis.

Esa. 64.

Pro his tribus orandum est.

FERIA SECUNDA

Venundatorum in peccato captiuitas.

Captiuus Babylonis morabitur.

Populi christiani discissa unitas.

Iud. 21.

miserabilis calamitas, prophetae sancti luctum & lamentationes attendamus. Propter peccata nostra, inquit, & iniquitates patrum nostrorum Hierusalem et populus tuus in opprobrium sunt omnibus per circuitum nostrum. Si hos lugebat quos rex Babylonis a propria terra captiuos in Babylonem victos duxerat & sibi subiectos premebat seruitute, quanto magis lugendi sunt peccatores, qui non terrenam & temporalem, sed coelestem & aeternam perdidit hereditatem, qui peccatorum & viciorum suorum funibus et compedibus constricti, venundati proinde ut faciant mala, peccati & diaboli serui omnium deterrima atque extrema seruitute, premuntur? Quos nimirum super flumina Babylonis. i. huius saeculi vana gaudia sedentes flere oportebat, dum recordantur illius coelestis Hierusalem, a qua in longinqua exules, relegati proscripsi que detinentur. Quibus si dicatur, hymnum cantate nobis de canticis Sion. i. pias & Deo dignas preces effundite, laetas gratiarum actiones deprecemur, deuotas Deo laudes decantate, quum ad haec idonei non sint, nec ad ea quandiu captiuus detinentur valeant assurgere, utique respondebunt. Quomodo cantabimus canticum Domini in terra aliena?

E Quo ad secundum lugebat Propheta dissipationem Hierosolymorum ciuitatis. Sed multo magis lugenda nobis est christiani populi his nostris temporibus unitas discissa. Luges proculdubio si aliquid tui corporis membrum elegas abscissum perdidisses. Et quidem grandia atque elegantia dudum ecclesiastici corporis membra, ecclesiasticam deseruerunt unitatem. Et scissio damnosa nimis facta est his diebus. Quum ferme tota tribus Benjamin armis deleta esset ob nefandum ab in tribu perpetratum scelus, reliquarum populi tribuum sceleris quidem ultores & victores, post luctuosam de fratribus suis victoriam lamentari coeperunt & flere dicentes. Quare Domine Deus Israel factum est hoc malum in populo tuo, ut hoc die vna

vna tribus auferretur ex nobis?

Et quidem ablata nobis est etiam & nunc vna tribus de Israel. Inimicus homo hoc fecit, qui hæreseos & errorum zizania in medio tritici dormientibus, his quos opus erat vigilare & malum hoc prohibere, superfeminavit. Vere inimicus qui consurrexit aduersus Dominum & aduersus Christum eius, qui quum inter ecclesiastici ordinis prædicatores, quasi in numero Christi discipulorum vnus ageret, intromisso ad intima sua diabolo, calcaneū suum contra Dominum eleuauit, dux eorum & signifer effectus, qui iam conuenerunt aduersus Dominum & aduersus Christum eius.

Mat. 13

Super huiuscemodi ciuitatis dissipatione lugendū est. Ecclesia nempe fidelium recte ciuitas à suorum vnitate ciuium est dicta, quam vnitatem dum per sectas, hæreses, & schismata dissipari contingit, exinde profecto ciuitas non est. Nam ciuitatem hanc suam amittunt, quicumque catholicam & apostolicam deserunt vnitatem. Sanè hanc vnitatem ædificare summo studio cupiebat Apostolus quum dicebat. Obsecro vos fratres per nomen Domini nostri Iesu Christi vt id ipsum dicatis omnes & non sint in vobis schismata. Et rursum. Vnanimis, inquit, vno ore honorificetis Deum & patrem Domini nostri Iesu Christi. Vnde & ipse Dominus pridie quam pro hac ecclesia sua moreretur patrem pro his qui ad fidei vnitatem venturi erant, & nihilominus pro his qui iam tunc in ipsum credebant precatus est dicens. Rogo vt sint vnū, sicut & nos vnum sumus. Nam vt quidam è sapientibus huius mundi ait. Concordia parua res crescunt, discordia vero vel maxima dilabuntur.

F

1. Cor. 6

Rom. 15.

Joan. 17.

Tulli.

Quoad tertium. Lugebat Propheta pro desolato templo dicēs. Ostende faciem tuam super sanctuariū tuū quod desertū est. Sed hoc tempore multo magis lugenda est illius venerandæ sedis calamitas, flendūque atque

G

Calamitas primæ sedis,

FERIA SECUNDA

atque dicendum. Quare Domine Deus factum est hoc malum? Nec tamen ea quæ huic sedi superuenit calamitas lugenda magis est quàm eorū peccata qui hanc meruerunt, quàm multo amplius dolendum eēt ea esse admissa, quæ mala hæc promeruerunt.

Sanctuari-
um Dei
myf.

Sed aliud est sanctuarium Dei viuum & rationale quod despoliatum est & desolatum, mens, s. hominis peccatoris. Huius templi prophanator ac depredator diabolus quæ inde tollat ornamenta figurale illud templum per Antiochum regem spoliatum typice declarat. Vnde in historia Machabæorum scriptum est. Intrauit in sanctificationem cum superbia (nimirum rex Antiochus) & accepit altare aureum, et candelabrum luminis, & vniuersa vasa eius, & mensam propositionis panum, & mortariola aurea, & velum, & coronas, & ornamentū aureum quod in facie templi erat, & quibusdam interpositis subditur. Secundum gloriam eius, multiplicata est ignominia eius.

1. Mach. 1.

H
Diaboli
typus.

Vbi per Antiochum diuinæ legis & sacri cultus hostem & exterminatorem diabolus diuini honoris aduersarius accipitur, qui per peccatū credentis mentem (quæ in sacro baptismi lauacro Deo viuo templum est cōsecratū) ingressu suo cōtaminat. Qui ideo cum superbia ingredi dicitur, quia in omni peccato Deus in suo mandato ab homine contemnitur, & humana voluntas diuinæ voluntati præfertur, quod vtiq; grandis superbia est.

Altare au-
reum.

Heb. 11.

Et accepit altare aureum, i. fidem charitate formatam. Siquidem hoc vnum altare munera nostra coram Deo commendat. Nam & sine fide impossibile est placere Deo, & sine charitate quicquid facit homo vel patitur, nihil illi prodest. Hoc autē altare vere sacrum & Deo dicatum, spirituale mentis templum diabolus mox quum per peccati cōsensum ingressus fuerit, tollit. Eius enim qui in peccato est & charitas extincta est, & mortua fides.

Secūdo tollit candelabrum luminis, i. Dei verbū,
de quo

de quo Propheta dicit. Lucerna pedibus meis verbum tuum & lumen semitis meis. Facit enim vt peccator Dei verbum exhorreat, quia nil ei prophetat nisi malum, quandiu videlicet pertinace mente in peccato perseuerat. Quodd si fortasse nonnunquam sermo Dei viuus & efficax (ignis vtiq; & malleus coterens petras) peccatoris mentem vel terrore concusserit vel emollierit compunctione, audi quid agat hostis antiquus. Venit, inquit, diabolus & tollit verbum de corde eorum ne credentes salui fiant. Vasa huius candelabri sunt ea quibus lumen sapientie & intellectus in cordibus credentium nutritur, cuiusmodi sunt, lectio scripturae, auditio verbi Dei, meditatio sancta, oratio, ieiunium & similia.

Tertio tollit mensam propositionis panum, quae & ipsa aurea erat, & significat spiritualis exercitij vel cuiusuis sancte operationis assiduitatem. Hi enim qui esuriunt & sitiunt iustitiam ex hac mensa reficiuntur. Reficiunt nempe mentem iusti opera bona, vt ex illis corroborata ad meliora conualescat. Vnde Dominus in Euangelio. Meus cibus est, inquit, vt faciam voluntatem eius qui misit me, vt perficiam opus eius. Aurea mensa, voluntas bona est, charitate Dei & proximi, quasi auri precioso fulgens decore. Hac post ablatum candelabrum luminis tollere describitur, quia nimirum post verbi Dei contemptum hoc superest, vt et ad Dei & proximi vera dilectione, & ab opere sancto peccator decidat & ocietur.

Quarto tollit mortariola aurea. Erant vasa in quibus aromata contundebantur ad thimiamatis confessionem in odorem suauissimum Domino. Et significant opera poenitentiae sancta ad mortificationem vitiorum & carnis castigationem assumpta, cuiusmodi sunt ieiunia, vigiliae, cilicia, solitudines, spontanea ad quibusdam rebus licitis abstinencia propter Deum, quibus caro rebellis cum vicij & concupiscentijs suis mortificatur in odorem suauitatis ante Deum.

G Nec

Candelabri luminis.

3. Reg. 27.

Heb. 4.

Iere. 23.

Luc. 8.

Candelabri vasa.

I Mensa propositionis panum.

Ioan. 4.

Mensa aurea.

Mortariola aurea.

FERIA SECUNDA

Nec mirum est q̄ peccatore cessante ab operibus bonis vicia non mortificata, non prohibita, nō repressa, rursus inualefcunt.

K Quinto tollit velum, quo nimirum interioris aditi secretiora tegebantur, & non incongrue verecundiam significat. Hi enim qui hanc perdidit peccatū suum quasi Sodoma prædicauerunt nec absconderūt. Gaudent enim quum malefecerint, & exultant in rebus pessimis. Porro quo manifestior, eo & pestilentior peccator est. Vnde per Prophetam huiuscemodi attritæ frontis peccatori dicitur. Frons mulieris meretricis facta est tibi, noluisi erubescere. Contra vero placita fuit Deo humilis publicani verecūdia, qui nec oculos quidem suos volebat ad cœlum leuare.

Coronæ templi. Sexto tollit coronas, per quas non modo cœlestia præmia significari arbitramur quæ post prædicta peccator amittit, sed etiam honoris reuerentiam in hac vita. Nimirū (vt Apostolus ait) gloria & honor omni operanti bonum. Nunquam enim adeo inualefcet improbitas, quin bonis & probis sua virtus sit honoris. Sed post prædicta omnia rationalis templi ornamenta et vasa sancta amissa, & post ipsam etiam iam perditam verecundiam, demum & ipse honor amittitur. Quis enim hunc censeat honore dignum qui absque vilo pudore omnium viciorum dedecore palam sordet?

L Postremo tollit ornamentum aureum quod erat ante faciem templi. i. famam & opinionem bonam, hæc omnium nouissima deserit peccatorem. Ipsa quidem superstes, utique ornamento erat spirituali templo, & quidem ornamento non paruipendendo, quod amisisse non mediocris iacturæ est. Oportet enim sanctos habere testimonium & ab his qui foris sunt, quod ornamentum si quis obstante fama mala perdidit, rumore sinistro fœret coram omnibus quasi cadauer aliquod abominandum & euitandum. Quin & semel amissa bona fama vix denuo recuperatur.

tatur. His ita se de spirituali templo habentibus, secundum gloriam eius multiplicatur ignominia eius. Nam sacrosanctum prius atque venerandum Dei templum in teterrimam diaboli speluncam conuersum est. Et quemadmodum spoliati atque prophanati templi purificationem Iudæi cum fletu & luctu & multa sui humiliatione peregerunt, ita etiam necesse est ut per huiusmodi peccatrix anima Deo reconcilietur.

1. Mach. 4

FERIA TERTIA.

post Reminiscere.

F Actus est sermo Domini ad Heliam Thesbiten dicēs. Surge, & vade in Sarephā Sidoniorum. 3. Reg. 17.

Istius lectionis historia tribus modis potest exponi, videlicet primo literaliter. Secundo Allegoricē. Tertio Moraliter.

Circa primum exponendi modum videlicet intellectum literalem consideranda sunt ex eadem lectione duo moralia documenta, quæ nobis euidentibus exemplis explicantur. Siquidem primo ostenditur Dei erga suos paterna sollicitudo. Secundo quod sit utilis in pauperes propter Deum facta subsidij temporalis elargitio. Quoad primum nota est historia quemadmodum propter peccata impiissime Iesabelis & viri eius regis Achab & populi horum sacrilegia atque idolatriam imitantis ad præceptum Helie clausum fuit cælum annis tribus & mensibus sex, ut nec rore nec pluuia terra rigaretur. Ex qua sterilitate cum grauissima fames sequeretur quæ tam homines quam iumentum consumebat, memor Dominus serui sui Helie curam ipsius egit. Præcepit ergo ei ut absconderet se in spelunca petrae in torrente Carith, ubi & de torrente biberet, & corui ministerio pasceret. Præcepit, inquit, coruis ut pascant te,

A

FERIA TERTIA

B Adferebat ergo ei coruus per singulos dies ad coram
Helias cor poris sui refectionem mane & vesperi, carnes & panem,
 uorum panem, & bibebat e torrente. Quum autem propter defectum
 scitur ministerio. pluuię torrens siccaretur, rursus factus est sermo
 Domini ad ipsum dicens. Surge & vade in Samariam
 Sidoniorum, qui locus erat extra terram Israel in terra gentium.
 Pręcepi enim ibi, inquit, mulieri viduę vt pascat te. Surrexit & abiit
 quo iubebatur. Ex quibus patet mira Dei de suorum necessitatibus

1. Pet. 5.

Mat. 6.

solicitude, vnde B. Petrus. Omnem sollicitudinem vestram
 projicientes in eum, quia ipsi cura est de vobis. Tantum nobis
 cura sit quęrendi regnum Dei & iustitiam eius, quod si pręstamus,
 hæc omnia quę ad vsum vite huius necessaria sunt adijciẽtur
 nobis. Vbi enim diuites eguerunt & esurierunt, inquirentes
 Dominum non desiciunt omni bono. Ergo timete Dominum
 omnes sancti eius, quoniam non est inopiam mentibus eum,
 quod vtiq; pręsenti exemplo Helie euidenter apparuit. Et vt
 miraculum curę cęlestis maius esset, per coruum (auem vtiq;
 rapacem & edacem) cibum huic bis in die sedulo ministravit,
 vnde sanctus versificator cecinit dicens.

Sedulius.

Alesque rapinis.
 Deditus, atq; auido saturans caua guttura rostro,
 Tradidit illęsam ieiunis morsibus escam.
 Nunc bonus Helie qui perfidus antea Noë.
 Abluit in terris quicquid deliquit in vndis:

C

1. Reg. 27.

Possumus autem per coruum rapacem, raptores & iniustos
 accipere, qui nonnunquam Dei nutu viros religiosos & pios
 Dei seruos temporalibus subsidijs fouent, sicut & in Dauid
 patuit qui Saulis persecutionem fugiens ab Achis rege Geth
 in terra Philistinorum susceptus & humane exhibitus est.
 Circa secundum videlicet quod sit utilis in pauperes propter
 Deum facta subsidij temporalis elargitio. Sequitur consequenter.

Quum

Quumq; venisset ad portam ciuitatis, apparuit ei mulier vidua colligens ligna.

Illam utique mulierem viduam ei apparuit, ad quam paucendū fuerat missus a Domino. Ab ea quum paululum aquæ ad bibendum Propheta petisset, et illa peteret ut afferret, affer (inquit ille) mihi obsecro et buccellam panis in manu tua. Quæ quum sub attestatione iuramenti diceret sibi nihil panis superesse, sed tantummodo paululum farinæ quantum potest pugillus capere & parum olei in lechito, & diceret, en colligo duo ligna ut ingrediar & faciam illud mihi & filio meo ut comedamus & moriamur, ait ad illam Helias. Noli timere, sed vade & fac sicut dixisti. Veruntamen mihi primum fac de ipsa farinula subcinericiū panem paruum, & affer ad me. Tibi autem & filio tuo facies postea. Hæc enim dicit Dominus Deus Israel. Hidria farinæ non deficiet, nec lechitus olei minuetur, usque in diem qua daturus est Dominus pluuiam super faciem terræ. Quæ abiit & fecit iuxta verbum Helix. Et comedit ipse & illa & domus eius tota. Et ex illa die hidria farinæ non defecit & lechitus olei non est imminutus iuxta verbū Domini quod loquutus est in manu Helix.

Vidue huius in primis mira fides commendatur, quæ Helix, viri ignoti & alienæ gentis promissioni sine ullius attestacione miraculi vel opinionis sanctitatis nil hæsitans fidem dedit. Deinde ipsius largitas, quæ in tanta necessitate inopiæ de victu sibi & filio suo tam necessario Helix sit partem elargita, digna profecto cui mox quod erogasset, cum grandi cœnore a Domino refunderetur. Quoniam ergo de tam modico quod sibi ad necessarium victum supererat propheticæ credens sponsioni est elargita, Dei nutu & farina succreuit & oleum, ut verbum Sapientis impletum sit quo ait. Qui miseretur pauperis cœnabitur Domino. Et iterum. Qui dat pauperi non indigebit. Et rursus

G 3 ipse

D
 Primus
 in
 2. cor.
 13. mos.

H
 H
 H
 H
 H
 H
 H

E
 Mira gen
 tis viduæ
 fides.

Pro. 19.
 Pro. 28.

FERIA TERTIA

Luc. 6. ipse Dominus in Euang. Date inquit, & dabitur vobis. Abundavit itaq; vidua largitatis et fidei suę merito, alioqui proculdubio fame peritura.

F Secundo possunt hæc quæ dicta sunt exponi allegorice, vt videlicet per sterilitatem & famem in terra Israel Iudaici populi (qui vtiq; est Israel secundū carnem) cæcitas & infidelitas designetur, sicut prædixerat

Amos. 8. Dominus per Amos prophetam dicens. Mittam famem in terram, non famem panis neque sitim aquæ, sed audiendū verbū Domini. Ipsi quippe se indignos hoc panem fecerūt, vnde dicūt ei Apostoli. Vobis oportebat primum loqui verbum Dei, sed quoniam repellitis illud & indignos vos iudicatis æternæ vitæ, ecce conuertimur ad gentes. Sic enim nobis præcepit

Act. 13. Dominus. Hinc etiam per Esaiam hanc illis ariditatem fuerat cōminatus dicens. Nubibus. i. gratiæ meę prædicatoribus, mandabo ne pluant super eam. (s. v. i. neam domus Israel non nisi labruscas proferentem) imbrem. i. verbum Dei, quod ad modum imbris terram fecundantis, credentis mentem abluit, emollit, impinguat, & operum bonorum feracem reddit.

Esa. 5. Per Heliam prophetam diuinæ legis ardentissimum zelatorem, legem et prophetas non incongrue accipimus.

G Per viduam autem Sarepthanam, ad quam Helias terram Israel derelinquēs Domino iubente perrexit, ecclesia de gentibus collecta significatur. Hęc enim legis & prophetarum doctrinam sibi missam à Deo, fidei suę hospitio suscepit, remanente (vt dictum est) apud synagogam Iudæorū inopia gratiæ & mentis sterilitate, vbi interim hæc vidua (.i. gentilitas quæ Deum virū nō habuerat) se Christo humilians, dum colligit duo ligna in crucem, vt faciat sibi quo viuat cibum qui non perit, dum videlicet non suæ sed iustitiæ Dei per Christum nobis allatæ fidit, exaltata atq; in Deo ditata est, non deficiente quæ apud eam est hidria farina, nec imminuto lechito olei, hoc est, perseue-

Ioan. 6.

rante scientia legis pariter & euangelij gratia. Verbum quippe diuinæ legis panis est quo viuunt homo. Et euangelij gratia non absurde oleum lætitiæ dicitur, condimentum consolationis, nutrimentum spei, incentiuum amoris, fomentum luminis fidei, & agnitionis Dei. Vtroque vero iam sterilis & squallens caret synagoga, quia nec legis farinam molitores eius pharisæi molere sciunt, nec oleum euangelij in phylacterijs & magnificis simbrijs suis ambulantes inuenire queunt.

Tertio possunt ea quæ dicta sunt secundum intellectum tropologicum siue moralem exponi. Secundum quem intellectum per tempus ariditatis & famis (quo clausum est peccatori cælum, & prohibita sunt ei stillæ pluuiarum) status culpæ mortalis figuratur.

Helias autem qui tunc pascitur per coruum in torrente, peccatorem designat, qui ex recordatione suorum delictorum & mortis atque æterni terrore iudicij (que mors per coruum autem nigram & obscuro suo colore tenebras præferentem, non incongrue posse accipi videntur) profluuium pascitur lachrymarum, quem admodum Helias porum suum habuit est torrens. Sed quia timor iste non manet, sed aduenienti cedit charitati, Ideo fit sermo Domini ad poenitentem quatenus à timore surgat ad fiduciam & amorem, & eo vadat ubi pascatur à vidua, à qua petat aquam & panem.

Quæ vidua colligit duo ligna, & significat sanctam matrem ecclesiam, sui morte sponsi & redemptam et desponsatam. Quod autem hæc duo ligna quæ crucem faciunt colligit, hoc est utique, quod mente memori mater ecclesia crucem sui redemptoris iugiter meditat, atque ob ipsius crucifixi Domini amorem imitandi studio spontaneè mortificationis crucem sibi componit.

Habebat hæc vidua farinam quantum pugillus capere sufficit, & paululum olei in lechito, quia nimirum sancta mater ecclesia doctrinam habet salutarem, que manu mensurari seu comprehendere debet, hoc est, operatione sancta cõplecti, & spem, quasi oleum, que lætitiã

H
Farina &
oleum.

Arida synagoga
Iudæorum.

I
Tempus
famis mo-
raliter.
Ierem.

Coruus et
torrens quod.

K
Vidua
quid,

Farina ec-
clesiæ, &
oleum quid.

FERIA QVARTA

Ignis dilectionis vnde de constructur.

affert, & afflictæ mentis lenit amaritudines. Itaq; vnde
 dua hæc constructo ex collectis duobus crucis Christi
 lignis deuotionis suæ et dilectionis igne, ex his que
 dicta sunt mysticis farina & oleo. i. doctrina salutari
 & spe misericordiæ, conficere & parare curat sibi &
 filio suo. i. omnibus & singulis in Deum recte creden-
 tibus cibum vitæ, iuxta consiliū sui redemptoris qui
 ait. Operamini non cibum qui perit, sed qui permanet
 in vitam æternam, vt comedamus, inquit, & moriamur.
 Hoc est, vt hic (dum datur) in fide viuamus, & post
 in eadem fide & spe sancta, ligno crucis à tali
 desperationis frigore defensi, in Domino moriamur.

Ioan. 6.

Pœnitens quo pascatur.
 Eccli. 14.

Huic itaq; viduæ se pascendum spiritualiter pœnitens
 committat, petatq; & accipiat ab ea panem doctrinæ
 & aqua pœnitentiæ salutaris. Cibabit quippe illum
 pane vitæ & intellectus, & aqua sapientiæ salutaris
 potabit illum. Viuat proinde in huius viduæ. i. sanctæ
 ecclesiæ domo, vbi prædicta duo iugiter autore Deo
 conseruantur & suppetunt. Studeat autem verus
 pœnitens in doctrinæ verbo proficere per cognitionem
 veritatis in intellectu, & in affectu per dilectionem
 Dei & proximorum, quoadusq; tempus cœlestis
 vbertatis in æterna vita donetur.

FERIA QVARTA

post Reminiscere.



Onuerte luctum nostrū in gaudium vt viuentes laudemus nomen tuū. Hest. 13.

In hac lectione recitatur nobis pia Mardochoai ad Deum deprecatio pro liberatione populi Israel, cui mortis discrimen impendebat. Adscribitur tamen ipsi Hester regine, cui Mardocheus hic propinquus & à consilijs erat, In qua quidem oratione tria facis

facit orantibus imitanda. Primo confitetur & veneratur Dei potentiam. Secundo allegans complorat & proprias & populi sui angustias & miseriam. Tertio optata à se bona in Dei refert gloriam. Primum à principio lectionis. Secundum ibi. Et nunc Domine rex regum. Tertium ibi, Et cōuerte luctum

Circa primum est aduertendum q̄ huius orationis occasio talis erat. Haman secundus à rege in regno Assueri regis Persarum atq; Medorum, impius atq; truculentus, non modo regni appetens fuit, sed etiam ab omnibus affectabat adorari, supra humanum modum inflatus superbia. Quum autem Mardocheus inter cæteros Israëliticæ gentis captiuitatis filios antè regis aulam de more obambulare cæteris impium illum adorantibus, ipse vnus illi genua curuare recusabat. Quod quum felle commoto ferret egerrimè, consilium ei fuit sententiã mortis à rege in totam Israëliticam gentem (quæ tum sub eiusdem regis ditio- ne degebat) ob vnus huius odium impetrare. Quam cum fictis criminationibus & fucatis calumnijs obtinisset, mox illam in vrbe regia Sussis appensam palam diulgauit, cuius nihilominus exemplaria per veredarios publicos ad omnes prouincias & ciuitates sub imperio eiusdem regis Assueri constitutas secundum vniuscuiusq; gentis linguam mox deferri fecit & publicari. Porro interfectionis atq; exitij diem, inspiens ipse & futuri nescius à sortibus poposcit. Quibus in vrnã missis, exiuit duodecimi mensis dies quartusdecimus. Deo sortes sic temperante vt contra malum imminens per annum fermè totum præmuniti, orationibus & fletu pro sui liberatione diuinam clementiam interpellarent, interim Mardocheo atq; Hester regina suppliciter pro sui & populi liberatione in ieiunio & prece perseuerantibus.

Quum ergo dirum atq; fraudulentũ mortis procuratorem adorare Mardocheus animo constanti resusaret, acrioribus ille furijs agitatus, consilium ha-

A
Hama ex
terminiũ
molitur Iu
dæis.

B
Diem ex
dis à sorti
bus poscit.

**Cur Ha
man Mar
docheo cru
cem pa
rauerit.**

G s buit

FERIA QVARTA

buit præuenire communem necis diem iam sortibus lectum, & parare Mardocheo crucem sublimem, in qua dum suspensus interisset, gauderet se inuisum hostem de medio sustulisse. Sed supplicantiibus pijs, malignum consilium in suū authorem Deus mira æquitatis dispensatione conuertit, vt incideret impius in foueam quā fecit. Subito nempe ob Mardochei cōperta in regem merita fidelitatis, rebus præter spem repente mutatis, iussione regia compulsus est impius Haman, vt magnificè honoratū à rege Mardocheū, vestibus indutum preciosis, impositumq; equo regio & diademate fulgentem, ipse stratoris vices gerens per ciuitatem circūduceret, & propria præconio vocis clamaret. Sic honorabitur quemcunq; rex voluerit honorare. Ad extremum verò in crucem quam Mardocheo parauerat, ipse actus & suspensus cum filijs & domo tota periit. Quo extincto & nihilominus decreto mortis quod ipse fraudulenter obtinuerat regijs epistolis reuocato, domus eius reginæ Hester & Mardocheo data est.

C

Diaboli ty-
pum Ha-
man gessit.

Sap. 2.

Diabolus
proprijs ca-
ptus insi-
dijs.

Collo. 2.

Vbi rectè diaboli typum impius iste Haman gessit. Ipse enim non modo regnū, sed etiam Dei cultum sibi cupit exhiberi. Quo nihilominus agente mortis sententia à summo principe Deo in totum genus humanum processit. Siquidem inuidia diaboli mors intrauit in orbem terrarum. Porrò Christum Mardocheus expressit, Hester verò figura fuit Ecclesæ.

Vnde sicut in cruce quam Mardocheo parauerat necis procurator interiit, ita diabolum Christus in cruce expoliens traduxit confidenter palam triumphans illum in semetipso, delens quod aduersum nos erat chirographū decreti quod erat contrariū nobis, & ipsum tollens de medio affixit illud cruci. Per crucem enim quā (Iudæis agentibus) diabolus Christo parauit, Christus ipse gloria & honore coronatus, hunc vicit & triūphauit, sicut vaticinio prophetico longè antè fuerat prænunciatum, dicente Dauid, Dicite in na-

tionis

tionibus, quia Dominus regnavit a ligno. Vnde factum est ut ille victus per crucem & confusus, & mundi principatū & mortis imperiū superatus amiserit.

Quod autem domus Haman cecidit Hester reginæ & Mardocheo, quid aliud est, nisi quod illo forti armato, qui prius atrium suum custodierat, a superueniente fortiore, superato, victor illius atrium foret possessurus, & distributurus spolia? Siquidem mundi huius principatus, quem antè sibi diabolus usurpauerat, cecidit Christo victori. Data, inquit, est mihi omnis potestas in cælo & in terra. Vnde & imminente certamine suæ passionis, de victoria iam securus ait: Nunc iudicium est mundi, nunc princeps huius mundi eicietur foras.

Nobis quoque non aliter diabolus superandus est quam per eiusdem passionis Christi communicationem, sicut duobus Zebedæi filiis regni gloriam poscentibus, responsione sua Dominus insinuavit, prout hodierna sancti Evangelii lectio patefacit. In qua quippe consilium suum Dominus Apostolis secretò revelans dicit: Ecce ascēdimus Hierosolymā, & filius hominis tradetur principibus sacerdotū & scribis & cōdemnabunt eū morte, & tradent eū gentibus ad illudendum, & flagellandum, & crucifigendum. Per passionem enim & mortem domini hostis noster diabolus capiendus erat, spoliandus & iudicandus. Quoniam verò infatigabilis hic homicida quod per vim non potest, dolis & fraude molitur, illius insidias in luce veritatis iam agnoscētes, ad eum confugiamus qui nos potest saluos facere, & dicamus: Converte luctum nostrū in gaudiū. His præmissis ad literā accedamus.

Domine Deus rex omnipotēs in ditione tua cuncta sunt posita, & nō est qui tuæ possit resistere voluntati. Si decreueris saluare nos, continuo liberabimur. Tu enim Domine

D
Luc. iii.
Victor
Christus
quid acquisiuit.
Mat. vi.

Ioan. 12.

Mat. 20.

FERIA, QUARTA

mine fecisti cœlum & terram, & quicquid
cœli ambitu cōtinetur. Tu es Dominus om
nium, & non est qui resistat maieſtati tuæ.

E Hic diuinam Mardocheus agnoscit & veneratur
potentiam. Quis enim auxiliū Dei imploret, nisi qui
ipsius potentiam & credit & confitetur? Non est, in
quit, qui tuæ possit resistere voluntati. Ergo si decreue
ris saluare nos, continuò liberabimur. Nam his maio
ra fecisti. Fecisti enim cœlum & terram, & quicquid
cœli ambitu continetur. Hanc sanè potentiam cognos
cebat, qui ait: Domine si vis potes me mundare.
Et rursus alius qui dicebat: Domine nō sum dignus
vt intres sub tectum meum, sed tantum dic verbo,
& sanabitur puer meus. Sed ille dubius fuisse vide
tur qui ait: Si quid potes adiuua nos, miserus nostri.
Deniq; cœcos illos Dominus diuinitatis suæ potera
tia illuminaturus, interrogabat, dicens: Creditis quia
hoc possum facere vobis? Omnia enim possibilia
sunt credenti. Quisquis autem hæstrauerit, non existit
met q̄ sit aliquid accepturus à Domino. Vnde (vt
Marcus refert) in ciuitate sua Nazareth non poterat
Dominus virtutem vllam facere, nisi q̄ paucos infir
mos impositis manibus curauit. Et mirabatur pro
pter incredulitatem eorum. Non poterat, inquit, quia
non volebat, & hoc non ex impotentia, sed propter
incredulitatem illorum. Circa secundum dicit.

Et nunc Domine rex regum Deus Abra
ham miserere populo tuo, quia volunt nos
inimici nostri perdere, & hereditatem tuam
delere, ne despicias partem tuam quam re
demisti tibi, sed exaudi deprecationem nos
tram, & propitius esto sorti & funiculo hæ
reditatis tuæ.

Hic

diuinā ora
rurus agno
ſcat poten
tiam.

Mat. 8.

Ibidem.

Mar. 9.

Fides im
petrat.

Mat. 9.

Iaco. 1.

Mar. 6.

Hic allegat & complorat suas & populi sui miserias, vt humana miseria diuinam prouocet misericordiam. Abyssus enim abyssum inuocat. Hoc est, abyssus nostræ miseriæ inuocat abyssum cœlestis misericordiæ. Inuoca me, inquit, in die tribulationis, eruam te & honorificabis me. Nonnunquam enim nos Dominus angustijs irretiri permittit, vt & miseriam nostram humiliter agnoscamus, & ad Dei misericordiam humiliati compellamur habere refugium. Volunt, inquit, nos inimici nostri perdere, siue dæmones tandem hi fuerint siue homines prauis, quorum tamen si voluntas iniqua est (volunt enim nos perdere) non tamen nisi iusta potestas. Nam velle malum, in illorum arbitrio situm est, posse verò in manu Dei.

Volunt, inquit, & hæreditatem tuam delere. Credentes in Christum hæreditas ipsius sunt, iuxta quod ad eum loquens pater ait: Postula à me & dabo tibi gentes hæreditatem tuam. Et iterum. Pars autem Domini populus eius. Iacob funiculus hæreditatis eius. Quia ergo volunt hæreditatem tuam delere, ne despicias partem tuam quam redemisti tibi. i. vt tua esset. Itaque ne sinas illam ab eis deleri, hoc enim in tuam vergeret iniuriam, si illi auferrent quod tu redemisti, non commercio vili, non corruptibilibus auro vel argento, sed preciosæ mortis & sanguinis tui inæstimabili precio. Circa tertium dicit.

Et conuerte luctum nostrum in gaudiū, vt viuentes laudemus nomen tuum: & ne claudas ora conentium te.

Optata bona Mardocheus in Dei refert honorem & gloriam, dicēs: Conuerte luctum nostrum in gaudium, vt viuentes laudemus nomen tuum. q. d. Ideo vitam nobis seruari precamur, vt hæc nostra vita tuis deseruiat laudibus. Nam si nos deleri & interire permiseris, profectò claudentur ora confitētium & laudantium te, & gloriabuntur inimici tui, se aduer-

F
Humana
miseria di
uinā pro
uocat mise
ricordiam.

Fideles hę
reditatem
Christi
esse.

FERIA QUINTA

sum nominis tui confessores præualuisse, quod vtiq[ue] sine tui honoris detrimēto fieri non potest. Igitur & si nos vita digni non sumus, dignum tamen est vt nomen maiestatis tuæ laudetur, & ab omni blasphemia vindicetur.

FERIA QUINTA

post Reminiscere.

DO vnicuique iuxta viam suam. Hier. 17.

Ex hac lectione tria nobis innotescunt. Primum est, q[uo]d sit exitiosa in sæculi rebus derelictio Domino confidentia. Secundum, q[uo]d sit utilis in Dei pietate fiducia. Tertium, q[uo]d sit metuenda diuinæ inspectionis censura. Primum à principio lectionis. Secundum ibi. Benedictus vir qui cōfidit in Domino. Tertium ibi. Præuum est cor hoīs.

Circa primum dicitur.

A Hæc dicit Dñs Deus: Maledictus homo qui confidit in homine, & ponit carnem brachiū suū, & à Domino recedit cor eius.

In peccato
duo esse.

Vbi tota peccati ratio comprehensa notatur. Nam quum dicit: Maledictus homo qui confidit in homine & ponit carnem. i. hominem mortalem, aut rem aliam fragilem & perituram, brachium suum. i. fortitudinem suam, spem suam, refugium suum, delicias suas: quum inquam hoc dicit, designat peccatoris detestabilem ad vanitates conuersionem. Quum autem subiungit. Et à Domino recedit cor eius, tangit exitiosam ipsius à Deo auersionem.

B Sed vix filij desertores dicit Dominus, vt faceretis consilium & non ex me: & post pauca. Qui ambulatis vt descendatis in Ægyptum, & os meū non interrogastis, sperantes auxilium in fortitudine Pharaonis, & habentes fiduciam in vmbra Ægypti, Et erit vobis

bis

his fortitudo Pharaonis in confusionem, & fiducia
vmbrae Aegypti in ignominiam. Per Aegyptum my-
sticè saeculum hoc, & per fortitudinem Pharaonis va-
na mortalium opitulatio designatur. Sed vix filijs de-
sertoribus, qui inconsulto atq; neglecto Domino, in
rebus vanis spem suam constituunt.

Vix, inquit, filij desertores. Si miles desertor, ultimo
plectendus supplicio legibus venit, quanto magis ip-
sius imperatoris filij desertores à signis suae militiae ad
hostes deficientes? Qualis autem futurus sit huiusce-
modi desertor Dei, & vanitatum huius mundi secta-
tor insinuatur, quum subiungitur.

Erit enim quasi miricæ in deserto, & non
videbit quum venerit bonum, sed habita-
bit in siccitate in deserto in terra falsuginis
& inhabitabili.

Erit, inquit, quasi miricæ in deserto. Quid sit miricæ
palam est. Est enim copiosa, brevis, sterilis, ad scoparum
materiem tantum, & post ad ignis nutrimentum utilis.
Quae omnia reprobis & in huius saeculi vanitate fi-
dentibus conveniunt. Copiosi sunt enim. Quia ut Salo-
mon ait: Stultorum infinitus est numerus. Steriles pro-
inde sunt, quia dignos poenitentiae fructus non produ-
cunt. Breves sunt, quia in terrenis & carnalibus rebus
semper depressi, per spem & amorem ad caelestia non
assurgunt. Denique scopis conficiendis utiles, quia (ut
s. Aug. ait) nemo putet homines malos in hoc mun-
do esse otiosos, & de illis nihil boni facere Deum.
Omnis malus ideo vivit, aut ut corrigatur, aut ut bo-
nus per eum exerceatur. Quum autem scopa usu per-
trita fuerit, pabulum ignis efficitur. Vnde & de re-
probis electos Dei in hac vita exercitibus, sub no-
mine Assur per Prophetam dicitur: Ut Assur, virga fu-
roris Domini & baculus ipse est. Filio castigato pla-
catus pater abiicit virgam in ignem, Sequitur.

Simile de
militate de-
sertore.

C
Peccator
miricæ co-
paratur.
Eccli. 4.

hominibus
malis ut
Deus vti-
tur.

Esa. 10.

Et non

FERIA QUINTA

D Et non videbit quum venerit bonum, Hoc est
Peccato Non intelliget nec agnoscet in se collata diuinæ mu-
res nihil nificentiæ dona: nec rursus intelliget cœlestis gratiæ
proficere. instinctus qui neminem omnino prætereunt sicut
Iob. 35. scriptum est. Super quem non surgit lumen illius:
Eccli. 32. Lucet quippe sol, & pluuia descendit etiam super mi-
 ricas deserti. Non etiam aduertit diuinæ legis allo-
 quium. Nam vt Sapiens ait: Cum dormiente loquitur,
 qui narrat stulto sapientiam. Deniq; non intelligit
 quid in creaturis Dei nutus innuat. Præterea non re-
 nouatur spiritu mentis suæ, non refloret post aridita-
Gene. 19. tem, non reuirtet à spiritualis hyemis deformi sterilitate,
 sed ad modum eius, quæ contra vetitum retro-
 spiciens in lapidem versa est, & hic obduruisse vide-
Hiere. 8. tur. Non ergo videbit quum venerit bonum. Vnde
 & alio loco per eundem dicitur. Transijt messis, finita
 est æstas & nos saluati non sumus. Respiscunt non
 nulli occurrentium per annum sacrarum solennita-
 tum diuinis mysterijs excitari, hic verò non videbit
 quum venerit bonum. Sequitur.

E Sed habitabit in siccitate in deserto, in terra falsuginis
Siccitas & inhabitabili. Nimirum in siccitate habitabit
mysticè. per defectum irrigui gratiæ cœlestis, quæ super eum
Desertum veniens non manet, sed defluit. In deserto habitabit,
Terra falsuginis. propter defectum operationis bonæ, & culturæ ho-
 minis interioris. In terra falsuginis, per indocilitatem
 & pertinaciam proprii sensus. Nam plus nimio falsus
Prouer. 26. ille dicitur qui sapiens apud semetipsum, nec peti
 suaderi nec corrigi potest. Vnde Salomon ait: Vidisti
Terra in- hominem sapientem sibi videri, magis illo spem ha-
habitabi- bebuit inspiens. Deniq; in terra vel loco inhabitabili,
lis. subaudi demorabitur, per angustias & tædia internæ
Act. 8. amaritudinis, sicut per Apostolum Petrum ad Simo-
 nem Magum dicitur. Non est tibi pars neq; fors in
 sermone isto, quoniam in felle amaritudinis & in ob-
 ligatione iniquitatis video te esse.

Circa secundum dicit.

Benedi

Benedictus homo qui confidit in Domino, & erit Dominus fiducia eius. Et erit quasi lignum quod transplantatur super aquas, quod ad humorem mittit radices suas, & non timebit quum venerit æstas.

Hic ostenditur quod sit utilis in Dei pietate fiducia. Unde & per alium Prophetam dicitur. Qui confidunt in Domino sicut mons Sion, non commouebitur in æternum. Qui rursus ait. In Domino confido quomodo dicitis animæ meæ transmigra in montem sicut passer? Superbi & vani homines ut passer, leues, citò à Domino recedentes ad alta demigrant, ambulantes in mirabilibus super se, sed fidelis quisque in Deo confusus tametsi interdum spiritus potestatem habentis super ipsum ascendat, locum tamen suum non dimittit. Porrò sola huiuscemodi in Deo fiducia potest saluare, unde cuidam per Hieremiam à Domino dictum est. Erit tibi anima tua in salutem, quia in me habuisti fiduciam.

Erit, inquit, quasi lignum quod transplantatur super aquas. Transplantatur enim quasi arboris qui verè confidit in Domino per veram à peccatis suis ad dominum conuersionem, firmiter radicitur per propositi melioris constantiam, floret per vltioris profectus desideria. Fructificat per probos mores & opera sancta, dans fructum suum in tempore suo. Nec mirum, quia transplantatur super aquas. Lignum quippe quod plantatum est secus decursus aquarum dabit fructum suum in tempore suo. Sicut autem superius per siccitatem carentiam gratiæ coelestis accipimus, ita & per has aquas ad quarum humorem vir iustus (quasi lignum) mittit suæ fidei & voluntatis radices, & Dei gratiam intelligimus, quæ nos spiritualiter virere & viuere, & sanctis florere desiderijs, & operibus pijs fructificare facit. Sequitur

H Et non

F
Quam se
vtile confis-
dere in Do-
mino.

Eccles. 10.3

Hiere. 39.3

G
Vir iustus
ligno viris-
ti compa-
ratur.

FERIA QUINTA

Et non timebit quum venerit aestus. Per aestum potes intelligere vel reproborum persecutionem, vel etiam quacumque siue a diabolo, siue a carne venientem tentationem. Sed hunc aestum non timebit qui super aquas transplantatus est. Vnde vir sanctus de semet ipso loquens ait: Radix mea aperta est secus aquas, & ideo in nidulo meo moriar, inquit. Hinc Salo. ait: Radix iustorum proficiet. Econtrario vero de impio scriptum est. Non ditabitur nec perseverabit substantia eius, nec mittet in terram radicem suam. Sequitur.

Iob. 19.

Prouer. 12.

Iob. 15.

Et erit folium eius viride, & in tempore siccitatis non erit sollicitum nec aliquando desinet facere fructum.

H Per folium hoc loco non incongrue sermonem viri iusti accipimus, quomodo per fructus opera. Vnde & ficulnea secus viam quae fructus non habebat sed folia tantum, eos significabat qui fructum pietatis non habentes, de solo legis sermone sibi placebant, quasi de ornatu viridantium foliorum, quibus ipse Dominus ait: Hypocritae bene prophetauit de vobis Esaias, dicens: Populus hic labijs me honorat, cor autem eorum longe est a me. Sit ergo sermo tuus utilis & ad aedificationem, ut sis lignum cuius est folium viride. Itaque sermo tuus non sit inanis, sed aut instruat aut moneat, aut consoletur, aut corripiat, & hoc quidem ad proximum. Ad Deum autem, sermo tuus aut oret, aut gratias agat, aut laudet. Quoniam vero reproborum sermones in huiusmodi non exercentur, sed obmutescunt & silent a bonis, merito non videntibus sed squalentibus & arentibus folijs comparantur. Sequitur.

Mat. 15.

sermo qualis esse debet.

Et in tempore siccitatis non erit sollicitum, nec aliquando desinet facere fructum. Semper enim gratiae caelestis irriguo foecundatur. Vnde qui manet in me

Joan. 15.

(ait Dominus) & ego in eo, hic fert fructum multum.

Circa tertium dicit,

Primum

Prauum est cor hominis & inscrutabile, quis cognoscet illud? Ego Dominus scrutans corda & probans renes, qui do vnicuique iuxta viam suam, & iuxta fructum adinventionum suarum.

Hic noratur quod sit metuenda diuinæ inspectionis censura. Siquidem homo videt ea quæ patent, Deus autem intuetur cor, unde totus valor hominis metendus est. Est autem cor hominis prauum, quia (sicut scriptum est) cuncta cogitatio cordis humani intenta est ad malum omni tempore. Et iterum. Sensus & cogitatio humani cordis in malum prona sunt ab adolescentia sua. Illud autem cor prauum est, quod recedens à Domino boni fontem derelinquit, de quo per Prophetam Dominus ait: Non adhaesit mihi cor prauum. Quia ut per Sapientem dicitur: abominabile Deo cor prauum. Et iterum. Homo apostata vir inutilis, graditur ore peruerso, annuit oculis, terit pede, digito loquitur, prauo corde machinatur malum, omni tempore iurgia seminat. Huic exemplo veniet perditio sua, & subito conteretur, nec habebit ultra medicinam. Hinc rursus per alium sapiētem dicitur: Cor prauum dabit tristitiam, videlicet & sibi ipsi & alijs. Et quia prauitas hæc in corde consistit quod maximè, cuius secreta soli Deo peruia sunt, ideo quum dixisset, prauum est cor hominis, addidit & inscrutabile, quis cognoscet illud? quum nec ad plenum semetipsum vnusquisque cognoscat, dicente Apostolo: Sed neque meipsum iudico, qui autem iudicat me Dominus est, qui solus ad plenum me cognoscit. Et do, inquit, vnicuique iuxta viam suam, & iuxta fructum adinventionum suarum. Iuxta viam suam, inquit, quoad cordis electionem & intentionem mentis, & iuxta fructum adinventionum suarum, & hoc quo ad opera quæ ex archana cordis electione foras in opere prodeunt,

I
1. Reg. 16

Gene. 6

Gene. 8.

Cor prauum

Prouer. 12

Prouer. 6

Eccli. 36

K

post Reminiscere.

Vade, & vide, si cuncta prospera sint erga fratres tuos & pecora, & renuncia mihi quid agatur. Gen. 37

Historia presentis lectionis potest ad ædificationem duobus

modis exponi. Videlicet literaliter, & allegoricè. Quo ad sensum literalem plana est. Et possumus ex ea quatuor ad morum ædificationem notare. Primo ipsius Ioseph amatam a patre sanctam innocentiam. Secundo in ipso Ioseph præsciam futurorum sapientiam. Tertio eiusdem Ioseph ad patris iussionem promptam obedientiam. Quarto contra innocuum male stimulatam fratrum invidiam.

Circa primum dicitur.

Ioseph quum sedecim esset annorum pascebat gregem cum fratribus suis adhuc puer.

A
Ioseph cur
a patre pre
ceteris di
lectus.

Hoc est, purus & impollutus simplex & innocuus. Et quia sancta puritas dilectione digna est & honore, ideo dicitur consequenter. Israël autem diligebat Ioseph super omnes filios, eo quod in senectute genuisset eum. Et præsertim, quia ipse sancta puritas solatio erat patri. Fecerat autem ei tunicam polimitam & talarem, hoc est. Stamine ad decorem multicolore artificiosè cõtextam, & ad talos usque protensam, quam nullus fratrum suorum habebat. Unde patet quod sicut ob prauitatem & malitiam vitiosus quisque de spectionem incurrit, ita quisquis innocuus est & virtuosus, amari meretur & honorari. Quisquis ergo

B
Somnia Ioseph qua
lia.

amari cupit & honorari, studeat innocuè cõuersationis & virtutis merito his sese dignum efficere.

Circa secundum videlicet præsciam futurorum in sancto puero Ioseph sapientiam dicitur, quod vidit somnia,

nia, utiq; præfaga futurorum quæ pura simplicitate fratribus suis enarrans, ait: Audite somnium meum quod vidi. Putabam nos ligare manipulos in agro, & quasi confurgere manipulum meum & stare, vestrosq; manipulos circumstantes adorare manipulum meum. Aliud quoq; vidit somnium quod narrans fratribus ait: Vidi per somniū quasi solem & lunam & stellas undecim adorare me. In quibus utiq; non vanis, sed futurorum prænuncijs somnijs puer sanctus à Deo & suo patre dilectus, quod in illo Dominus operaturus erat, diuina luce irradiatus præuidit, sicut futuri probauerunt euentus.

Siquidem futurum erat ut ipse in principatu terræ Ægypti consilia & opera (quasi suos manipulos) aliquando forent veneraturi & ipsum prostrati adoraturi. Vnde etiam colligitur quod quisquis veram & sanctam concupiscit sapientiam, is sollicitus sit in semetipso conseruare puritatem & innocentiam, quia in maleuolam animam non introibit spiritus sapientiam, nec habitabit in corpore subdito peccatis. Transfert autem se isdem sapietiam spiritus per nationes in animas sanctas, & ubiq; dignos se quærens circuit. Hinc Daniel, Hieremias, Dauid & alij pleriq; in ætate adhuc tenera sapientiam diuinitus accepisse leguntur.

Circa tertium quod est, ipse Ioseph ad patris iussionem prompta obedientia, dicitur in litera. Quumq; fratres illius in pascendis gregibus patris moraretur in Sichem, dixit ad eum Israël. Fratres tui pascunt oves in Sichimis, veni mittam te ad eos. Quo respondente præsto sum, ait: Vade & vide si cuncta prospera sint erga fratres tuos & pecora, & renuncia mihi quid agatur. Missus de valle Hebron, venit in Sichem, inuenitq; eum vir errantem in agro, & interrogauit quid quæreret. At ille respondit. Fratres meos quæro. Indica mihi ubi pascant greges. Qui dixit ei. Reccesserunt de loco isto. Audiui autem eos dicentes: Eamus in Dothaim, Exemplar obedientiam puer iste

Quid somnia Ioseph portendent.

Sap. 1.

Sap. 7.

C
Ioseph obedientiam.

FERIA SEXTA

Iob, 19.

sanctus pueris vniuersis, seruis nihilominus & subditis, extitit, dum ait: Praesto sum. Sed non sic filij Be-
 lial, non sic vel parentibus vel maioribus obtempe-
 rare detrectantes vocati respondet. Vnde vir sanctus
 quaeritur, dicens: Seruum meum vocaui, & non re-
 spondit mihi. Sed durum est eis contra stimulum cal-
 citrare. Nam dum legitimè detrectant obsequium
 obedientiae, duplo iugum quod inuiti portant eis ag-
 grauatur. Contra verò, beata fors omnis est, æquan-
 mitate tolerantis.

D
Fratrum
inuidiæ
causa.

Circa quartum nota q̄ propter duo aduersus factu-
 ctum Ioseph fratrum inuidia flagrauit, Vnum erat
 paterna dilectio, alterum visio somniorum, de primo
 dicitur. In litera. Videntes autem fratres eius q̄ a pa-
 tre plus cunctis filijs amaretur oderant eum, nec po-
 terant ei quicquā pacificè loqui. De secūdo, Quum il-
 lis primum somnium enarrasset, commoto iam felle
 exacerbati dicūt ei: Nunquid rex noster eris, aut subij-
 ciemur ditioni tuæ? Hæc ergo causa somniorum atq̄
 sermonum inuidiæ & odij fomitem ministravit.

Inuidebant igitur ei fratres sui. Pater verò rem ta-
 citus considerabat. Sed vide quonam illos furor egit,
 Quum enim a patre missus (utiq̄ patris salutem ad
 eos, & rursus salutem eorum ad patrem perlaturus)
 ad eos veniret, & illi vidissent eum procul, antequā
 accederet ad eos cogitauerunt eū occidere & mutuo
 loquebantur: Ecce somniator venit. Venite occida-
 mus eum & mittamus in cisternam veterem, dice-
 musq̄ fera pessima deuorauit eum, & tunc apparebit
 quid illi prosint somnia sua. Ad quos Ruben. Non in-
 terficiamus eū, nec effundamus sanguinem, sed proij-
 cite eum in cisternam veterem, quæ est in solitudine,
 manusq̄ vestras seruate innoxias. Confestim igitur
 vt peruenit ad fratres suos nudauerunt eum tunica ca-
 lari & polymita, & miserunt eum in cisternam vete-
 rem, quæ non habebat aquam.

E Et quum sederent & manducarent panem, viderunt

vultu

unt Ismaelitas negociatores venire de Galaad, & camelos eorum portantes aromata & resnam & stactem in Ægyptum. Et consilio Iudæ vendiderunt eum Ismaelitis. Frater enim (inquit ille) & caro nostra est. Quid proderit nobis si occiderimus fratrem nostrum, & cæluerimus sanguinem eius, melius est ut venundetur. Distractus ergo aliquatenus viuat. Serua viuum ô inimica fraternitas, serua viuum, quem inuenias aliquando propitium. Extrahentes ergo eum de cisterna vendiderunt Ismaelitis viginti argenteis.

Qui duxerit eum in Ægyptum. Tulerunt autem tunicam eius, & in sanguine hœdi quem occiderant tinxerunt, mittentes qui ferret ad patrem & diceret: Hanc inuenimus. Vide si tunica filij tui sit an non. Quam dum cognouisset pater ait. Tunica filij mei est, fera pessima deuorauit eum.

Porro Ioseph in Ægyptum ductus & illic in seruum venundatus, quum triginta factus esset annorum post falsum sibi adfixum crimen, postquã in carcere humiliauerant in compedibus pedes eius, mox rebus diuino nutu mirum in modum versis, ob compertam in eo sapientiam, totius regni moderationem accepit, & quemadmodum prius somnia sua portenderant, tandem à fratribus ipsius potentiam anxie trepidantibus & humi prostratis, adoratus est.

Sed quis in hac re diuinæ sapientiæ consilium sufficiat admirari? Spectaculum sanè quale diuinam decet exhibere sapientiam, summopere cunctis admirandum, quemadmodum insipientes & maligni diuini voluntatis propositum dum impedire moliuntur innocui fratris venditione, ipsi aduersus suam intentionem promouent. Vendiderunt enim in seruum quem super se regnare nolebant, ignorantes quod is qui in seruum venundatus erat Ioseph, à seruitute & vinculis egressurus esset ad regnum. Nec vnquam hunc fauoribus & obsequio eousque prouehere potuissent, quo hunc odijs suis prouexerunt.

Venditur Ioseph.

Chryst.

Mendacium fratrum.

F Ioseph quãta passus.

Ioseph sublimatur.

Mali ut diuinã cõtra se promouet voluntatem.

FERIA SEXTA

Vnde & nobis documentum relinquitur, beatum fore quisquis ob innocentiam vitæ sustinet persecu-
 tiones & odia malignorum, tantum ne hos oderit
 & ipse, aut malum reddat pro malo. Vtiq; de angus-
 tia iustus liberabitur, & tradetur impius pro eo.
 Promouebunt inuiti quem odiunt, sibi verò vincu-
 la fabricabunt. Nec cuiquā magis q̄ sibiipsis eorum
 odium nocebit.

Prouer. ix.

G
 Ioseph
 Christi
 typum
 gessit,

Circa secundum principale videlicet lectionis
 istius intellectum allegoricum considerandum est
 quemadmodum in Ioseph Christi typus exprimi-
 tur, in quem si per allegoriam ea quæ de Ioseph dicta
 sunt referimus, reperimus in his præfiguratum fuisse.
 Primum Christi probatam à patre innocentiam.
 Secundo ipsius venerandam sapientiā. Tertio prom-
 ptissimam sub imperio patris obedientiam. Quarto
 perperam ab Iudæis inuidiam.

Christi in-
 nocentia,

Circa primum videlicet probatam à patre Chri-
 sti innocentiam dictum est q̄ Ioseph puer pascebat
 gregem cum fratribus suis, hoc est, Christus ipse pu-
 rus à peccato, mitis & humilis corde, cum suis disci-
 pulis quos vtiq; fratres etiam post resurrectionis suæ
 gloriam appellabat, pascebat pane vitæ & intelle-
 ctus, Euangelica. f. doctrina, carnalium hominū tur-
 bas, quasi pecudum greges. Cuius vtiq; innocētiam
 Baptista Ioannes palām testatur, dicens: Ecce agnus
 Dei, ecce qui tollit peccata mundi. Cui innocentia atq;
 testatur columba. i. ipse spiritus sanctus in columbæ
 specie apertis coelis super eum descēdens. Et quidem
 mira congruitate in specie columbæ spiritus sanctus
 apparens super Dei & hominis filium ad suæ sanctæ
 atq; venerandæ innocentia testimonium descendit.
 Nam sicut inter animalia gressibilia nihil est mansue-
 tius neq; innocentius agno, sic nec inter volucres co-
 lumba, vt illius innocentia designēt, qui, vt b. Petrus
 ait: Peccatum non fecit, nec inuentus est dolus in ore
 eius. Super hæc autem patris testimonium eidem ad-

Ioan. 20.

Ioan. 1.

Luc. 3.

Petr. 2.

stipulaz

POST REMINISCERE. 33

Supplicatur quo ait. Hoc est filius meus dilectus in quo mihi bene complacui. Filius hic à patre plus cunctis fratribus amatur, imò ipse vnus apud patrem pluris habetur q̄ cœlum & terra, & omnia quæ in eis sunt. Et hoc quia in senectute, hoc est, in ipsa sua (quæ initio caret) æternitate hunc pater Deus, Deum de se genuit. Porro secundū eam quam pro nobis assumpsit humanitatem factus est ei ex semine Dauid in vltima mundi ætate.

Tunica polimita quam illi fecit pater, ipsa est humanitas eius in qua (vt Apostolus ait) habitu est inuentus vt homo. Hac illum vestiuit virgo mater. Talem autem vestem nullus suorum fratrum (.i. hominum) vnquam habuit, quia alius nemo de matre virgine conceptus & natus fuit.

Circa secundum videlicet venerandam Christi sapientiam dicit Apost. Christum esse Dei virtutem et Dei sapientiam, & rursus alibi dicit in ipso omnes thesauros sapientiæ & scientiæ Dei esse absconditos, quæ nimirum diuina in Christo sapientia, & rerum omnium non modo quæ fuerunt & sunt, sed etiam quæ postmodum erunt notitia, in illis sancti Ioseph propheticis somnijs significabatur. Nam ea quæ ille in se complenda præfaga mente somniauit, longe verius atq; perfectius in se verificanda Dei filius qui fuit heri & hodie & in sæcula, ab æterno præuidit.

Manipulus enim quem Christus ex agro mundi huius collegit ecclesia credentium est, ex gentibus & Iudæis collecta, & charitate (quæ est vinculum perfectionis) colligata. Iste manipulus hæc credentium collectio, ecclesia ista, contra portas inferi in fide & vnitæ spiritus perseverans persistit inuicta, quæ nec tyrannorum grassantium persecutionibus violentis, nec hæreticorum fallacijs, nec diabolicis insidijs, vnquam potuit aut poterit superari.

Porro conuenticula & colligationes impiorum, qui conuenerunt aduersus Dominum & aduersus

H 5 Chri

Luc. 3.
H
Cur Christus à patre plus cunctis ametur.
Rom. 1.

Tunica polimita quid.
Phili. 2.

Christi sapientia.
1. Cor. 13.
Col. 2.

Heb. 13.

I Manipulus Christi.
Col. 3.
Mat. 16.

Colligationes impiorum ruunt.

FERIA SEXTA

Christum eius, & coniurantium sectę hæreticorum, & vniuersa sathanæ synagoga, ruunt in perditionem. Non plantauit illas pater. Omnis autē plantatio quę non plantauit pater meus cœlestis (ait Dominus) iera dicabitur.

Mat. 15

Manipulus Ioseph adoratur.

Adorant autem manipulum Ioseph manipuli reli quorū, quia sicut dicit Psal. ad Christum loquēs. Veni ent ad te qui detrahebant tibi, & adorabunt vestigia pedum tuorum.

Sol luna et stellę.

Somniauit proinde non vane imō præsciuit no ster Ioseph solem & lunam & stellas vndecim adora re se, quoniam vt dignum est adorant eum & angelicę splendor glorię, quasi sol, & in cœlo triumphans ecclesia sanctorū, quasi luna, & innumera per orbem terrarum fidelium multitudo, quasi stellę. Deus enim

Philip. 2.

dedit ei nomen quod est super omne nomen, vt in no mine Iesu omne genu flectatur, cœlestium, terrestriu m, & infernorum.

K Christi obediētia.

Circa tertium quod est promptissima Christi sub imperio patris obedientia, in figura dictū est q̄ cum fratres Ioseph in pascendis gregibus morarētur in Si chem, vocauit illum pater suus di. Veni mittam te ad eos. Qui respondit. Pręsto sum. Vbi homines Christi fratres appellantur, præsertim electi. Placuit enim illi vt sit ipse primogenitus in multis fratribus. Hi gre ges. i. pecuales suas affectiones laboribus magnis pascebant, hoc est, in Sichem, quod interpretatum labor dicitur. Nec mirū si huiuscemodi desideria pascebāt.

Rom. 8.

Non enim ante Christi aduentum alia nouerant bona q̄ ea quę corporis sensibus percipiuntur. Et quoniam hæc bona cum difficultate magna et laboribus quæruntur, ideo in Sichem quod (vt iam dictum est) laborem significat, fratres Ioseph pascere greges memorantur.

Luc. 5.

Missus autem est si diligenter aduertas, non solum fratres suos, sed etiam pecora visitare, quia nō tantum iustos saluare venit, sed potius vocare peccatores ad pœnitentiam.

penitentiã. Missus itaq; de valle Hebron. i. ab æqualitate patris (Interpretatur enim Hebron visio sempiterna) & ab humilitate virginis matris secundũ naturam assumptam, quæ propter humilem de sese opinionem, nõ in cõgrue vallis dicitur. Venit in Sichem. i. in huius vitæ mortalis erumnas & labores.

Et inuenit eum vir errantem in agro qui interrogauit eum quid quæreret. Vir iste propheticus sermo est, cum grandi admiratione interrogans & di. Quare quasi colonus futurus es in terra, et quasi viator declinans ad manendum. & quare futurus es quasi vir vagus & fortis qui nõ potest saluare? Quæsiuit ergo fratres suos, vt videlicet salutis à patre transmissæ interuentus esset. Quæsiuit eos quomodo pastor ouem quæ perierat, quomodo pius medicus quos sanet ægrotos, & vt fidelissimus patronus & aduocatus, quos Deo reconciliet reos. Hos inquam quæsiuit sedule, siue quum in deserto ieiunaret, siue quum turbas doceret, siue quum diuinitatis sue potentiam in miraculis ostenderet, siue cum Iudæorum blasphemias & calumnias sufferens semetipsum pro nobis traderet oblationem & hostiam Deo in odorem suauitatis.

Inuenit autem eos in Dothaim, quod interpretatur defectio. Repperit quippe genus humanũ in defectibus multis, siquidẽ gratia deficiebat & gloria, deficiebat veritas, iustitia deficiebat, dicente Proph. Omnes declinauerũt simul inutiles facti sunt, nõ est qui faciat bonũ nõ est vsq; ad vnũ &c. quæ sequũtur. Et vn de rursum per Osee dicitur. Non est veritas nõ est misericordia, nõ est scientia Dei in terra. Venit ergo ad nos Dei filius plenus gratia et veritate, plenus misericordia et charitate, afferens nobis iustitiã nouã, nõ operũ sed fidei de qua Apost. quũ præmississet q; ex operibus legis nõ iustificabitur ois caro corã Deo, secutus adiũxit. Nũc autẽ sine lege iustitia dei manifestata est, testificata à lege & prophetis. Iustitia autẽ dei per fidẽ Iesu Christi in omnes, et super omnes q; credũt in eũ.

Rura

L
Vir inuenit Ioseph errantem.
Iere. 14.

Mat. 4.
Mat. 5.

Ephe. 5.

M
Dothaim.

Osee. 4.
Quo fructu Christi stus venit.
Rom. 3.

FERIA SEXTA

Rurfus, in Dothaim, i. in defectu fratres quæstos inuenit, quia morte sua nos acquisiuit. Vnde per Prophetam ait. Defecit in dolore vita mea. Et vnde iterum ait. Videte vniuersi si est dolor similis sicut dolor meus.

Tre. 1.

Hinc Iudæi Christi odium odierunt.

Ioan. 3.

Ioan. 14.

N Circa quartum perpeffam videlicet ab impijs inuidiam & persecutionem, aduertendū est Iudæorum principes propter illa duo in Christi odium exarsisse propter quæ innocuum & sanctum Ioseph fratres sui oderunt. Vnum erat paterna dilectio, alterum visio somniorū. Videbant peccatores & irascebantur, dentibus fremebant & tabescebant quia Christus a patre coelesti plus cunctis amaretur. Vnde veritatem confessus eorum vnus ait. Scimus quia a Deo venisti magister. Nemo enim potest hæc signa facere quæ tu facis: nisi fuerit Deus cum eo. Ex operibus enim quæ dederat ei pater, palam apparebat quia filium pater diligebat sicut ipse ait. Pater in me manens ipse facit opera. Hæc opera Iudæi videbant & inuidebant. Hinc oderant eum nec poterāt ei quicquam pacifice loqui, Hinc eorum aduersus Dominum et aduersum Christum eius calumniæ & contumeliæ, hinc opprobria & blasphemix proruperunt.

Mat. 21.

Ioan. 8.

Ioan. 10.

Ioan. 8.

Alterum quod in Iudæis contra Dominum inuidiæ & odij fomitem ministravit, erat visio & prænunciatio nō incerta futurorum: vt (verbi gratia) vbi ait. Auferetur a vobis regnum Dei, & dabitur genti facienti fructus eius. Rurfus, quum eis quis ipse esset aperiens dicebat. Ego principium qui & loquor vobis. Sed loquor vobis, inquit, & non creditis. Attamen nisi credideritis quia ego sum, moriemini in peccato vestro.

O

Itaque propter eorum incredulitatem, futuram eorum reprobationem & impiæ gentis excidium & superuenturas calamitates, asseueratione certissima prædixit. Dixerant fratres Ioseph. Nunquid rex noster eris aut subijcemur ditioni tuæ? Non secus Iudæi de

Christi

Christi
Et ita
tauer
nil pr
iterun
vnde
pedit
quatu
sunt e
rebit
beret
C
in qu
initio
repet
nō ha
mort
fernū
go d
id est
habe
D
Hæc
figur
non i
cet in
inter
Sang
men
hic n
auter
impe
vatio
eoru
ni m
ei sur
ctio

Christo. Nolumus inquit hunc regnare super nos. Et iterum. Non habemus regem nisi cæsarem. Cogitauerunt ergo illum occidere. dicentes. Videtis quia nil proficimus ecce mundus totus post eum abit. Et iterum. Si dimittimus eum sic omnes credent in eum, vnde tandē vel inuiti huic parere compellemur. Expedit ergo vt moriatur. Cogitauerunt vtique & loquuti sunt nequissimam, iniquitatem in excelsis loquuti sunt dicentes. Venite occidamus eum & tunc apparebit quid profint illi somnia sua. Confidit in Deo liberet eum nunc si vult.

Luc. 19
Ioan. 19
Ioan. 21.

Mat. 27

Cisterna vetus in quam est missus, est ipsa mors in quam genus humanum aquarū more defluxit ab initio, & defluere non cessat. Rursum per hoc quod repetitur q̄ miserunt Ioseph in cisternā veterem quæ nō habebat aquam, intelligi datur q̄ Christi corpus mortuum in sepulchrum, anima vero descendit in infernū, qui dicitur, cisterna vetus in solitudine, q̄ longo distet interuallo à regione viuorum, & aquam, id est, refrigerium de spe gloriæ in damnatis non haberet.

Cisterna
vetus.

Dicimusq̄, inquit, fera pessima deuorauit eum. Hæc techna, Iudæorum mendacia in Christi morte figurabat. Mentiti quippe sunt dicentes se Christum non interficere, sed Pilatum. Nobis, inquit, non licet interficere quenquam. Quum tamen mox postea interfectionis Christi scelus in se susciperent dicentes. Sanguis eius super nos & super filios nostros. Rursum mentiti sunt aduersus Christum dicentes. Si non esset hic malefactor, non tibi tradidissemus eum. Ad hoc autem Pilato Dominum tradebāt, vt fera pessima. i. imperij Romani potentia (quæ illos iuxta Danielis vaticinium comederat & comminuerat, & reliquias eorum pedibus erat conculcatura) Christum Domini morte deuoraret. Deniq̄ vel tunc maxime mentiti sunt & mentita est iniquitas sibi, quando multę peccatione pecunię sepulchri dominici custodibus corruptis

p
Techna
Iudæorū.
Ioan. 18

Mat. 27.
Luc. 23

Dan. 7.
Fera pessima.

ptis

FERIA SEXTA

Mat. 18. ptis falsum illorum testimonium redemerunt, ut dicerent. Nobis dormientibus furati sunt illum discipuli eius. O testes robustos, qui de his rebus perhibent quæ stertentibus ipsis gerebantur.

Mendaciū pecunia emptum. **Q** Ineptum sanè mendaciū, et ridiculum testimoniū multæ precio pecuniæ à stultis & malignis redēptū. Porro insatiabile Iudæorū contra Dominum declarat odium, quod non suffecerat occidisse, sed insuper & resurgentis gloriam quam vel inuiti à custodibus audierant obumbrare & emptis mendacijs abscondere satagebant.

Quod Ioseph nuda uerūt quid Sed ad nostrum Ioseph redeamus. Nudauerūt, inquit, eum fratres sui (.i. Iudæi de quorum gente humanam naturam assumpserat) animam eius per mortem corpore quasi uestimento suo spoliauerūt, miseruntque eum in cisternam veterem quæ non habebat aquam, quia (ut dictum est) corpus ipsius mortuum in sepulchrum, anima uero ad inferna descēdit. Quod autem fratres Ioseph non occiderunt, illud utique portendebat quod Christi diuinitatem Iudæi nequaquam uel lædere uel extinguere potuerunt. Et licet humanitatem eius occiderunt, non tamen ad mortem, sed ad resurrectionis securitæ gloriam, & ad mundi uitam mors illa fuit.

Ismaelitæ negociatores quid. Porro Ismaelitæ aromata & resnam in Ægyptū ferentes qui acceptum Ioseph illuc tulerūt, apostolos sanctos uisificum Christi odorem & baptismi salutaris medicinam in nationes gentium circumferentes, et prædicatione sua colendū & adorandū per orbem terrarum Christum annuntiantes significant.

Tunica Ioseph quid. **S** Tunica uero Ioseph in sanguine tincta quam pater missam agnouit, Christi humanitas est, proprio suo sanguine rubricata, quam etiā angelicæ virtutes in ipso in cælos ascensione admirantes, quare inquit rubrum est indumentū tuum. Hanc fidelis quisque fert ad patrem, quū per intercessionē effusi sanguinis, & mortis Christi, clementiā patris suppliciter inter-

Esa. 36.

pellat.

pellat
nobis
Quar
filij m
S

videli
admo
gemit
Duo p
et mir
reitur
sagia f
tres isti
Nam
modu
alter.
nandi
bat in
Ac
mum
sibi. C
quia c
primc
Er
minat
quod illis
non p
fungi
honor
substa

pellat. Vide inquit si tunica filij tui sit an non, pro nobis utique tuæ reconciliandis maiestati, conscissa. Quam pater misericordiarū agnoscens tunica inquit filij mei est.

Quis hanc fert ad patrem.

SABBATO POST REMIN.

Benedixi ei, & erit benedictus.

Gene. 27.

B Lectio ista tripliciter potest exponi. Primo historice seu literaliter, Secundo allegorice. Tertio moraliter siue tropologice. Circa primum, videlicet intellectū literalem attendendū est quem admodum mater Rebecca compugnantes in utero geminos portabat, dictumq; est illi oraculo cœlesti. Duo populi ex utero tuo diuidentur, & maior seruiet minori. Porro quum ex utero eius gemini nascerentur, minor tenuit plantā maioris, quæ fuerunt præfagia futurorum. Dissimiles quippe vita fuerunt fratres isti sicut & in natiuitate dissimiles apparuerunt. Nam qui primus egressus est, rufus erat: & totus in modum pellis hispida, videlicet Esau: qualis nō erat alter. Quibus adultis, factus est Esau vir gnarus vendendi & cautus agricultor. Jacob vir simplex habitabat in tabernaculis.

Jacob & Esau in utero pugnares.

Gene. 25. Esau vendit primogenita.

Accidit autem ut quadam vice Esau ex agro domum rediret, & coxisset Jacob lenticulam in cibum sibi. Cui Esau, Da mihi, inquit, de coctura hac rufa quia oppido lassus sum. Cui dixit Jacob, Vende mihi primogenita tua.

Erat tunc iuris primogenito fratrum suorum dominari, non quidem ut illis quasi seruis vteretur, sed quod illis iure primogenituræ quasi generositate quadā non parua, præmineret. Rursum primogenitorū erat fungi munere sacerdotali, quod utiq; nō mediocris erat honoris & dignitatis. Præter hæc, duplicem paternæ substantiæ portionē primogeniti accipiebāt. Deniq;

B Ius primogenituræ.

Mos ho-
minū car-
naliū.

ius alijs benedicendi non nisi primogenitis cedebat.
Hæc prudens Iacob attendens intelligensq; diuino
nutu primogenita sibi deberi. Vnde, inquit, mihi pri-
mogenita tua. Cui ille respondit, En morior, & quid
mihi proderunt primogenita? Hic enim carnaliū ho-
minum mos est, vt nisi confestim quæ concupiscunt
obtineant, voluptatibus suis vel ad tempus fraudari,
mortē esse clament. q. dicant, Morimur & ene camur,
si rebus concupitis frui non datur: ecquid proderunt
reliqua omnia? Siquidem pro minimo ducunt amitte-
re Dei gratiam in præsentī & promissam gloriam
in futuro. Itaq; sub attestatione iurifurandi Esau pri-
mogenita sua Iacob fratri suo vendebat.

C Quum autem post hæc senuisset pater & caliga-
rent oculi eius, et appropinquaret tempus eius vt mo-
reretur, vocauit filium suum Esau & dixit ei, Vides
q; senuerim & ignorem diem mortis meæ. Sume ar-
ma tua, pharetram & arcū, & egredere foras. Quum
que venatur aliquid apprehenderis, fac mihi inde pul-
mentum sicut velle me nosti: & affer vt comedam, vt
benedicat tibi anima mea antequam moriar. Quod
quū audisset Rebecca mater & ille abisset in agrum
vt iussa patris impleret, dixit filio suo Iacob, Audiui
patrem tuum loquentem cum Esau fratre tuo & hu-
iusmodi mandata dantem. Nunc ergo fili mi acqui-
esce sermonibus meis, & pergens ad gregem affer
mihi duos hædos optimos vt faciam ex eis escas pa-
tri tuo quibus libenter vescitur: quas quum inuuleris
& comederit, benedicat tibi priusquam moriatur.

Quumq; ille timere se diceret, ne forte atrectans
eum pater tactu deprehenderet non esse Esau: quum
ille pilosus ipse leuis esset, & induceret super eum ma-
ledictionem pro benedictione: securum hunc reddi-
dit mater dicens. In me sit ista maledictio fili mi, tan-
tum audi vocem meam, & pergens ad gregem affer
quæ dixi. Abijt & attulit deditq; matri. Parauit illa ci-
bos sicut velle nouerat patrē illius, Et vestibus Esau
valde

valde bonis quas apud se habebat domi, induit eum. Pelliculasque hoc dorum circumdedit manibus, & colu-
linuda protexit. Deditque pulmentum, & panes quos
coxerat tradidit. Quibus illatis quum pater interro-
gasset quis es tu inquiring filii mi, & ille respondisset,
ego inquiring sum primogenitus tuus Esau, feci sicut
præcepisti mihi. Ait pater:

Accede huc ut tangam te filii mi, & probem utrum
tu sis filius meus primogenitus Esau an non? Accessit
ille ad patrem, & palpato eo dixit pater, Vox quidem
vox Iacob est, manus autem manus sunt Esau. Et ad-
iecit tandem postquam filium palpasset. Accede ad me
& da mihi osculum filii mi. Accessit & osculatus est
eum. Statimque ut sensit vestimentorum eius fragran-
tiam ait, Ecce odor filii mei sicut odor agri pleni cui
benedixit Dominus. Det tibi Deus de rore cæli &
de pinguedine terræ abundantiam frumenti, vini, &
olei: seruiant tibi populi & adorent te tribus. Esto do-
minus fratrum tuorum, & incuruentur ante te filii ma-
tris tuæ.

Vix Isaac pater sermonem compleuerat & ecce
Esau de venatione reuersus quum patri coctos cibos
inferens ad manducandum hunc hortaretur postula-
retque paternam benedictionem, interrogat pater quis
nam ipse esset. Qui quum responderet, ego sum filius
tuus primogenitus Esau, expauit Isaac stupore vehe-
menti, & ultra quæ credi potest admirans ait. Quis igitur
ille est qui dudum captam venationem attulit mi-
hi & comedi ex omnibus priusquam tu venires? Vi-
dit quippe in spiritu hoc factum esse à Domino, &
pię fraudis mysterium intellexit. Vnde nec iratus est,
sed quod actum erat confirmans ait, Venit germanus
tuus fraudulenter & accepit benedictionem tuam.
Benedixitque ei & erit benedictus. Quibus Esau audi-
tis irrugit clamore magno, & consternatus ait, Be-
nedic etiam & mihi pater mi. Quumque eiulatu ma-
gno fletet, motus Isaac dixit ad eum, In pinguedine

D
Jacob fratris
de patris
obtinere be-
nedictionem.

E
Datam Iacob bene-
dictionem
confirmat
pater.

SABBATO

terræ, & in rore cœli desuper erit benedictio tua.

Vbi aduertendū est, q̄ Jacob benedictionem primogenito debitam nequaquam iniuste surripuit: sed sibi debitam consilio matris accepit. Nam venditum primogenituræ ius (cui benedictio pariter erat aduertenda) à fratre pro lentis edulio sibi cōparauerat. Pa-
 tet itaq; q̄ fratres isti discordes fuerunt in vtero, dispa-
 res vitę merito, & omnino dissimiles in præmio me-
 ritorum.

F Circa secundum. i. huius historię allegoriam ad-
 uertendum est q̄ typo istorum duorū fratrum quo-
 rum alter ad venandum mittitur vt benedicatur: alter
 per suppositionem matris à patre benedicatur: duo po-
 puli, Iudaicus scilicet & Gentilis, exprimuntur. Por-
 rō Isaac cuius persona Deus ipse datur intelligi, ma-
 ioris filij venatione vesci cupit: quia videlicet omni-
 potens Deus Iudæorum bona operatione pasci vo-
 luit, sed illo tardante, minorem Rebecca supponit.
 Quia dum Iudaicus populus bona opera foris quæ-
 rit, gentilem mater gratia introduxit, vt Deo patri ci-
 bum boni operis offerret, & benedictionem maioris
 acciperet. Cibum autem Iacob ex domesticis anima-
 libus præbuit: quia gentilis populus Dei notitia per
 fidem accepta, de exterioribus sacrificijs Deo placere
 non querens dicit. In me sunt Deus vota tua quæ red-
 dam laudationes tibi.

Erat Esau vir gnarus venandi & homo agricola,
 Iacob autem vir simplex & habitans in tabernacu-
 lis. Nam populus ille Iudaicus per sola exteriora le-
 gis opera Deo seruiuit, & sola terrena quærendo bo-
 na, quasi terram duntaxat nō cœlum coluit. Iacob ve-
 ro, id est, credentiū populus simplex & domi consu-
 stens in spiritu magis quàm in exterioribus placere
 Deo quæsiuit. Iacob brachia manus & collum hædi-
 nis pellibus texit, quia ritu legis pro peccato solet hæ-
 dus offerri. Et gentilis populus dum se peccatorem
 confiteri non erubuit, carnis in se peccata man-
 dauit.

Gene. 12.

Qui

Qui i
 script
 opera
 tur, q
 stem
 as scil
 fert, s
 terā v
 gentil
 mater
 gentil
 & int
 tioni
 Ci
 num c
 ribus
 ra frat
 tores
 agric
 foris
 quasi
 id est,
 multa
 atq; si
 ciosan
 ticens
 Sec
 uerter
 Perge
 rum i
 militat
 confel
 ab hir
 capra,
 dedec
 gratiss

Qui rursum vestimentis maioris induitur, quia sacrae scripturae praeceptis quae maiori populo data sunt, in operatione bona vestitur. Et eis minor in domo utitur, quae maior foras exiens reliquit intus. Denique vestem duplicem populus ille maior habuit, ceremonias scilicet & moralia. Primam vestem semper secum fert, siquidem litera insitit quasi corticem rodens. Altera vero domi reliquit qua mater gratia seu ecclesia, gentilem populum ornauit. Dedit autem Rebecca mater pulmentum & panes quos coxerat iacob: quia gentili populo ad fidem conuerso opera poenitentiae & intelligentiam verbi Dei quasi panem & pulmentum condimentum mater ecclesia contradidit.

Circa tertium. i. tropologiam siue moralem horum quae dicta sunt intellectum (quo nimirum in moribus discamur) aduertere est duorum istorum figura fratrum & Dei cultores pios, & huius saeculi sectatores iniquos & impios designari. Alter venator & agricola: alter domi consistens vir simplex fuit. Ille foris vana venatur, iste intus collectus & quietus quasi intra domum securus conuersatur. Ille agricola, id est, cautus terrae cultor extitit, iste vir simplex: non multarum atque transeuntium rerum, sed vnius veri atque summi boni amatores significat. Qui & ipse preciosam patris benedictionem, consilio matris acquisiciens obtinuit.

Sed matris huius consilium operae precium est aduertere. Nam forsan & nobis si volumus utile erit. Pergens, inquit, ad gregem, id est, peccatorum tuorum multitudinem, affer duos haedos. Quibus humiliati & contriti cordis compunctionem, & oris confessionem possumus intelligere. Qui haedi etsi ab hircio utique patre foetido, & matre non oue, sed capra, id est, a daemonis instinctu & culpa: & scelerum dedecore, nascantur, ex his tamen cibus summo patri gratissimus offertur. Modo tamen hunc gratia mater &

H
Expositio
moralis.

Hae offerat poenitens.

SABBATO

ecclesie fides sancte charitatis igne parauerit.

Induit autē eum maioris fratris qui foris erat vestes coram Deo redolētes. *stimētis valde bonis, quia gratia mater fideles quosque mystico scripturarum sensu quas Iudaei carnaliter duntaxat accipiunt, sapienter erudit. Quod filij colum, manus, & brachia, hœdinis pellibus textit: quid aliud est, nisi q̄ iustus in principio accusator sui, peccatorem se v̄dicq; recognoscit?*

Pro. 16.

Pulmentū moraliter.

Acceptit Iacob quæ offerret patri, panem & pulmentum, quia nimirum pœnitens quisque panem lacrymarum, & spem veniæ quasi pulmentum ab ecclesia matre doctus, pro benedictionis supernæ consecutione offerre summo patri non desistit. Bene autem pulmenti typo veniæ spes intelligitur. Nam quomodo sine pulmento panis minus sapidus est, ita & sine spe veniæ quantumcunque de peccatis dolor & opera pœnitentiæ quæcunq; sint illa, nequaquam profunt. Hæc enim duo pariter offerri debent, dolor seu labor pœnitentiæ, & consequendæ spes remissionis.

Surge, inquit, intenta prece Dei clementiā implorans, & exurge, quare obdormis Domine, & comedede venatione mea, & benedicat mihi anima tua. Opera siquidem pœnitentis quibus placere Deo cupit, quodammodo venatio sunt à diaboli faucibus erepta.

K Benedicendus quid facere debeat.

Heb. 12.

Ait autem pater, Accede huc vt tangam te & probem vtrum tu sis filius meus an non. Acceditur ad patrem per veram respicientiam & totalem sui ad Dominum conuersionem. Tangens autem pater, filios probat experimento: quia (vt Apostolus ait) flagellat omnem filium quem recipit. Itaque in disciplina per seuerate, tanquam filijs se vobis offert Deus. Quo palpato dixit pater, Vox quidem, vox est Iacob, manus autem manus sunt Esau. Ac si dicat, delictorum confessio & si peccatoris vox sit, humiliatio tamē & pœnitentis opera, iustum ante me testantur.

Sed hoc prætereundum non est q̄ interrogans de pe

perfe
mira
enim
ipse t
Ec a
cens,
est ill
iam c
cipen
benig
Esau.
pecca
filius
narijs
ueris,
me &
tetige
tuali c
conci
sisset v
filij in
Fragr
sunt, d
ta sua
tatis si
& ari
famar
dabit
De
re abi
gratiæ
in hon
coelest
compi
pater c
omnit
dixiq;

persona, pater dicit, Quis es tu fili mi? In hoc enim mira Dei benignitas erga peccatorem declaratur, Quoniam enim dicit poenitens, Non sum dignus dici filius tuus, ipse tamen filium nominat dicens. Quis es tu fili mi? Et alibi peccatorem alloquens filium hunc vocat dicens, Confide fili, remittuntur tibi peccata tua. Hinc est illa vox ipsius ad ingratos & modice fidei, quibus iam diu pepercerat, paratus & hos redeuntes ad se recipere. A modo voca me pater meus, qui vere erga te benigni patris affectum ostendi. Ego (inquit ille) sum Esau. i. hispidus durus & pilosus, peccatis plenus, qui peccaui in coelum & coram te, nec dignus sum dici filius tuus, sed fac me obsecro sicut unum ex mercenariis tuis. Itaque si confitendo veritatem, peccatum agnosueris, equidem Deus ignoscet. Ait enim, Accede ad me & da mihi osculum fili mi. Quem prius palpatum tetigerat tribulationum inflictione, mox hunc spirituali consolatione osculari non dedignatur. Hinc reconciliatum iam sibi filium commendans quum sensisset vestimentorum illius fragrantiam dicit, Ecce, odor filij mei sicut odor agri pleni cui benedixit Dominus, Fragrantia quippe coram Deo vestimenta, virtutes sunt, de quibus dicitur, Beatus qui custodit vestimenta sua ne nudus ambulet, & appareat turpitudine nuditatis suae. Horum odor quasi agri non quidem sterilis & aridi, sed fructibus fecundi & pleni, per virtutis famam Deo suaue redolet. Quoniam autem habenti dabitur & abundabit, audi quid sequitur.

Det tibi Deus de rore caeli & de pinguedine terrae abundantiam frumenti, vini & olei. Ros de caelo, gratiae caelestis infusus est. Terrae pinguedo, operantis in homine fecunditas gratiae, frumentum pascus cibi caelestis, vinum, spiritualis hilaritas; oleum autem, compassionis erga miseros pietas est. Hanc caelestis pater confirmans benedictionem. Comedi, inquit, ex omnibus, grante acceptans quae obtulit ille. Benedixitque ei & erit benedictus perpetuo scilicet & sine

Luc. 15.

Mat. 9.

Iere. 3.

L

Luc. 15.

Humilis confessio.

Apoc. 16.

Luc. 19

M

Benedictio iustorum.

FERIA SECUNDA

Rom. II, vlla reuocatione, quia (vt Apostolus ait) sine pœnitentia sunt dona Dei & vocatio. Sequitur.

Auditis Esau sermonibus patris irruerunt clamore magno, & consternatus, ait: Benedic etiam et mihi pater mi. Oculi enim omnium in te sperant Domine (ait Propheta) & tu das escam illorum in tempore oportuno. Vnde & ipsi reprobi secundum seculum viuentes scelera sua nonnunquam secum reputantes, & proprie attestatione conscientie summi patris gratiam se dolentes amisisse benedictionem & ipsi magno rugitu cordis implorant. Benedic, inquit, & nobis pater, & si non æterna, temporalium saltem collatione bonorum. Ad quorum vota motus pater, in rerum copia terrenarum, quasi terre pinguedine, & mundanae prosperitatis arrisu, quasi quodam indulgentioris cœli rore hos compluit.

Benedictio reproborum.

FERIA SECUNDA

post Oculi.

Vade & lauare septies in Iordane. 4. Reg. 5.

Hæc lectio præter sensum litteræ duplicem recipit explanationem. Vnam allegoricam, alteram tropologicam siue morallem. Sed quia intellectus mysticus litteræ præexigit intellectum: idcirco ipsa lectio historialiter est præmittenda. Tria autem in ea notantur. Primum est hominis cuiusdam morbus abominabilis. Secundum est eiusdem morbi curatio notabilis. Tertium est vnus veri Dei confessio laudabilis.

A Circa primum dicitur in litera. Naaman princeps militie regis Syriæ erat vir magnus apud Dominum suum & honoratus. Per illum enim dederat Dominus salutem Syriæ, Erat autem vir fortis & dives, sed leprosus.

leprosus. Porro de Syria egressi fuerant latrunculi & captiuam duxerant de terra Israel puellam paruulam quæ erat in obsequio vxoris Naaman quæ ait ad dominam suam, Vtinam fuisset Dominus meus ad Prophetam qui est in Samaria, profecto curasset eum à lepra quam habet. Ingressus est itaq; Naaman ad dominum suum, & nuntiavit ei dicens, Sic & sic loquuta est puella de terra Israel. Dixitq; ei rex Syriæ. Vade & mittam literas ad regem Israel. Qui quum profectus esset & tulisset secum decem talenta argenti, & sex milia aureos, & decem mutatoria vestimentorū, detulit literas ad regem Israel in hæc verba. Quum acceperis epistolam hanc, scito q; miserim ad te Naaman seruum meum, vt cures eum à lepra sua. Quumque legisset rex Israel literas scidit vestimenta sua, & ait: Nunquid deus ego sum vt occidere possim & viuificare, quia iste misit ad me vt curem hominem à lepra sua? Animaduertite & videte quia occasiones quarit aduersum me.

Circa secundum quod est istius morbi curatio notabilis, dicitur consequenter. Quod quum audisset Eliseus vir Dei, scidisse videlicet regē Israel vestimenta sua, misit ad eum dicens. Cur scidisti vestimenta tua? veniat ad me & sciat prophetā esse in Israel. Venit ergo Naaman cum equis & curribus, & stetit ad ostium domus Elisei, Misitque ad eum Eliseus nuntium di. Vade & laua septies in Iordane, & recipiet sanitatem: caro tua, atq; mundaberis. Iratus Naaman recedebat di. Putabam q; egrederetur ad me, & stans inuocaret nomen Dei sui: et tangeret manu sua locum lepræ & curaret me. Nunquid meliores sunt abana & phar far fluuij Damasci omnibus aquis Israel vt lauer in eis & munder? Quū ergo verteret se & abiret indignans, accesserūt ad eum serui sui: et locuti sunt ei. Pater & si rem grandē dixisset tibi Propheta: certe facere debueras, quāto magis quia nūc dixit tibi: laua & mundaberis. Descendit & lauit in Iordane septies

B
Curatio le
præ notaa
bilis,

FERIA SECUNDA

fuxta sermonem viri Dei, & restituta est caro eius sicut caro pueri paruuli & mundatus est.

C **Naaman leprosus mys.** Circa tertium, quod est ex hac curationis suæ gratia fides & vnus veri Dei confessio laudabilis, consequenter dicitur. Reuersusq; ad virū Dei cum vniuerso comitatu suo venit & stetit coram eo & ait. Vere scio q̄ nō sit alius Deus in vniuersa terra, nisi tantum Dominus Deus Israel.

Circa secundum principale, id est huius literæ allegoriam, aduerte q̄ Naaman iste fortis & diues, sed leprosus populus gentium est, qui fortis fuit per secularem potentiā & per acquisitā naturalis Philosophiæ scientiam diues, sed per idolatriam abominabilis & leprosus. Is audiuit à referentibus apostolis. s. & alijs sanctis christianæ fidei per orbem terrarum, à terra Israel egressis prædicatoribus, prophetam esse illic. i. Christum Deum verum & hominem verum, & in se credentium saluatorem (Elifæus quippe Dei mei salus interpretatur) talem inquam ac tantum prophetam populus gentium audiuit in Iudæa per carnis assumptionem per diuinorū atq; mirabilium operum ostensionem, per passionem & mortem, resurrectionem à mortuis, ascensionemq; in cœlum, apparuisse, qui per diuinitatis suæ potentiā animas hominum posset à peccatis mundare, & fidei lumine ad summū boni & veræ beatitudinis notitiam perducere.

D **Christus per apostolos gentibus prædicat. Mat. 15. Mat. vlt.** Quòd autē non ipse Helifæus exiuit ad eum foras, sed per internuntium mandauit illi di. vade & lauare in Iordane septies & mundaberis, hoc nimirum designabat q̄ per semetipsum Christus non esset prædicaturus gentibus, & extra terram Israel personaliter ad gentes in opus prædicationis egressurus, sicut ipse ait, non sum missus nisi ad oues quæ perierunt Domus Israel, sed apostolos suos ad illos foret destinaturus, per quos præcepit eos lauachri salutaris ablutione regenerari di. Euntes docete omnes gentes baptizantes eos in nomine patris & filij & spiritus sancti.

Quòd

Q
tur, id
ratiō
ne pe
nouat
cut ca
centia
M
de ter
regio
cerat
per b
Deu
rem I
veri
rum I
Q
pere p
cepta
cram
nequa
gratis
C
mora
bis in
mum
lepræ
fecta
mum
diues
& for
& di
C
tur, tu
ibus
prore
ciat, v

Quòd autem septena ablutione leprosus mundatur, id utiq; designat, q; in baptismi sacramèto p ope-
rationem septiformis gratiæ spiritus sancti, remissio-
ne peccatorũ accepta, homo ex Deo renascitur & re-
nouatur. Vnde dictum est, q; restituta est caro eius sicut
caro pueri paruuli. Per baptismum enim ad innocen-
tiam reformamur.

Mundatus itaq; a lepra sua Naaman tulit secum
de terra Israëlitiçi soli duorum onus burdonum, vt in
regione sua consistens Deum Israël, qui se saluum fe-
cerat super eam ritè adoraret. Quia gentilis populus
per baptismum renouatus, & per fidem veram ad
Deum conuersus, sacre scripturæ verba quasi pulue-
rem Israëlitiçæ terræ secum fert, vt ex illis in vnus
veri Dei cultu ritè instructus, vnum solum & ve-
rum Deum veneretur & adoret.

Quòd autem pro gratia curationis Propheta reci-
pere pretium recusauit sciens se illam non à se, sed ac-
ceptam diuinitus habuisse, hoc utiq; designat, q; sa-
cramenti virtus quia non à ministro sed à Deo est,
nequaquã venalis esse debet, dicente Domino. Quod
gratis accepistis, gratis date.

Circa tertium principale, id est, tropologiam siue
moralem huius lectionis intellectum aduerte tria no-
bis in ea ad ædificationem esse consideranda. Pri-
mum est lepræ conditio detestabilis. Secundum est
lepræ detestabilis curatio perfacilis. Tertium est per-
fecta curatio & reparatio desiderabilis. Circa pri-
mum aduerte q; per Naaman leprosum qui fortis &
diues fuisse memoratur, peccator accipitur. Is diues
& fortis est. s. leprosus. Siquidem potentia secularis
& diuitiæ, plerunq; peccatores efficiunt.

Congruè verò lepræ morbo peccatum designa-
tur, tum q; morbus ille hominem totum ab interiori-
bus incipiens & progrediens foras ad cutem vsq;
prorumpat, tum etiam q; ceteros sua cõtatione infu-
ciat, vnde & præcepto legis edicitur, vt à consortio

Septena le-
tio quid.

Puluis Is-
raëlitiçi so-
li quid.

E

Pretium cur-
Propheta
recusauit.
Mat. 10.

F

Lepræ
morbo
quid si-
gnatur.

Nũ, 5

FERIA SECUNDA

Nū. 5. cæterorum leprosus extra castra eiciatur. Peccatum enim quod in interioribus hominis. i. cogitatione, concupiscentia, delectatione, desiderio, & voluntatis consensu exoritur, deinde foras erumpit in opere, & alio exemplo pernicioso corrumpit, ipsum peccatorem reddit abominabilem & euitandum, iuxta Apostoli sententiam qua ait. Auferte malum ex vobis.

2. Cor. 5. An nescitis quia modicum fermentum totam massam corrumpit? Expedit membrum emortuum & purridum abscindi, ut ea quæ adhuc viva & sana sunt conserventur. Hi sunt peccatores notorii & manifesti, qui quanto sunt sceleribus famosiores, tanto cæteris inficiendis pestilentiores, de quibus idem Apostolus loquens, dicit;

2. Timo. 5. Quorundam sunt manifesta peccata præcedentia ad iudicium. Quid ni separentur huiusmodi pestes cæteros inficientes, scandalosi, pacis perturbatores, adulteri, & similes à consortio sanorum, quum iam sint Dei iudicio separati?

G Circa secundum quod est morbi lepræ notabilis & facilis curatio, aduertendum est, quid leprosum hunc ad salutis suæ quærendam medicinam induxerit. Habebat, inquit lectio, vxor eius in obsequio captiuam puellam de terra Israël, quæ ait ad dominam suam: Utinam fuisset Dominus meus ad Prophetam qui est in Samaria, profectus curasset eum à lepra quæ habet.

Ratio vt captiua. Captiua hæc de terra Israël puella rationis recte seu conscientie suadellam non absurde significat, eod quod semper ad optima deprecatur, quanuis sub peccandi voluntate, & libidinis imperio ipsa conscientia captiua teneatur. Suadet enim (tametsi captiua sit) quantum tenus ad salutis authorem, Dominum Iesum peccator recurat opem proculdubio consequuturus, Cui & dicitur: Vade, & lauare in Iordane septies, & recipiet sanitatem caro tua, atque mundaberis.

H Vbi per Iordanem passionem Domini redemptoris accipimus, interpretatur enim Iordanis, riuus iudicij. Sanè riuus iudicij Christi passio fuit, qua & ca

Iurantium Iudæorum voces, & iniqui iudicium
 iudicis, & passionum fluctus super ipsum inundantes
 oppressum morte absorbuerunt, sicut ipse per Pro-
 phetam ait: Inundauerunt aquæ super caput meum,
 dixi perij. Et vnde rursus. Veni in altitudinem ma-
 ris & tempestas denierit me. Hic itaq; riuus iudicij,
 hæc passio & mors Domini redemptoris, fons ille
 patens est quem per Zachariã Prophetã longè antè
 Dominus promiserat, dicēs: Erit fons patens domui
 Iudæ & habitantibus Hierusalem in ablutionem pec-
 catoris & menstruatæ. Quisquis in eo mundari desi-
 derat per detestationem omnium peccatorũ suorum
 & humilem confessionem semetipsum iudicet neces-
 se est, vt sic Dei iudicium præueniens non iudicetur.
 Dicat fiducialiter in oratione ad Dominum loquens
 quisquis sui ipsius iudex iam effectus propria in se-
 metipso peccata puniuit. Feci iudicium & iustitiam,
 non tradas me calumniantibus me. Loto septena
 omnium peccatorum detestationem & penitentiã
 perfectam designat, dicente. b. Gregorio. Quia omne
 tempus septem diebus comprehenditur, rectè septena
 nario numero vniuersitas designatur.

Circa tertium quod est perfecta curatio & repa-
 ratio desiderabilis dicitur in lectione, q̄ restituta est
 caro eius sicut caro pueri paruuli. Quo nimirum desi-
 gnatur per poenitentia nos ad verã & omniũ omni-
 modam mentis puritatẽ & innocentia reformari, vt
 & nobis iure dici possit. Quasi modo geniti infantes
 ratiõabiles sine dolo lac cõcupiscite, vt in eo crescatis
 in salutẽ, modo tamen (vt præmiserat) deposuerimus
 prius oẽm dolum, & simulationẽ, & inuidia, & oẽm
 detractiõnem. Et quoniam vera poenitentia sine humi-
 litate sancta perfici nequaquã potest, obaudiamus dicẽ-
 ti: Nisi cõuersi fueritis & efficiamini sicut paruuli, pu-
 ritate. s. & humilitate, nõ intrabitis in regnũ coeloru.

Sed prætereundum non est q̄ leprosus iste septies
 in Iordane lauari iussus abire volebat indignas & di-
 gens;

Tren. 36

Zach. 13

L
 Loto septena quid.

Per poenitentiam innocentia.

1. Pet. 2.

K
 Mat. 18.
 Naaman remedium facile deditur.

FERIA II. POST OCULI.

cens: Nunquid meliores sunt Abana & Pharfar fluuij
 Damasci omnibus aquis Israël vt lauer in eis & mū-
 der? Nam fieri plæruncq; solet, vt dum his qui sibi sa-
 pientes videntur facilis qualibet ad arbitrium facer-
 dotis pœnitentia pro peccatis iniungitur hanc con-
 temnant & intra semetipsos dicant: Quid mihi cum
 his impositis siue preculis siue eleēmofynis, quasi bo-
 na potiora non nouerim? Dixerunt autem ei serui
 eius: Pater & si rem grandem præcepisset tibi Pro-
 pheta certè facere debueras, quāto magis quum dix-
 rit tibi lauare & mundaberis? Fieri quippè potest
 vt à seruis consilium bonum & utile dominus acci-
 piat. Nam iste si à seruis persuasus Prophetæ consilio
 non acquieuisset, non fuisset à lepra mundatus. Sic ni-
 mirum & huius sæculi sapientes vel potius qui sibi
 sapientes esse videntur, si ecclesiæ & salubribus facer-
 dotum præceptis submittere sese recusauerint, non po-
 terunt emundari. Vnde in lege scriptum est. Qui su-
 perbierit nolens obedire sacerdotis imperio, ex decre-
 to iudicis morietur homo ille.

L

Porrò munera quæ leprosus iste curandus secum
 attulerat Propheta recusante, sibi retinet, quia quum
 bonorum nostrorum Deus non egeat, non Deo sed
 sibi metipsi pœnitens quisq; thesaurizat. Ille verò qui
 curationis leprosi pretium quod Propheta accipere
 recusauerat postulare & accipere præsumpsit (Pro-
 phetæ videlicet minister q; domini sui gratiam ve-
 nalem haberet) mox lepra percussus est, quia ministri
 Ecclesiæ si sacramentorum gratiam (quasi hæc æstis
 mari pecunia possit) venalem habuerint, postulantes
 hinc pretium & accipiētes, quum tamen audiant Do-
 minum dicentem, gratis accepistis gratis date, expro-
 brabili delicto, quasi lepra mox effecti notabiles diui-
 no iudicio reprobantur, vt vnde mundantur alij, ina-
 de ipsi inquinentur, & medicamentum vitæ, istis pro-
 prio vitio pariat mortem.

Sapientio-
 res domi-
 no serui.

Deut. 17.

Iste gra-
 nas Dei
 vendit.

Mat. 10

FE

post Oculi.

V Ade, vende oleū, & redde creditor tuo. 4. Re. 4

Ex hac lectione colligere possumus tria moralia documenta. Primo enim ostenditur per figurā peccatricis animæ graue debitum. Secundo spiritualium charismatum abundans incrementum. Tertio & quo se peccatrix anima redimat pretiū & quo uiuat nutrimentum. Primum a principio lectionis. Secundum ibi: Cui dixit Helizæus. Quid habes. Tertium ibi. Venit autem illa & indicauit homini Dei.

Circa primum dicitur.

Mulier quædam clamabat ad Elisæum Prophetam, dicens: Seruus tuus vir meus mortuus est, & tu nosti quia seruus tuus fuit timens Deum.

Iste dicitur fuisse Abdias Propheta, dispensator domus Achab, qui tempore quo interficiebat Iesabel Prophetas Domini, abscondit de Prophetis Domini centum viros quinquagenos & quinquagenos in speluncis & paut eos. Ad quod faciendum æs alienum ipse contraxerat, quod post ipsius obitum uisua relicta exigebatur. Vnde ipsa consequenter dicit: Et ecce creditor venit, ut tollat duos filios meos ad seruiendum sibi.

Hæc uidua peccatricis animæ typum gerit, quæ quoniam peccando Christi sponsi sui gratiam perdidit, solitaria quodammodo & uidua remansit. Hæc callidi hostis persuasionem peccati voluptatem quasi quendam nummum a creditore diabolo acceperat, propter quem corpus & spiritū & hic sibi vult subijcere seruitute culpæ, & post ytrumq; sibi tollere ad

A
3. Reg. 18.

Peccatricis animæ
typus.

Creditor
diabolus.

sup

FERIA TERTIA

supplicia gehennæ. Circa secundum dicitur.

Cui dixit Elifæus: Quid vis ut faciam tibi? Dic mihi. Quid habes in domo tua? At illa respondit. Non habeo ancilla tua quicquã in domo mea, nisi parum olei quo ungar. Cui ait: Vade & pete mutuo ab omnibus vicinis tuis vasa vacua non pauca, & ingredere & claude ostium quum intrinsecus fueris tu & filii tui, & mitte inde in omnia vasa hæc, & quum plena fuerint tolles. Iuit itaq; mulier & clausit ostium super se & super filios suos, illi offerebant vasa & illa infundebat. Quumq; plena fuissent vasa dixit ad filium suum. Affer mihi adhuc vas. Et ille respondit. Non habeo. Stetitq; oleum.

B Hic mysticè declaratur spiritualium charismatum adundans incrementum. Nam Elifæus ad quem anima peccatrix quasi vidua terre alieno gravata clamans & consilium auxiliumq; querens recurrit Dei verbum est. Elifæus enim Dei mei salutare interpretatur, & de verbo Dei. b. Iacobus loquens, dicit: Suscipite instum verbum quod potest saluare animas vestras.

Iaco. i.
Oleū in un-

Parum olei quod solum sibi ad vnctionis usum supererat, spes est de misericordia Dei, quo anima pauca pericula ungitur que in sola Dei misericordia salutis sue spem collocavit. Quum enim de propria iustitia diffidat, nihil præter hanc spem reliquum habet quo ægotantis conscientia sue dolores leniat. Audiat ergo cœlestis verbi consilium, si ab importuni creditoris exactione cupit liberari. Petat à vicinis vasa vacua

cua

esta n
lo qu
Iestis
Sai
solati
ction
si fece
toru
largi
diam
cordi
cator
des q
so sup
inane
cente
nesci
mosi
abici
ne re
polli
quo
pora
supp
quit
præ
adm
durr
mul
(per
er q
spe
Fœ
qua
ca h
vifq

qua non pauca, & clauso super se ostio de pauculo illo quod sibi superest infundat: crescet enim gratia celestis oleum & abundabit.

Sanè vasa vacua pauperes sunt & afflicti, istis oleum solati & spei, oleum proinde misericordiae & dilectionis de corde, de ore, & de opere impendat. Quod si fecerit, exuberante in se diuinorum gratia vnguentorum, spes & charitas, & cætera huiusmodi diuinæ largitatis dona ei auferent. Quia enim misericordiam miseris impendit, dignum est ut & ipsa misericordiam à Domino consequatur, & omni debito peccatorum liberetur, dicente Domino: Beati misericordes quoniam ipsi misericordiam consequentur. Sed clauso super se ostio hæc facere iubetur, non in triujs ad inanem gloriam & vanum hominum plausum, dicente rursum Domino: Quum facis eleemosynam, nesciat sinistra tua quid faciat dextera tua, ut sit eleemosyna tua in abscondito, & pater tuus qui videt in abscondito, reddet tibi.

Nec ei qui sic plena fide fecerit formidandum est ne redigatur ad inopiam, quin potius diuinæ credens pollicitationi qua dicit, date & dabitur vobis: credat quo liberalius propter Dei verbum in pauperes temporalem substantiam erogauerit, eò magis sibi posse suppetere quæ largiatur. Vnde Apost. Augetur, inquit, incrementa frugum iustitiæ vestræ. Nam sicut præmiserat, hilarem datorem diligit Deus. Qui enim administrat semen seminanti, & panem ad manducandum præstabit. Eleemosyna semen est utique cum spe multi fœnoris seminatum. Debet enim & qui arat (per poenitentiam corpus suum castigando) in spe arare, et qui (per eleemosynarum largitionem) seminat, etiam in spe redituri prouentus seminare, sicut per Sap. dicitur: Fœneratur Domino qui miseretur pauperis. Quod si quæ prius habebat temporalis substantiæ dona modica fuerint, credendum est ea propter erogantis fidem usque ad eò diuino munere multiplicanda, quæ non solum ad pie

C
Vasa vacua.

Mat. 23.

Mat. 6.

D
Luc. 6.
Largitione in pauperes rem recrescere.
1. Cor. 9.

1. Cor. 9.

Prouer. 19.

FERIA TERTIA

Proue. 28. ad piè erogandum, sed etiam ad viuendum copiosè
Prouer. 11. sufficièt imò & excrefcet. Scriptum est enim, Qui dat
 pauperi non indigebit. Et iterum, Alij diuidunt pro-
 pria & ditiores sunt, alijs rapiunt non sua, & semper
E in egestate sunt. Quandiu enim hæc vidua oleū per
 vasa vacua distribuebat, diuino nutu fluebat oleum,
 & mirum in modum inundabat. Vbi verò vacuis
 vasis infundere desijt, etiã oleum stetit. Possit & olei
 nomine non modo spes de venia cum miseratione
 proximorum, verum etiam gratia cœlestis non abs-
 surdè intelligi, quæ quandiu homo sancti desiderij ca-
 pacitatem quasi vacuum vas obtenderit, diuino mu-
 nere recipiet incrementum.

Circa tertium dicitur.

Venit autem illa & indicauit homini Dei.
 Et ille. Vade, vende oleum & redde credi-
 tori tuo. Tu autem & filii tui viuite de reli-
 quo.

Esa. 10. Hic ostenditur quo se peccatrix anima redimat
 pretium, & quo viuat nutrimentum. Iubetur enim se
 ab importuni creditoris exactione oleo redimere, vt
 computrescat iugum peccati à facie olei. Quod oleū
1. Pet. 5. vtiq; charitas & misericordia est. Charitas enim ope-
Mat. 5. rit multitudinem peccatorum, & sicut dictum est,
 Misericordes misericordiam consequentur. Vnde &
Prouer. 17. per sapientem dicitur, Redemptio animæ viri, diuitiæ
 suæ sunt: tum videlicet quum eas secundum consiliū
 saluatoris propter Deū in pauperes distribuens, facit
 sibi amicos de mammona iniquitatis, qui quum hinc
 migrādum erit, recipiant eum in æterna tabernacula.

F Et quia per hoc anima peccatrix remissionem ob-
Eleēmofy tinens peccatorum, non modo ab infestatione grauis
næ virtus. simi exactoris se redimit, sed etiam vitam meretur
 & gratiam acquirit meritorum: ideo quum dixisset
 sermo propheticus vende oleum & redde creditori

tuo: mox & illud adiecit. Tu autem & filij tui vivite dereliquo, videlicet & in vita presentis per gratiam, & in futura per gloriam. Pietas enim ad omnia valet, promissionem habens vitæ quæ nunc est, & futura. Futurum est enim vt hinc electi in die nouissimo à Christo iudice cõmendentur quum dicet, Esuriui, & dedistis mihi manducare: sitiui, & dedistis mihi potum: hospes fui, & collegistis me: nudus & cooperuistis me: infirmus, & visitastis me: in carcere, & venistis ad me. Itaq; venite benedicti patris mei, possidete paratum vobis regnum. Vbi mors ultra non erit, neq; luctus, neq; dolor, neq; clamor erit ultra. Tunc palàm apparebit verè beatos esse misericordes quando tantam à Domino misericordiam consequentur. Pretiosum est ergo cū sancta spe misericordis oleum, quo & vita acquiritur, & mors culpæ patiter & gehennæ redimitur.

1. Timo. 41

Mat. 25

Apoca. 21

In Hiere. scriptum legimus, qd quum Ismael filius Nathaniæ de semite regio dolo perimeret octoginta viros, qui munera & thus feretes in manibus ibant vt offerrent in domo Domini: inuenti sunt inter eos decem viri dicentes ei: Noli nos occidere, quia habemus thesauros in agro frumenti, & olei, & ordei, & mellis, & cessauit & non interfecit eos.

G
Diaboli
typus.

Hiere. 41

Ismael iste originis suæ nobilitate superbiens, & nihilominus affectans regnum, diabolus est, sublimiter quidem à Deo conditus, sed ob teterrimam culpam in baratrum perditionis æternæ dilapsus. Mors culpam significat, munera & thus palàm in manibus, opera bona & preces sunt quæ ad vanam gloriam coram hominibus ostentantur.

Qui thesauros habebant absconditos, hi sunt qui attendunt sibi ne faciant iustitiam suam coram hominibus vt videantur ab eis, qui nimirum latronis istius sicam euadunt. Porrò non incongruè oleum charitatem significat. Frumentum opus bonum, ordeum mortificationem carnis; mel verò spiritualementem & sanctam

Mat. 61

K Etiam

FERIA QVARTA

etiam in Domino consolationem & letitiam insinuat.
Hæc enim quisquis habuerit truculenti illius & anti-
qui homicidæ gladium effugiens, vitam viuet perent-
niter beatam.

FERIA QVARTA

post Oculi.

D Ecce loquutus sum vo-
bis. Exod. 20.

In hac lectione proponuntur
nobis. Primo diuinæ legis ad
proximum nos ordinatæ man-
data. Secundo describuntur in-
datione legis signa terribilia & metuenda. Tertio cir-
ca legitimum Dei cultum traditur doctrina pecula-
ris & obseruanda. Primum à principio lectionis.
Secundum ibi. Cunctus autem populus. Tertium ibi.
Dixitq; præterea Dominus ad Moysen.

Circa primum dicitur.

Honora patrem tuum & matrem tuam
vt sis longæuus super terram quã Dominus
Deus tuus dabit tibi. Nõ occides. Nõ mo-
chaberis. Non furtum facies. Non loque-
ris contra proximum tuum falsum testis
monium. Non concupisces domum proxi-
mi tui, nec desiderabis vxorem eius. Non
seruum, non ancillam, non bouem, non asis
num, nec omnia quæ illius sunt.

A Vbi breuiter & sufficienter traduntur ea quæ nos
bene ordinare sufficiat in cõuictu ad proximum, præ-
cepta videlicet secundæ tabulæ. Quorum primum illi
Iud est, Honora patrem tuum & matrem tuam, vt sis
longæuus super terram quam Dominus Deus dabit
tibi.

Honor pa-
renti pro-
missionem
habet.

tibi. Quod Apostolus recensens ait: Filij obedite parentibus vestris in Domino, hoc enim iustum est, Honora patrem tuum & matrem tuam, quod est mandatum primum in promissione, vt bene sit tibi, & sis longæuus super terram. Nulli præceptorum decalogi præmium promittitur nisi huic. Vt sis, inquit, longæuus super terram & (vt addit Apostolus) etiam bene sit tibi. Nimirum vita dignus est qui illos honorat a quibus originem vitæ traxit. Contra verò qui aduersus patrem aut matrem contumax fuerit aut rebellis, diuinæ legis decreto reus est mortis.

Ephes. 6j

Tria sanè acceperunt a parentibus filij propter quæ & ipsi parentibus tria iure debent. Acceperunt enim ab illis corporis substantiam, nutrimentum, & documentum. Propter primum debent eis amorem: propter secundum obsequium & subiectionem: propter tertium, reuerentiam & honorem. Quæ verò sequuntur præcepta reliqua, vetant nos proximo inferre, quod nobis inferri nequaquam vellemus.

Deut. 23

B

Contingit autem hominem in proximum peccare tribus modis, videlicet opere, verbo, animo. Operare tripliciter. Primo in ipsius personam, quod prohibetur, quum dicitur: Non occides, videlicet, nec voluntate, nec consensu, nec iussu, nec consilio, nec opere, nec auxilio. Denique nec subtractione auxilij vbi in facultate tua est alioqui moriturum seruare. Vnde ait Ambr. Pisce fame morientem, si non pauisti occidisti.

Prohibetur homicidium.

Secundo contingit peccare in proximum opere quia peccatur in personam sibi legitimè pactam & conpulatam, & hoc prohibetur quum subditur. Non moechaberis, scilicet cum vxore proximi tui, quia tuam ab alio viro nolles pollui. Non solum autem hoc præcepto mœchia prohibetur, sed etiam omnis concubitus legitimo matrimonio non excusatus, imò verò omnis membrorum generationi deputatorum illegitimus & ad experimentum libidinose delectationis inconcessus vsus.

C
Adulteriũ.

K 2

Tertio

FERIA QVARTA

Furtū pro-
hibetur.

Tertio contingit opere peccare in proximum *in-*
ferendo illi nocumentum in temporalis rei substan-
tia ab ipso possessa, & hoc prohibetur quum subdi-
tur, Non furtū facies. Vbi furti nomine omnis
cunq; rei alienæ incōcessa vsurpatio prohibetur, siue
per fraudem fiat, siue per furtum, siue per rapinam, siue
per vsuram, siue per simoniam, siue per sacrilegium,
siue per latrocinium, siue per iniusta bella, aut alijs
modis similibus.

Prohibes-
tur nocu-
mentum
proximi
R verba.

Secundo potest fieri vt homo nocumentum infe-
rat proximo verbo vel sermone. Et hoc consequen-
ter prohibetur quum subditur.

Non dices contra proximum tuum falsum testimonium.

D

Vbi falsi testimonij nomine omnis criminitatio
mendax contra famā, honorem, vel utilitatem proximi,
nec non contumelia, cōuitium, improprium, de-
tractio, susurratio, & similia prohibentur. Post: emō
prohibetur nobis vel animo quicquā versare quod
pugnet cum dilectione proximorum.

Concupi-
scētia pro-
hibetur.

Vbi est notandum q̄ duplex est concupiscentia
contra proximi dilectionem, carnis scilicet & oculo-
rum, quæ duobus vltimis præceptis prohibetur.
Et primo concupiscentia carnis quum dicitur: Non
concupisces vxorem proximi tui: deinde cōcupiscen-
tia oculorum, quæ est appetitus auaritiæ, quum dici-
tur: Non cōcupisces domum proximi tui, non seruū,
non ancillam, non bouem, non asinum, nec quicquā
eorum quæ illius sunt. Porro carnis concupiscentiam
in opus nefarium prodire præcedenti mandato pro-
hibetur, vbi dictum est. Non mœchaberis. Oculo-
rum verō concupiscentiam. i. appetitum auaritiæ in
opus prorumpere: alio præcepto etiam superius ex-
presso vetatur vbi dicitur: Non furtum facies.

Circa secundum dicitur.

Cunctus

Cunctus autem populus videbat voces, & lampades, & sonitum buccinæ, mōtemq; fumantem. Et perterriti ac pauore percussisteterunt procul dicentes Moyfi: Loquere tu nobis & audiemus. Non loquatur nobis Dominus ne fortè moriamur. Et ait Moyfes ad populū: Nolite timere. Vt enim probaret vos venit Deus, & vt terror illius esset in vobis & non peccaretis. Stetitq; populus de longè. Moyfes autem accessit ad caliginem in qua erat Deus.

Hic describuntur in datione legis signa terribilia atq; metuenda, quæ ideo in datione legis apparuerūt, vt per hoc daretur intelligi legem illam plus habere terroris q̄ amoris. Rursus vt vel supplicij terrore populus ille insuetus legis iugum ferre sub lege coereretur. Vt, inquit, probaret vos Deus venit, & vt terror illius esset in vobis, & non peccaretis.

Deniq; & ob hanc causam signa illa terribilia apparuisse creduntur, vt per hæc ostendatur cum quanto terrore tremendus iudex in die nouissimo cunctis apparebit opera suæ legis requirens, discussurusq; gesta singulorum & vnicuiq; iuxta opera sua redditurus. Terrorem illis incusserunt sonitus buccinæ, lampades flammantes, mons fumans, & voces auditæ. Per quæ quatuor valde terribilia in die iudicij cunctis manifestanda designantur.

Quorum primam erit tuba illa notissima, tuba nouissima, à cuius auditu contremiscent inferi, cuius virtute resurgent mortui, de qua per Apostolum dicitur: Dominus Iesus in iussu, & in voce archangeli, & in tuba Dei descendet de cælo. Hac tuba non mo-

E
Quæ lex
cum terrore
re data.

F
Primū fl.
gnū tuba.
1. Thess. 4.

FERIA QVARTA

do mortui suscitabuntur (vt iam dictum est) sed etiam ad Dei iudiciū peremptoriē citabuntur, vt nulla detur dilatio, nulla superstit appellatio, de cuius tubæ auditu formidabili vir sanctus ait: Siue comedam, siue bibam, semper in auribus sonare mihi videtur tuba illa. Surgite mortui venite ad iudicium.

Secundum
lampades
flammātes
1. Cor. 4.

Secundum quod illis terrorem incussit, erant lampades terribili flamma lucentes, per quarum lucem lampadarum illud significari arbitramur quod Apostolus Paulus ait: Itaq; fratres nolite antē tempus iudicare, quoad vsq; veniat Dominus qui & illuminabit abscondita tenebrarum, & manifestabit consilia cordium, quādo scrutabitur Hierusalem in lucernis, & quicquid opertū antē fuerat reuelabitur, & quod occultum fuerat sciatur. Quis ergo lampades illas, lucem hanc quæ cuncta reuelabit non vehementer expauescat? Tunc qui quondam malē agentes oderant lucem, velint, nolint ad lucem venient vt arguantur à luce opera eorum. Non tamen à luce hac reprobi illuminabuntur, sed potius confundentur, & vt lucis olores, & rebelles lumini condemnabuntur.

Sopho. 1.
Mat. 10.

Iob. 24.
G

Mons sumans,

Tertium fuit mons fumās & terribilis nimis, Qui mons celsitudinem tremendi iudicis insinuat. Excelsus quippè tum erit super oēs gentes Dominus, & super cælos. i. angelicas virtutes, gloria eius. Tunc comperit habebitur quod Deus noster ignis consumēs est. Ascendet enim fumus in ira eius, & ignis à facie eius exardescens, inflammabit in circuitu inimicos eius, & non erit qui extinguat. Vnde ipse per Moysen loquens, dicit: Ignis accensus est in furore meo, & ardebit vsq; ad inferni nouissima, deuorabitq; terram cum germine suo, & montiū fundamēta comburet. Et vnde rursus per Esa. di. Succensa est quasi ignis impietas, veprem & spinā vorabit. Hinc rursus de impijs ait:

Deut. 4.

Deut. 32.

Esa. 9.

Esa. 47.
Esa. 39.

Ecce facti sunt quasi stipula, ignis combussit eos. Ardens certē tunc erit furor eius & grauis ad portandum. Et quid hoc furore gehennæ flammæ inextinguibilibus

quibus

guibilibiter accēdenteterribilis: Quis, inquit Esaias, poterit habitare de vobis cū igne deuorante, aut quis habitabit ex vobis cum ardoribus sempiternis?

Esa. 33.

Quartum fuerunt voces. Porrò vox diei Domini amara, quando loquetur ad eos in ira sua & in furore suo cōturbabit eos. Tacui (inquit ipse) semper flui, patiens fui, quasi parturiēs loquar. Quum autem (vt Evangelica refert historia) impiorū cohors ad vnam ipsius & quidem mansuetā vocem, abiens retrorsum à virtute eius ceciderit in terrā, quum vix paruam stil lam sermonum eius audisset, tonitruū magnitudinis eius quis poterit sustinere? Quid iudicaturus faciet, qui hoc fecit iudicandus? Quum intonuerit horribi li illo tonitruo, Ite maledicti in ignem æternū, nonne quemadmodum fluit cera à facie ignis etiam tunc per ribunt peccatores à facie Dei? Optemus, & dum sup plicandī locus datur precemur, vt hac voce non lo quatur nobis Dominus, sed mediatorem quæramus qui interpellat pro nobis. Nos verò vti dignum est perterriti & pauore concussi, per agnitionem & con fessionem peccatorum nostrorū & debitā mentis hu miliationem publicani illius ad morem à longē ste mus & ipsi, misericordiā Domini humiliter implorā tes. Hoc enim vult Dominus vt terror illius sit in no bis & nō peccemus. Nam sicut timore Domini de clinat oīs à malo, ita & qui sine timore est, nō poterit iustificari.

H

Voces.

Sopho. 14

Esa. 42.

Iob. 26.

Mat. 23.

Prouer. 15.

Eccli. 1.

Circa tertium dicitur.

Dixitq; præterea Dominus ad Moysen: Vos vidistis q̄ de cælo locutus sum vobis. Non facietis Deos argenteos, nec deos au reos facietis vobis. Altare de terra facietis mihi, & offeretis super illud holocausta & pa cifica vestra, oues vestras & boues in om ni loco in quo memoria fuerit nominis mei

FERIA IIII. POST OCULI.

I Hic circa Dei cultum traditur doctrina peculiaris & obseruanda. Vos vidistis, inquit, quod de celo loquutus sum vobis, & ideo non facietis vobis Deos ex terra, nec aurum, nec argentum, nec homines mortales, nec simulachra manufacta pro Dns habebitis, sed me qui solus Deus sum adorabitis & coletis.

Altare de terra quid.

Modum vero sui cultus ostendit, dicens: Altare de terra facietis mihi, & offeretis super illud. Hoc altare Christi redemptoris nostri humanitas est, de virginis carnis substantia quasi de terra quam Dominus ipse benedixit, spiritus sancti virtute formata. Erat autem altare illud non solum de terra, sed & de lapidibus duodecim extractum, quos ferrum artificis omnino non tetigit, quia sanctissima Christi caro nullo generationis paternae artificio (sed ut iam dictum est) virtute spiritus sancti in utero virginis formata fuit.

Lapides altaris duodecim quid.

Rursum per hos duodecim non elaboratos arte lapides, duodecim articuli fidei catholicae possunt non absurde intelligi, eo quod nec humanitus inuenti, nec philosophicis argumentis, quasi exterioris sculpturae artificio sint exculpti. Per hanc fidem, articulis istis comprehensam, accessum habemus ad sanguinem & preciosam mortem mediatoris & redemptoris nostri Iesu Christi nempe ad altare Deo sacratum, holocausta nostra & pacifica, hoc est, orationes nostras & opera bono, gemitus nostros & lachrymas, laudes proinde & gratiarum actiones super illud Domino iugiter offerentes, de quibus oblationibus per Esaiam Dominus loquitur, dicens: Offerentur super placabili altari meo. Et rursum alibi dicit: Munera tua accepta erunt super altari meo. Porro nisi altare hoc munera nostra commendet, nequaquam ad ea respiciet Dominus. Non enim nisi per fidem accessum habemus ad gratiam istam, quum sine fide sit impossibile placere Deo.

Esai. 56.

Rom. 5.
Hebr. 11.

FERIA

post Oculi.

Vdite verbū Domini omnis Iuda. Iere. 7.

AIn hac lectione tria describuntur. Primum est prophetica ad omnes generaliter facta exhortatio. Secundū est aduersus seducentium fallaciam fidelis præmunio. Tertium est ad salutis consecutionē vera & recta instructio. Primum à principio lectionis. Secundum ibi. Et nolite considerare in verbis mendacij. Tertium ibi. Quoniam si benedixeritis.

Circa primum dicitur.

Verbum quod factum est ad Ieremiam à Domino dicens. Sta in porta domus Domini, & prædica ibi verbū istud & dic. Audite verbū Domini omnis Iuda qui ingredimini per portas has vt adoretis Dominum. Hæc dicit Dominus exercituum Deus Israel. Bonas facite vias vestras & studia vestra, & habitabo vobiscum in loco isto.

Attende benignitatem & clementiam Dei. Dixit paulo ante ad ciuitatem sanguinū in qua olim habitauerat iustitia, nunc autem homicidæ. Erudire Ierusalem, ne forte recedat anima mea à te, ne forte ponam te desertam, terram inhabitabilem, Ad hanc inquam (vt eruditionem reciperet) in nomine Domini Propheta missus ait. Cui loquar, & quem contestabor vt audiat. Ecce incircuncisæ aures eorum & audire non possunt. Ecce verbum Domini factum est eis in opprobrium, & non suscipient illud. Idcirco fu-

K s rore

A

Esa. 1.
Iere. 6.

FERIA QUINTA

Iere. 6. rore Domini plenus sum. Quibus tamē post hæc omnia rursus per eundē Prophetam Dominus ait. Stante super vias & videte, & interrogate de semitis antiquis, quæ sit via bona & ambulate in ea, & inuenietis refrigerium animabus vestris. Et dixerunt nō ambulabimus. Et constitui super vos, inquit, speculatores & dixi. Audite vocem tubæ. Et dixerunt. Non audimus. Et mox sequitur. Audi terra. Ecce ego adduco mala super populum istum fructū cogitationū eius, quia verba mea non audierunt: & legem meam proiecerunt. Nihilominus tamen post hæc omnia de nouo mittitur ad eos Propheta à Domino & dicitur ei.

Etiā inuitis prædicandum. 2. Tim. 4.

Stare in porta domus Domini ut egredientes, et ingredientes velint nolint audiant verbum Dei. Ergo & inuitis prædicandū est, sicut Apostolus ad Timotheum scribens ait. Prædica verbum, in ista oportune impertune. Erit enim tempus quum sanam doctrinam nō sustinebunt. Quales modo sunt qui conqueruntur de assiduitate & frequentia prædicationis verbi Dei, quibus (sicut dictum est) factum est verbum Domini in opprobrium, & non suscipient illud. Prædica, inquit,

B Inuocaturi Deum audiānt Dei verbum.

ibi verbum istud & dic. Audite verbū Domini omnis Iudæ qui ingredimini per portas has ut adoretis Dominū. q. d. Adoraturi & inuocaturi Dominū, verbum Dñi primū audite. Alioqui frustra adoratis & inuocatis Dñm, verbi Domini cōtemptores. Nā qui fieri posset ut audiat illos Dñs, qui vocē Dñi obdurato corde audire recusant? Qui declinat aurē suā (ait Sapientis) ne audiat legem orationis eius erit execrabilis.

Pro. 28.

Rursus quū nesciamus quid & quahter orare debeamus, primū nobis cōsulendū est verbum Dei, ut ex auditu verbi cælestis sciamus quid desit nobis, & bene instituti petitionem nostram formemus.

Cæterum quum sint plerique corde duro frigido et arido, & ad prædicandū prorsus inepti, vagi proinde in via cordis sui & mente in diuersa distracti, audiāt necesse est verbum Dei, Ipsum enim quasi quidā ignis

Iere. 23.

frigidus

frigida inflammata, & quasi malleus conterens petras
obstinatos & duros mira virtute emollire valet, &
ad sanctæ renouationis formam recipiendam dispo-
nere. Reuocat enim humanam mentem à ludicris ad
seria, à vanis ad vera, à carne ad spiritum, ab erroribus
& peccatis ad Deum.

Audiant itaq; vniuersi verbum Domini dicentis.
Bonas facite vias vestras & studia vestra. Necessè est
enim vt peccator corrigat nō modo vias. i. opera ma-
la quæ gessit, sed etiam studia. i. voluntatem, & ipsam
prauam intentionem, Hanc enim vel maximæ
Deus pensat & intuetur. Penes eam quippe consistit
& auersio hominis à Deo & ad Deum conuersio. Hi
enim quorum viæ peruersæ sunt & infames gressus
eorum, ad sinistram abeunt, probante Domino vias
quæ à dextris sunt. Vias enim quæ à dextris sunt no-
uit Dominus, peruersæ autem sunt quæ sunt à sinistris.
Iter enim impiorum peribit. Et licet videatur eis via
eorum recta, nouissima tamen eius ducunt ad interi-
tum. Hæc enim est illa via lata & spatiosa quæ ca-
pit plurimos, & ducit eos ad perditionem. Sed audiat
viator, homo mortalis, audiat dicentem.

Quisquis amas mundū tibi prospice quo sit eundum,
Nam via qua vadis via mortis plenaq; cladis.

Itaq; vias vestras (vtiq; prauas et tortas, quas De-
us) bonas facite, & conuertimini ab eis, non modo ab
opere prauo cessando (vt dictum est) sed etiam studia
vestra. i. intentionē & voluntatē ab eis penitus auer-
tendo. Et habitabo vobiscū, inquit, in loco isto, vos
conseruans atq; defendens.

Circa secundum dicitur.

Nolite confidere in verbis mendacii di-
centes. Templum Domini, templum Do-
mini, templum Domini est.

Hic ponitur aduersus seducentiū fallaciam fidelis
pæmunio, Lætabant quippe pseudoprophete spe
vana

C

Corrigenda
in nobis
quæ.

Pro. 11

Viæ per-
uersæ.

Pro. 4

Pro. 16

Mat. 7

D

FERIA QUINTA

vana. populum seducentes & dicentes. Templum Domini, templum Domini, templum Domini apud nos est. Quid nisi defendat Dominus propter templum suum etiam & ciuitatem? Porro Ieremias propheta Domini, regem Babylonis venturum, & templi ac ciuitatis excidium, & gentis transmigrationem in captiuitatem prae dicebat. Illi vero contra. Non finet inquit Dominus templum suum vnicum, sanctum, ac toto orbe venerandum excindi, & conculcari. Sed vane diuinabant, & de corde suo prophetantes faciebant.

1. Mac. 5.

Locus vbi
de sanctus

3. Reg. 9.

populum confidere in mendacio. Nam sicut alibi scriptum est, non propter locum gentem, sed magis propter gentem locum elegit Dominus. Ideoque & locus ipse factus est particeps malorum populi. Si quidem propter ciuium inhabitantium peccata iratus fuit ciuitati Dominus, propter quod et accidit circa locum despectio. Hinc Dominus ad Salo. postquam ille templum dedicasset loquens ait. Si auersi fueritis vos & filij vestri non sequentes me nec custodientes mandata mea, auferam vos de superficie terrae quam dedi vobis, & templum quod sanctificauimus nomini meo proijciam a conspectu meo. Eritque Israel in fabulam & in Prouerbum cunctis populis, & domus haec erit in exemplum. Omnis qui transferit per eam stupebit & sibilabit, & dicet. Quare fecit Deus sic terrae huic & domui huic? Et respondebunt. Quia alibi hic dereliquerunt Dominum Deum suum.

E
Iere. 26.

Hinc rursus idem Propheta ex persona Dei loquitur dicens. Ite ad locum meum in Silo vbi habitauit nomen meum a principio, et videte quid fecerim ei propter malitiam populi mei Israel. Et nunc quia locutus sum ad vos mane confurgens & loquens & non audistis, & vocaui vos & non respondistis, faciam domui huic in qua inuocatum est nomen meum & in qua vos habetis fiduciam, & loco quem dedi vobis & patribus vestris, sicut feci Silo, & proijciam vos a facie mea sicut proieci fratres vestros vniuersum seculum

men Ephraim, id est, regnum decem tribuum Israel, quod iam dudum vastauerat rex Assyriorum & populum traduxerat in captiuitatem. Quod quum contra templum & ciuitatem esset impletum: idem iste Propheta qui futurū prädixerat, iam factum deplangens dicebat. Quomodo proiecit Dominus de cælo in terram inclitā Israel, id est, ciuitatem Ierusalem, & non est recordatus scabelli pedum suorum, (id est, templi) in die furoris sui.

Tre. 2.

Simile aliquid in diebus Heli factum est. Quum enim populus prauaricator in archæ testamenti præsentia religiosa confideret, & propter hoc allata esset è tabernaculo Domini in castra, ad locum certaminis, cecidit populus in prælio & archa Domini ab Allophilis capta est.

1. Reg. 4.

Proinde quum discipuli Domini saluatoris egredientes è templo egregij operis Domino structuram ostendentes dicerent, ecce quales lapides, respondens Dominus, videtis inquit has omnes ædificationes. Amen dico vobis, non manebit lapis super lapidem qui non destruatur. Huiuscemodi exemplis discant vniuersi qui plus æquo confidunt vel in suis religionibus aut ceremonijs, interiori religione & sanctimonia vera neglectis, vel rursus in loci sanctitate, vel seruatilicis sanctorum reliquijs. Sicut enim non locus gentem, sed gens locū sanctificat (vt iam dictum est) ita profecto nec locus gentem prophanat, sed ecōtra, polluta & impiā gens locum contaminat.

F
Non esse
fidendū lo
ci celebri
tate.
Mar. 13.

Videte, inquit, quid fecerim loco meo. Si per locum illum terram sanctam & Christi pedibus consecratam libet accipere, videte, inquit, quid fecerim ei propter malitiam populi mei. videte (si fas est dicere) quid his diebus fecerit Dominus vrbi magnæ: celebri martyrio suorum Apostolorum famosa. Et quidem non est malum in ciuitate quod non fecerit Dominus. Ponam, inquit, ciuitatem hanc in stuporem et in sibilum, eo quod dereliquerunt pactum Domini Dei

Amos. 3.

sui.

FERIA QUINTA

sui. Bene ergo ait Propheta, Nolite confidere in verbis mendacij, illis fidem dantes qui vobis securitatem mendaciter promittentes dicunt. Templum Domini, templum Domini, templum Domini est. Verum in quo sit confidendum consequenter ostenditur.

Circa tertium dicitur.

Quoniam si benedixeritis vias vestras, & studia vestra, si feceritis iudicium inter virum & proximum suum. Aduenæ & viduæ & pupillo non feceritis calumniam, nec sanguinem innocentem effuderitis in loco hoc, & post deos alienos non ambulaueritis in malum vobismetipsis, habitabo vobiscum in loco isto, in terra quam dedi patribus vestris à sæculo & vsque in sæculum.

Hic ponitur ad consecutionem salutis vera & recta instructio. Si benedixeritis, inquit, id est, correxeritis & dignas benedictione reddideritis tam vias operum vestrorum, quam studia intentionum cordis, & ad me toto corde conuersi fueritis, & hoc quoad Deum. Verum quoad proximum, si iudicium feceritis & iustitiam, nec calumniam struxeritis aduenæ & pupillo aut viduæ, hos qui se defendere non valent opprimendo per potentiam (quorum vindicandis iniurijs plarumque Deus ultor exurgit, iuxta illud Prophetae. Propter miseriam inopum & gemitum pauperum nunc exurgam dicit Dominus, rursus si non effuderitis sanguinem innoxium in loco hoc. Hæc enim scelera grauius sunt, quæ loci & gentis excidio veniunt expianda. Sequitur.

Et post deos alienos non ambulaueritis in malum vobis

vobismetipsis. Malum enim & amarū est reliquisse
 Dominum, omnes enim qui hunc derelinquunt con-
 fundentur, & recedētes ab eo in terra scribentur, quo-
 niam dereliquerunt veniam aquarū viuentiū Domi-
 num. Abeunt post deos alienos, qui dicunt aurum ro-
 bur suum, & obriso dicunt fiducia mea. Fide, spe, &
 amore creaturam colentes potius q̄ creatorem. Deni-
 que qui peruersa dogmata sectātes sectas et schismata
 fouent. Sed in malum sibi metipsis. Segregant enim se
 vtiq; amisso spiritu vnitatis membra mortua, palmi-
 tes abscessi perpetui pabulum ignis. Hi sunt (inquit Iu-
 das apostolus) animales spiritum non habentes. Si er-
 go vias vestras, inquit, & studia ab his quæ iam dicta
 sunt reuocaueritis, habitabo vobiscum in loco isto,
 & vos eritis mihi in populum & ego ero vobis in
 Deum.

Iere. 21

I
Abeunt
post deos
alienos.

Iudæ. 1.

Leuit. 26.

FERIA SEXTA

post Oculi.

Domine Deus exaudi clamorem po-
 puli huius. Nu. 20.

In hac lectione tria notantur grande no-
 bis aliquid & mysticum significantia. Pri-
 mum est siti periclitantium aquæ postulatio. Secun-
 dum est ad aquæ postulata perceptionē populi præ-
 paratio. Tertium est e petra percussa mirabilis aqua-
 rum eductio. Primum a principio lectionis. Secun-
 dum ibi. Loquutusque est Dominus ad Moysen di-
 cens. Tolle virgam. Tertium ibi. Quumque ele-
 uasset.

Circa primum dicitur.

Conuenerūt filii Israel aduersum Moy-
 sen & Aaron, & versi in seditionem,
 dixē.

FERIA SEXTA

dixerunt. Cur eduxisti nos in solitudinē,
 vt & nos & iumenta nostra moriamur?
 Quare fecisti nos ascendere de Ægypto &
 eduxistis in locum istum pessimum qui feri
 non potest, qui nec ficum gignit, nec vineas,
 nec malogranata, insuper & aquam non
 habet ad bibendum? Ingressique Moyses
 & Aaron, dimissa multitudine ante tabernaculum
 fœderis corruerunt prohi in terram,
 clamaueruntq; ad Dominum atque
 dixerunt. Domine Deus exaudi clamorem
 populi huius, & aperi eis thesaurum tuum
 fontem aquæ viuæ, vt satiati cesset mur-
 muratio eorum. Et apparuit gloria Domini
 super eos.

A Populus hic qui de Ægyptia captiuitate per
 Populi cre- molati sanguinem agni liberatus rubrum mare de-
 dentis ty- meris hostibus sicco pede trāsuit, ad promissam ter-
 rum. rum. dens hæreditatem, typum gessit populi credentis,
 qui et ipse a graui seruitute peccati et captiuitate prin-
 cipis tenebrarum per Christi sanguinem liberatus,
 peccatis in Christi morte mortuis et extinctis, ad cœ-
 lestem gloriam, quasi promissam diuinitus vocatus
 est hæreditatem.

B Horum plerique in pœnitentiæ deserto constituti
 (via vtique qua perueniri possit ad regnum dicente
 Mat.) Domino, Pœnitentiam agite appropinquabit enim
 regnum cœlorum) gratiæ consolantis inopia laboran-
 tes, ob multa quæruntur.

Primo q; hæc via propter sui sterilitatem feri non
 potest, quia pœnitentiæ status sterilis et aridus eis esse
 vides

videtur. Rursum quod difficile imò impossibile illis videtur in lachrymis hic seminare quæ postmodum in gaudio metantur. Denique quod nec ficum habeant, id est, geminæ dulcedinem charitatis, nec interioris gaudij vineas, nec malogranata, id est, facilitatem operum iustitiæ in escam, nec rursus internæ deuotionis & gratiæ coelestis aquam, quum tamen interim male vrantur ardore concupiscentiarum, vsque adeo vt interdum poeniteat propositum actumque poenitentis assumpsisse.

Educti sumus, inquiunt, in solitudinem vt & nos & iumenta nostra moriamur: hoc est, vt perdamus et præsentis vitæ gaudia pariter & futuræ: quemadmodum mos est quibusdam, qui cum pusillo sint animo & modicæ fidei, semper veris grauiora sibi fingentes ad quærelas proni sunt.

Quare, inquiunt, fecisti nos ascendere ex Ægypto & eduxisti in locum istum pessimum? Supplicat autem pro his pia mater ecclesia et charitas sanctorum, in huius mundi deserto cum illis adhuc peregrinantium, dicentes: Domine Deus exaudi clamorem populi huius, & aperis eis thesaurum misericordiæ tuæ, fontem aquæ viuæ, id est, gratiæ viuificantis, consolantis, et ardorem desideriorum malorum extinguentis, cunctasque scelerum maculas diluentis. Hunc illis precamur thesaurum tuum hunc illis fontem aperire dignare. Quod autem spectante turba eorum qui hos lapidare voluerant, gloria Domini super eos apparuit, illud profecto significatur quod per Prophetam di. Maledicent illi & tu benedices: qui insurgunt in me confundentur, seruus autem tuus lætabitur. Siquidem tunc Deus Moysen summæ laudis præconiio commendauit, vel quum aduersus hunc Maria soror in detractiones & vituperia prorupit, vel quum hunc pessimi infano furore lapidare voluerunt, vt per hoc intellegamus bonos diuino munere eo fieri gloriosiores, quo magis à pessimis quibusque falsis criminationibus

L bus

Sancti
quādo am
plius à deo
commenda
dantur.
Nu. 12.

SABBATO

bus infectantur. Circa secundum dicitur.

Locutusque est Dominus ad Moysen dicens. Tolle virgam & congrega populum tu & Aaron frater tuus, & loquimini ad petram coram eis & illa dabit aquas. Quumque eduxeris aquam de petra, bibet omnis multitudo & iumenta eius, Tulit itaque Moyses virgam quæ erat in conspectu Domini sicut præceperat ei, & congregata est multitudo ante petram.

D Hic describitur ad aquæ postulatae perceptionem populi præparatio. Nam ut ad cœlestis gratiæ perceptionem populus credentium foret non indignus, iussus est per apostolicam prædicationem assumptis in testimoniū veritatis lege & prophetis (quæ per Moysen & Aaron designantur) iussus inquam est congregari, et coadunari in vnam fidem, in vnam ecclesiam, in vnum baptismum, in spem vnam, & in vnam indiscissam concordiam & dilectionem. Sicut per Lucam de fidelibus in primitiua ecclesia, di. Multitudinis credentiū erat cor vnum & anima vna. Quisquis autem ab istius congregationis vnitatem disciuerit, gratiæ cœlestis perceptione prorsus extat indignus.

Act. 4.

E Nec illud ociosum est quod Moyses populum congregaturus virgā tollere iubetur quæ erat in conspectu Domini. Virgam, inquam, qua Pharaon percussus & grauissimis plagis affectus, tandem Dei populum dimiserat. Siquidem per virgam hanc Christi redemptoris nostri crucem intelligimus, qua nimirum et diabolus percussus, & humanū genus liberatum est. Hac enim virga credentiū populus, utique oues Christi quæ erant dispersæ congregantur, dum vnanimes fide populi gentiū per orbem terrarū crucifixū Dñm ve-

Crucis
Christi
typus.

nerant

nerantes adorāt, & sub crucis vexillo tota Christi milita cōgregata aduersus principes & potestates, contra mūdi rectores tenebrarū harum, pro Christi gloria, ac promissa hæreditate depugnat. Itaq; si aquā gratiæ cupimus obtinere, primū nos oportet per Christi crucem (vt dictum est) in vnum congregari.

Circa tertium dicitur.

Quumq; eleuasset Moyſes manū percussit virga bis filicem, egressę sunt aquę largissime ita vt populus biberet & iumenta.

Hic describitur ē petra percussa mirabilis aquarūeductio. Cuius rei mysteriū Apostolus aperiens, **F** 1. Cor. 10.8
bebant inquit, de spiritali consequentē eos petra, petra autem erat Christus. Vtiq; petra seu lapis quē res **Petra**
probauerūt Iudaicam synagogam edificantes, qui nō **Christus**
hilominus ordinatione diuina factus est in caput anguli, duos in se parietes ad vnius ædificationem ecclesie coniungens, gentium videlicet populum atq; Iudæorū, quod vtiq; factū a Dño mirabile fuit in oculis populi peccatoris, qui hoc vidit et inuidit, sicut per Prophetam fuerat prænuntiātū. Peccator videbit & irascetur, dentibus suis fermet & tabescet.

Hanc petrā Moyſes .i. Iudaicę synagogę populus **G**
peccator et perfidus, Mosaicę legis (vt iactitabat) **Christus**
sectator, tūc virga percussit, quū Dei filiū in sano furore **virga crucis**
crucifixit. Crux enim virga est qua pro nobis Christus **bis petra**
dñs percussus est. Quod autē bis virga petra percussa fuisse memoratur, hoc significare putam⁹, quod **cussus.**
nō modo gens impia per crucē Christū interimere, sed etiam nomen eius & gloriā per turpissimū genus mortis de terra prorsus eradere cupiebat.

Porro q̄ petra percussa mox aquā effudit. Hoc est q̄ Christus crucifixus & glorificatus, sancti spiritus gratiā nō modo super apostolos & eos qui ex Israel crediderāt in die sacro Penthecostes, sed etiā in nationes gentium effudit. Ante vero q̄ hæc petra, id est,

L 2 Christo

Quod petra percussa aquas dedit quid. Act. 2. & 10.

SABBATO

Ioan. 7. Christus virga crucis percuteretur, nondum (vt Ioannes ait) erat spiritus datus: quia Iesus nondū erat glorificatus, sed nō nisi per crucem erat peruenturus ad gloriam, sicut ipse iam à morte rediuiuus ait, Oportebat hæc pati Christum, & ita intrare in gloriam suam.

Luc. 24.

H Biberūt proinde & homines & iumenta quia spiritus sancti gratiam, ardorem, & sitim cupiditatū malarum extinguentem, perceperūt & de Iudæis conuersi, quasi homines rationabiles, vtpote diuinis instituti præceptis, & conuersi de gentibus qui quasi iumenta Deum prius ignorauerant. Rursum non modo iusti, sed etiam peccatores & carnaliter ante viuentes spiritus sancti gratiam quasi iumenta perceperunt.

Lapis virga bis percutim⁹ moraliter. Quid autē ex his ad mores referatur aduerte. Cor peccatoris durum & graue, aridum & sterile, per percutiam nō incongrue significatur. Quod vt aquas compunctionis per lachrymas effundat, humili peccatorum suorum cognitione & virga timoris Domini percuti necesse est, quod quasi bis virga crucis percutimus, dum ipsam Domini passionem et mortem quā propter nos pertulit, nō solum attenta meditatione ad memoriam reuocamus, sed etiam crucem pœnitentiæ baiulando hanc deuote imitamur.

SABBATO POST

Oculi.

F Lens suspexit in cœlum, erat enim cor eius fiduciam habens in Domino. Dan. 13.

Ex hac lēctione tria nobis sunt consideranda. Primum est conficta aduersus innocentem calumnia. Secundum est innocentis in Domino fiducia. Tertium est sperantis in Domino liberatio digna. Primum à principio lēctionis. Secundū ibi. Quæ flens suspexit in cœlum. Tertium ibi. Exaudiuit autem Dominus,

Circa primum dicitur,

Etac

Erat vir in Babylone, & nomen eius Ioa-
chim. Et accepit vxorē nomine Susannam
filiam Helchiæ pulchram, nimis & timen-
tem Deum.

Commendatur Susanna & à generis nobilitate,
& à formæ decore, & quod his est longe præstantius,
à probitate morū & timore Domini. Parentes enim
eius quum essent iusti, erudierant filiam suam secun-
dum legem Moyfi. Huic ob formæ decorem concu-
piscētis suis illecti insidiati sunt duo senes, iudices po-
puli. Qui tamen essent ætate senes, officio iudices, di-
gnitate sacerdotes, nihilominus tamen à concupiscen-
tia sua in transuersum acti, obseruantes & deprehen-
dentes quadam vice solam in pomerio viri sui se la-
uantem, ad scelus sollicitant, mortem illi & infamiam
nisi consentiat intentātes. Dicemus, inquiunt, testimo-
nium contra te q̄ fuerit tecum iuuenis, & ob hanc
causam emiseris puellas à te. Ingemuit illa & ait, An-
gustix mihi sunt vndicq̄. Si enim hoc egero mors mi-
hi est, sin autē, nō effugiam manus vestras. Sed melius
est mihi absq̄ opere incidere in manus hominum, q̄
peccare in conspectu Domini.

Ecce quanta constantia, quanta virtus pectoris ge-
nerosi, pudicitiam vitæ præferentis & mortē potius
eligentis q̄ pati turpitudinem, quæ tamen necdum au-
dierat dicentem, Nolite timere eos qui occidunt cor-
pus, animam autem non possunt occidere. Exclama-
uit itaq̄ Susanna, exclamauerunt autem & senes ad-
uersus eam. Qui vt aliquo mendacem calumniam su-
co possent adumbrare, cucurrit eorum alter & ape-
ruit ostia pomerij. Irruentibus autem seruis ad clamo-
rem, quum loquuti fuissent senes erubuerunt serui ve-
hementer, quia nunquā dictus fuerat sermo huiusce-
modi de Susanna.

Postridie senes iniqui atq̄ impudici quod cœpe-

A
Susanna à
tribus cō-
mendatur.

Senes im-
pudici.

B
Mira con-
stantia &
amor pud-
icitix.
Mat. 10.

rant aduersus innocentem executuri, vocauerunt eam ad iudicium. Quæ venit cum parentibus & filijs & vniuersis cognatis suis. Flebant autē sui & omnes qui nouerant eam. At illi (vt testibus mos erat) ponentes manus super caput eius, innocentem & pudicam de adulterij crimine mendaciter coram omnibus accusabant, dicentes: Quum deambularem in pomerio solli, ingressa est hæc cum duabus puellis, & clausit ostia pomerij & dimisit à se puellas. Venit ad eam adolescens qui erat absconditus et concubuit cum ea, & illum quidē nequiuimus comprehendere quia fortior nobis erat, & aperto ostio exiit. Hanc autē quū apprehendissemus noluit indicare nobis quis esset adulescēs. Huius rei testes sumus. Credidit eis omnis multitudo populi quasi iudicibus & cōdemnauerūt eam ad mortem.

Circa secundum dicitur.

Quæ flens suspexit in cœlum. Erat enim cor eius fiduciam habens in Domino.

C
Innocens
confidit in
Domino.

Hic ponitur confidētis in Domino fiducia. Flens, inquit, suspexit in cœlum. In cœlū flens suspexit, quæ liberatorem in terra nō habebat. Erat autem cor eius fiduciam habēs in Domino. Quid ni confidat in Domino quam aduersum false criminātes innocentis vitæ defendit cōscientiæ quæ pudicitiam ob Dei timorem, etiam vitæ præferre non dubitauerat? Fiduciam ergo habebat in Dño, qui humano destitutis auxilio & in se sperantibus solet subuenire. Quemadmodum pius rex Iosaphat quū ob imminentes sibi hostes auxilio fluctuaret animo, dicebat: Quū ignoramus quid agere debeamus hoc solum habemus residui, vt oculos nostros dirigamus ad te. Vnde & Propheta ait, Ad te leuavi oculos meos qui habitas in cœlis. Itaque iniquo iudicio innocens ad mortem damnata, clamauit ad Dominū & ait, Deus æternæ qui absconditorū es cognitor, Qui nosti omnia antequam fiant, tu scis

2. Para. 20.

quia

quia falsum testimonium contra me tulerunt. Et ecce
 morior quā nihil horum fecerim quā isti malitiose
 composuerunt aduersum me. Sed non dereliquit eam
 qui nouit pios de tentatione eripere, iniquos uero in
 diem iudicij reseruare cruciādos. Adiutor est enim in
 oportunitatibus in tribulatione.

2. Pet. 2.

Circa tertium dicitur.

Exaudiuit autem Dominus uocem eius.

Clamitat enim ante Deum uox oppressorū. Quā
 ergo duceretur ad mortem suscitauit Dominus spiri-
 tum Danielis, qui exclamauit in populo & ait, Mun-
 dus ego sum a sanguine huius. Reuertimini ad iudi-
 cium, quia falsum testimoniū loquuti sunt aduersus
 eam. Reuersus est ergo populus cum festinatione. Et
 dixit Daniel. Separate eos (nimirum impios illos &
 impudicos, falsos testes, crudeles homicidas) hos sepa-
 rate ab inuicem procul: ne forte colloquentes aliquid
 inter se quo possint euadere confingant, & dijudica-
 bo eos. Quum ergo diuisi essent ab inuicem, uocauit

D
 Per Danie-
 lem Susana
 na libera-
 tur.

alterum eorum & ait ei, Inueterate dierum malorum,
 nunc uenerunt peccata tua quā operaberis prius iudi-
 cans iudicia iniusta, innocentes opprimens, & dimittens
 noxios, dicente Domino, Innocentem & iustum
 non interficies. Nunc ergo si uideris eam, dic sub qua
 arbore uideris eos colloquentes sibi. Qui ait, Sub ci-
 no. Dixit autem Daniel, Recte mentitus es in caput
 tuum. Ecce enim angelus Domini accepta sententia
 ab eo scindet te medium. Quo amoto iussit venire al-
 terum cui ait, Semen Chanaan & nō Iuda, species de-
 cepit te, & concupiscentia subuertit cor tuum. Sic fa-
 ciebatis filiabus Israel, et ille timentes loquebātur uo-
 bis, sed nō filia Iuda sustinuit iniquitatē uestrā. Nunc
 ergo dic mihi sub qua arbore comprehenderis eos
 loquentes sibi. Qui ait sub prino. Dixit autem ei Da-
 niel. Recte mentitus es & tu in caput tuum. Manet
 enim angelus domini gladiū habēs ut secet te mediū

Exod. 23.

Conuincuntur testes falsi.
 E

L 4 & in

SABBATO

Impudici senes interficiuntur. & interficiat vos. Exclamauit itaque omnis cœtus voce magna et benedixerunt Deum qui saluat sperantes in se. Et illi quidem impietatis suæ mercedem accipientes inciderunt in foueam quam ipsi foderant, & lapidibus obruti interfecti sunt. Ex qua re gesta spectabile atque imitabile cunctis (præsertim fœmineo sexui) tuendæ pudicitia præbetur exemplum. Et nihilominus per hæc patet verum esse quod per Salo. dicitur. Iustitia rectorum liberabit illos, & in insidijs suis capientur iniqui.

Pro. ii. Possumus autem & hæc quæ dicta sunt per tropologiam intelligere, vt ea ad morum ædificationem conuertamus, vt videlicet per Susannam fidelem animam accipiamus. (Susanna enim interpretatum, gaudium gratiæ dicitur) Dei misericordia adiutam, & per resipiscentiam à peccatis, Deo coniunctam. Hæc viri sui, i. Christi, pomerium intrat, quum ad verbi cœlestis et scripturæ sacrae latissimam amœnitatem se tota mentis intentione conuertit. Illic enim scaturiunt limpidissimi agnitionis & intelligentiæ fontes. Illic lachrymarum stillicidia humanæ mentis solum inudant. Illic rursus omnigeni virtutum flores cum opinionis sanctæ fragantia. Illic denique curandis medicamina vitijs, præsertim compunctionis & poenitentis absentium, quod interiora mordentis, cōscientiæ vermem necat, abunde reperitur.

Diabolus vnde fiti muletur. Quum igitur illuc fidelis anima purificandi gratia quasi causa lotionis se conuertit, inuidiæ stimulis diabolus cruciatur. Itaque assumpto secum ad fraudem seocio vel maxime accommodo, videlicet mundo, nullo non fraudum & deceptionum genere instructo, ad peccati ruinam (spirituale videlicet adulterium) animam à peccato iam mundatam importune sollicitat & instanter. Mundus nempe suggerit præsentis facturi delicias, delectationibus carnis & bonis, frui quæ nunc sunt, carpere breuis æui florem priusquam marcescat.

Mundus quid suggerat.

Porro

Porrò diabolus mendacij pater & homicida fraudulentus ab initio, suggerit vitæ spacia longioris, posse hominem agere pœnitentiam tempore senectutis, misericordem esse Deū, qui vel in extrema vitæ hora vniuersa peccata dimittat. Quibusdam verò quos facilius se posse decipere credit, errores, hereses, & schismata suggerit, non esse confitendum sua peccata sacerdoti, non esse ieiunandum, non colendos aut inuocandos in suffragium antè Deum sanctos, non esse veneranda Ecclesiæ sacramenta, denicq; fide sola sine operibus hominem posse saluari, illud proculdubio per hæc intendens, vt supplicijs gehennæ quasi quibusdam funestis lapidibus contaminatam peccatis animam tandem possit obruere. Quòd si his quæ suggerit peccatis per consensum non acquiescat, ipse illam vndicq; persecutionibus angit, tentationibus infestat, fatigat tribulationibus, aduersitatibus pulsat, criminatõibus falsis per prauos hoies accusat, odientiũ linguis flagellat, & dum ad verum crimen deducere nequit, crimine falso mentiẽtium linguis tristius exacerbat, ac si dicat: Nisi commiscearis nobiscum dicemus contra te falsum testimonium, vt animã quam voluptate peccati illicere non valet, impatientia tandem & pusillanimitate deiciat.

Porrò inter hæc mala lachrymis & fiducia, cœlestis fidelis anima præsidium quærat, & flens suspiciat in cœlum quæ sic vndicq; præmitur in terris. Enimuerò suscitabit ei Dominus Daniele. Non enim in finem obliuio erit pauperis, Daniel autem iudicium interpretatur, quo nomine quid congruentius quàm in luce veritatis iusta rerum æstimatio, iustumq; de sæculi vanitate iudicium accipiatur? Hæc quippè & voluptatum mundanarum breuitatem, & perpetuos gehennæ cruciatus fideliter ostendit. Quo fit vt testes falsi & deprehendantur & conuincantur, & à peccati morte anima liberata sponso suo Christo reddatur incolumis.

Diabolus
quid suggerat.
H

Piis maxime infestum esse diabolus.

Nota.

I
Inter tentationũ angustias quid faciendum.

T Imuerunt regem videntes sapientiam Dei esse in eo ad faciendum iudicium. 3. Reg. 3.

In hac lectione tria comprehenduntur. Primum est litigantium meretricum æquanimis auditio. Secundum

est sagacis prudentiæ subtilis indago. Tertium est subtilis iudicij æqua diffinitio. Primum à principio lectionis. Secundum ibi. Tunc rex ait. Tertium ibi. Respondit rex & ait: Date illi.

A Circa primum est aduertendum quod doctrina hominis per patientiam eius agnoscitur, quod in sapientissimo Salomone in hac causa apparuit. Qualiter autem sapientiam fuerit assequutus antè lectionis huius initium describitur. Quum enim confirmatum esset regnum in manu eius, immolauit Domino ritu solenni mille hostias super altare quod erat in Gabaon.

Salomon
postulatã
à Deo accipit
sapientia.

Apparuit autem ei per somnium nocte Dominus dicens: Postula quod vis vt dem tibi. Qui quum præ cæteris rebus omnibus postulasset docile cor & sapientiam, vt Dei populum posset iuste iudicare, placuit sermo coram Domino. Et dixit ad eum: Quia postulasti verbum hoc & non petisti tibi dies multos, nec diuitias, aut animas inimicorum tuorum, sed postulasti tibi sapientia ad discernendum iudiciũ, ecce feci tibi secundum sermones tuos. Et dedi tibi cor sapiens, & intelligens intantum vt nullus antè te similis tui fuerit, nec post te surrecturus sit. Hanc itaque diuinitus sibi collatam sapientiam breui post tempore difficilis & ambigua causa probauit. Venerunt quippe ad eum iudicij causa duæ mulieres meretrices, & steterunt coram eo. Quarum vna dixit: Obsecro mi domine. Ego & mulier hæc habitabamus in domo vna, & peperit apud eam in cubiculo, tertia autem die postquam ego peperit, peperit & hæc, nec erat alius quisquam

quam

quam in domo nobiscum. Mortuus est autem filius
mulieris huius nocte, dormiens quippè oppressit eū,
& surgens intempestæ noctis silentio tulit filium
meum de latere meo ancillæ tuæ dormientis, & collo-
cauit in sinu suo, suum autem filium qui erat mortuus
posuit in sinu meo. Quumq; surrexissem mane ut da-
rem lac filio meo, apparuit mortuus. Quem diligen-
tius intuens clara luce, deprehendi non esse meum
quem genueram. Respondit altera, Non est ita ut di-
cis, sed filius tuus mortuus est, meus autem viuit.
Econtrario illa dicebat: Mentiris. Filius quippè meus
viuit, & filius tuus mortuus est. In hunc modum cō-
tendebant coram rege.

Mira res & spectatu digna, q̄ Salomon mox ut
diuinas illustrationes accepit, post tantā sibi diuinitus
insulam sapientiam, meretricum quæstione pulsatur.
Quia plæruncq; (ut ait Greg.) supernæ gratiæ donis
acceptis tentationis aculeo fidelis quisq; probatur.
Deus enim piorum corda & illustrando ad virtutes
prouehit, & mox recedendo tentatione turbati per-
mittit, ne hoc se habere ex semetipso homo vanè glo-
rietur, sed quid ex semetipso sit ipse experiatur.

Sæpe enim quum mentem nostrā concessis virtuti-
bus diuinæ gratiæ respectus illuminat, mox eam lu-
bricæ cogitationes turbant, ut quæ subleuata immen-
so munere exultat, etiam tentatione pulsata quid sit
inueniat. Sic & Helias uisitatus desuper sermone coe-
los aperuit, & subito probatus infirmus per deserta fu-
giens mulierem vnā expauit. Sic Paulus vsq; ad
tertium cœlum penetrans secreta paradisi considerat,
& nihilominus ad se rediens contra carnis rebellio-
nem laborat. Videt aliam legem in membris suis re-
pugnantem legi mentis suæ. Itaq; post collationem
muneris Deus hominem probat, quia & collato mu-
nere subleuat, & rursus abstracto paululum, ipsum si-
bi qualis sit demonstrat.

Circa secundum dicitur.

Tunc

B
Salomon
meretricū
quæstione
pulsatur.

3. Reg. 18.

2. Reg. 19.

2. Cor. 11.

Rom. 7.

FERIA SECVNDA

Tunc rex ait: Afferte mihi gladiū. Quumq̄
attulissent gladium coram rege, diuidite in
quit infantem viuum in duas partes, & date
dimidiam partem vni, & dimidiam partem
alteri. Dixit autem mulier cuius filius erat
viuus ad regem (commota quippè sunt vis-
cera eius, super filio suo). Obsecro domi-
ne date illi infantem viuum & nolite intera-
ficere eum. Econtrario illa dicebat: Nec mi-
hi nec tibi fit sed diuidatur.

C
Subtilis in-
quistio ve-
ritatis.

Ecce subtilis indago veritatis. Vbi enim testis
omnino defuit, sapiens iudex naturæ secretum affe-
ctum interrogans, ad verissimilem coniecturam recur-
rit. Vim naturæ interrogat, & eum qui mentiri non
potest, examinat anxie maternum affectum. Quum
enim infans vnus ambarum filius esse non posset, sed
alterius tantū, & fieri non posset vt obliuiscatur mu-
lier infantem suum vt non misereatur filio vteri sui,
experiri voluit vtra illarum erga infantem viuum
visceribus pietatis se veram matrem declararet. Lin-
guam quippè nō cor mentiri posse nouerat. Hinc pa-
lām fuit hanc quæ viuum infantem diuidi voluit, se
matrem illius mendaciter asseruisse. Nam viuum in-
fantem discindi non modo materna viscera postulare
non possent, imò nec videre. Filium ergo non suum
petierat, nō vt possideret, sed vt occideret. Non enim
hoc fecit filij amore, sed odio æmulæ. Quod etiam
hoc quod dictum est modo, sagacis ingenij iudex il-
lico perpendit.

Esa. 49.
Linguam
mētiri pos-
se non as-
sectum.

Circa tertium dicitur.

Respondit rex & ait: Date huic infan-
tem viuum, & nō occidatur. Hæc est enim
mater

mater eius.

Quæ videlicet paruuli vitam vel apud æmulam feruari rogauit. Audiuit itaq; omnis Israël iudicium, quod iudicauerat rex, & timuerunt regem videntes sapientiam Dei esse in eo ad faciendum iudicium.

Quæ si ad sensum allegoricum referantur, illud imprimis considerandum est q; non modo in officio dominicæ diei .i. hesternæ, sed etiam huius hebdomadæ feriarum, Ecclesiæ de gentibus congregatæ supra Iudaicam synagogam præminentia ostenditur, Iste etenim meretrices, synagoga sunt & Ecclesia populi credentis. Per idolatriam quippè fornicatæ fuerunt, quas tamen Deus matrimonio suo quodammo do donauit, synagogam primū, post Ecclesiam. In cuius rei typum Osee iussus à Deo primū accepit vxorem fornicariam, deinde adulteram. Proinde mulier illa quæ Domini pedes lachrymis rigatos capillis terfit, cui dimissa sunt peccata, Ecclesiam de gentibus & ipsa portendebat, quæ tamen non habet maculam aut rugam aut aliquid huiusmodi. Nec dicimus eam meretricem mansisse, sed fuisse. Pepererunt autem in eadem domo. i. in Ecclesia, vna carnales legis obseruantias, altera Christum. Venerunt subinde ambæ per fidem ad diuini examen iudicij. Nam harum altera videlicet synagoga non cognoscens tempus visitationis suæ filium suum oppressit. Siquidem præsentem veritate, figurales Iudaicorum rituum ceremoniæ mortuæ sunt. Quum enim illis scribæ & legisperiti Christo præsentem atq; prædicante pertinaciter incumbunt, quasi dormientes somno graui, qui nec à luce veritatis exorta, nec à clamore prædicantis Christi excitari potuerunt, synagogæ, imò proprium filium, i. abolendæ legis ceremonias inanes, mortificant prorsus & extinguunt.

Porro per filium viuum opus Deo acceptum non incongruè accipimus. Contendunt autem pro filio viuo;

D

Ecclesiæ supra synagogam præminentia.

Osee. i. & Luc. 7.

Ephe. 5.

Synagoga filium oppressit.

E

FERIA SECUNDA

Filius viu⁹
myft.

Act. 13.

Galat. 5.

Diuidite
infantem
viuum
quid fit.

Legalia
prorsus
extincta
& illicita.

Eph. 6.
Filius viu⁹
ecclesie ad
iudicatus.

Gala. 5.

uiu, vtraq; sibi illum asserente. Mortuum verò vtraq; suum negans, alterius esse dicit: In ortu siquidem Ecclesie credentium nonnulli è Iudæis ad fidem conuersi legalium obseruationem ad salutem esse necessariam affirmantes (vt Lucas refert) nisi inquirunt circumcidamini secundum morè Moysi, non potestis salui fieri. Ecce quomodo synagoga, mater vtiq; prolis extinctæ, filium tamen suū clamat adhuc esse viuū. Contra verò gentium Apostolus Paulus: Si circumcidamini inquit Christus vobis nihil proderit. Ecce qualiter ore & voce Pauli, Ecclesia filium suum viuū esse defendit.

Per hoc autè quod ait rex. Diuidite infantem viuū, vtiq; significatum fuit futurum esse, vt ex circumcisione conuersi permitterentur, quarundam Mosaicæ legis ceremoniarum ritus ad tempus seruare, vsquequod videlicet per gentium nationes Euangelium Christi foret diuulgatum, ne prorsus reprobata lex, & non à Deo fuisse videretur.

Conuersis autem ad Christi fidem ex Gentibus Apostolico pariter & spiritus sancti decreto denunciatum est seruare legalia quædam pauca ad tempus propter pacificam eorum cum illis in vna fide & Ecclesia communionem, abstinere. s. à suffocato, à sanguine, & ab illorum esu quæ idolis fuerant immolata, & à fornicatione. Conuersi enim ex circumcisione hæc impensè horrebant. Verum post sacri Euangelij publicationem per gentium nationes, Dei sapientiæ gladio spiritus quod est verbum Dei, figuralium ritus ceremoniarum, nempe impletos in Christo ac repugnantes veritati, & hinc pestiferos fidei credentium & exitiales, de medio prorsus sustollendos, nec vltra cum Euangelio Christi seruandos irreuocabili decreto sanxiuit. In quo nimirum filius viuus synagoga prorsus abiudicatus est, decernente spiritu sancto per Apostolos, Christi fidem quæ per dilectionem opera

operatur abiecta penitus obseruatione legalium sufficere credentibus ad salutem.

Cæterum vt ex his nonnulla secundum tropologiam ad morum eruditionem habeantur, harum altera mulierum Dei iustitiam, altera misericordiam, exprimi intelligamus. Instat iustitia vt peccator per mortem quam meruit (anima à corpore separata) scietur ac si viuus infans iudicij gladio diuidatur, iuxta quod per Prophetam dicitur: Tollatur impius ne videat gloriam Dei, in terra quippè sanctorum iniqua gessit. Porro misericordia iudicium iustitiæ non modo temperat, sed & superexaltat, & vibratum retinens gladium in vaginam pacis recondit, ac si clamet & dicat: Obsecro domine nolite interficere eum. Nempe misericordiam Domini quæ non sumus consumpti. Non enim putandum est hominum peccata Deum idcirco ultione condigna non ferire quasi illa ignoret, quum sint omnia nuda & aperta oculis eius, & non sit aliqua creatura inuisibilis coram illo, vel quasi hæc illi non displiceant, vel ea punire non possit, quæ nefas est de Deo vel cogitare, quum sint ei peccata nostra molesta, & ea sustinens laborasse se per Prophetam clamet. Rursus quum omnia quæcunq; voluerit faciat in cælo & in terra, non est qui possit resistere voluntati eius, sed est quæ seruat peccatorem ad poenitentiam misericordia mater, interpellans pro illo, ne per mortem medijs scindatur. Non enim ex operibus iustitiæ quæ fecimus nos, sed secundum suam misericordiam saluos nos fecit. Huic (inquit sublimis ille rex cui omne iudicium dedit pater) date infantem viuum, & non moriatur. Hæc est enim mater eius, hæc eius seruatrix est.

G
Sensus moralis.
Iustitia & misericordia altercantur.
Esa. 26.
Iaco. 2.

H
Tren. 30
Hebr. 4.
Esa. 1.

Titū. 3.
Ioan. 5.

FERIA

FERIA TERTIA

post latere.

Cerno, quòd populus iste dæ
ræ cervicis sit. Exodi. 32.

Ex hac lectione tria notantur:
Primum est ingratiſſimæ gentis
offenſo deteſtabilis. Secundum eſt
aduerſum hos Dei comminatio
valde formidabilis. Tertium eſt Moyſi oratio po-
tens & Deo acceptabilis. Primum à principio le-
ctionis. Secundum ibi. Rurſumq; ait Dominus ad
Moyſen: Cerno q; populus. Tertium ibi. Moyſes
autem orabat dominum Deum ſuum.

A
Populus
cur in ido-
latriam
ruit.

Circa primum aduertendum eſt q; populus Iſraël
videns q; moram faceret Moyſes in monte coram
Domino, quum eſſent ipſi ad inſolentiam & idola-
triam (quam vtiq; in Ægypto exercuerāt) procliuēs,
dicebant inter ſe. Moyſi huic viro qui nos eduxit de
terra Ægypti neſcimus quid acciderit, faciamus no-
bis Deos qui præcedant nos. Fecerunt ergo ſibi ex
auro à populo collecto vitulum conflatilem, & ex
oblatis illi hoſtijs comedebant, & circa idolum im-
pudicè ſaltantes ludebant. Quod cernens Dominus
dixit ad Moyſen: Descende de monte, quia peccauit
populus tuus quem eduxiſti de terra Ægypti. Receſ-
ſerunt cito de via quã oſtendiſti eis, feceruntq; ſibi vi-
tulum conflatilem & adorauerunt, atq; immolantes
ei hoſtias dixerunt: Iſti ſunt Dij tui Iſraël, qui te eduxe-
runt de terra Ægypti.

Nequiſſi-
ma ingra-
tudo.

Vbi patet ingratiſſimæ gentis perfidia deteſtanda
qui poſt tanta & tot magnalia quæ ad eorum libera-
tionem coram eis fecerat Dominus, eorum percu-
tiens hoſtes & ipſos ſaluās, poſt tantorū dona benefi-
ciorum, Deo dereliſto ad idolatriam ſe conuerterunt.

B Patet etiam eorum inconstantia & leuitas. Cito
enim reſceſſerunt de via recta ſicut ſcriptū eſt. Cito fe-
cerunt obliſi ſunt operum eius. Deniq; falſitas eorū
eluceſcit.

elucet. Dixerunt enim audiente Deo in corde suo (cuius auditor est Deus) Isti sunt Dii tui Israël, qui te eduxerunt de terra Ægypti, sacrilega mendaces blasphemia summi Dei beneficium maximum, metallo vanissimè tribuentes. Peccauit, inquit, populus tuus, quia in tale ac tantum scelus prolapsus iam non est meus. Tuus, inquit, tam cognatione carnis, quàm affectu solitudinis. Recefferunt cito, nempe leues & instabiles. Dilexit quippè populus iste mouere pedes suos, & non quieuit & Domino non placuit, de via fidei & iustitiæ, qua perueniri potest ad omne bonum, quàm ostendisti eis. Hinc aduertimus quod sit gregi damnosa absentia pastoris. Non enim scelus hoc Moyse præsentate tentassent. Nam plerumque etiam sola prælati præsentia subditorum non solum manus ab opere malo, sed etiam animos compescit & mentem. Pastoris præsentia lupum arcet à grege, quem illo absente erat inuasurus. Quippè securus accedit tentator, ubi nullus timetur rephensor.

Sed prælatus qui non nisi temporalia commoda querit, mercennarius est & non pertinet ad eum de ouibus, sed de lacte & lana tantum. Hic videt gregem sibi commissum inuadente lupo dispergi, & fugit non locum deserendo, sed subtrahendo auxilium. Fugit tamen interdum etiam corporaliter, pompa seculi sectator, vel ad curias principum & magnatum, vel ad carnis suæ delicias & voluptates, quum interim dispergi per errorum deuia subditi, idola sibi constituunt, illis ludentes, illis non quasi bet hostias sed proprias animas litantes. Porrò Deus qui ab alto cõtuetur vniuersa, cuius oculi aperti sunt super omnes vias filiorum hominum, corda intuentes in abscondito, peccante populo pastori mandat. Vide, inquiens, quid agatur, operare discussionem, exequere iustitiam, curam vigilem impende.

Ad hunc modum cito recessuri sunt plerique post acceptam peccatorum remissionem, & Dominici cõ-

Munio.

Mendaces

Hiere. 141

C
Mercennarius non pastor quis sit
Ioan. 10.
Grex ut dispergitur,

Eccli. 230

Inconstantia eorum qui relapsi sunt.

FERIA TERTIA

munionem corporis, recessuri sunt, inquam, de via poenitentiae, quae sacris his diebus illis ostenditur, ambulaturi post carnis concupiscentiam in immundicia, quasi canis reuersus ad vomitum, & quasi sus lota in volutabro luti.

Prouer. 26

Circa secundum dicitur.

Rursumque ait Dominus ad Moysen: Cerno quod populus iste durae cervicis sit, dimitte me ut irascatur furor meus contra eos & delectam eos faciamque te in gentem magnam.

Hic notatur aduersum praeuaricatores Dei comminatio valde formidabilis. Cerno, inquit, hunc populum esse durae cervicis. i. superbiae indomabilis, quae durae atque erectae inflexibilisque cervicis nomine designatur. Quod alijs verbis in plerisque scripturae locis duritia cordis dicitur. Nam cor durum & dura ceruix pro eodem habentur.

Duri cordis incommoda.

Itaque durae cervicis siue duri cordis incommoda operae precium est aduerrere, quorum vnum est, quod sicut terra dura & arida sparsum semen intra se non recipit, imo potius quod super petram diuini verbi semen cecidit idcirco non retulit fructum quia non habebat humorem, ita cor durum, praedicatum vel diuinitus inspiratum viuificum coelestis verbi semen non admittit.

Act. 7.

Secundum est, quod spiritui sancto pertinaciter resistit, unde ad impiam Iudaeorum synagogam aduersus Dominum & aduersus Christum eius in concilio congregatam per inuictum Christi testem dicitur: Dura ceruice & incircumcisi cordibus & auribus, vos semper spiritui sancto resististis, cuius resistentiae modum subiungit, dicens: Quem Prophetarum non sunt persecuti patres vestri? Parum eis est quod spiritui sancto non acquiescant, nisi & insuper resistant, repugnent, & impugnent.

Tertio

Tertium est q̄ iram Dei sibi thesaurizat, prout **E**
 Apostolus ad Romanos scribens ait: Secundum du **Rom. 24**
 ritiam tuam & impœnitēs cor, thesaurizas tibi iram
 in die iræ & reuelatiōis iusti iudicij Dei. Illius autem
 thesaurus augetur, qui certatim ad peculium infe-
 rens, nihil inde quo minuatur tollit. Non secus duri
 cordis peccator thesaurū iræ cœlestis quem sibi quo-
 tidie sceleribus auget, per pœnitentiam & opera san-
 cta non dissipat.

Quartum est q̄ finem malum sibi superinducit, **Eccli. 23**
 sicut per sapiētem dicitur. Cor durū malè habebit in
 nouissimo, quum videlicet illi occurrerit dura atq; im-
 portabilis ira Dei. Quum autem durum aliquid duro
 occurrit, quod infirmius est confringatur & cedat ne-
 cesse est, quomodo si saxo grandi de altissimo, monte
 ruenti in præceps, occurrat olla testea. Hinc ad ipsum **Simile.**
 viuorum iudicem atq; mortuorum de his qui duro
 sunt corde dictū est: Reges eos in virga ferrea, & tan-
 quam vas figuli confringes eos. De qua contractio, **Esa. 30.**
 ne per Esaiam dicitur. Pro eo q̄ reprobastis verbū
 hoc, & sperastis in calumnia & tumultu, & inimici
 estis super eo, & sequitur. Subitò dum non speratur
 veniet contritio eius, & comminuetur sicut conteri-
 tur lagena figuli contritione perualida, & non inue-
 niatur de fragmentis eius testa in qua portetur igni-
 culus de incendio, aut hauriatur parum aquæ de
 fouea. Sequitur.

Dimitte me vt irascatur furor meus contra eos. **F**
 Quid est Deum dicere dimitte me, nisi precandi au-
 sum præbere? Perinde est enim ac si dicat: Pensa quā-
 tum apud me valeas, & cognosce quia potis es obti-
 nere à me quidquid pro populo postulaueris.

Sed huic obuiare videtur quod in Iob scriptum **Iob. 9.**
 est. Deus cuius iræ resistere nemo potest, quum (sicut **Ira dei nū**
 hic patet) iræ Dei Moyses obstiterit, qui supernæ **quisq̄ pos-**
 percussiois impetū suæ mortis obiectione restrinxit **sit resistere.**
 dicens: Aut dimitte eis hanc noxam, aut dele me de

FERIA TERTIA

- Nu. 26. libro tuo quem scripsisti. Aaron quoque plagam ignis in populo iam grassantem, incensum fumo & deprecatione repressit. Rursum Phinees fornicantem cum muliere alienigena trucidans in zelo suo, diuinæ indignationis furorem gladio placauit. Denique ferienti populum angelo Dauid sese ferendum offerens, pacationis gratiam antequam compleretur ultionis tempus obtinuit.

Solutio. Sed iræ Dei resisti non potest, quum se ad ulciscendum consilij sui prædestinata stabilitate mouet. Nec utiliter cuiusquam deprecatio illius iræ se obijcit, nisi ab ipso acceperit ut se opponat. Rursum iræ Dei tunc nullus resistit, quum semel aliquid ab intimis irascens

Gdo disposuit. Vnde nec Moyses ipse qui reatum totius populi precibus suis deterisit & iræ Dei vim placauit, ad petram Oreb veniens & pro aquæ exhibitione diffidens, terram promissionis ingredi Domino irascente non potuit, tametsi de hac re se affligit & desiderio turbatur, dispositæ tamen ultionis iracundiam à se repellere non valuit, qui tamen eam volente Domino à populo amouit. Hinc rursum Dauid prostratus à plebe angeli gladium prece compescuit, quum tamen prius plorans & eiulans nudis pedibus filium lugeret, quoadusque perpetrati facinoris ultionem ad plenum reciperet, iram Dei non valuit pro semetipso temperare.

3. Reg. 12.

Nu. 20.

Circa tertium dicitur.

Moyses autem orabat Dominum Deum suum, dicens: Cur Domine irascitur furor tuus contra populum tuum quem eduxisti de terra Ægypti in fortitudine magna & in manu robusta? Ne quæso dicant Ægyptii callidè eduxit eos ut interficeret in montibus & deleret de terra. Quiescat ira tua, & esto

Moysi pro populo potens oratio

& esto placabilis super malitia populi tui. Recordare Abrahamã, Isaac, & Iacob seruatorum tuorum, quibus iurasti per te ipsum, dicens: Multiplicabo semen vestrum sicut stellas cœli, & vniuersam terram hanc de qua loquutus sum dabo semini vestro & possidebitis eam semper. Et post pauca. Aut dimitte eis hanc noxam, aut si non facis, dele me de libro tuo quem scripsisti.

Vbi ponitur Moyse potens & accepta Deo oratio. In qua oratione & fideliter interpellat pro populo peccatore, & fortiter ac sapienter allegat. Cur, inquit, Domine irascitur furor tuus contra populum tuum, non meum. Dixisti enim: Filius meus primogenitus Israël. Et rursus dicitur per Prophetam tuum, Si potest mulier obliuisci infantem suum vt non misereatur filio vteri sui, ego tamen non obliuiscar tui. Cur ergo tu Deus secundum cuius magnitudinem etiam magna est clementia, cui proprium est misereri semper & parcere, irasceris populo tuo, qui etiam peccat, nihilominus tamen populus tuus est.

Exod. 4.
Esa. 49.

Allegat proinde impensum diuinitus populo benescium, quum dicit: Quem eduxisti, quem liberaisti de terra Ægypti, de domo seruitutis iniquæ, vt tibi populus iste tuus seruiret, quem tamen non paruo negotio aut faciliter eruisti, sed in fortitudine tua magna & in manu robusta. Quem populum tuum si modo deleueris, quis ex nunc enarrabit magnalia tua? Profecto tam grandia populo huic collata bona in vanum fuisse concessa videbuntur. Rursus si populo tuo, inquit, peccatum hoc non dimiseris, honor & gloria tuæ maiestatis (propter quam creata sunt vniuersa) non paruum hinc accipiet detrimentum.

H
Honor
Dei confusa
lit Moyse

FERIA QVARTA

Mentientur quippè inimici tui Ægyptij, & blasphemantes nomen tuum dicturi sunt. Callidè eduxit eos, vt interficeret in montibus & deleret de terra, & quia non potuit illos in promissam perducere hæreditatem, ideo extinxit eos. Et quid facies nomini tuo magno? Quiescat ergo ira tua, & esto placabilis super nequitia populi tui.

Patrū gratiam orans commemorat.

Deniq; patrum populi huius prætendit gratiam, horum pro filijs veneranda nomina commemorans, & nonnunquā filijs malis pia patrum merita subueniant. Horum ergo non modo gratiam allegat, verum etiam diuinæ pollicitationis iuramento firmatæ stabilitatem, quasi dicat: Quod semel promissisti mutari fas non est. Iurasti per teipsum, quem homines peierare non audent, & multiplicares semen eorum sicut stellas cœli, & promissam terram eorū semini traderes in possessionem, & eam possessuri forent semper. Quod tamen intelligendum est in illius terræ significato. Non enim terram illam possederūt aut possident semper, quia illam propter peccata suam iam multo tempore perdididerunt. Sed qui veræ semen Abrahæ & Israël sunt secundum fidem, promissiones æternæ hæreditatis (cuius illa typus erat) per Christi gratiam accipiunt.

Semetipsum Deo pro populo opponit.

Postremò verò aut dimitte, inquit, eis hanc noxam, aut si non facis, dele me de libro tuo quem scripsisti. Magna deprecantis fiducia, nec aliunde profusū quæ de sincero diuini amoris fonte procedens. Quis enim Deo dicere audeat, dimitte eis hanc culpam, aut dele me de libro vitæ, nisi tanta sit Deo dilectione coniunctus, & nullatenus posse fieri putet vt vnquam ab eo separetur? Porro tales precatōres tales mediatores, tales pacis legatos quærit ipse Deus, sicut per Prophetam dicit: Quæsiui de eis virum qui interponeret sepem, & staret oppositus contra me pro terra, ne dissiparem eam, & non inueni, & effudi super eos indignationem.

Ezech. 22.

gnatio

gnationem meam, & in igne iræ meæ consumpsi eos. Sed non in vanum iste pacis conciliator patrem misericordiarum deprecatus est. Sequitur enim.

Placatusq; est Dominus, ne faceret malum quod loquutus fuerat aduersus populum suum. Nihilominus tamen aduertendum est quòd in hunc populum Moyſes ipſe quem precibus ab interitu liberauerat, mira atque diſtricta poſtmodum ſeueritate iudicis animaduertit, & cui precibus obtinuit vitam, in hunc ſtatim poſt, ſeuerè vltus eſt diuinæ offenſionis iniuriam. Stans enim in porta caſtrorum iuſtitia zelo ſuccenſus clamauit, dicens: Si quis eſt Domini iungatur mihi. Congregatique ſunt ad eum omnes filij Leui, quibus ait: Ponat vir gladium ſuper femur ſuum. Ite & redite de porta vſque ad portam per medium caſtrorum, & occidat vnusquiſque fratrem ſuum, & amicum & proximum ſuum. Feceruntque filij Leui iuxta præceptum Moyſi, cecideruntque in die illo quaſi viginti tria millia hominum.

Hinc perpende quemadmodum in rectoribus atque doctõribus erga ſubditos eſſe debeat & conſolans miſericordia, & piè ſæuiens diſciplina. Attende Moyſen fideliter & piè amantem, & nihilominus in delinquentes diſtrictè ſæuientem. Quum enim illi diceretur à Domino, deſcende, peccauit populus tuus iſte, & pœnam comminans mox ſubderet, dimitte me vt irascatur furor meus contra eos & deleam eos de terra, ſepem ille ſemetipſum iræ Dei opponens (vt dictum eſt) aut dimitte, inquit, eis, aut dele me de libro tuo quem ſcripſiſti. Penſet qui vollet, erga populum hunc amantis affectum, pro cuius ſalute nomen ſuum è vita & ſalute deleri petiuit. Rurſum quanto rectorum zelo quum veniam obtinuiffet ad populum veniens ait: Ponat vir gladium ſuper femur ſuum & cætera quæ ſequuntur.

M 4. Ecce

K
Exod. 32.
Dei iniuriam vt moyſes vlciscitur.

L
Grego.
Exemplum rectoribus.

FERIA QVARTA

Ecce qui omnium vitam cum sua morte petiuit, quorundam vitam gladio extinxit. Sic eos amauit quibus praeuit, vt pro eis non parceret sibi, delinquentes vero sic persequutus est, vt nonnullos eorum etiam parcente Domino prostrauerit. Vtrobique legatus fortis causam populi apud Deum precibus, causam vero Dei apud populum gladijs allegauit. Intus amans, intus irae Dei supplicando obstetit, foris fauens, culpam feriendo consumpsit. Et ideo Deus citius audiuit agentem pro populo, quia vidit quid facturus esset super populum pro Deo. Vtrumque ergo Moyses miscuit, vt nec disciplina deesset misericordiae, nec misericordia disciplinae.

Moyfes
apud Deū
& popu-
lum lega-
tus fortis.

FERIA QVARTA

post Latrare.

SI volueritis & audieritis me, bona terrae comedetis. *Esaia. i.*

In hac lectione reprobatis testamenti veteris sacrificijs, vera nobis animarum medela monstratur. Vbi primo ponitur salutaris exhortatio. Secundo, desiderandae salutis, veniae scilicet & gloriae promissio. Primum a principio lectionis, Secundum ibi, Si fuerint.

A
Iudaica sa-
cificia a
deo repro-
bata.

Quare sa-
cificia to-
lerata.

Circa primum notemus ex his quae hanc lectionem antecedunt superuacui cultus & sterilis sacrificij reprobationem quum dicitur: Quo mihi multitudinem victimarum vestrarum dicit Dominus? Pleenus sum. Quasi dicat: Nullo horum indigeo, nihil his delector. Meus est enim orbis terrae & plenitudo eius, sacrificijs vestris plenus, quin & taedio affectus sum. Holocausta arietum & adipem pinguium, & sanguinem vitulorum & agnorum & hircorum nolui. Quo nimirum ostendit se Iudaica sacrificia nunquam amasse, sed illa ne populus ad idolatriam pronus in ido-

la de-

la deflueret, ad tempus tolerasse. Proinde propter significatū per illa Christi sacrificiū ea præcessisse, quo utiq; vero sacrificio pæssente, ea pro nihilo reputasse. Subdit enim. Ne offeratis vltra sacrificiū frustra. Incensum abominatio est mihi. Neomenias & sabbatum, & festiuitates alias non feram, calendas vestras, & solennitates vestras, odiuit anima mea, facta sunt mihi molesta.

Quum extenderitis manus vestras auertam oculos meos a vobis, & quum multiplicaueritis orationem non exaudiam, manus enim vestræ sanguine plene sunt. Sanguine videlicet iustorum & prophatarum: & tandem sanguine Domini ipsorum, quemadmodum ipse illis nō quidem præcipiens, sed quod facturi erant prædicens, ait, Implete mensuram patrum vestrorum. Illi interfecerunt prophetas, vos interimite filium familiās.

Porro quod dictum est, quum extenderitis manus vestras auertam oculos meos a vobis, & quum multiplicaueritis orationem, non exaudiam, in illos etiam dici potest, qui quum sint scelerum assiduitate contaminati, in oratione nihilominus manus ad Deum tendunt, sed quæ sanguine plenas. Et mox sequitur.

Lauamini, mundi estote, auferte malum, cogitationum vestrarum ab oculis meis. Quiescite agere peruerse, discite benefacere.

Enumerat ea quibus utiq; sacrificijs semper acceptis) Deus peccatori reconciliatur. Et primo ponuntur ea quibus homo recte agit erga semetipsum, deinde illa quibus recte agit erga proximum. Ibi querite iudicium. Circa primum dicit. Lauamini. q. d. Vetera illa sacrificia odiui, sed placet veritas euāgelij. Euanescat & pertranscat figurarum ymbra, veritas præ-

B
Cur orantes non exaudiantur.

Mat. 23.

FERIA QVARTA

sens elucescat. Lauamini itaq; in sanguine agni, in salutaris aqua baptismi. Quòd si vos post baptismum rursus peccato contaminaueritis, tum pœnitentiæ lacrymis vos abluite.

C
Lauachrũ
animę du-
plex.

Eze. 36
Perfecta
hominis
sanctifica-
tio ostenditur.

Ioan. 19.

Habet enim tam pœnitentiæ lauachrum q̄ baptismus ab effuso Christi sanguine animas purificandi virtutem. De qua peccatorum ablutione nec non & per spiritus sancti gratiam animæ sanctificatione per Ezech. Dominus ante prædixerat. Quum sanctificatus fuero in vobis, videlicet per fidē & nominis mei confessionem, tollam vos de gentibus et congregabo vos de vniuersis terris, & adducam vos in terram vestram, quæ est ecclesia credentium, & effundam super vos aquam mundam. i. spiritus sancti gratiam, per illam aquam significatam quæ ex aperto dominici corporis latere dextro profluxit, & mūdabimini ab omnibus iniquitatibus vestris, & ab vniuersis idolis vestris. i. rebus quas Deo prætulistis, mundabo vos. Lauamini itaq; inquit, & facite dignos pœnitentiæ fructus. Sed quia non sat est fuisse à peccatis ablutum, si de nouo vosmetipsos sceleribus contaminare perreueritis, hinc est q̄ quum dixisset lauamini, mox adiecit. Mundi estote. s. de cætero in futurum. Non enim habitabit in tabernaculo Domini, nisi qui ingreditur sine macula, vnde & qui mundo sunt corde à Domino beati prædicantur.

Mat. 5.

D

Quia vero munditia hæc quæ per innouationem mentis acquiritur nisi præsentē atq; opitulante spiritu seruari non potest, ideo quum dixisset & ab vniuersis idolis vestris mundabo vos, mox subiicit. Et dabo vobis cor nouum, & spiritum nouum ponam in medio vestri, quo præsentē & vos conseruante, in cordis munditia perseverare poteritis. Et ne quis forsitan Iudaico more (tota quippe Iudæorum mundities de foris erat) exteriorem duntaxat coram oculis hominũ munditiam sibi putet sufficere. subiunxit. Auferte malum cogitationum vestrarũ ab oculis meis, quibus oculis

Heb. 4

ocu
do c
to n

sub
mu
am
scar
ria e
Et:
run
Do
sent
De
ide
pia
bet
De
me

ner
dis
nes
bo
qu
tar
ve
bit
ve
op
de

bi
rit
pe
na
v

oculis omnia nuda sunt & aperta. Et quia non modo cessandum est à malis cogitationibus, sed & multo magis ab iniquis operibus, sequutus adiecit.

Quiescite agere peruerse. Laboriosum quippe est sub onere peccati Sathanæ iugum ferre. Lassati sumus (inquiunt) in via iniquitatis & perditionis, & ambulauimus vias difficiles. Ad hoc autem vt quiescant agere peruerse, etiam spiritus opitulatio necessaria est, quam Dominus promittens consequenter ait. Et auferam cor lapideum de carne vestra, id est, cor durum, cor graue per amorem huius sæculi, cor timore Domini sublato, temerarium & inpavidum, cor insensibile prorsus & mortuum per ingratitude ac Dei obliuionem. Et dabo vobis, inquit, cor carneum, id est, cor molle & tractabile per mansuetudinem & piam voluntatem, cor sensum habens per diuinorum beneficiorum agnitionem, habens & vitam per veram Dei & proximorum dilectionem, vt sic renouatus homo quiescat agere peruerse.

Porrò ne mundata conscientiarum domus ociosa manens & vacans, ingressuris denuo spiritibus immunis pateat, post prædicta sequutus adiecit. Discite benefacere. Itaque recedens à peccatis, discat se ad opera bona conuertere. Discite, inquit, benefacere. q. d. Nequaquam existimetis virtutem è vobis vltro nascituram, imò discite benefacere. Discite inquam & à Dei verbo, & ab ijs qui exemplorum honorum lucem vobis præferentes lucent tanquam luminaria in mundo verbum vitæ continentes, & quasi depictum foris in opere Dei verbum ostendentes, etiam vos posse eadem facere confirmant.

Rursus quoniam (vt Apostolus ait) qui tribuit nobis spiritum operatur virtutes in nobis, sine quo spiritu nihil prorsus acceptum Deo operamur, ideo post præmissa subdit dicens, Et spiritum meum ponam in medio vestri. Et vt ostēdat nos bene operandi virtutem non nisi dono spiritus consequi, subiicit,

Et fac

Sap. 5.

E
Cor lapideum quid sit.
Cor carneum.

F
Vnde discamus.
Phil. 2.

Gal. 3.

FERIA QVARTA

Et faciam vt in præceptis meis ambuletis, & iudicia mea custodiatis, & operemini. Nisi enim spiritu vitæ membra corporis vegetentur, operationes suas exercere non possunt. Circa secundum vbi exprimit sermo propheticus ea quibus homo recte ordinatur erga proximum dicit.

Quærite iudicium, subuenite oppresso, iudicate pupillo, defendite viduam, & venite & arguite me dicit Dominus.

Q Quærite iudiciū, inquit, scilicet à sapientibus quorum interest iudicare. Nec aliquatenus cum proximo iudicium subire contempseritis, nec iustum iudicium compositis technis vel eluseritis, vel declinaueritis, aut quod peius est, per vim fortasse iudicio restiteritis. Sed quærite iudiciū ipsius exemplo qui ait, Non contempsi subire iudiciū cum seruo meo & cum ancilla mea quum disceptarent aduersum me. Sequitur.

Defendendi imbecillcs. Subuenite oppresso, scilicet per vim à potentiore. Eripite pauperem (ait Propheta) & egenū de manu peccatoris liberate. Iudicate pupillo iudicium iustum, consistente aduersus hunc vel astuto, vel potente. Defendite viduam. Siquidem pupillis et viduis quæ plærunque sunt inualidi, inferri calumnia solet ab iniquis. Vnde vir sanctus cæteros instruens potius quàm se metipsum commendans ait, Auris audiens beatificabat me, & oculus videns testimonium reddebat michi, eo quod liberafsem pauperem vociferantem, & pupillum cui non esset adiutor. Benedictio perituri super me veniebat, & cor viduæ cōsolatus sum. Oculus fui cæco & pes claudus, pater eram pauperū, & causam quam nesciebam diligentissime inuestigabam. Conterebar molas iniqui, & de dentibus illius auferebā prædam. Quum igitur hæc quæ dicta sunt & ad vos metipfos & ad proximos seruaueritis, tunc venite, inquit, & me ingratum arguite si non vobis pro his bona reddidero, gratiam videlicet & remissionem

peccata

peccatorum. vnde sequitur. Circa secundū dicitur.

Si fuerint peccata vestra vt coccinum, quasi nix dealbabuntur, & si fuerint rubra quasi vermiculus, velut lana alba erunt. Si volueritis & audieritis me bona terræ comedetis.

Hic ponitur desiderandæ salutis promissio, quæ in duobus consistit: quæ sunt, remissio culpæ & collatio felicitatis æternæ. Promittuntur tamen hæc duo nõ simpliciter, sed sub ea quæ præmittitur conditione, si videlicet erga semetipsos & erga proximos ea seruēt quæ prophético sermone sunt in præcedentibus comprehensa.

Circa primum quod est remissio culpæ dicitur, Si fuerint peccata vestra vt coccinum, quasi nix dealbabuntur. Coccinum & vermiculus colores ignei sunt atq; sanguinei, quibus nimirum piacula grauiora vt homicidium & adulterium significantur. Attramen si fuerint, iuquit, peccata vestra adeo grauiā vt tincta sanguine quodammodo videantur, aut propter eam quæ in vobis arsit concupiscentiæ flammam, gehennæ ardoribus expianda, quasi nix dealbabuntur, id est, refrigerio gratiæ cœlestis frigida erunt corda & candida, quæ pridem ardore malarum concupiscentiarum flagrabant. Et si fuerint rubra quasi vermiculis, id est, oppressione vel sanguine innocentum & inopum horrentia, in vestem Domini mutabuntur, quæ de agni vellere confecta est, quem etiā in Apocal. in vestibus albis & candidis beatorum chori sequi memorantur. Sanè Christi vestis candida, ecclesia credentium atq; piorum est. Vnde etiam ad ipsum voce patris per Prophetā dicitur. Leua in circuitu oculos tuos et vide, omnes isti congregati sunt venerūt tibi. Viuo ego dicit Dominus, quia omnibus his velut ornamento vestieris,

H
Remissio
culpæ quæ
liter pro
mittitur.

I
Apoc. 19.
Christi ve
stis quæ sit,

Esa. 49

Circa


FERIA QUINTA

Liberū esse hominis arbitrium

Circa secundum quod est collatio felicitatis æternæ dicitur. Si uolueritis & audieritis me. Vbi planè liberum esse humanæ voluntatis arbitriū adstruitur, ut non ex præiudicio Dei, sed ex singulorum meritis præmia vel pœnas sequi probetur. Bona terræ comedetis. Quū elementa cætera in motu sint, terra stat immobilis. Vnde & per terram hoc loco nō incongrue æternæ beatitudinis soliditas significatur. Hac, inquit, proculdubio fruemini, si & ea quæ præmissa sunt facere, & ex nunc me audire, & præceptis meis acquiescere uolueritis.

FERIA QUINTA

post Latare.



Ostendit puer septies, aperuitq; oculos suos. 4. Re. 4

Ex huius lectionis allegoria considerare possumus. Primo generis humani flebilem lapsum. Secundo adhibitum frustra legis remedium. Tertio efficax diuinæ incarnationis misericordiam coelitus medicamentum. Primum à principio lectionis. Secundum ibi. Et ille ait ad Giezi. Tertium ibi. Porrò mater pueri ait.

Circa primum dicitur.

Venit mulier Sunamitis ad Elisæum in montem Carmeli & apprehendit pedes eius. Et accessit Giezi ut amoueret eam. Et ait homo Dei. Dimitte eam. Anima enim eius in amaritudine est. & Dominus cælauit à me.

A Quumque intellexisset mortuum esse filium eius, fletibus ipsius indulsit, ac tandem (ut patebit) operam tulit.

Puer

Puer hic mortuus secundum allegoriam vniuersum genus humanum est: ob noxam primi parentis morti destinatum. In Adam enim omnes moriuntur, in quo omnes peccauerunt. Nam & per vnius hominis delictum, mors intrauit in mundum. Porro mater, filij mortem plangens, & quæ eius qui mortuos suscitatur misericordiam implorat, sanctorum veteris testamenti patrum piæ sollicitudinis curam & anxiam pro generis humani salute desideria significat. Quorum clamores & gemitus, ad aures vsque Domini facti introierunt. Quorum vnus obsecro Domine, inquit, mitte quem missurus es. Et rursus alius ait. Vtinam dirumperes cælos & descenderes. Hinc & ipse Dominus. Clamor, inquit, filiorum Israel venit ad me. Elisæus enim in monte habitans typum gerit Dei, qui nimirum excelsus est & habitans æternitatem, ad quem (vt dictum est) anxius sanctorum patrum clamor peruenit.

Circa secundum dicitur.

Et ille ait ad Giezi. Accinge lumbos tuos & tolle baculum meum in manu tua & vade: Si occurrerit tibi homo non salutes eum, & si salutauerit te quispiam, non respondeas illi. Et pones baculum meum super faciem pueri. Perrexit igitur & posuit baculum super faciem pueri, & non erat vox neque sensus. Nunciauit ergo Elisæo, quia non surrexit puer.

Hic figuratè ostenditur depellendæ morti frustra adhibitum Mosaicæ legis remediū. Nam per Giezi seruum Elisæi, Moyses famulus Dei intelligitur: qui Domini sui baculum, id est, legem comminationibus & terroribus duram ferens ideo properare iubetur, quia

1. Cor. 15.
Rom. 5.

Patrū desideria.

Exo. 4.

Esa. 64

Exod. 4.

Esa. 57.

B
Lex Moy
si baculus.

FERIA QUINTA

quia lex illa pertransijt: nemini salutem dicere iussa, eo
 quod ille qui solus saluare posset, necdum aduenerat. Solus
 quippe Deus qui fecit hominem potuit & hunc
 reparare ad salutem. Porrò lex propter sui austerita-
 tem, recte per baculum designatur: iuxta quod per
 Heb., 10. Apost. dicitur, Irritam quis faciens legem Moyfi, sine
 vlla miseratione duobus aut tribus testibus moritur.
 Vnde Greg. Dum per Moysen Dñs terrorem legis
 protulit, quasi per puerū virgā misit. Per legē quip-
 pe Deus virgam tenuerat, quum dicebat, Si quis hęc
 vel illa fecerit, morte moriatur. Verū d peccati mor-
 te legis timor suscitare non valuit, sed statum vitæ ap-
 parata mansuetudinis gratia erexit. Nam puer cum
 baculo mortuum suscitare non valuit, quia Paulo au-
 restante, nihil ad perfectū adduxit lex. Cōclusit enim
 scriptura omnia sub peccato, vt promissio ex fide le-
 su Christi daretur credentibus.

C
 Lex salutē
 cōferre nō
 potuit.
 Heb. 7.
 Gal. 3.

Circa tertium dicitur.

Porrò mater pueri ait, Viuit Dominus &
 viuit anima tua, non dimittam te. Surrexit
 ergo & sequutus est eam, & ingressus est do-
 mum. Et ecce puer mortuus iacebat in le-
 ctulo eius. Ingressusque clausit ostium su-
 per se & super puerum, & orauit ad Domi-
 num, Et ascendit & incubuit super puerum,
 posuitq; os suum super os eius, & incurua-
 uit se super eum, & calefacta est caro pueri.
 Atque ille reuersus ambulauit in domo se-
 mel huc atque illuc. Et ascendit & incubuit
 super eum & ossitauit puer septies, aperuit
 que oculos suos. At ille vocauit Giezi &

dixit

dixit ei, Voca Sunamiten hanc. Quæ vocata ingressa est ad eum. Cui ait, Tolle filium tuum. Venit autem illa & corruit ad pedes eius & adoravit super terram. Tulitq; filium suum & egressa est.

Hic per figuram describitur missum cœlitus in carnationis filij Dei efficax medicamentum. Siquidẽ supplex mortui pueri mater, id est, patrum testamenti veteris longanimis & fide plena supplicatio, in aures dñi sabaoth vociferare non desijt, donec Elifœus ipse (quod interpretatum salutare dei dicitur) hoc est Dei filius, de cœlis à regalibus sedibus (quasi de monte sublimi) nostras miseratus erumnas clementer adueniret. Cômota sunt quippe viscera misericordiæ suæ, vt oriens ex alto visitaret & illuminaret eos qui in tenebris & vmbra mortis sedebãt, vt dirigerentur exiinde pedes eorum in viam pacis.

Ingressus itaque istius mundi domum funere magno & luctu oppletam, vt sese mortui membris exequaret mira charitate se collegit, & incuruauit. Quem enim nõ capit vniuersitas creaturæ, intra vnus infantilis corpusculi membra verus homo factus mira dignatione inclinata suæ maiestatis celsitudine se absconditificat ad eum per Prophetam dicitur, Vere tu es Deus absconditus, Deus Israel saluator. Vnde & Apostolus ait, Quum in forma Dei esset non rapinam arbitratu est esse se æqualem Deo, sed semetipsum exinaniuit formam serui accipiens in similitudinẽ hominum factus, & habitu inuentus vt homo. Huc illucq; deambulabat in domo, quia & Iudæam iuxta & longè positas gentes vocat.

Quod autem puer mortuus imò iam à morte rediviuus oculos aperit, vtq; designat q; per ipsius predicacionem & miracula in terra Iudæorum, humanum genus in personis credentium à peccatis & figurarum

C
Incarnatio
verbi vitę
medicamentum.
Sap. 18.

Luc. 1.

Dei filius
vt se nobis
confirmauit.

Esa. 45.
Phil. 2.

D
Officatio
& apertio
oculorum
quid.

N rarum

FERIA QUINTA

rarum legis obscuritate, quasi à mortis tenebris, ad contuendum & agnoscendum veritatis & gratiæ lumen adfurrexit.

Quòd autem reuiuiscens mortuus ossitat septies, quid aliud signat, nisi quod septiformis gratia spiritus sancti spiritualis vitæ signa non modo in septem operibus pietatis, sed etiam in vniuersa morum ac vitæ serie euidenter ostendit? Mox itaque iuuenis erigitur. Quia quæ timoris virga suscitare nõ potuit, per amoris spiritum ad vitam redit.

E Quæ si ad moralem doctrinam conuertantur, per mortuum hunc peccator Dei gratia destitutus intelligitur, qui melius per spiritum lenitatis & dilectionis fortum (ac si per calefactionem quandam) quàm per districtiõnis seueritatem, quasi baculum, emendatur, & à peccati morte reuocatus viuificatur. Vnde etiam prelato qui durioris animaduersionis baculo (consolationis vberè prorsus siccato) aduersum delinquentes vitur, verbera sola non vbera paruulis præferens: à sub-

1. Reg. 17. dito iure dici posset. Nunquid canis ego sum quod tu venis ad me cum baculo?

Ecclesiasti- Quum enim non nisi contra desertores, hæreticos
ca censura scilicet & schismaticos, aut palam in peccato obstinatos, seueritatis baculo sit vtendum, cur aduersum me
vbi exer- qui sum seruus Domini & filius ancillæ suæ, id est, ecclesie, tanquam hostis non pater, cum execrationis baculo venis? Sed longe aliter docet Apostolus, qui se à

2. Cor. 10 Deo potestatem accepisse fatetur in ædificationem corporis Christi tantum, nõ in destructionem, ait enim,

Gal. 6. Fratres, & si præoccupatus fuerit homo in aliquo delicto, vos qui spirituales estis huiusmodi instruite in spiritu lenitatis, considerans temetipsum ne & contemneris.

FERIA

post Latare.

Domine Deus meus reuertatur obsecro anima pueri huius in viscera eius.

3. Reg. 17.

In hac lectione duo describuntur. Primum orbatae filio viduae afflictio. Secundum est defuncti filij per Heliam resuscitatio. Primum a principio lectionis. Secundum ibi. Et ait ad eam Helias, Da mihi filium tuum.

Circa primum dicitur.

Ægrotauit filius matris familiās, & erat languor fortissimus, ita vt non remaneret in eo halitus. Dixit ergo mater eius ad Heliam, Quid mihi & tibi vir Dei? Ingressus es ad me vt rememorarentur iniquitates meę, & interficeres filium meum.

Hęc mater familiās vidua erat Sarephana, ad quā **A** tempore sterilitatis & famis Helias propheta pascendus a Deo missus fuerat. Huic Deus ob gratiam Helix victum modicum qui illi supererat, ad omnimodam sufficientiā mirū in modū multiplicauit & auxit. Huius ergo matris viduę filius ægrotauit, qui asseritur a quibusdā fuisse Ionas propheta. Et erat egratio vehemens, ita vt non remaneret in eo halitus. Porrò mater arbitrabatur q̄ ob Helix cohabitantis sanctitatem, illius comparatione ipsa amplius Deo displiceret, quę tanto interuallo ab illius perfectione distaret. Ingressus es, inquit, ad me vt rememorarentur iniquitates meę, id est, vt magis apparerent in comparatione sanctitatis tuę. Simile est quod Petrus

Excusabilis error.

N a quum

FERIA SEXTA

Luc. 5, quum necdum esset Christi familiaritatem assequutus, ait, Exi a me Domine, quia homo peccator sum. Erat enim stupefactus ex miraculo captura piscium, quum ad Christi iussionem duxisset in altum & laxasset retia in capturam.

Circa secundum dicitur.

Et ait ad eam Helias, Da mihi filium tuum. Tulit eum de sinu illius, & portauit in coenaculum vbi ipse manebat, & posuit super lectum suum, & clamauit ad Dominum & dixit, Domine Deus meus etiam ne viduam apud quam ego vtcunque sustentor afflixisti vt interficeres filium eius?

B Hic ponitur filij vita functi per Heliam resuscitatio. Vbi aduertendum est, qd non ideo mortuus erat puer vt mater affligeretur, sed vt Propheta Domini & ipse Dominus in Propheta glorificaretur. Sicut et de ceco nato Dominus ait, Neq; hic peccauit neq; parentes eius vt cecus nasceretur, sed vt manifestentur opera Dei in illo. Sequitur.

Helias mortuum suscit.

Et expandit se & mensus est super puerum tribus vicibus, clamauitq; ad Dominum & dixit, Domine Deus meus reuertatur obsecro anima pueri huius in viscera eius. Exaudiuit autem Dominus vocem Heliae, & reuersa est anima pueri intra eum & reuixit. Tulitq; Helias puerum & deposuit eum de coenaculo in inferiorem domum & tradidit matri suae & ait illi, En viuus filius tuus. Dixitque mulier ad Heliam, Nunc in isto cognoui quoniam vir Dei es tu, & verbum Domini in ore tuo verum est.

Vidua huius filij mater mysti.

Vidua hec ad quam iubente Domino perrexit Helias relictis apud Israel secundum carnem sterilitate & fame, ecclesiam de gentibus significat. Haec quippe legem & prophetas, imo Christum ipsum

qui per legem et prophetas prænuntiatus & promissus fuerat, hospitio fidei suæ Iudæis hunc recusantibus suscepit.

Porrò viduæ huius filius fidelis quisque est, qui tunc spiritualiter moritur, quando per peccatū a Deo separatur. Et quod in clamore Domini Lazarum à mortuis quatruiduanum euocantis significatum est, in cuius domo & ipse Dominus ab huius sororibus pascabatur: hoc idem in clamore Helix præcessit clamantis ad Dominum et dicentis, Domine Deus meus reuertatur obsecro anima pueri huius in viscera eius. Ad illud quoque quod Lazarum amicum suum tamen defunctū appellauit Dominus, pulchre conuenit illud, quod (sicut dictum est) puer hic mortuus attestantibus Hebræis fuisse Ionas propheta dicitur.

Qui non ociose filius Amathi, id est, veritatis appellatur. Affirmant enim (vt dictum est) quod Ionas ipse fuerit huius Sarephanae viduæ filius quem resuscitauerat Helias matre dicente ad eum, Nunc cognoui quoniam vir Dei es tu, & verbum Dei in ore tuo verum est, & ob hanc causam ipsum puerum Amathi fuisse vocitatum. Amathi namque (vt iam dictū est) veritas interpretatur. Ex eo enim quod Helias verum loquutus est, ille qui per eū à morte resuscitatus est, filius nuncupatus est veritatis.

Præinde quod mortuum resuscitandum Helias supra lectum suum posuit, à mysterio non vacat. Lectus enim Helix catholicam Christi designat ecclesiam, in qua sola per remissionem peccatorum mortuæ reuiuiscunt animæ: de quo lectulo in Canticis dicitur, En lectulum Salomonis sexaginta fortes ambiunt ex fortissimis Israel. Agrotatio vehemens, ignorātia Dei est cum ardore concupiscentiarū. Hac quippe febre lethali peccator vsque adeo præmitur, vt non remaneat in eo halitus, qui nimirum in duobus consistit, videlicet in attrahendo spiritum & in efflando: primum sit non solum intenta mente Deum orando, sed

C

Miranda uerte conuenientia.

Deus

Lectus Christi super quo mortuus resuscitatur. Cant. 2. E Agrotatio lethalis. Halitus quis sit.

N 3 etiam

FERIA VI. POST LÆ.

etiam in audiendo verbum, vnde ait Propheta, Os meum aperui & attraxi spiritum. Secundum facimus Deum laudando, gratias agendo, proximum docendo vel sermone consolando. His itaque modis habitum ducere, signum vitæ spiritualis est, Contrarium vero est signum mortis.

Sinus matris quo mortuus fouetur.

Cruce christi lectus eius.

Gen. 49. Mensusest tribus vicibus.

Tollit autem eum de sinu matris, quo frustra mortuus fouebatur, quando hunc auellit ab inutili fetu carnalium voluptatum. Ponit autem eum super lectum suum quando demonstrat ei quod vitam habere potest in morte sua. Siquidem Christi mors, creditum vita est. Potest & per lectum hunc Christi, crux ipsius in qua (propter vitam omnium nostrum mortuus est) intelligi, vti que lectus doloris eius, de quo & illud fortasse dici potest quod de Iacob patriarcha scriptum est. Collegit pedes suos super lectulum & mortuus est. Denique tribus vicibus super mortuum se expandit, quando sanctę trinitatis fidem gentibus per suos sanctos prædicatores insinuauit.

Tulit autem Helias noster, id est, Christus puerum hunc a morte rediuuum, & matri suę reddidit, quando redemptos sanguine & preciosa morte sua viuificatos ecclesię matri consignauit. Quę mater ob Christi prædicationes & signa quę vidit, hos vere viuere gratulatur qui credunt in nomine eius, quum etiam & hi qui increduli fuerant aliquando, superante iam veritate proclamant, Dei filium fidei confessione glorificantes & dicant, Nunc cognoui quoniam vir Dei es tu, & verbum Dei in ore tuo verum est.

SAB.

gni
cre
per
Pri
pal

fal
de
&
cei
tet

suo
eni
pre
filii
&
filii
me
ner
pre
suo

Lectus
Christi
per quo
mortuus
fouetur
Cant.
Hæc
Hæc
Hæc

Latare.

Confolatus est Dominus populum suum, & pauperum suorū miserebitur. Esa. 49.
 In hac lectione tria nobis consideranda proponuntur. Primum est æterni patris ad filium suū magna attestatio. Secundum est à summo patre facta credentibus desiderabilis promissio. Tertium est super credētes diuinæ benignitatis stabilis cōfirmatio. Primum à principio lectionis. Secundū ibi. Super vias pascentur. Tertium ibi. Laudate cœli.

Circa primum dicitur.

In tempore placito exaudiui te, & in die salutis auxiliatus sum tui. Et seruauite, & dedi te in fœdus populi, vt suscitares terrā, & possideres hæreditates dissipatas, vt diaceres his qui vincti sunt exite, & his qui in tenebris, reuelamini.

Quibus verbis magnificum pater cœlestis filio suo redemptori nostro perhibet testimonium. Pater enim diligit filium, quū sit gloria patris filius sapiens, propter quod filium suum pater glorificat: sicut ipse filius ait, Ego gloriam meā non quæro, est qui quærat & iudicet: Vnde & in huius diei euangelica lectione filius dicit, Testimonium perhibet de me qui misit me pater. Audiamus itaque magnificum atque verum testimonium æterni patris de filio suo & ad ipsum filium prolatum testimonium. Primo enim perhibet filio suo testimoniū exauditionis quum dicit, In tempore

A

Ioan. 8.

Testimonium exauditionis.

N 4

placit.

SABBATO

placito exaudiui te, nimirum tempus placitum, illius gratiæ tempus est in quo Deo placuit per mortem filij sui genus humanū saluare. Exaudiui, inquit, te ad

Ioan. 12 me clamantem & dicentem. Pater saluifica me ex hac

Ioan. 17 hora. Pater clarifica filium tuum, vt filius tuus clarificet te. Rursum, inquit, orantem pro tuis exaudiui te

Ibidem. quum diceres, Pro eis rogo quos dedisti mihi. Pater serua eos in nomine tuo quos dedisti mihi, vt sint vnū sicut & nos. Quam exauditionē filius recognoscens, pater, inquit, gratias ago tibi quoniam audisti me.

B Secundo pater perhibet filio testimonium auxiliatiōnis quum dicit, Et in die salutis auxiliatus sum tui; hoc est, In die qua salutem humani generis operatus es in medio terræ. In die prælij & certaminis, in die tuæ passionis & mortis, quando absorpta est mors in victoria, quo die dixisti clamans ad me, Deus meus, Deus meus, vt quid dereliquisti me? Nam eousque

2. Cor. 15.

Mat. 27.

Heb. 2.

Ioan. 12

Luc. 11.

auxiliatus sum tui, vt per mortē tuam destrueres eum qui habebat mortis imperium, & iudicatum principem mundi tuæ baculo crucis eijceres foras, & domum fortis ingressus alligares fortem, et vasa eius diriperes et spolia eius distribueres, auxilio meo victor mortis & inferorum triumphator effectus.

Tertio perhibet filio suo testimoniū conseruationis, dicens, Et seruaui te: scilicet ad vitā morte superata, seruaui te nec dereliqui animā tuā in inferno, nec permisit vt corpus tuū in sepulchro videret corruptionē. Seruaui etiam te ab expectatione te odientiū atq; dicitur, Quando morietur & peribit nomen eius?

C Quarto perhibet ei pater testimonium reconciliationis, dicens, Et dedi te in foedus populī. Deus enim (vt Apostolus ait) erat in Christo mundum reconcilians sibi. Et iterum alibi, Quū inimici essemus, reconciliati sumus Deo per mortem filij eius. Dedi, inquit, te in foedus populī. Hoc est, vt reconcilians dis mihi peccatoribus mediator idoneus & foederatus

Testimoniū foederationis.

2. Cor. 5

Rom. 5

gor existas. Idoneus, inquam, qui possis manum por-
nere in ambobus, & in temetipso dissidentes coniun-
gere, vtriusq; partis legatus fidelis, mihi obediētiam,
misericordiam peccatoribus impendens. Mecum
Deus, homo cum eis. Iustus mecum & immortalis,
misericors cum illis & mortalis.

Sed inter hæc aduertendum est, quatuor modis fœ-
dus olim fuisse initum inter homines & Deum.
Primo hostiæ immolatione. Secundo sanguinis ab-
perstone. Tertio aquæ effusione. Quarto mutua ma-
nuum datione.

De duobus primis qualiter per illa fœdus inter
Deum & homines initum sit in Exod. scriptum est.
Vbi dicitur: Obtulerunt holocausta, immolauerūtq;
victimas pacificas Domino, & post subditur, Moy-
ses sumptum sanguinem respersit in populum & ait:
Hic est sanguis fœderis quod pepigit Dominus vo-
biscum super cunctis sermonibus his. Hinc rursus
per Iere. Dominus ait: Non obseruauerunt verba
fœderis, quibus assensi sunt in conspectu meo, & vi-
tulum quem conciderunt in duas partes, & transie-
runt inter diuisiones eius. Subaudiendum est ac si di-
cat: Quum tamen sub hac protestatione fœdus me-
cum inierint, vt si illud ruperint, ipsi ad modum illius
vituli medijs fecentur.

De tertio in primo Reg. volumine scriptum legi-
mus ad fœderis renouationem cum Domino conue-
nisse filios Israël in Masphat, & hausisse aquam & rur-
sum effudisse in conspectu Domini.

De quarto Apostolus Paulus Galatis scribens,
memoransq; initum inter reliquos Apostolos & se
ac Barnabam prædicationis sanctæ & perpetuæ fœ-
dus fraternitatis & amicitæ, dextras, inquit, dederūt
mihi & Barnabæ societatis. Per quæ mysticè instrui-
mur, & nos per quatuor Domino posse confœderari

Primo per Christi passionem, tanquam per ho-
stiæ preciosæ & acceptabilis immolationem, Tradi-

Iob. 9:

Quatuor
modis ini-
tum fuisse
fœdus.D
Hostia &
sanguine.
Exod. 24.

Iere. 34.

Aquæ effu-
sione.
1. Reg. 7:Manuum
datione.
Galat. 2.E
Ephes. 5:

SABBATO

Deo reconciliamur per Christi sanguinem. dit enim semetipsum pro nobis oblationem & hostiam Deo in odorem suauitatis. Vnde per Iere. loquitur, dicens: Ego quasi agnus mansuetus qui portatur ad victimam. Sed ut istius hostiæ fructum assequaris & confœdereris Deo, temetipsum Deo victimam exhibeas necesse est, mortificando membra tua quæ sunt super terrâ, vt Christo pro te passo conformeris.

Iere. 11.
Colo. 3.

Rom. 12.

Ad quod exhortans Apost. Obsecro vos, inquit, per misericordiam Dei vt exhibeatis corpora vestra hostiam viuentem, sanctam, Deo placeantem.

Heb. 9.

Secundo per sanguinis asperisionem. Christus enim precioso sanguine suo nos aspersit, eò q̄ sine sanguinis effusione nõ fiat remissio peccatorũ. Vnde Apost. ad Heb. scribens ait: Accessistis ad sanguinis asperisionem melius loquẽtem q̄ Abel: Et rursus. Accedamus cum vero corde in plenitudine fidei, aspersi corde à conscientia mala, & abluti corpus aqua munda,

Heb. 12.
Ibidem.

teneamus spei nostræ confessionem indeclinabilem, fidelis enim est qui promisit, Asperisit ergo nos sanguine suo Christus & abluit à peccatis, vt exinde saluari fœdere Deo reconciliati, in gratia sua viuamus, vtiq̄ similis effectus pellicano solitudinis qui in nido pullos suos à serpente læsos infectosq̄ veneno compericus, ipse sibi pectus rostro fodit vt hos sanguine suo (quem mirè medicatum nouit) resperfos à veneno sanat, & liberet ab interitu.

F

Per aquæ effusionem

Tertio per aquæ effusionem Deo reconciliamur & fœderamur. In cuius rei mysteriũ ipse Dominus non modo sanguinem è latere suo ad nostri redemptionem, sed etiam aquam in ablutionem profudit.

Ioan. 19.

Vnus militum (ait is qui vidit) lancea latus eius aperuit & continuo exiuit sanguis & aqua. Effudit nihilominus ad fœderis nostri compositionem lachrymarum aquam, quoniã (vt Apostolus ait) cum clamore valido & lachrymis se offerens, exauditus est pro sua reuerentia. Lachrymatus est etiam super Lazarum, quem erat ipse reuocaturus à morte ad vitã,

Ioan. 11.

Rute

Rursum super ciuitatem, cuius excidium cum fletu & lachrymis prædicebat. Et tu itaq; per hunc modum satage Domino confœderari compunctionis & lachrymarum aquam coram Domino pro delictis proprijs effundendo.

De quarto quo fit confœderatio quod est mutua manuum datio considerandum est. Christum ad fœderationem nostri cum Deo manum suam in præsentem gratiam largiendo & gloriam fideliter promittendo in futuro, misericorditer ad nos extensam miram largitate aperuisse, exemplum nobis relinquens quod imitemur, vt videlicet pro modo nostræ exiguitatis vicem ei repedentes; pro ipsius amore manum aperiamus inopi, & palmas nostras extendamus ad pauperem, vt fœdere misericordiæ Domino copulemur. Sicut autem rex quispiam potens & magnus per manum aliquam intermediam pacem recipit ab inferiori, non per propriam, ita Deus & Dominus noster qui lucem habitat inaccessibilem, fœdus facit nobiscum, recipiens fidei nostræ manum, non quidem manu propria, quia non possumus ad eam, sed per manum pauperis cui beneficentiæ largitatem (Dei verbo fidentes) pro nomine ipsius impendimus. Siquidem ipse dicturus est. Quod vni ex minimis istis fecistis, mihi fecistis. Sed ad ea à quibus digressi sumus patris cœlestis de Christo filio suo testimonia veneranda redeamus.

Quinto, siquidem pater filio suo perhibet testimonium latæ possessionis vbi in verbis supra memoratis dicit: Vt suscitares terram, & possideres hæreditates dissipatas. Vt suscitares terram, inquit, hoc est, vt homines terrenis rebus (potiora bona nescientes) prorsus deditos & immerfos, in idolatria proinde & ignorantia sui creatoris (quasi in quodam sepulchro) lethali somno dormientes ad vitam gratiæ & fidei lumen suscitares, ac Gentium nationes per principem tenebrarum varijs erroribus & peccatis vastatas, depredatas, & dissipatas, per fidem tibi pos-

Luc. 19.

Per manuum datio-
nem,

Prouer. 31.

Simile,

1. Timo. 6.

Mat. 23.

G
Testimonium latæ
possessionis,

bi possideres. Cui rursus alio loco dicit: Postula à me & dabo tibi gentes hæreditatem tuam & possessionem tuam terminos terræ. Quam utiq; possessionem iam sibi à patre datam ipse postquam resurrexisset à mortuis testatus est, dicens: Data est mihi omnis potestas in cælo & in terra. Quod & Daniel in visione conspexit. Ait enim: Aspiciebam in visione noctis, & ecce cum nubibus cæli quasi filius hominis veniebat, & usq; ad antiquum dierum peruenit, & dedit ei potestatem & honorem & regnum, & omnes populi, tribus, & linguæ, ipsi seruiunt. Potestas eius potestas æterna quæ non auferetur, & regnū eius quod non corrumpetur.

H Sexto perhibet Christo cælestis pater testimonium liberationis quum dicit: Ut diceret his qui vincti sunt exite. Qui vincti sunt, inquit, scilicet funibus suorum peccatorum. Nam (vt Sapiens ait) iniquitates suæ capiunt impium, & funibus peccatorū suorum constringitur. Vincti proinde vt. te. patres in regione vmbre mortis, extorres à cælesti beatitudine ob originalis culpæ debitum detinebantur, nequaquā inde egredi valentes donec ipse veniret qui (iuxta Zachariæ vaticinium) educeret vinctos de lacu in quo non erat aqua. Ipsi sunt spolia quæ ipse inferorum victor atq; prædator alligato forti domum ipsius ingressus diripuit, secum in cælestia regna captiuam ducens captiuitatem.

S Septimo perhibet filio suo pater testimonium illuminationis, quum post præmissa subsequutus adiecit. Et his qui in tenebris sunt reuelamini subaudis. Ad hoc te dedi, vt his qui sunt in tenebris ignorantie Dei, videlicet nationibus gentium per orbem terrarum diceret Apostolorum tuorum prædicatione, reuelamini, hoc est ad lucem veritatis per fidem venientes, qui antè fuistis tenebræ, efficiamini lux in Domino, ab erroribus vniuersis & peccatis respicientes. Et quid ni illuminaret in tenebris sedentes, quum ipse sit lux.

Mat. vlti.

Danie. 7.

Testimonium liberationis,
Prouer. 5.

Zach. 9.

Luc. 11.

Testimonium illuminationis,

Ephes. 5.

lux mundi & sol iustitiæ.

Circa secundum dicitur.

Super vias pascuntur, & in omnibus planis pascua eorum. Non esurient neque sitiēt, & non percutiet eos æstus & sol, quia miserator eorū reget eos, & ad fontes aquarum potabit eos. Et ponam omnes mōtes meos in viam, & semitæ meæ exaltabuntur. Ecce isti de longè venient, & ecce ab Aquilone & mari, & isti de terra Australi.

Hic ponitur facta credentibus à summo patre promissa desiderabilis. Vbi in summa tria promittuntur. Primum est pascua doctrinæ & consolationis. Secundum est restinctio æstus persecutionis & afflictionis. Tertium vndequaq; ad Christi fidem venientium incrementum multiplicationis. Secundum ibi. Non percutiet. Tertium ibi. Ecce isti de longè.

Circa primum dicit: Super vias pascuntur, soluti videlicet à vinculis suorum peccatorum, & illuminati ac liberi. Quod utiq; impletū esse probatur. Nam qui prius à pane vitæ & intellectus (.i. Dei verbo) ieiuni erant, illo nunc pro voto fruuntur. Et hoc super vias scilicet rectas, quæ à dextris sunt, quas nouit & probat Dominus, quæ ducunt ad vitam. Qui errabant prius in inuio & in aquoso viam ciuitatis habitaculi non inuenientes, iam dicere possunt laudantes atq; lætantes, Dominus regit me & nihil mihi deerit, in loco pascuæ ibi me collocauit. Super aquam refectiois educauit me, animam meam conuertit. Deduxit me super semitas iustitiæ.

Dirigimur autem & pascimur super vias istas doctrinis Apostolorum & Prophetarum. Et in omnibus planis. .i. doctrinis apertis, non autem figuralibus vt olim quādo loquutus ad populum Moyses ponebat

K

Prouer. 4.

Doctrina
no. test. pla
na & aperta.

Exod. 34.

nebat

- Hebr. 9.** nebat velamen super faciem suā, ostendens tunc hōi
Mat. 27. dum propalatam esse sanctorum viam (vt Apost. explanat.) Porro velum templi in Christi morte scis-
 sum est, vt figurarū legis obscuritas, in lucem gratiæ
 credentium populis reuelari significetur. Ergo non
 esurient, inquit, pasti panē vitæ & intellectus, neq; si-
 tiant sapientiæ salutaris aqua potati. Siquidem ad fon-
Ioan. 7. tes aquarum potabit eos, qui fontes ex illorum corde
 & ore scaturiunt, in quibus Christi gratia profecit in
 fontes aquæ salientis in vitam æternam, de quorum
 spirituali ventre deriuantur flumina aquæ vitæ, vt
Can. 4. eorum quilibet rectè dici possit fons hortorum, pu-
 teus aquarum viuentium, qui prodesse possit cætero-
 rum qui spiritualiter steriles sunt ariditati rigandæ
 & fecundandæ.

L Circa secundum dicit: Non percutiet eos æstus
A persecu- & sol, quia miserator eorum reget eos, hoc est. Perse-
tionē refri- quitio hominum iniquorum quæ per æstum desu-
gerium. gnatur, non eis nocebit, imò faciet gloriosiores, faciē-
 te Domino cum tentatione prouentum, vt mala quæ
 hic premunt eos ad Deum ire compellant. Nam mi-
 serator eorum. i. Christus Dominus, qui eos ex misē-
 ricordia semetipso pro eis dato redemit, reget eos
 atq; tuebitur.

Consilia Et ponam, inquit, omnes montes meos in viam
Euangeli- impedimenta salutis eorum & obstacula temperan-
ca semitæ do, vel potius amouendo. Et omnes semitæ meæ exal-
sunt. tabuntur. Istæ semitæ. i. viæ compendiosæ & pecu-
 liares (quæ non adeò latæ sunt vt viæ illæ commu-
 nes) significare videntur illorum instituta qui se vo-
 to spontaneo obligarūt, ad Euangelica consilia seruan-
 da. Consilia quippè Euangelica quasi viæ peculi-
 ares & compendiosæ sunt, quibus ad salutem perue-
 niatur, tametsi hæc quibusdam superuacua, quibus-
 dam difficiles, vel etiam impossibiles esse videantur.
 Mundæ tamen & rectæ sunt, & faciles his qui sunt
 bonæ voluntatis,

Circa

Circa tertium dicitur. Ecce isti de longè venient
 a. ab Oriente. Nam terræ longitudo ab Occidente in
 Orientem accipitur. Et ecce ab Aquilone. i. à septen-
 trione, & mari. i. Occidente, eò q̄ illa terra (videlicet
 Iudæa) vbi primum Christi fides cœpit, mediter-
 neo mari ab Occidente terminatur. Itaq; ad consola-
 tionem credentium, qui ab initio paucierant, mira fide-
 delium multiplicatio prædicitur. Vnde quaq; enim
 & ex omni natione ad Christi fidem venerunt, sicut
 ipse Dominus prædixerat: Multi venient ab Ori-
 ente & Occidente & Aquilone & Meridie, & recum-
 bent cum Abraham, Isaac, & Jacob in regnò Dei,
 hoc est, in vna Ecclesia, In eadem fide, & in spe vna,
 quæ olim fuit in patribus illis electis.

Circa tertium dicitur.

Laudate cœli & exultet terra, iubilate
 montes laudem, quia consolatus est Domi-
 nus populum suum & pauperum suorum
 miserebitur. Et dixit Sion, Dereliquit me
 Dominus & Dominus oblitus est mei.

Nunquid potest mulier obliuisci infantem
 suum, vt non misereatur filio vteri sui? Et si
 illa oblita fuerit, ego tamen non obliuiscar
 tui.

Vbi erga populum fidelem ostenditur diuinæ be-
 nignitatis stabilis confirmatio. Primo tamen pro tot
 & tantis quæ præmissa sunt pollicitis bonis in Dei
 laudem erumpens propheta, cœlum & terrā vt vna
 secum laudent tantorum bonorum authorem, cōuo-
 cat & inuitat dicens: Laudate cœli, hoc est, angeli bea-
 ti, & exultet terra. i. homines mortales super terrā ha-
 bitantes. Et quidem ex immensa quadam & ineffa-
 bili cordis lætitiā ex agnitione diuinæ bonitatis con-
 cepta,

M
 Credentiū
 multipli-
 catio.

Mat. 8.

N
 Grandis af-
 fectio in
 Dei laudē
 prorumpit

SABBATO

cepta, in gratiarum actionem & vocem laudis Propheta sanctus exurgens, quia (vt dignum est) de tantis donis Dominum laudare, nequaquam se esse parem arbitratur, coelum & terram & cuncta quae in eis sunt, vna secum vt latentur & laudent, inuitat. Iubilante montes laudem. Montium nomine, virtute praeminentes accipiuntur.

O Praecipuam vero tantae laetitiae & laudis causam Latitiae & laudis causa, expressit consequenter dicens: Quia consolatus est Dominus populum suum, dum non parcens vni genito suo, hunc pro nobis omnibus e coelis misit in mundum, & in mortem pro nostra salute tradidit. Et pauperum suorum miserebitur. Pauperes isti non incongrue gentes intelliguntur quae sine lege & sine Deo, caelestis gratiae thesauro & bonorum operum meritis inanes, daemonibus praeda subiacebant. Sed futurum esse propheta praevidit, vt huiusmodi pauperes & esurietes verbum Dei, impletet bonis, & Iudaeos qui divinae legis scientia aduersum gentes inflati, & de suorum operum iustitia diuites sibi esse videbantur, dimitteret inanes. Haec ergo quum ita se habeant, nihilominus tamen dixit Sion. i. sanctorum populus in carcere tenebrarum, veteri debito retentus, vel si maior, anima quaecumque fidelis aduersitatibus aut tentationibus afflictus dereliquit me Dominus, scilicet captiuam, & Dominus oblitus est mei iam multo tempore, quia non eripuit me a malis circumstantibus me. Et respondet.

P Nunquid obliuisci potest mulier infantem suum, vt non misereatur filio uteri sui? Vbi patenter ostendit quae sit confirmata super nos misericordia eius. Fateatur enim se Deus erga suos fideles viscera gestare materna, imo dilectionem suam erga sibi credentes maternum affectum superare, quum dicit: Et si illa oblita fuerit sui pignoris, duritia mentis naturae iura vincente, tamen ego creator & seruator non obliuiscatur tui, figmenti mei, creaturae meae, quam ad imaginem meam

ineam peculiariter mihi creauī. Non ergo (quisquis
es in tribulatione & in me credis & speras) te suspi-
ceris à me derelictum aut datum in obliuionem.

FERIA SECUNDA

post Dominicam Iudica.

Vidit Deus opera eorum
quia conuersi sunt de via
sua mala, & misertus est.
Ionæ. 3.

In hac lectione tria notan-
tur. Primum: est in prædicatione
nem gentium Ionæ Prophetæ destinatio. Secundum
est prædicationis Ionæ mira in Gentibus fructifica-
tio. Tertium est super conuersos ad poenitentiam be-
nigna Dei misericordia. Primum à principio lectionis.
Secundum ibi. Et crediderunt viri. Tertium ibi. Et vi-
dit Deus opera eorum.

Circa primum dicitur.

Factum est verbum Domini ad Ionam
secundo, dicens: Surge & vade in Niniuen
ciuitatem magnam & prædica in ea prædi-
cationem quam ego loquar ad te. Et sur-
rexit Ionas & abiit in Niniuen ciuitatem
iuxta verbum Domini. Et Niniue erat ciui-
tas itinere dierum trium. Et coepit Ionas
introire in ciuitatem itinere diei vnus & cla-
mauit & dixit, Adhuc quadraginta dies &
Niniue subuertetur.

Idcirco dicit verbum Domini ad Ionam secundo **A**
factum esse, quia prius factum fuerat verbum Domi-
ni ad eundem, sed proficisci recusans fugam tentaues

○ rat in

FERIA SECUNDA

rat in Tharsis à facie Domini, putās nusq̄ gentiū nisi tantū in terra Israël diuinæ iussionis oracula dari. Sed fieri nequaq̄ potest vt à facie eius quis effugiat qui vbiq̄ est. Vnde ipse per Prophetā ait: Nunquid non coelum & terrā ego impleo? Suscitauit ergo Dominus tempestatem magnā & mirabilem, nec alibi q̄ citā nauem in mari, & forte deprehensus est Ionas qui etiā se tempestatis causam esse inficiatus non est. Qui missus in mare à pisce grandi (quē ad hoc præparauerat Dñs) deglutitus est, & post diē tertiū iussu Dñi è vētre ceti viuus & incolumis in aridā rursus eiectus.

Tunc ergo diuinæ iussionis oraculum ad ipsum secundo factum est. Ipse verò diuinā potentia in sui deprehensione dum fugerat, & nihilominus Dei misericordiam in mirāda sui ipsius liberatione de fluctibus sufficēter expertus, diuinis iussionibus obediuit. Nec tamē dictum est ei à Domino: Quare nō fecisti quod tibi fuerat imperatū? sed suffecit ei naufragij & deuotionis sola correptio, vt qui imperātem non senserat Deū, intelligeret liberātem. Quod autē denūciavit Propheta peccatoribus subuersionem quæ tunc sabbe quita nō est, non putemus prophetiā esse descendentem à præsciētia Dei, vbi omnia sicut sunt ita permanent, sed est cōminatio ad correctionem, proponēs istam vltionem secūdam præsentia Niniuitarum peccata. Nec ab re quadragenariū eis numerū dierum quo respiscerent proposuit. Nam cōuenit ille numerus peccatoribus ad penitentiā & ieiuniū & lacrumas & perseuerantiam deprecandi. Siquidem hoc dierum numero Moyses & Helias, & tandem ipse Christus ieiunarūt. Vnde & idem dierū numerus nobis indicitur ad preparādas per ieiuniū animas nostras ad esum agni paschalis. i. corporis Christi.

Circa secundum dicitur.

Et crediderunt viri Niniuitæ Domino,
& prædicauerunt ieiuniū, & vestiti sunt sac-

cis à

Iere. 23.

Ionas à celo
to glutitur.

B

Cōminatio non vltionis definitio.

Exod. 24.

3. Reg. 19.

Mat. 4.

els à maiore vsq; ad minorem. Et peruenit
 verbum vsq; ad regem Niniue, & surrexit
 de solio suo, & abiecit vestimentū suū à se,
 & indutus est sacco, & sedit in cinere. Et cla
 mauit & dixit in Niniue ex ore regis & prin
 cipum eius dicens: Homines & iumenta &
 boues & pecora non gustent quicq; nec pa
 scantur, & aquam non bibāt. Et operiantur
 faccis homines & iumēta, & clamēt ad Do
 minum in fortitudine. Et conuertatur vir à
 via sua mala, & ab iniquitate quæ est in ma
 nibus eorum: Quis scit si cōuertatur & ig
 noscat Deus & reuertatur à furore iræ suæ
 & non peribimus?

Hic ponitur prædicationis Ionæ mira in gentibus
 fructificatio. Itaq; Propheta præcepti superioris &
 naufragij nō immemor, studiosè executus est Domi
 ni iussionem. Et quū diei vnius itinere ciuitatem in
 gressus in tertia tantū vrbis parte prædicasset, ad reli
 quos confestim prædicationis sermo peruenit. Credi
 derunt quippè viri Niniuitæ Domino, tanto signo
 & Prophetæ naufragio, & rursus ipsius liberatione
 cōmoniti. Itaq; citò & studiosè propter diuinæ cō
 minationis terrorem pœnitentiā egerunt. Et perue
 nit verbum ad regem. Non dixit: Peruenit Ionas, sed
 peruenit verbum ad regem, vt per hoc pateat q; tan
 tæ rei fama Prophetæ pedibus velocior fuit.

Et surrexit rex de solio suo. Quantuscunq; sit, siue
 rex, siue princeps quisq; præpotens & illustris, ti
 mere debet verba prædicantium, & à superbix solio
 per sui humiliationem descendere, faccum pœnitentiæ
 induere, & in cinere, i. mortis meditatione federe.

C
 Prædica
 tionis Ion
 æ fructif
 icatio.

FERIA SECUNDA

Sed aduertere est pœnitentiam Niniuitarū. Per illa enim quibus antè peccātes damnationem meruerant, iam student iram Dei placare. Nam qui prius luxu & ambitione deliquerāt, ieiunio & sacco expiare peccata sua nituntur. Peccauerant proinde & palam & in abscondito, & ideo sacco qui exterius hominibus exhibetur, & ieiunio quod in occulto Domino offertur iam agunt pœnitentiam. Insuper ut & ipsa iumenta interitū effugiāt, etiam à pastu & potu ieiunare coguntur.

D
Pœnitētia
inter timo-
rem & spē

Quum autem dicūt, quis scit si cōuertatur & ignoscat Deus, ambiguum ponitur & incertum, ut dum homines dubij sunt de salute, non tamen desperant, fortius agant pœnitentiam, & Dei misericordiam intentius deprecentur. Vult enim nos Deus pœnitentiam agentes sollicitos esse & timoratos, ne plus & quod de venia præsumendo securi, per præsumptionis superbiam Deum grauius offendamus.

Iudei gen-
tibus peio-
res.

Cæterum miro diuinitatis consilio Propheta gentibus pœnitentiā prædicaturus à Domino destinatur, suscipiturq; & auditur, ut longè magis Iudæi peruersi esse q̄ gentes probentur. Ipsi quippè Iudæi diuinas comminationes per suos Prophetas audientes contemnunt, & insuper Prophetas occidunt, vbi tamen hos gentes suscipiunt & venerantur.

4. Reg. 17.
Israël assy-
riorū q̄ ius-
tè traditur
potestati.

F Placuit autem Deo huiuscemodi experimentum contra impœnitētem Israël de Niniuitis potius q̄ de cæteris gentibus ostendere, atq; gentem quamlibet flexibilem magis esse ad pœnitentiam & ideo iustiorē, & magis venia dignam q̄ Israëlē, quum tunc temporis gens Assyriorum fortior atq; asperior erat alia gente quacunq;, quia futurū erat ut Israëlē Dei iustitia traderet in manus Assyriorū, quod postmodum per Salmanasar regem Assyriorum factum est, qui transtulit Israël de terra sua in Assyrios. Quis iam reprehendere præsumat iudicium Dei q̄ Israëlē suū rebellem & incredulum gentibus credulis & ob-

temu

temperantibus, ac per hoc iustioribus tradidit, imò
 quis hinc Deum iustum non magnificet & laudibus
 extollat? Rationabile enim est & perpulchrum, q̄ il
 lam potissimè gentem per tale voluit experimentum
 demonstrare iustiozem, cui tradere decreuerat popu
 lum præuaricatorem.

Circa tertium dicitur.

Et vidit Deus opera eorum, quia cōuersi
 si sunt de via sua mala, & misertus est eorū.

Hic describitur super conuersos prompta Dei mi
 seratio. Nam vidit Deus opera eorum, quia conuersi
 si sunt. Non tunc primum vidit quando sic operati
 sunt, non tunc primum vidit saccos eorum quando se
 illis vestierunt, sed iam dudum viderat priusq̄ illuc
 mitteret Prophetam, quādo Prophetas occidebat Is
 raël prædicentes imminentem captiuitatem. Et non
 incertus præsciebat q̄ si longè ad Gentes mitteret
 Prophetas tale aliquid nunciantes, illi audirēt & age
 rent pœnitentiam. Vidit itaq; Deus & per experi
 mentum videre fecit q̄ esset damnatione dignus Is
 raël in comparatione gentium, vt non solum Pro
 pheta, sed & totus orbis audiens, iustum comproba
 ret esse iudicium in eo q̄ gentibus non Israëli Deus
 miseretur, eò q̄ conuerterentur de via sua mala, Is
 raël autem perseueraret absq; pœnitentia.

G

Opera bo
 na deo pla
 cere.

H
 Malitia Iu
 dæorum.

Non fat es
 se pœniten
 tiam pro
 mittere.
 Exod. 24.

Porrò quod hinc ad nos attinet considerandum
 nobis est, quia tunc Niniuitis, quotidie verò peccato
 ribus Deus cōminatur vt agant pœnitentiã. Quod si
 conuersi fuerint ipse quoq; sententiam suam conuer
 tit, & quodam modo eorū conuersione & ipse cōuer
 titur. Nec tamen fat esse putemus conuersionem pro
 mittere, quia non audiebat ad gratiam quæ solebat Is
 raël verbo promittere, dicens: Omnia quæcunq; præ
 ceperit nobis Dominus faciemus, sed magis hinc
 quæritur per Prophetam, di. Filij Ephraim inten
 dentes & mittentes arcum conuersi sunt in die belli.

O 3

Non

FERIA SECUNDA.

Non custodierunt testamentum Dei & in lege eius noluerunt ambulare. Non ergo promissionum verba sed opera respicit conuersorum, qui opera mala in melius mutata videns, libenter (vt dictum est) mutat & sententiam.

Num De⁹ Vel potius hoc dicamus q̄ in proposito suo permutet pro,
positum. mansit quo à principio voluit eorum misereri. Non enim aut punire volebat aut puniturus erat, quibus

(vt ad poenitentiae remediũ confugerent) cõminabatur. Nec mutabilitatis est q̄ quasi poenitẽs ipse Deus sapẽ dimittit quod fuerat cõminatus, imò maximè stabilitatis & incõmutabilis est consilij, quia videlicet

I cet (vt iam dictum est) illa intentione vt poenitentiam agant solet peccatoribus comminari. Itaq; dum

Mat. 26, & hic dicit, adhuc quadraginta dies & Niniue subuertetur, & iterum in Euangelio. Omnis qui acceperit

Pfalm. gladium gladio peribit prudens lector subaudire debet, nisi conuersus fuerit peccator, nisi poenitentia ego rit, iuxta illud. Nisi conuersi fueritis gladium suum vibrabit.

Jonas chri Circa lectõnis huius allegoriam aduertẽdum est, **sti typus.** Ionam typum Christi prætulisse sicut ipse testatus est

Mat. 12, dicens: Generatio mala & adultera signum quærit, & signum non dabitur ei nisi signum Ionæ Prophetæ. Sicut enim fuit Ionas in ventre ceti tribus diebus & tribus noctibus, sic erit filius hominis in corde terræ tribus diebus & tribus noctibus. Non solum autem hoc euento suo Christum sed etiam nominis sui vocabulo præfigurauit,

K Interpretatur enim Ionas columba, Christum significans ad mundi salutem à patre missum, quasi ad Niniuen ciuitatem magnam. Nam sicut Ionas ciuitatem magnam Niniue adire nolens potius se fluctibus maris tradidit, ita Dominus noster sua corporali præsentia prædicandi gratia gentes adire nolens, in

seditiones persequentium se Iudæorum remanens, quã

quasi fluctibus særi maris se cōmisit. Efferbuit quip-
 pè mare. i. Iudaicus furor, & missus tunc est in mare
 saluator, quando Pilatus hunc voluntati Iudæorum
 tradidit vt crucifigeretur. Et absorbuit eum cetus. i.
 mors & inferus. Sed adurente ventrem ceti, huius
 diuinitatis igne, tertia die viuum rursus euomuit.

Quum itaq; post decertatum mortis agonem in
 sepulchro quiesceret, secundo verbum Domini ad ip-
 sum factum est vt à somno mortis ad prædicandum
 ciuitati magnæ resurgeret. Primò nempe factum fue-
 rat ad eum verbum Domini dum à Ioanne baptiza-
 retur, quando visus est super eum in columbæ specie
 spiritus sanctus, & impletum vaticinium Esaia ex
 ipsius persona dicentis: Spiritus Domini super me,
 eò q; vnixerit me, ad euangelizandum pauperibus
 misit me, quod vtiq; de se fuisse prædictum ipse te-
 status est dicens quum hanc prophetiam Sabbato in
 synagoga palàm audiente populo legens recitasset,
 quia hodie impleta est hæc scriptura in auribus ve-
 stris. Et rursum turbis ipsum ne discederet retine-
 re volentibus dixit: Quia & alijs ciuitatibus oportet
 me euangelizare, quia ad hoc missus sum.

Quòd autem ad ipsum in sepulchro quiescentem
 factum est verbum, Psalmista descripsit inducens pa-
 trem ad filium suum post decertatum mortis ago-
 nem, quasi à labore fessum, dicentem: Exurge gloria
 mea, Siquidem gloria patris est filius sapiens. Exur-
 ge, inquit, ad constendum mihi in populis, ad psal-
 lendum mihi in nationibus. Qui protinus respondet
 dicens: Exurgam diluculo. Confitebor tibi in popu-
 lis Domine, & psallam tibi in nationibus. Quod ni-
 mirum est prædicare in ciuitate magna.

Itaq; Dominus noster post resurrectionem quasi
 secundo mittitur ad Niniuen, & Iudæos perfidos de-
 relinquens, in Apostolis suis (quibus ipse dixit: Ecce
 ego vobiscū sum omnibus diebus vsq; ad consum-

Mare cō-
 motum.

Cetus
 quid,

L

Luc. 3.

Esa. 61.

Luc. 4.

Ibidem.

M

Christus
 post resur-
 rectionem
 vt gentib;
 prædicat.
 Mat. vlt.

FERIA SECUNDA:

mationem sæculi) abiit in Niniuem .i. in mundum
vniuersum. Nam quasi post inferos resurgere & præ
dicare propriè dicitur, quãdo suos Apostolos in præ
dicationem gentiũ destinauit & sic iam spontè quo
dammodo Gentibus prædicat qui antè passionem
quodammodo fugerat quum dicebat: Non est bo
num sumere panem filiorum & mittere canibus.

Mat. 15.

Niniue
quid.

Rectè verò Ninive ciuitas magna itinere dierum
trium orbis terrarum notissimarum trium partium,
Asia. l. Aphricæ, & Europæ dicitur. Hanc redemptor
noster post resurrectionem & glorificationem suam
itinere diei vnius introisse scribitur, quando terrarũ
orbem vnius veri Dei notitia & fide illuminauit,
& hoc per suos Apostolos (vt iam dictum est) qui
bus hanc legationem iniungens, ait: Euntes docete
omnes gentes, baptizantes eos in nomine patris & fi
lij & spiritus sancti.

Mat. vlt.

N
Tempus
concessum
ad pœni
tentiam.

Apoça. 10.

Adhuc quadraginta dies, inquit, & Ninive subuert
etur. q. d. Adhuc pœnitentiæ tempus vobis gentibus
datum est, quod tempus in sua potestate posuit Deus,
quod quum impletum fuerit Ninive subuertetur. i.
mundus consummatus per ignem iudicabitur, post
quod iam vltra tempus non erit, prout in Apocalypsi
sua Ioannes angelum fortem de cœlo descendentem
cum iureiurando firmasse testatur. Et angelus, in
quit, quem vidi stantem super mare & super terram
leuauit manum suam ad cœlum, & iurauit per viuẽ
tem in sæcula sæculorum, quia tempus amplius non
erit, sed in diebus vocis septimi angeli, quum cœpe
rit tuba canere consummabitur mysterium Dei, sicut
euangelizauit per seruos suos Prophetas. Mysteriũ
Dei consummabitur, Ninive subuertetur, mun
dus per ignem iudicabitur, homines impij cum diabolo
& angelis eius in ignem eternũ mittentur, & tempus
pœnitentiæ non erit amplius. Talis & tantæ rei præ
dicatio, clamor est & fragor omni habenti aures au
diendi terribilis, ita vt nihil sit terribilius hoc auditu.

Et cret

Et crediderunt, inquit, viri Niniuitæ Domino gentium nationes crediderunt in Dominum, et prædicauerunt ieiunium, & vestiti sunt sacco a maiore usque ad minorem, id est, omnimoda humilitatis compositione ad tantam gratiam se præparauerunt, sed & hoc cum gaudio fecerunt proponentes sibi metipsis iocundum præsentis tristitiæ fructum, remissionē. s. peccatorum, & post exactum huius vitæ cursum, præparatam sibi vitam sempiternam.

Et peruenit verbum ad regem Niniue. Si mundus totus Niniue, quid ni per regem Niniue, Romanum imperium intelligamus, quod utiq; sic terrore & potentia cæteris regnis præminebat, quomodo ducibus siue Satrapis in quolibet regno potestas regia præminet? Ad hunc regem citius verbum quàm ipse Ionas peruenit, quia caput mundi Roma, priusquam videret Apostolos Christi, euangelium eius audiuit. Et sapienter appendens, fidelem & acceptione dignum sermonem iudicauit. Magnumq; cæteris gentibus fuit exemplum credendi. Non enim contemnendum putabant, quod Romana sapiētia rationabile esse sua credulitate comprobasset. Vnde gratulans Apostolus ait, Gratias ago Deo meo semper per Iesum Christum pro omnibus vobis, quia fides vestra annunciat in vniuerso mundo. Vbi per ea quæ subiungit palam innotescit quod nondum ipse ad eos venerat. Itaque perueniente verbo ad eiusmodi regem Niniue ille surrexit de solio suo, & abiicit vestimentum suum a se. Nam usque adeo profecit auditus verbi & paulatim inuoluit, ut se de altitudine gloriæ secularis demitteret, & subter Christi maiestatem curuaret genu, verticemque inclinaret tanti imperij celsitudo, baptizato per beatum Siluestrem Constantino. Nam quantum euangelio Christi terrena potestas assurrexit, in eo satis apparuit. Tunc enim rex Niniue de solio suo surrexit, tunc verbo Domini Romanum imperium assurrexit. Et abiicit vestimentum suum a se, id est, illas quibus inuo-

O
Pœnitentiæ
Niniuitarum.

P
Rex Niniue
Romanum imperium.

Rom. i.

Q
Romanæ
reip. principes
crediderunt.

FERIA TERTIA

lutus fuerat fanaticas religiones assumpta religione christiana reliquit. Et induit saccum et sedit in cinere, vt. s. ordinatę post asperitatem poenitentię, circunda retur delectamento iustitię.

Ex tunc autem autoritatę & robur beati Petri sedes accepit, vt latius dominetur per gentes sacra pontificum eius lingua, q̄ dominata fuerat prius Casarum purpura. Cui bene congruit q̄ rex Niniue clamauit & dixit.

R
Homines
poenitent.
& iumęta.

In Niniue ex ore regis & principum eius dicens. Homines & iumęta & boues & pecora nō gustent quicquam. Sicut enim tunc in Niniue secundum regis edictum fieri oportuit, ita etiam secundum fidem & traditionem beatorum Petri & Pauli (qui sunt vel esse debent lingua Romanę sedis) ordinę ecclesiasticum oportet obseruari. Sanę homines & iumenta sacris operta & clamantia ad Deum, et eruditos pariter & simplices intelligere debemus ad prædicationem Euangelij poenitentiam agentes, iuxta quod per Prophetam dicitur, Homines & iumęta saluabis Domine, quemadmodum multiplicasti misericordiam tuam Deus.

Psal.

FERIA. TERTIA

post Iudica.

Recordatus es mei Domine Deus meus, & non dereliquisti diligētes te. Dan. 14.

In hac lectione tria notantur. Primum est peruersorum hominum aduersus innocuum seditionis molitio. Secundum est innocui & iusti diuinitus facta liberatio. Tertium est in homines crudeles & impios digna animaduersio. Primum, a principio lectionis. Secundum ibi. Erat autem Abacuc, Tertium ibi. Illos autem qui perditionis,

Circa

Circa primum dicitur.

Congregati sunt Babylonii ad regem & A
dixerunt ei. Trade nobis Danielelem qui Bel
destruxit & draconem interfecit, alioquin
interficiemus te & domum tuam. Vidit er-
go rex quòd irruerent in eum vehementer,
& necessitate compulsus tradidit eis Da-
nielem. Qui miserunt eum in lacum leonũ,
& erat ibi sex diebus. Porrò in lacu erant
leones septem & dabatur eis quotidie duo
corpora & duæ oues, & tunc non data sunt
eis, vt deuorarent Danielelem.

Babylonij interpretantur confusione pleni, ordine
legis diuinæ carentes, & significant homines quos-
que pessimos atque peruersos. Isti congregantur in
vnum, conuentum malignantiũ constituentes, vt iun-
ctis consilijs & viribus, fortiores sint vel ad pessima
quælibet facinora perpetranda, vel ad persequendum
quos semper oderunt optimos quosq; & hos si quo
modo possint opprimendos & perdendos. Et quia
causæ suæ non fidunt propria conscientia contradicen-
te, vt saltem vi præualeant multi simul coniuratione
facta se colligunt. Venite, inquit, cogitemus contra
iustum cogitationes. Et quoniã (principe tenebrarũ
agitante) quiescere non possunt ea quæ corde conce-
perant deducant ad effectum, venite rursus inquit
& percutiamus eum lingua: criminationibus confi-
ctis hunc opprimentes, conuitijs & contumelijs il-
lum afficientes.

Huiuscemodi proculdubio fuerunt perditores Da-
nielis, quorum in litera. Primo describitur iniqua po-
stulatio, deinde eorum peruersa allegatio. Tertio eo-
rum violenta cõminatio, Quarto eorũ contra iustum
grude

Iere. 17.
Modus
cõspirandi
contra bo-
nos.

B
Factio im-
piorũ ad-
uersus pio-
s.

FERIA TERTIA

crudelis executio. Secundum ibi. Qui Bel destruxit. Tertium ibi. Alioquin interficiemus te. Quartum ibi. Qui miserunt. Circa primum dicunt.

Cur pessimi bonos persequantur.

Bel & Draco.

In iudices iniquos.

Trade nobis Daniele, ubi sanctum & iustum perunt sibi tradi ut interficiant. Secundo allegant causam quam dicunt. Qui Bel destruxit & draconem interfecit. Quum tamen hinc premio & laude Daniel dignus esset, qui fraudem sacerdotum Belis & eorum furta deprehendens detexerat, & quem ad sui periculum nutrierant virulentum diruperat draconem, Istis non dissimiles sunt qui idcirco persecutiones optimo cuique moluntur, quod eorum vitis & consuetudinibus pessimis atque vetustis, hoc est Beli (Bel enim vetustas interpretatur) obstitit, & ea si quo modo potest fatagat extirpare, & draconem. i. carnalis luxurie voluptatem, ignem pestiferum ardentis concupiscentie spirantem, quem in sui periculum delictis carnis nutrit homines animales, apertis reprehensionibus insectando, quodammodo dirumpit.

C Possumus etiam per Belem propter ipsius licet vanaissime creditam edacitatem inexplebilem auarorum cupiditatem intelligere, & praesertim ecclesie ministrorum concubinas & filios suos de mensa templi operis & exquisitis dolis nutrientium. Tertio ponitur eorum violenta comminatio quam dicunt. Alioquin, interficiemus te & domum tuam. Vides quantum praesumat synagoga Sathanae effrenis audacia. Quum enim sint ipsi supplicio digni, tamen complicum fulti multitudinem, iniquissimam voluntatem suam pro lege haberi volunt, cui nisi mox pareatur violentas factiones suis etiam nonnunquam superioribus intentant. Nec est qui resistat eorum violentiae, & subueniat cunctorum auxilio destitutis, qui, auscultet imperio dicentis.

Eripite pauperem, & egenum de manu peccatoris liberate. Quum potius hi quorum hoc interest, sibi potius quam alijs prospicientes iustitiae tramitem derelinquant. Magis enim timet homines offendere quam Deum.

& gra

& gratiæ diuinæ, fauorem diuinitum anteponunt. Quibus per Prophetam Dominus dicit. Vt qui iustificatis impium pro muneribus, et iustitiam iusti aufertis ab eo. Vnde sequitur.

Esa. 5.

Videns rex quod irruerent in eum, necessitate compulsus tradidit eis Danielelem, quod nequaquam facere debebat, dicente Domino. Innocentem & iustum non interficies, sed potius vsque ad mortem certandum erat pro iustitia. Quarto ponitur impiorum contra iustum crudelis executio quum dicitur, quod acceptum Danielelem miserunt in lacum leonum, ut a septem leonibus, dierum sex inedia prouocatis, Domini seruus deuoraretur. Adeo immitis & ferox est aduersus optimum quencumque impietas pessimorum, ut illius se esse progeniem comprobent, de quo scriptum est, Crudelis est & non miseretur. Patet nihilominus prætersam eorum falsam, in omni nullam esse iustitiam, quum habeat vera iustitia commiserationem, falsa vero in alienis cruciatibus voluptatem.

Exo. 23.

Eccli. 4.

D

Iere. 6.

Circa secundum dicitur.

Erat autem Abacuc propheta in Iudæa & ipse coxerat pulmentum & intriuerat panes in alucolo, & ibat in campum ut ferret messoribus. Dixit autem angelus Domini ad Abacuc, Fer prandium quod habes in Babylonem Danieli qui est in lacu leonum. Et dixit Abacuc, Domine, Babylonem non vidi, & lacum nescio. Et apprehendit eum angelus Domini in vertice eius, & portauit eum capillo capitis sui, posuitque eum in Babylonem super lacum in impetu spiritus sui. Et clamauit Abacuc dicens. Daniel serue

Innocentis
oppressi di
uinitus fa
cta libera
tio.

Dci,

FERIA TERTIA

Dei, tolle prandium quod misit tibi Deus.
 Et ait Daniel, Recordatus es mei Deus meus, & non dereliquisti diligentes te. Et surgens Daniel comedit. Porro angelus Domini restituit Abacuc confestim in locum suum. Venit ergo rex die septimo ut lugeret Danielem & venit ad lacum, & introspexit. Et ecce Daniel sedens in medio leonum. Et exclamauit rex voce magna dicens, Magnus es Domine Deus Danielis. Et extraxit eum de lacu leonum.

B Hic descripta est innocentis oppressi diuinitus facta liberatio. Seruauit enim Dominus Danielem a dentibus leonum, sicut ipse post modum confitetur dicens, Misit Dominus angelum suum & conclusit ora leonum. Quod equidem non minoris est miraculi, quam seruasse incolumem in ventre ceti Ioram tribus diebus. Vtrunq; nature supergreditur facultatem, vtrumque testatur potentie diuine immensitatem. Vnde sanctus Versificator cecinit, dicens:

Cap. 6.

Jonæ. 2.

Sedulius.

Darij furuerunt iussa tyranni
 Hebraeumq; decus Daniel decernitur insonis
 Ieiunis cibus esse feris, sed belua iusto
 Mitis facta viro, sanctos ne læderet artus
 Coepit amare famem, rabies mollita furorem
 Deposuit, sæuisq; in faucibus ira quieuit.
 Et didicere truces prædam seruare leones.

Deo curam esse de suis
 Deut. 8
 3. Reg. 17.

Itaque hunc non minori prodigio nutriuit qui iactauerat cogitatum suum in Domino, quam a leonibus seruauit. Sic prius nutrierat Israel quadraginta annis in sterili deserto, et Heliam ministerio coruorum, ut ostendat sibi curam esse de his qui sincero corde sperant in eum. Quisquis enim primum querit regnum Dei & iustitiam

scitiam eius, iuxta Christi promissum, vitę necessarijs non destituetur.

Accepit autem Daniel prouisionis cęlestis beneficium cum actione gratiarum et voce laudis, dicens, Recordatus es mei Domine Deus, & nō dereliquisti querētes te. Hoc quippe requirit ā nobis Deus, vt largitatis suę dona capientes, agnoscamus tam donū q̄ beneuolentiam summi datoris: agnoscamus proinde inopiam & egestatem nostram, indignitatem deniq; nostram agnoscentes veraciter & humiliter hanc coram Deo consteamur. Diuinā nihilominus erga nos munificentiam experti, propensius exinde in ipsius misericordia confidamus.

Nec tamen satis fuit Domino seruum suum ā leonibus seruātū pauisse, nisi & hunc totaliter liberaret. Vbi primū voce regis Deus Danielis magnus esse proclamatur. Vtiq; magnus sapientia, qui non ignorat necessitates & pericula suorum. Magnus clementia, qui quo modo miseretur pater filiorū, ita miseretur timentibus se. Deniq; magnus potentia, quum (sicut in Daniele probatū est) nec hominū malitia, nec rabies beluarum nocere possit his qui ab eius potentia defenduntur. Et extraxit, inquit, Danielem de lacu leonum: hostium insidijs iam gloriosorem effectum, & æmulis qui illum prius oppresserant, superiorem. Nam quo modo exinde se illum posse vincere sperarent qui ora iam perdomuerat rabiosa leonum.

Circa tertium dicitur.

Illos autē qui perditionis eius causa fuerāt, intromisit in lacum, & deuorati sunt in momento corā eo. Tunc rex ait, Paueant oēs habitantes in vniuersa terra Deū Danielis, quia ipse est liberator & saluator, faciens signa & mirabilia in cęlo & in terra, qui liberavit Danielem de lacu leonum.

F

Magnus
Deus Danielis,

FERIA TERTIA

G Hic describitur aduersus prauos promerita a
 In pessi- maduersio. Inspientes enim & maligni (decernente
 mos vltio Deo) inciderunt in foueam quam fecerunt, suis capti
 iusta. consilijs, laqueis proprijs irretiti. Vbi admirari & col
 1. Pet. 2. laudare libet Dei sapientiam atq; iustitiam qua nouit
 pios de tentatione eripere, impios vero cruciandos in
 iudiciũ reseruare. Dum enim diuinæ voluntatis pro
 positum de suis electis impedire reprobis moliuntur,
 aduersus semetipsos miseri promouent quod oderunt
 & vt celebrius compleatur nescientes coadiuuant, il
 lis coronam sibi vincula fabricantes. Itaque sancti
 Mat. 5. Danielis exemplo liquet beatos esse qui persecutio
 nem patiuntur propter iustitiam, non modo quia re
 gnum cœlorum pro præmio illis seruetur æterno, sed
 etiam quoniam plerumq; etiam in vita præsentis glo
 riosiores hinc diuino munere redduntur.

H Vt autẽ ex præmissis fides erudiatur, aduertamus
 hic præfiguratam & Iudæorum in Christum Domi
 num nostrum furiosam seditionem, & importunam
 atq; minacem innocentis Domini ad mortem postu
 lationem, ipsorum denique Iudæorum iustam perditio
 nem. Daniel enim Christi typum gessit, interpre
 tatur enim Daniel in vna suarum significationũ, caus
 sa Dei. Reparandi quippe diuini honoris causa, Dei
 filius descendit in hunc mundum. Vnde & Bel. i. pec
 cati vetustatem destruxit, & draconem illum magnũ
 atq; voracem (qui fuit homicida ab initio, & è cœlo
 in tenebras sempiternas abiectus est) holo quem au
 dus, sed improuidus, vorauit, dirupit. Adussit quippe
 Christi anima potens & gloriosa ab illo per mortem
 quam ei per Iudæos intulit intronmissa, capacem ven
 trem eius, carcerem videlicet inferorum virtuoso di
 uinitatis igne, vt ille sero doluerit se victorem mor
 tis & inferorum prædatorem, per mortem illatam de
 glutisse.

I Possumus quoq; huiusce vetustatis nomine etiã
 Mosaicæ legis ritus veteres et Christo præsentem pro
 ferre

ius abditos intelligere, iuxta quod Dominus ipse ad dexteram maiestatis paternae in gloria residens in Apoc. dicere perhibetur, Ecce noua facio omnia.

Porro Babylonij in seditionem & tumultum contra Danielem versi, Iudaei sunt in Domini necem furiosa mente debacchantes, & diabolo hos agitante clamantes, Tolle tolle crucifige eum. Minas nihilominus regi suo Pilato (nisi illis Christum tradat interficiendum) intentates. Si hunc dimittis, inquit, non es amicus Caesaris. Hoc ille terrore pulsatus, contra fas tradidit eorum voluntati innocentem Dominum crucifigendum. Qui protinus hunc interficientes, quasi in lacum leonum miserunt, quando Christi anima per mortem a corpore separata, descendit ad inferos. Vbi septem famelicorum leonum nomine, vniuersitas demonum qui animarum supplicij satiari nequeunt, designatur.

Hic contra Christum in regione umbræ mortis preualere nequaquam potuerunt, quos prius in mundo ab obsessis hominum corporibus potenti virtute eiciens perdomuerat, quorum nihilominus principem in cruce moriens triumphauerat. Quomodo enim fieri posset ut aduersus autorem vitæ prepositi mortis quicquam possent, quum etiam ab ipsius discipulis fuissent conculcati? Ecce, inquit, dedi vobis potestatem calcandi super serpentes & scorpiones & supra omnem virtutem inimici, & nihil vobis nocent. Sicut ergo Danielem in lacu seruans angelus conclusit ora leonum, ita etiam Christi diuinitas inferorum virtutem prorsus elisit.

Proinde prandium Danieli diuinitus missum, plenam atque perfectam animæ Christi glorificationem & illius immensæ beatitudinis foelicitatem significat. Si quidem beatitudo alimentum vitæ æternæ est.

Quod autem est lacus leonum Daniel incolumis exit, quid aliud est nisi quod Christus victor ab inferis calata morte rediens ad superos, gloriosa resurrectione

Apoc. 21.

Babylonij
seditiosi.

Ioan. 19.

Ibidem.

Lacus leonum.

Septem
leones.

K

Luc. 10
Christi diuinitas
dæmones con-
pescuit.

L

Christi ab
inferis
egressio.

P trium

FERIA QVARTA

triumphauit. Hinc proinde Deus Danielis laudatus atque magnus declamatus est, etiam ab his qui prius hunc per fidem minime cognouerant, quia et Christi diuinitas, & patris summi maiestas, ex ipsius resurrectionis gloria, prædicantibus apostolis, nationibus gentium innotuit, & ad vnius veri Dei constendam & adorandam maiestatem et prædicandam ipsius gloriam incitauit.

M Denique digna Iudæorum perditio in illis congrue figurata est, qui propter scelus quod Danielem in lacu leonum proiecerant, leonibus in momento deuorandi traditi sunt, damna sua (i. sex dierum inedia) leonibus in eos ferociter vlciscentibus. Nam ob incomparabile Iudæorum scelus in Dei filium perpetratum, in potestatem Romanorum quasi ferocium leonum deuorandi, hoc est interficiendi, venundandi, & in omnem ventum dispergendi, traditi sunt. Caterum post exactum calamitosæ vitæ cursum, in lacu inferni dæmonum furori sine fine poenas daturi proijciuntur. Vbi damna sua quæ per Christum passi sunt, eorum supplicij dæmones ipsi compensant.

Digna Iudæorum perditio.

Iudæi dupliciter puniti,

FERIA QVARTA

post Iudica.

E Go Dominus, leges meas custodite. Leuit. 19.

In hac lectione ponuntur quædam diuinæ legis præcepta negatiue seu inhibitorie data, quibus contrauenire nullo vnquam tempore fas est, quæ vt confusione vitata in ordinem colligerentur, non potuit ordo literæ seruari. Prohibentur autem in præsentis lectione, peccata operis, peccata oris, & peccata cordis.

Furtum prohibetur. Quoad peccata operis aduertimus in hac lectione septem ex eis prohiberi, Primo enim prohibetur furtum quum dicitur, Non facietis furtum.

Vbi

Vbi aduertendum est q̄ omnia quæ prohibentur committi in proximum, ad hoc vnum referenda sunt quod in lege dictum est, Non nocebis proximo tuo. Ideo enim furtum prohibetur, quia per furtum inferatur proximo nocementū in re ab ipso possessa. Quod si rem alterius quispiā illo inuito surripiat, non tamen intentione nocendi, nec vt prosit sibi, sed ei potius cui eripitur, nequaquam is præcepto huic contrauenire dicendus est. Vt verbi gratia, Si quis insanienti, ne vel sibi vel alijs noceat, violenter vel etiam latenter eripiat gladiū, vel si vxor viro prodigo & ad inopiam vergenti cælauerit pecuniā, vt oportuno tempore in necessarios vsus expendat, nequaquam his modis aut similibus furtum committi putetur.

Furtum
quando
cōmittitur.

Secundō prohibetur deceptio proximi quum dicitur, Nec decipiat vnusquisq; proximum suum, vide licet in negotio, puta, commutādo, vendendo, locando, commodando, mutuū dando, emendo, conducendo, commodatū vel mutuū accipiendo, vel modis similibus.

Proximi
deceptio
prohibetur.

Tertio prohibetur violenta proximi oppressio, quum dicitur, Nec vi opprimes eum, videlicet proximum. Clamat enim vox oppressorum ante Deum. Vnde quum oppressisset Cain fratrem suum Abel, ait ad eum Dñs, Quid fecisti? Ecce vox sanguinis fratris tui clamat ad me de terra. Hinc rursus quum opprimeret Pharaō filios Israel in Ægypto ait Dñs ad Moysen: Clamor filiorū Israel venit ad me, vidiq; afflictionem eorum qua ab Ægyptijs opprimuntur.

B
Violenta
proximi
oppressio.
Gene. 4.

Quarto prohibetur retentio mercedis mercennarij, quū dicitur: Nō morabitur opus mercennarij tui apud te vsq; manē. Forfan enī merces sui laboris vel sibi vel suis eodē die necessaria est: quæ si in diem alterum differatur, ipse in se vel in suis sustinet detrimentum. Et licet hanc in crastino recipiat, iniuriam tamen pertulisse probatur. Vnde beatus Iacobus peccati huius grauitatem insinuans dicit, Thesaurizatis

Exo. 4.

Detentio
mercedis.

Iaco. 4.

FERIA QVARTĀ

vobis iram in nouissimis diebus. Ecce enim merces operariorum qui messuerunt regiones vestras, quæ fraudata est à vobis, clamat & clamor eorū in aures Domini sabaoth introiuit.

C
Submini-
stratio scan-
dali.

Quinto prohibetur parabolica locutione scandali subministratio, quum dicitur. Coram cæco non ponas offendiculum. Offendiculum corā cæco ponere, est nocumentum quodcumq; ei qui illud ignorat inferre. Proinde coram cæco offendiculum ponit, qui & si licitam rem agit, ei tamē qui discretionis lumen non habet, scandali occasionem præbet. Et confirmatur prohibitio quum subiungitur, Sed timebis Dominum Deum tuum, quia ego sum Dominus. Quod utiq; adiecit, vt vel timore suæ potētiae, coerceat præsumptionem mortaliū, ne inferat iniuriā eī qui hanc non aduertit, nec inde requirit vltionem. Siquidem Deus ipse quod homo læsus non vlciscitur, grauius vindicabit.

I
Iniustum
cōtra pro-
ximum iu-
diciū.

Sexto prohibetur iniustum de proximo iudicium quum dicitur, Non iniuste iudicabis. Hoc mandatū iudices concernit: cui & illud additur. Non confideres. (s. in iudicio) personam pauperis, vt propter gratiam pauperis declines à iustitia. Non enim vult Deus vt cum alterius iactura accommodes te in iudicio pauperi, quum non sint facienda mala vt veniant bona. Non enim fas est rapina vel furto vel alias illicite quæsitis, leuare pauperem, & multominus calumnia, vel iudicio iniquo. Nec honores, inquit, vultū potētis, vt te illi in iudicio propter ipsius potētiam accommodes in pauperis aut impotentioris iniuriam & detrimentum.

Rom. 3

D
Coopera-
tio ad ho-
micidiū,
sic multis
modis,

Septimo prohibetur quæuis ad homicidium cooperatio quum dicitur, Non stabis contra sanguinem proximi tui. Ego Dominus. Ac si dicat, Non te his adiunges qui proximo ad mortem insidiantur. Plæri que etenim aliorum societate fulti faciunt, quod soli facere nec auderent nec possent, Non ergo stabis con-

tra

tra sanguinem proximi, illi assistendo, qui (vt dictum est) sanguini insidiatur, vel cuiuspiam optando mortem, vel de eius nece gaudedo, vel eam approbando.

Non tamen est putandum q̄ hoc præcepto iudices prohibeantur criminosos interficere, quum potius ipsorum crimina & iustarum præscripta legum hos interficere probentur non ipsi iudices, qui non sunt timori boni operis, sed mali. Quod si vis nō timere potestatem, bonū fac, & habebis laudem ex illa. Quod autem generaliter dicitur. Non facies quod iniquum est, siue potens sis & diues, siue pauper, præcedētia omnia concludit. Potentem enim esse solet, vi opprimere, mercedem retinere, cæco offendiculū ponere. Pauper autem propter inopiam impelli solet ad iniquitatem. Vnde & Salomon ob hanc causam deprecatur paupertatem di. Duo rogavi te ne deneges mihi antequam moriar, Mendicitatem & diuitias ne dederis mihi. Tribue tantum victui meo necessaria. Ne fortē satiatus illiciar ad negandum & dicam, quis est Dominus aut egestate compulsus furer, & periurem nomen Dei mei.

Quoad peccata oris quæ in lectione exprimentur primo prohibetur mendaciū quum dicit. Non mentimini. Vbi absolute mendacium prohibetur, utpote illicitum & inconcessum, sicut & alia quæ semper illicita sunt, & absolute prohibentur, vt (verbi gratia) ubi dicitur. Non habebis deos alienos. Non mœcha beris. Non furtum facies.

An autem sit mentiendum in eo casu quo non modo per mendacium nemo læditur, sed etiam alicui in necessitate aliqua constituto per mendacium subuenitur, dicunt vtique nonnulli q̄ sicut non solum est licitum, sed etiam expediens, volenti occidere proximum, gladium furari, ita & mendacium proferre vt malum aliquod euitetur, sicut & illa calumnia ad maius gaudium profecit quam Ioseph fratribus suis de furto cyphi argentei inferebat, quibus etiā insimula-

Rom. 13:

Pro. 30:

E
Mendacium prohibetur.

Num propter officium sit mentiendum.

Gene. 44:

FERIA QVARTA

tum explorationis crimen intenderat. Fortassis enim sicut furtū censerī non debet nisi quando occulte ablatō alieno proximus læditur, sic nec calumniā dici iure debet nisi quando falsi criminis obiectione proximo detrimentum infertur.

Responso Sed nō sic possumus dicere, videlicet, tantum in eo casu mendacium esse, quo quis vt alij noceat mētur, imō quādocunq; ā sciente quod falsum est vel esse falsum creditur ab ipso dicente profertur, siue illud intentione fallendi, siue impendendi officium proferatur, esse mendacium.

F Nec his obstat q̄ obstetrices Ægypti pro mendacio leguntur ā Deo remuneratæ. Et mentita ciuibus suis Raab vt exploratores serualet liberata est, quia non propter hoc q̄ mentita sunt, sed quoniam infantes obstetrices illæ liberauerunt remuneratæ sunt. Et propter hanc misericordiam veniale fuit peccatum, non tamen nullum. Similiter Raab liberata est ē ruis nis Iericho, quia (vt dictum est) seruauerat exploratores populi Dei, qui per ipsius mendacium mortis discrimen euaserunt, propter quod etiam ipsius mendacium fuit veniale peccatum.

Periurium prohibetur. Secundo inter peccata oris prohibetur periurium quū dicitur, Non periurabis in nomine meo, nec polues nomen Dei tui. Ego Dominus. Secundū translationem septuaginta inter, sic habes. Non leuabitis nomen meum in iniustum iurandum. Cui præcepto contrauenitur nō modo quando per venerandū Dei nomen mendacium affirmatur, aut quod verum est negatur, vel quod per idem nomen promittitur non impletur, vel ā dicente seu promittente non intenditur impleri, vel quādo per Dei nomē aliquis se quipi-

G **Periuriū multis modis committitur.** am facturum iurat, quod non nisi scelere potest impleri (quale fuit iuramentū Herodis factum saltatrici) sed etiam quādo id quod illicite iuratum est impletur. Talia nempe iuramenta nec debent fieri, nec facta seruari, Nec tamen tunc primum periurus est quando id

Mar. 6.

do id

do id quod male se facturū iurauit non facit, sed tunc periurij culpam incurrit, quando rem illicitam se facturum iurauit. Nec pollues nomē Dei tui. Ergo polluis nomen Dei tui, vel non faciendo quod te licite facturum iurasti, vel peius implēdo quod male iurasti. Ipse etenim Deus per quem iuras vsque adeo vult bona, vt etiā etsi mala comminetur, non tamē inferat, sed si videat poenitentes etiā pietatem impendat.

Tertio prohibetur calumnia. i. falsi criminis impostio quū dicitur. Non facies calumniā proximo tuo, quia sine mendacio pernicioso & iniquo proximi grauamine, fieri non potest.

Quarto prohibetur maledicentia, & obrectatio contra famam absentis quum dicitur. Non maledices surdo. Nam surdo maledicere, est absentis (vel tamen si præsens sit) non aduertentis, vel non intelligentis, famæ per verba ipsum vilificantia derogare. Vnde Apost. dicit, detractores Deo esse odibiles, ob id nimirū quod astuti & fraudulentis serpentis dolos imitentur, sicut per Sapientem dicitur. Quo modo si mordeat serpens in abscondito, nihil minus habet qui secrete detrahit proximo suo.

Quinto prohibetur criminatio quum dicitur. Nō eris criminator. Est autem criminator, vel qui crimina proximis imponit, vel palam obijcit, vel qui aliena crimina assuetus est circumferre, et alijs denarrare, vel qui (non gratia correctionis, sed liuore inuidiæ) proximum de crimine quouis accusat.

Sexto prohibetur Sufurratio quum dicitur. Nec susurro. s. eris, in populis. Est autem susurro qui simulans amicitiam, per verba occulta ore bilingui separat amicos, apud alterutrum alteri obrectando. Et quum rursus apud alterum blanditus fuerit, & detraxerit absentem, mox ad eum se transferens cui derogauit, fallaci lingua nunc etiam priori detrahit, &

Calumnia

H
Maledicentia.

Rom. 16

Ecclēs. 10i

Criminatio.

I
Sufurratio

FERIA QVARTA

huic cui detraxerat blanditur. Hic susurro dicitur, de quo scriptum est, Susurro & bilinguis maledictus, multos enim turbauit pacem habentes. Cuius os maledictione & amaritudine plenum est. Et rursus. Venenum aspidum sub labijs eorum. Fert profecto mortiferum sub funesta lingua venenum, quod animę vitam. s. fraternam charitatem extinguit, loco cuius inuidiæ atq; odij mortem secum adducit.

Psal.

K
Odiū pro
hibetur.

Quoad peccata cordis tria præsertim quę vel maxime virtuti charitatis aduersantur lectio cõprehendit. Quorum Primum est odium, quod prohibetur quum dicitur. Non oderis fratrem tuū in corde tuo, sed publice argue eum, ne habeas super illo peccatū. Est autem odium ira inueterata, & implacabilis, donec emulum pessunderit. Nascitur autem ex ira, sed proles parente pestilentior est, quia odium ira peius & diuturnius est. Ira enim subitus animi motus est, quo quis ultionē ab eo qui nocuit ardentem exposcit, sed motus ille passio pertransiens est, odiū vero passibilis qualitas. Differunt ergo ira & odium, sicut rubedo vultus ex verecundia subito veniens & mox abitura, & illa vultus rubedo quę est ex caumate.

Ira prohi
betur.

Secundum peccatum cordis quod hic prohibetur est studiosa voluntas se vlciscendi, id est, ira, quum dicitur. Non quæres ultionem, hoc est. Ne vlciscendi libidine rapiaris siue aduersus hunc qui te offendit, siue dum arguis de peccato proximum. Neque lætari velis aut consolari de alieno malo, sed potius intendas illi consulere quem arguis. Nam Deus ultionem propiarum iniuriarum nobis non permittit, sed referuat sibi. Mea, inquit, est ultio & ego retribuam. Vnde quum mulier prudens Abigail concitatum David aduersus virum suum Nabal & iam ad vlciscendum se properantem, verbis & muneribus placasset, ille eam hinc commendans ait. Benedicta tu, & benedictum eloquium oris tui, quę prohibuisti me ne irem ad sanguinem, & vlciscerer me manu mea, Attamen

Deut. 32.

L

2. Reg. 15.

si lo

si legitimo iudici vltionem forefacti detuleris, cui scelerata puniendi facultas data est, illam vtiq; Deo detulisti. Nam omnis potestas à Deo est, & ipse iudex Dei minister est, vindex in iram ei qui malè agit.

Tertium est iniuriarum reminiscentia quæ prohibetur quum dicitur: Nec memor eris iniuriarum civium tuorum. Perniciosa enim atq; onerosa est homini recordatio iniuriarum, & grauem cordi tristitiam adducens, de qua per Salomonem dicitur. Sicut tineæ vestimento & vermibus ligno, sic tristitia viri nocet cordi. Dicere solitus erat generosi & verè magni animi vir tamen gentilis, nullius se rei citius quàm iniuriarum obliuisci.

Differt autem peccatum hoc à præcedente, quia quum illud sit studiosa voluntas se vlciscendi, istud sine vltionis sumendæ proposito sola iniuriarum cum quadam animi amarulentia molesta recordatio est. Quam Dominus è cordibus suorum omnino volens euellere. Pater meus, inquit, tradet vos tortoribus, si non dimiseritis vnusquisq; fratri suo de cordibus vestris.

Rom. 12

M
Iniuriarum
recordatio
prohibetur.
Prouer. 25

Caesar.

Mat. 18

FERIA QUINTA

post Iudica.

Sic fiat sacrificium nostrum in conspectu tuo hodie vt placeat tibi. Daniel. 3.

In hac lectione quatuor nobis consideranda proponuntur. Primum est Azaræ serui Dei intenta supplicatio. Secundum est propriæ miseræ humilis recognitio. Tertium est animæ contritæ spiritualis oblatio. Quartum est ex omnibus quæ in oratione petuntur diuini honoris intentio. Primum à principio lectionis. Secundum ibi. Quia imminuti sumus. Tertium ibi. Sed in anima contrita. Quartum ibi. Erue nos in mirabilibus.

Circa primum dicitur.

P 5

Domi

Domine Deus propter nomen tuum ne
dissipes testamentum tuū, neq; auferas mi-
sericordiam tuam à nobis, propter Abra-
ham dilectum tuum, & Isaac seruum tuum,
& Israel sanctum tuum. Quibus loquutus
es pollicens q̄ multiplicares semen eorum
sicut stellas coeli, & sicut arenam, quæ est in
littore maris.

Puerorum
in fornace
conserua-
tio.

A Lectio præsens est oratio Azariæ serui Dei qui
vnâ cū socijs suis Anania. s. & Misaele, quia statutam
auream quam rex Babylonis crexerat adorare recu-
sauerant, vestiti & ligati in fornacem succensam missi
sunt. Quo facto descendit angelus Domini cū Aza-
ria, & socijs eius in fornacem, & excussit flammam
ignis de fornace, & fecit medium fornacis quasi ven-
tum roris flantem. Incendit autem excussa flamma
quos repperit iuxta fornacem de Chaldæis, mini-
stros regis qui illam incendebāt. Tunc Azarias vini-
culis quidem exultis, sed vestimentis omnibus illæsis
solutus, cum socijs stans, vtpotè fortis in aduersis
in hunc modum orauit ad Dominū, Domine Deus
propter nomen tuū, & cætera quæ sequuntur. Quum
Dominum appellat potentiam eius confitetur.

Precatur autem ne fœdus quod olim cum popu-
lo suo pepigerat Deus nunc dissipet, neq; illos habeat,
vel quasi alienos, vel hostium loco. Ne autem videat-
ur huiuscemodi fœderis conseruationem tanq̄ rem
debitam postulare, & non magis gratiam q̄ iustu-
tiam prætere, ne auferas, inquit, misericordiam
tuam à nobis. Siquidem ex misericordia tua proces-
sit non ex meritis nostris q̄ testamentum & fœdus
nobiscum inieris..

Et quoniam ignorare non potuit populum suum
fœdus rupisse, & iugum diuinæ legis abiicisse, & tes-
tamentum

testamentum Domini multipliciter prauaricasse, & ob hoc non esse dignos quibus Dominus ipse per eos prauaricatum seruet testamentum, hinc est quod pro hominibus homines, pro prauaricatoribus offert sanctos atque acceptissimos Deo patres dei. Propter Abraham dilectum tuum, & Isaac seruum tuum, & Israël sanctum tuum. quod dicitur fatemur quidem nos indignos tua miseratione, sed patrum nostrorum qui tibi placuerunt offerimus gratiam.

Et recte quidem horum trium patrum Abraham, Isaac, & Iacob gratiam obtestatur. Nam in his tribus saluator noster Christus (quo utique mediatore patri reconciliamur) prefiguratus est. In Abraham videlicet quia egressus est de terra sua. In Isaac qui promissus fuit in victimam Deo offerri & immolari. In Iacob qui bis septem annis pro Rachele & Lya sibi copulandis seruiuit. Saluator quippe noster de caelis a regalibus sedibus quasi de terra sua, assumendo nostram mortalitatem egressus est, sicut ipse per Ieremiam loquitur, dicens: Reliqui domum meam, dimisi hereditatem meam, dilectam animam meam dedi in manibus inimicorum meorum.

Immolatus proinde fuit pro nobis omnibus in ara crucis victima preciosa. Immolatus, inquam, quia ipse voluit. Denique pro coniungenda atque desponsanda sibi Ecclesia credentium ex Iudaeis & Gentibus collecta, quum esset ipse Dominus omnium, humiliavit semetipsum formam serui accipiens & seruire dignatus est, sicut ipse ait: Filius hominis non venit ministrari sed ministrare, & dare animam suam redemptionem pro multis. Ait ergo Azarias orans ac patrum gratiam factamque ad eos Dei commemorans pollicitationem.

Propter Abraham dilectum tuum, & Isaac seruum tuum, & Israël sanctum tuum, quibus loquutus es pollicens quod multiplicares semen eorum sicut stellas caeli, & hoc quo ad bonos, & sicut arenam quae est in litore

B
Orans patrum merita allegat.

Christi typus hi tres
Gene. 12.
Gene. 22.
Gene. 29.

Iere. 12.

C
in quibus

Philip. 2.

Mat. 20.

FERIA QUINTA

re maris, quo ad malos. Itaq; & si impendendæ misericordix nobis debitor non sis, attamen tuæ gratuitæ promissioni, & veritatis tuæ stabilitati debitorem te esse gratulamur, cui proprium semper est misereri & parcere pœnitentibus, qui sicut sanctus es in omnibus operibus tuis, ita etiam fidelis in omnibus verbis tuis. Quomodo igitur tua promissio de feminis multiplicatione facta patribus implebitur, si dissipaueris testamentum tuum nobiscum.

Circa secundum dicitur.

Quia Domine imminuti sumus plusquã omnes gentes, sumusq; humiles in vniuersa terra hodie propter peccata nostra. Et non est in tempore hoc Princeps, & Propheta, & dux, neq; holocaustum, neq; sacrificium, neq; oblatio, neq; incensum, neq; locus primitiarum coram te, vt possimus inuenire misericordiam tuam.

D His verbis & suam & suæ gentis miseriam complorat & confitetur. q. d. Promissisti te genus nostrum multiplicaturum sicut stellas cœli & arenam maris, & ecce propter peccata nostra imminuti sumus, & numero, & æstimatione, plus q̄ omnes gentes. Nam quod ad æstimationem pertinet, abiecti sumus & humiles in vniuersa terra, quum non sit nobis hoc tempore, nec princeps. i. pontifex in his quæ sunt ad Deum qui offerens dona & sacrificia pro peccatis populi apud Dominum intercedat, nec Propheta superest à quo Domini voluntatem populus sciscitetur, & de cuius ore loquentem nobis Deum audiamus. Neq; dux est vllus qui dispersos colligat, collectos in vnum aquis iudicet legibus, & suo terrore populum à diuinæ legis præuaricatione coerceat, ac pro populo contra hostes armis deceret,

Rursus

D Iudæorum
inter gen-
tes calami-
tas.

Rursus neq; sacrificium superest neq; oblatio, neq; E
 incensum, neq; locus primitiarum coram te, vt possi-
 mus per hæc inuenire misericordiam apud te. Omnia
 enim hæc deficiente pontifice & templo, defecerunt,
 vt per ista vtiq; aduersum futura peccata remedia,
 & cōtra delicta præterita legitimas expiationes, pos-
 simus apud te reperire misericordiã. Idipsum etiam
 nunc & nobis plorandum est, q̄ videlicet propter
 peccata nostra indigni sumus, qui veros pastores &
 pontifices sanctos sortiamur, & q̄ assiduis agitantis
 bus nos aduersitatum & hæresum procellis, malè tur-
 bati & afflicti, dignum Deo non reddimus pœniten-
 tiæ & operum bonorum sacrificium. Quid autem ac-
 ceptissimum Domino sacrificij loco offeramus se-
 quentia manifestant.

Circa tertium dicitur.

Sed in anima contrita, & spiritu humili-
 tatis suscipiamur sicut in holocausto arie-
 tum, & taurorum, & sicut in millibus agno-
 rum pinguium sic fiat sacrificium nostrum
 in conspectu tuo hodie vt placeat tibi, quo-
 niam non est confusio confidentibus in te.
 Et nunc sequimur te in toto corde, & time-
 mus te, & quærimus faciem tuam, ne con-
 fundas nos, sed fac nobiscum secundum
 mansuetudinem tuam & secundum multi-
 tudinem misericordiæ tuæ.

Hic notatur animæ contritæ Deo semper accepta-
 bilis oblatio. Siquidem (vt Propheta ait) Sacrificiū
 est Deo spiritus contribulatus, cor contritum & hu-
 miliatum Deus non despiciet. Quasi dicat: Et si facul-
 tas desit offerre Domino in holocausta arietes & tau-
 ros & millia agnorum pinguium, saltem suscipi pre-
 camur

F
 Acceptū
 Deo sacri-
 ficiū.

FERIA QUINTA

camur in anima contrita & spiritu humilitatis, sicut à te suscipi speraremus si hæc omnia manus nostra posset inuenire. Sic, inquam, fiat sacrificium nostrum in conspectu tuo, .i. in luce conscientiæ, vt placeat tibi, quod ita confidimus futurum, quia non est confusio confidentibus in te.

Et quia non sat est contriti cordis sacrificium Deo offerre, nisi etiam in futurum vias nostras corrigamus, & summo studio vitemus exinde peccatū, ideo post prædicta subsequutus adiecit. Et nunc sequimur te scilicet iubenti obtemperando, sequimur, inquam, te in toto corde, de præteritis culpis pœnitentes, & sicut filij patrem ita & nos timemus te, & quarimus faciem tuam, hoc est misericordiam & gratiam. Non confundas nos, expectata misericordia nos frustrando, sed fac nobiscum, vt & nos auxilio tuo freti faciamus & operemur tecum, secundum mansuetudinem tuam, non secundum merita nostra, & secundum multitudinem misericordiæ tuæ, quia multa sunt peccata miseræ nostræ.

Q Cæterum vt nouerimus & ipsi quid offerre Deo pro peccatis nostris debeamus, vtiq; non modo nostra sicut Israël secundum carnem faciebat, sed magis nosmetipsos. Siquidem de corde nostro offerre debemus peccati detestationem & propositum vitæ melioris. De ore admissorum humilem confessionem, orationem, gratiarum actionem, & vocem laudis.

Colo. 3. De corpore verò mortificationem membrorum nostrorum quæ sunt super terram, & Euangelicæ crucis assiduam baiulationem. De ea nihilominus quæ extra nos est temporalis substantiæ facultate, promptâ & hylarem in pauperes erogationem. Sed operæ precium est considerare quonam modo de his quæ dicta sunt offerre Deo sacrificium possimus vt placeat in conspectu eius. Quorundam enim sacrificia quia non ritè offeruntur, reprobantur à Domino, sicut per

Esa. 1. Elaiam loquitur dicens: Quò mihi multitudinem victimarum

victimarum vestrarum & Plenus sum. Ne offeras
tis ultra sacrificium frustra. Legitim^o
sacrificandi

Intelligamus ergo sacrificium nostrum iuxta ty-
pum legis offerri debere, sine pelle, sine melle, sine fel-
le, sine fermento. ritus. 3
Leui. 1.

Primo sine pelle, ostentationis & iactantia. Hinc
enim illi Deo non placuerunt qui omnia opera sua fa-
ciebant coram hominibus vt viderentur ab eis, qui
quoniam receperunt mercedem suã, de reliquo mer-
cedem non habebunt apud patrem qui in cœlis est. H
Mat. 23.
Mat. 6.
Leuit. 2.

Secundo fieri debet sacrificium nostrum sine mel-
le propria complacētia. Propter hanc enim non pla-
cuerunt Deo ieiunia & decimæ pharisæi hinc sibi
placētis atq; iactantis sese q̄ non esset ipse sicut cate-
ri hominum. Sine mel-
le.
Luc. 18.

Tertio, sine felle iracūdia & odij & cuiusuis ama-
rulentia. Hinc enim cuiq; nostrum a Domino di-
ctum est. Si offers munus tuum ad altare, & recor-
datus fueris quia frater tuus habet aliquid aduersum
te, relinque ibi munus tuum ante altare, & vade prius
reconciliari fratri tuo, & tunc veniens offeres munus
tuum. Sine
felle.
Mat. 5.
Leui. 1.

Quarto fieri debet sacrificium nostrum sine fer-
mento culpæ, & corruptæ conscientia, sicut per Apo-
stolum dicitur. Auferte malum ex vobis. An nescitis
quia modicum fermenti totam massam corrumpit?
Qui enim offendit in vno multa bona perdet. Non
enim respicit Deus ad munera tua, nisi temetipsum
talem exhibeas vt ad te primum placatus ipse respi-
ciat. Sine fer-
mento.
1. Cor. 5.
Ecclês. 9.

Debet proinde secundum diuinæ legis præscri-
ptum oblatio nostra nonnullis conditionibus fulciri
vt Deo sit accepta videlicet vt fiat. I

Primo cum thure, deuotionis scilicet & sanctæ
orationis. Nam virtus orationis thure significatur, di-
cente Psalm. Dirigatur oratio mea sicut incensum in
conspectu tuo, Sed nisi incendatur thus non redolet,
& ora

Leuit. 2.
Cum
thure.

FERIA QUINTA

& oratio nostra nisi sancto seruore pietatis inflammetur, non redolet, nec ascendit antè Deum. Itaq; sacrificium nostrum pia semper & humilis commendat oratio.

Leuit. 2.

Cum sale.
Rom. 12.

Secundo debet fieri cum sale discretionis, vt sit rationabile obsequium nostrū, & ne quid nimis. Sicut autem sine sale cibus omnis inspidus est, ita nec Deo sapit quod offerimus, si non fuerit discretionis sale cōditum. Proinde sicut caro recens sine sale seruari diu non potest, ita nec sine discretionis cōdimento potest quisquā in exercitatione virtutum perseverare.

Cum sanguine.

Tertio debet fieri cum sanguine. i. recordatione mortis & effusi sanguinis Domini redemptoris, quia non nisi per virtutem oblationis suæ prodesse nobis ad salutem potest aut esse gratum Deo quicquid obtulerimus operum bonorum. Ipse enim est altare nostrum, super quo solo fas est sacrificia legitima Deo offerre. Nam sine fide (redemptoris scilicet) impossibile est placere Deo.

Heb. 11.

Leui. 12

Cum integritate.

Quarto debet fieri cum omnimoda integritate: Nam deamputatis aure & cauda, vel mutilatis aut imperfectis, sacrificium fieri prohibetur. Quo nimium perseverantia nobis commendatur. Non enim qui quantumlibet bene inchoauerit, sed qui perseverauerit vsq; in finem hic saluus erit.

Mat. 10.

Circa quartum dicitur.

Erue nos in mirabilibus tuis, & da gloriam nomini tuo Domine. Et confundantur omnes qui ostendunt seruis tuis mala. Et sciant quia tu es Dominus Deus solus & gloriosus super omnem terram.

K

1. Cor. 10.

Hic docemur ex omnibus quæ orantes petimus diuini nominis honorem intendere, iuxta quod docet Apostolus, dicens: Siue comedatis siue bibatis, siue aliud quid facitis, omnia in gloriam Dei facite. Hinc enim

enim tota bonitas operum nostrorum coram Deo pensatur. Non ergo Deum in necessitate vel tribulatione qualibet constituti inuocantes in hoc finem constituere debemus, vt videlicet inde liberari propter nos ipsos finaliter petamus, sed potius precari debemus vt nos eruens in mirabilibus suis det inde gloriam nomini suo, vt hinc ab omnibus cognoscatur, timeatur, & honoretur, secundum quod per Psalm. Non nobis Domine non nobis, sed nomini tuo da gloriam.

FERIA SEXTA

post Iudica.

Domine omnes qui te derelinquunt, confundentur. Ieremiae. 17.

In hac lectione quatuor insinuantur. Primum est desertium Dominum perpetua confusio. Secundum est Prophetæ ad Dominum deprecatio. Tertium est propheticae prædicationi impiorum insultatio. Quartum est denunciata peruersorum futura punitio. Primum à principio lectionis. Secundum ibi. Sana me Domine. Tertium ibi. Ecce ipsi dicunt. Quartum ibi. Confundantur qui me persequuntur.

Circa primum dicitur.

Domine omnes qui te derelinquunt, confundentur, recedentes à te in terra describentur, quoniam dereliquerunt venam aquarum viventium Dominum.

Confundi solet homo dum ab eo desituitur & frustratur in quo spem suam vel maxime posuerat. Ait ergo, Domine omnes qui te vel per idolatriam vel per quamcunq; mortalem culpam derelinquunt,

Q confundentur.

A Confundit, quid sit.

FERIA SEXTA

In terra scribi quid sit, confundentur aeterna confusione, nisi fortè dum tempus est poenitendi respiscant. Recedentes à te per viam tam impiam, & ad vana se couertentes, de libro viuentium deleti, in terra scribentur, cum his qui non nisi terrena sapiunt. Et quia terra mollis est, quod in ea scribitur, citò deletur. Peribit quippè de terra memoria eorum. Et sicut boni & iusti scribuntur in caelo (prout à Domino Apostolis dicitur, nomina vestra scripta sunt in caelis) sic isti caelo reprobis, in terra scribentur, quia nihil boni habent nisi in terra. Vocauerunt quippe nomina sua in terris suis, de quibus etiam per Ezechielem Dominus loquitur, dicens; In consilio populi mei non erunt, & in scriptura domus Israël non scribentur, nec in terram Israël ingredientur.

B Porro literæ quibus isti in terra miseræ & tenoribus scribentur, diuitiæ fragiles sunt & delitiæ atque voluptates carnis periturae, honores proinde vani, & ambitio huius sæculi. Et quanto magis terræ per hæc tria quispiam inscribitur, tanto magis à scriptura sanctorum, & à libro viuentium elongatur.

Causam quare scribendi in terra & è caelo delendi sunt subdit Propheta dicens: Quoniam dereliquerunt venam aquarum viuentium Domini, & foderunt sibi cisternas dissipatas quæ non valent aquas continere, aure furda vocem inuitantis prætereuntes, qua dicit, Si quis sitit, veniat ad me & bibat, & de ventre eius fluent aquæ viuae. Quod dixit de spiritu quem accepturi erant credentes. In quibus gratiæ caelestis inundatio, non modo malarum cupiditatum sitim extinxit, sed insuper ab eis doctrinæ & sapientiæ salutaris flumina in alios deriuatur, quæ possint etiam spiritualiter mortuos viuificare & viuentibus in Domino vitam seruare. Vnde & alio loco Dominus ait: Qui biberit ex aqua quam ego dabo ei, fiet in eo fons aquæ salientis in vitam æternam.

Circa secundum dicitur.

Sana

Sana me Domine & sanabor, saluum me fac & saluus ero, quoniam laus mea tu es.

Hic ponitur pia Prophetæ deprecâti oratio. Clamans enim ad medicum & dicit. Sana me Domine, infirmitatem constetur. Ac si dicat: Misere mei Domine quoniã infirmus sum. Et sanabor, inquit. Tunc enim sanitas medicinã sequitur, quando medicus ipse Deus animæ sanitatem impartitur. Medici complures curauerunt Emorroissam, sed à nullo sanari potuit, nisi ab illo qui totum hominem potens sanum facere verus est medicus malè habentibus oportunus. Propter hoc laus mea tu es, inquit. Hoc est. Gaudium meum, gloria mea. Hoc dicere potest qui relictis huius seculi vanitatibus, in solo Deo latatur. Non ergo gloriatur sapiens in sapientia sua, nec fortis in fortitudine sua: & non gloriatur diues in diuitijs suis, sed in hoc gloriatur qui gloriatur, scire & nosse me.

Itaq; quia peruerso amore rerum mundanarũ anima peccatrix inficitur & infirmatur, decipitur & fraudatur, & veri boni gustu perditò, desiderijs suis vana, nunc hæc mox illa requirit non valens inuenire requiem, quæ per amicitiam huius mundi iram Dei sibi thesaurizauit, clamat ad medicum qui potest eam reficere & sanare, clamat & dicat, Sana me Domine & sanabor, Frustra in alios mendaces animæ medicos (terrena videlicet solatia) substantia erogatur, quandoquidem hinc & peius ægrotabit. Nam mundi huius desiderabilia & vanæ mortalium voluptates, cisternæ sunt inutiles & dissipatæ, quæ aquas stabilis gaudij nequaquã valent continere.

Circa tertium dicitur.

Ecce ipsi dicunt ad me: Vbi est verbum Domini? Veniat. Et ego non sum turbatus te pastorem sequens, & diem hominis

C
Pia Pro
phetæ ora
tio.

Luc. 8.
Ioan. 7.

Iere. 9.

Amor mū
di vt ani
mā perue
tit.

Q 2 non

FERIA SEXTA

non desyderauit tu scis. Quod egressum est
de labiis meis rectum in conspectu tuo fuit.
Non sis mihi tu formidini spes mea in die
afflictionis.

D Hic ponitur aduersus prophetica[m] denunciatio-
nem impiorum insultatio. Insultabat enim synagoga
Peruersi vt Prophetæ insultabāt.
hominum perfidorum Prophetæ, excidium ciuitatis
& templi & impiæ gentis transmigrationem prædi-
centi, & dicebāt: Vbi est verbum Domini? Nequaquā
ventura credentes quæ Prophetæ denunciabat, dila-
tionem malorū dissimulationem arbitrantes, Veniat
inquiunt, hoc est, Videamus si verū dicis: Quibus dis-
similes non sunt, qui cōminationibus diuinis per cœ-
lestis verbi præcones non terrentur. Qui sanè, vel nō
credentes diffidere, vel certè si credunt, contemnere,
& cōtemnentes, insanire cōuincuntur. Sed vā deside-
rantibus diem Domini, qui tentare volunt & experi-
ri, quæ sibi in die illa superuentura sunt. Sed quid inter
hæc & horū insultationes pius Domini Prophetæ

E Et ego, inquit, non sum turbatus te pastorem se-
quens, i. inter eorū insultationes & minas, tua sequēs
Prophetæ constantia. mandata securus sum. Ille in via turbatur, qui eā per
quam debet incedere non valet inuenire. Ego autem
(inquit) viam bonā te duce, te pastore, ingressus sum.
Et illis in sua perfidia dicētibus: Vbi est? Veniat, ego
non sum turbatus sequēs te pastorem, viuificantem,
& saluatorem animæ meæ. Et hoc ideo. Quia diem
hominis non desyderauit, tu scis.

D Diem hominis dicit, vitam longiorem, humanam
laudem, mortalium fauorem, vanos huius sæculi hon-
ores, mundi prospera, carnis voluptates. Hæc sunt
enim quæ secūdum hominem desyderātur. Quisquis
autem hæc non quærit sed cōtemnit, etiam contume-
lias & aduersa non sentit. Ego non sum turbatus, in-
quit, te pastorem sequēs, sicut turbarer sæculi huius de-
syde

Diem ho-
minis de-
sydere
quid sit.

syde
Chri-
tur
Ver-
& e-
&
bus
est v-
qua
sicut
sum
q. d.
sis.
nur-
rat.
obe-
tur
for-
tute
diu-
qu
Sec-
tur
hu-
stis
nor-
rec-
hab-
ctu
fio-
lio
spe-
cer-
mo-
qu

syderabilia & vanitates sectando. Nam quanto quis Christum de propinquo sequitur, tanto minus turbatur & minus sentit laborem, sicut ipse testatur dicens: Venite ad me omnes qui laboratis & onerati estis, & ego reficiam vos. Tollite iugum meum super vos, & post pauca sequitur. Et inuenietis requiem animabus vestris. Iniquè igitur ipsi dicunt mihi, inquit, ubi est verbum Domini? Veniat, quia non sum mentitus quæ ventura sunt eis in nomine Domini prædicendo, sicut ipsi me putant esse mendacem. Nam quod egressum est de labijs meis, rectum in conspectu tuo fuit. q. d. In cælo est testis meus, & conscius meus in excelsis. Qui enim in cælo sibi testem habet, is & si non nunquam ab hominibus in mundo vituperatur non curat. Sed testem in cælo Deum non habet, nisi qui per obedientiam hunc in terra sequitur. Tales enim non turbantur in vultu Domini, sed rectè incedunt præcesore Domino, nec lassantur. Ipse est enim qui dat virtutem lassio.

In præmissis tria notantur quæ necessaria sunt testi diuinæ veritatis. Primum est patientiæ longanimitas quum di. Ego non sum turbatus te pastorem sequens. Secundum est vera mentis humilitas, quum subinfertur. Et diem hominis non desideravi tu scis. i. gloriam huius sæculi (vt dictum est) hoc tu scis qui iudex & testis es. Postremò requiritur doctrinæ veritas, quod notatur quum dicit: Quod egressum est de labijs meis rectum in conspectu tuo fuit. Quum ergo hæc ita se habeant (inquit ad Dominum loquens Propheta sanctus.) Non sis mihi tu formidini spes mea in die afflictionis. q. d. Da mihi fiduciam, vt per hanc auxilio tuo fortis & inconcussus consistam.

Spes mea in die afflictionis. Nam in tempore prosperitatis spes minus exercetur, quàm tunc potius exerceri timor debeat, vt in die bonorum memor sit homo malorum, dicente Domino: Vae vobis diuitibus qui habetis consolationem vestram, sed magis exercens

Q 3 da spes

Mat. 11.

F

Iob. 16.

Bene sibi
consciis
non cito
turbatur.

Esa. 40.

Tria ha-
beat testis
diuinæ ve-
ritatis.

G

Spes quæ
do debeat
exerceri.
Eccli. 11.
Luc. 6.

FERIA SEXTA

da spes est in die tribulationis, nam & sydera non nisi in nocte lucent. Quoniam igitur verū est quod egres- sum est de ore meo, & q̄ diem hominis (te teste) non desyderauī nec sum turbatus te pastorem sequens, propterea vt sequitur.

Circa quartum dicit.

Confundantur qui me persequuntur & non confundar ego, paueant illi, & non paueam ego. Induc super illos diem afflictionis, & duplici contritione contere eos.

Hic denunciatur pueris hominum futura punitio. Vbi Propheta tria mala illis p̄dicat potius q̄ exoptet, videlicet confusionem, pauorem, & duplicem contritionem, de primo dicit.

Confundantur qui me persequuntur, propter verbum Domini, & dicūt exprobrātes. Vbi est verbum Domini & Veniat. Isti proculdubio propria decepti perfidia & incredulitate, quū venerit super eos quod p̄dictum est, vtiq̄ confundentur. Qui vtiq̄ antē tempus supplicij, salubri confusione de suis sceleribus erubescerent confunderētur & cōuerterentur ad Dominum. Hoc enim illis aliis imprecatur Propheta dī, Imple facies eorū ignominia, & quærent nomen tuū Domine. Et nō confundar ego qui credidi & speraui in te Domine, qui vera p̄dico, non confundar, hoc est, a te non derelinquar, te seruāte confusionis causam (peccatum. s.) non habeam, & confusionem coram hominibus propter nomen tuum sustinere non timeam, & hæc ipsa quam sustineo, non ignominiam, sed magis gloriam confusio adducat.

De secundo dicit: Paueant illi. i. pauebunt illi quum eis superuenire cōperit quod denuncio, & ego illud non pauebo, sciens q̄ a dextris est mihi Deus, qui me tueatur. Potest nihilominus & optantis esse dictum. Paueant illi Deū. s. & cōminationes eius, vt & peccata

H
Triā mala
imp̄s su-
peruētura.
Confusio.

Confusio
bona.

Pauor.

re des-
brare
habe
D
i. vlt
suis
tion
rum
per
dupl
F
stat
moi
tes:
Si d
suz
nier
Sub
Jan
mo
nes
bar
ne
&
nes
illu
ne
ma
sag
egi
tri
wa
eit
res

re desistant, & verbum Domini mihi cessent exprobrare, & non paueam ego. i. causam pauoris ego non habeam. i. tuæ maiestatis offensam.

De tertio dicit. Induc super illos diem afflictionis, i. vltionis & captiuitatis, vt vel captiui à facinoribus suis pessimis quiescentes respiscant. Et duplici cōtritione cōtere eos, gladio. f. & fame, & hoc quoad eorum corpora, sed quoad vtrumq; corpus. f. & animā, per vtriusq; missionem in gehennā, quasi contritione duplici, nunc & in æternum conteres eos.

Porro cōminationes istæ (quod ad allegoriā spectat) illos petūt, qui sicut in lectione Euangelica memoratur, collegerunt consilium aduersus Iesum dicentes: Quid facimus? quia hic homo multa signa facit. Si dimittimus eum sic, omnes credent in eū. Causam suæ sollicitudinis quasi rationabilem adhibētes. Et venient Romani & tollent nostrum locum & gentem. Sub potestate nempè Romani imperij tunc erant. Iam enim ablatū erat sceptrum de Iuda, & dux de femore eius, & Pontius Pilatū Romanæ gentis hominem præsidem habebāt. At illi quia tantopere metuebant pruinā, venit super eos nix, & duplici contritione cōtriti sunt. Nam & locū & gentem perdiderunt, & deleti de libro viuentium, in terra scripti sunt.

Bene ergo lectio præsens præmittitur aduersus canes illos qui Dominum circumdederunt, & aduersus illud concilium malignantiū quod obsedit eū, Domine omnes qui te derelinquunt confundentur. Deniq; malignam illorū sollicitudinem Propheta mente præfaga conspiciens, paueant, inquit, illi & non paueam ego. Induc super eos diem afflictionis, & duplici cōtritione contere eos, quod & factum est per Romanæ Reipub. principes Vespasianum & Titum filium eius, quando propter scelus in Dei filium cōmissum, regno Dei perditō etiam locum & gentem amiserūt.

I
Contritio
duplex.

Iudges pe
tunt dicte
cōminatio
nes.
Ioan. 11.

Gene. 49.

K
Iudex in cō
cilio cōtra
Iesum qua
les.

Mat. 23.

SABBATO
post Dominicam Iudica.

Venite cogitemus contra
Ieremiam cogitationes.
Ieremæ .18.

In hac lectione tria descri-
buntur. Primum est maliciosa
impiorum contra iustum con-
spiratio. Secundum est. Per orationem & innocen-
tiam iusti aduersum illos defensio. Tertium est, aduer-
sum impios diuini furoris terribilis annuntiatio.
Primum à principio lectionis. Secundum ibi. Attende
Domine ad me. Tertium ibi. Propterea da filios eorū.
Circa primum dicitur.

Dixerunt impii. Venite cogitemus con-
tra Ieremiam cogitationes. Non enim pe-
ribit lex à Sacerdote, neq; consilium à sa-
piente, nec sermo à Propheta. Venite per-
cutiamus eum lingua, & non attendamus
ad vniuersos sermones eius.

A Simile aliquid alio loco scriptum est. Circumue-
Sap. 2. niamus iustum quoniam inutilis est nobis, & contra-
rius operibus nostris & improperat nobis peccata
legis, & diffamat in nos peccata disciplinæ nostræ,
& promittit scientiam Dei se habere. Antiquum est,

Amos. 5. odium incurere, qui arguit criminosos. Vnde & per
Prophetā dictum est. Odio habuerunt corripientem
in porta, & loquentem perfectè, abominati sunt, sicut
1. Reg. 22. in Michæa Propheta patuit, de quo ait rex Achab.

Est vir per quem possumus sciscitari Dominum
Michæas filius Iemla. Sed ego odi eum, quia nō pro-
phetat mihi bonum, sed malum. Vnde & postmo-
dum hunc quia veritatem denunciauerat, coniecit in
vincula. Sed & Sedechias Pseudopropheta percussit
Michæam

Michæam in maxilla, quia prophetas falsos nō à Deo afflatos, sed à mendaci spiritu seductos esse, constāter asseruit. Egressus enim fuerat Deo permittente spiritus mendax, & ingressus in mentem & ora omnium pseudoprophetarum.

Talem utiq; spiritum his nostris temporibus ad intima sua ij admississe videntur, qui sanctæ matris ecclesie præcepta nullius pensi faciunt. Mandata vero diuina (quum tamen se doctores gerant) vel supprimūt, vel relaxant, ad suam voluntatem illa sibi interpretantes, & quod nimis est impium, blasphemantes affirmant ea impossibilia esse seruari, voluntaria præuaricantium peccata detestabili mendacio in Deum torquere ausi, & confirmantes manus pessimorū fouent in peccatis eos qui voluptatum amatores magis sunt q̄ Dei. Ex quorum persona per Esaiam dī. Loquimini nobis placencia, videte nobis errores, auferte à me viam, declinate à me semitam, Nimirum displicet eis tam via cœlestium mandatorum, quàm semita consiliorum.

Venite, inquiunt, cogitemus contra Ieremiam cogitationes. Et hæc quidem inspiētes & maligni tunc contra Dei Prophetam, postmodū vero posteri eorum aduersus Dei filium Dominum prophetarū conspirauerunt, vt mensuram patrum suorum & ipsi implerent. Nunc autem eodem dæmone qui illos tunc agitabat impellente, hæretici & pessimi quicq; eadem contra Dei seruos moluntur, vt hos confictis calumnijs & criminationibus falsis præmant, non aduertentes quid illi loquantur veritatis, sed potius in cubili suo meditantes: quibus machinis perdant meliores se, quos gratis oderunt. Venite, inquiunt, cogitemus.

Circa quod considerare libet quemadmodū comlices & sibi similes ad se inuitēt, Malitiosi, Voluptuosi, Ambitiosi, & virtuosi.

Malitiosi enim inuitant sibi similes. Primo, ad excogitandum subtiliter & dolose, & ad confingendū

B
Qualis spiritus ingressus sit in nonnullos.

2. Tim. 3.

Esa. 30.

Mat. 23.

C
4. genera hoim inuicentium similes sibi.

Q. 5. ca. qui

ea quibus homines simplices et pios possint illaqueare quum dicunt, Venite cogitemus contra Jeremiam cogitationes. Secundo ad perficiendum quod nequiter ab eis confictum et excogitatum est, quum dicunt, Venite percutiamus eum lingua, famæ suæ post tergum eius coram hominibus derogando, vel ipsum accusando pertinaciter & inuidiose. Et quidem acerbū vulnus est quod horum lingua quasi gladio acuto infligitur. Siquidē ut ait Sapiens, Flagelli plaga liuorem facit, plaga autem linguæ comminuet ossa. Sic Christum Iudæi lingua percusserunt, quando mendaciter hunc accusantes coram præside dixerunt, Si non esset hic malefactor, non tibi tradidissemus eum. Rursus quando linguis suis ipsum crucifigentes, violenter & seditiose clamabant, Tolle tolle crucifige eum. Et nō attendamus, inquit, ad vniuersos sermones eius, nulam ipsius quantumuis iustam & rationabilem excusationem vel audientes, vel sustinentes, aut prolatam ab ipso veritatem aliquatenus admittentes.

D Sed aduerte quorum autoritate fulti cauteriatam conscientiam suam, & malitiam confirmant. Iactant enim in sacerdotibus suis & sapientibus & pseudo prophetis Dei legem, consilium rectum, et eloquium veritatis permanere, dicentes: Non enim peribit lex à sacerdote, nec consilium à sapiente, nec sermo à propheta, quum tamen reuera in maleuolam animam nō introeat sapientia, nec habitet in corpore subdito peccatis. Dicebant ergo (tametsi vane) pseudoprophetas suos diuinæ legis habere scientiam, & sapientibus suis (qui nimirum sapientes erant tantum ut facerent mala) rectum & vtile consilium inesse. Ecce quorum fulti præsidij homines pessimi optimis quibusq; perniciam moliantur.

Recurrunt enim scelerum suorum defensores ad sacerdotes. i. præcipuos & magnos in ecclesia prælatos, qui dominantur populo Dei, qui grandia iubent, quum nec minima faciant ipsi. Recurrunt etiam ad sapientem.

Eccli. 28.

Ioan. 18.

Ioan. 19.

Quibus
auctoribus
crimina
defendantur.

Sap. 1.

Iere. 4.

ientes, terrena videlicet sapientia, quorum sapientia inimica est Deo. Legi enim Dei non est subiecta, nec enim potest. Hos practicos appellant, robustos. i. iustitiæ defensores, reuera autem iustitiæ subuersores, iustificantes impium pro muneribus & iustitiam iusti auferentes ab eo. Deniq; ad prophetas. i. viros prauos atq; peruersos, nomine tamen & habitu ac professione religiosos, diuinæ legis interpretes & prædicatores. Vix in rep. malū aliquod grande cernimus exoriri, quod non ab his vel eorum aliquo vel proficiscatur vel defendatur.

Secundo inuitant sibi similes voluptuosi dicentes. Venite fruamur bonis quæ sunt, vt amur creatura tanquam in iuuetute celeriter. Vino precioso & vnguentis nos impleamus, & non prætereatur nos flos temporis. Coronemus nos rosis antequam marcescāt. Nihil pratum sit quod non pertranseat luxuria nostra. Nemo nostrum exors sit luxuriæ nostræ. Vbiq; relinquamus signa lætitiæ nostræ, quoniā hæc est pars nostra, & hæc est sors nostra. Hæc dixerunt & errauerūt, excæcauit enim eos malitia eorum. Nam vox hæc illorum est qui de futura post hanc vitam beatitudine desperant.

Tertio inuitant similes sibi superbi & honorum ambitiosi dicentes. Venite faciamus nobis ciuitatem & turrim, cuius culmen pertingat ad cælum, & celebremus nomē nostrum. Isti quum sint exinaniti veritate, & vanitate quasi vento distenti, immensos subeunt labores, vt tandē aliquo modo faciāt sibi nomen, turremq; hoc est titulū quemlibet illustrem, quo longe lateq; sint hominibus cōspicui, quasi putēt hoc modo ad cælum vsq; se posse pertingere. Sed qui superbis resistit Deus, hos confundit, ascendētibus sibi contradictoribus plurimis ex aduerso, ita vt plerunq; vbi gloriam quærebant reperiant ignominiam.

Quarto similes sibi inuitāt boni & virtuos, tamen si per paucos inueniant auscultatores, & dicunt. Venite exultate

E
Rom. 8
Sapientes
qui practici
vocetur
Esa. 5.

Sap. 21

F
Gene. 11.

Superbos
laborare.

1. Pet. 5.

SABBATO

exulemus Domino iubilemus Deo salutarī nostro,
 Vbi primo monemur præoccupare faciem Domini
 in cōfessione, & sic laudis iubilo adorare Deum, pro-
 cidere per mentis humilitatem ante Deum, plorareq;
 ante Dominum qui fecit nos, quatenus ipse per grati-
 am suam nos rescire, & reparare dignetur. Sed (vt di-
 ctum est) inuitatoriū hoc aduertunt pauci. Porro qui
 sic inuitati venire recusant, quum & ipsi clamauerint
 ad Deum, nō exaudientur, sicut per Salo. dicitur. Qui
 declinat aurem suam ne audiat legem, oratio eius erit
 execrabilis,

PRO. 28

Circa secundum dicitur.

Attende Domine ad me, & audi vocem
 aduersariorum meorum. Nunquid reddi-
 tur pro bono malum, quia foderunt foue-
 am animæ meæ? Recordare quòd steterim
 in conspectu tuo vt loquerer pro eis bonū,
 & auerterem indignationem tuam ab eis.

G
 Iusti cōtra
 aduersari-
 os defenso

Ecce iusti pro semetipso contra aduersarios defen-
 so. Quippe scutum orationis prætendit, vt hostium
 iaculis non succumbat. Per orationem enim & fide-
 ctam in Deo fiduciam, innocens se tutū fore confidit.
 Qui vt exaudiri mereatur in oratione sua. Primū al-
 legat suam innocentiam quum dicit. Attende Domi-
 ne ad me. Nam innocens manibus & mundo corde
 benedictionem accipiet à Domino. Deinde illorum
 erga se scuitiam & maleficientiam, quum dicit: Audi
 vocem aduersariorum meorum.

H
 Deū & su-
 os, ptegere
 & humili-
 are super-
 bos.

Deniq; suam in illos benevolentiam, quū subdit,
 Nunquid redditur pro bono malum, quia foderunt
 foueam animæ meæ. Porro Deum audire vocem su-
 is aduersantium & superbiorum, vel per hoc patet: q;
 quū impius rex Sennacherib per suos seruos expo-
 brasset Ezechia regi Iuda, & blasphemasset nomen

Domina

Domini, dictum est à Domino per Esa. prophetam ad Ezechiam. Pro quibus rogasti me, hoc est, verbū quod locutus est Dominus super eum, qui despexit te, subsannauit te virgo filia Sion. Cui exprobrasti, & quem blasphemasti, & super quem exaltasti vocem tuam, ad sanctum Israel? Audiuit ergo Dominus & orationes sibi deuotorum, & superbas comminationes & exprobrationes impiorum, inter hos & illos ita dijudicans, vt illos liberans eorum iniuriam vindicaret, et hos perdens superbiam eorum humiliaret. Ait enim ad aduersariū loquēs, Habitationem tuam, & egressum tuum, & introitum tuum ego cognoui, & insaniam tuam contra me. Quum fureres aduersum me superbia tua ascendit in aures meas. Ponam ergo circulum in naribus tuis, & frenum in maxillis tuis.

Possunt autem hæc quæ locutus est Iere. de se & aduersarijs suis secundū allegoriā referri in Christū, cuius typum idē Propheta gessit. Ait enim quū à Iudæis ei mala pro bonis redderentur. Multa bona opera ostendi vobis à patre meo, propter quod eorum opus me lapidatis: Dicat ad patrem. Posuerūt aduersum me mala pro bonis, & odiū pro dilectione mea. Nectamen inter hæc siue Ieremias, siue Christus ipse, vltionem de eis expetit quo omnino pereant, sed suam Deo commendans innocentiam, & ab eorū violentia liberari, & eos per iustę animaduersionis flagellum emēdari, deposcit. Recordare, inquit, q̄ sieterim in conspectu tuo vt loquerer pro eis bonum, & auerterem indignationem tuam ab eis. Quo patet Prophetā aduersariorum suorum salutem quæsisse: sicut & Dominus ipse pro suis crucifixoribus orans dicebat, Pater ignosce illis quia nesciunt quid faciunt.

Circa tertium dicitur.

Propterea da filios eorum in famem, & deduc eos in manus gladii, Fiant vxores eorum

Esa. 37.

Ibidem.

I Allegoria
ce.

Ioan. 10

Luc. 23.

SABBATO

rum absque liberis & viduæ, & viri earum interficiantur morte. Iuvenes eorum confodiantur gladio in prælio, audiatur clamor de domibus eorum. Adduces enim super eos latronem repente, quia foderunt foueam vt caperent me, & laqueos absconderunt pedibus meis. Tu autem Domine scis omne consilium eorū aduersum me in mortem. Ne propitius iniquitati eorū. Et peccatum eorum à facie tua nō deleatur. Fiant corruentes in conspectu tuo in tempore furoris tui.

K Metuende calamitatis denunciatio. Hic denunciatur aduersum impios diuini furoris executio. Propterea, inquit, videlicet quia reddūt mihi mala pro bonis: da. i. dabis filios eorum in famem, qua longo macerati supplicio ante parentum oculos pereant, & patres ipsi peribunt hostium gladio, vt futuræ rei prænunciatio sit, non exoptantis imprecatio, tametsi Propheta iustitiæ diuinæ consentiat. Tale est illud quod B. Petrus ad Simonem Magum loquens

Act. 8 ait, Pecunia tua tecum sit in perditionem, quoniā existimasti donū dei pecunia possideri. Vbi ait B. Greg. Iusti cum sententiam maledictionis proferunt, nō ad hanc ex voto vltionis, sed ex iustitia erumpūt: et ideo in maledicto non peccant, quia à Dei iudicio non discordant. Puniuntur autē nō solum in se patres impij, sed etiam in filijs, suos patres imitantibus. Vel ideo certe malorū parentum filij puniuntur, vt per hoc documentum efficax posteris detur, ne exemplum vlti sceleris imitentur. Deduc. inquit, eos in manus gladij i. in potestatem inimicorū qui hos gladio trucident. Fiant vxores eorū absq: liberis & viduæ, hoc est, duplo orbata, & quasi bis viduæ, dum earum viris gladio

dio interemptis, etiam liberorū solatio destituantur.
 Calamitas hæc crucifixoribus Christi superinducta
 est. Puniti sunt enim & in se & in filijs, quibus vltio-
 nem sanguinis filij Dei hæreditarie reliquerunt dicen-
 tes, Sanguis eius super nos & super filios nostros. Au-
 diatur clamor de domibus eorum, magnitudinē des-
 gnat angustix quam prodit vlulatus. Adduces enim
 super eos latronem repente. Et hoc quidem comple-
 tum fuit superstite Propheta, quando interrupta à vi
 hostium est ciuitas, spoliata, & exusta. Postmodū ve-
 ro in vltionem mortis Christi itidem horrendo ma-
 gis completum est exemplo, quādo Romani locum
 eorum & gentem tollentes, incomparabili clade, im-
 pijsimam gentem exterminauerunt. Sequitur. Et la-
 queos absconderunt pedibus meis. Sicut et alio loco
 scriptum est, Inuenti sunt in populo meo impij insidi-
 antes, quasi aucupes, & laqueos ponentes & pedicas
 ad capiendos viros. Caterum. Ne propitieris, inquit,
 iniquitati eorum, intelligendū est sicut priora, vt nota
 imprecatio sit, sed denūciatio. Vel si quis imprecatio-
 nem esse cōtendat, intelligendū est, hanc ex iustitiæ ze-
 lo procedere, non ex desiderio vindictæ. Quia, inquit,
 misericordia tua abusi sunt quum dares eis tempus ad
 pœnitendum & respiscere noluerūt, sed abusi sunt eo
 per superbiam. Fiant corruentes in cōspectu tuo. Im-
 pegerunt enim in lapidem offensionis & in petram
 scandali.

FERIA SECUNDA

post Dom. Palmarum.

Dominus Deus aperuit mihi aurem,
 Ego autem non contradico, retror-
 sum non abii. Esa. 50.

In hac lectione quatuor nobis considerāda propo-
 nuntur. Primum est prompta Christi ad patrem obe-
 dientia. Secundū est ipsius inuicta patientia. Tertium
 est, Prænunciata hominū impiorū pœna. Quartū est,
 ad Do-

Mat. 27.

M
Latro su-
peraddu-
ctus.4. Reg. 24.
Ierc. 39.

Ierc. 5.

FERIA SECUNDA

ad Dominum conuersis concessa fiducia. Primum in principio lectionis. Secundum ibi. Corpus meum dedi. Tertium ibi. Ecce omnes quasi vestimentum. Quartum ibi. Quis ex vobis.

Circa primum dicitur.

Dominus Deus aperuit mihi aurem, ego autem non contradico, retrorsum non abii.

A
 Typus
 obediētię
 Christi.

Hęc dicit Propheta ex Christi persona loquens, cuius hic describitur promptissima ad imperium patris obedientia. Dominus Deus, inquit, aperuit mihi aurem: hoc est reuelauit mihi voluntatem suam. Ego autem ipsius voluntati non contradico, retrorsum non abii. i. non subterfugi quo minus verba eius intrepidus proferre. Imò nec vel mortis terrore quę ad humani generis salutem spectant operari destiti. Et quoniam ad obediendum minus idoneus est, quisquis in rebus aduersis per impatientiam frangitur, ideo subditur.

Circa secundum dicitur.

Corpus meum dedi percutientibus, & genas meas vellentibus. Faciem meam non auerti ab increpantibus & conspuentibus in me. Domine Deus auxiliator meus, & ideo non sum confusus. Ideo posui faciem meam vt petram durissimam, & scio quoniam non confundar. Iuxta est qui iustificat me. Quis contradicit mihi? Stemus simul. Quis est aduersarius meus? Accedat ad me. Ecce Dominus Deus auxiliator meus. Quis est qui condemnet me?

B Hic sub figura Prophete notatur Christi Domini nostri inuicta patientia. Corpus meum, inquit, dedi. Nota

di. Non alienum. Holocaustum enim & pro peccato non postulasti, corpus autem, passibile. s. & mortale, aptasti mihi, vt tibi illud pro peccatis humani generis offeram. Nō autē sanguinolentas quaslibet hostias carni alienam, sed corpus meum ē virgine matre cooperante spiritu sancto conceptum & natum, innocuum, impollutum, sacrosanctū diuinitatis templum. Et hoc quidē spontaneus dedi non coactus. Dedi autem libere, non cuiusquam meritis quasi debitū reddidi, sed nec vendidi, passionum mearum mercedem ab hominibus expectans.

Deniq; nec commodauī, imō prorsus dedi. Filius quippe datus est nobis. Dedit enim nobis sacratissimam humanitatē suam in exemplum sustinendæ paupertatis & laboris. Dedit in precium redemptionis. Deniq; in viuificum animarum nostrarum pabulum & cibum in Eucharistiæ sacramento, di. Ego sum pater his viuus qui de cælo descendit. Si quis ex ipso manducauerit, viuet in aternū. Tandem vero daturus est semetipsum in premium, his. s. qui regem in decore suo videbunt: regem inquam etiam angelicis virtutibus desiderabilem. In ipsum quippe desiderāt angeli prospicere. Quod autem in passione corpus suum dedit ad arbitrium aliorum, vt quæ illi vellent pateretur: patet per illud quod sequitur.

Corpus meum dedi percutientibus, nō resistendo nec comminando. Et genas meas vellentibus. Quid enim pati recusaret iniuriarū, qui percutientibus non modo corpus dedit, sed etiam genas suas vellentibus. Vulsio quippe genarum nō solum acerbi doloris, sed etiam contemptus maghi & extremæ inhominæ & irreuerentiæ est. Et quod his est despectus. Faciem meam, inquit, non auerti ab increpantibus & conspuentibus in me. O facies veneranda, ô facies amanda, quanto pro me vilior insipientibus & malignis, tanto mihi carior es, quia pro meorum expiatione peccatorum ad hæc tam indigna perferenda, celsitudinem

R tuam

Mira christi
sti præfigu
rata patientia.

Heb. 10.

Esa. 9.

Humanitas filii nostri
bis dedit
ad multa.
Ioan. 6.

Esa. 33.

1. Pet. 5.

C

Quam indigna christus sustinuit.

FERIA TERTIA

tuam inclinasti. Sed quoniam caro infirma est tamen spiritus promptus sit: ideo necesse habuit assumpta humanitas, diuinitatis ope fulciri. Vnde sequitur.

Dominus Deus auxiliator meus & ideo non sum confusus. q. d. Quod hæc potui sustinere non à me homine est, sed ab auxiliante Deo. Et ideo non sum confusus, qui in hoc adiutore totam fiduciam collocaui. Illis iridentibus & me percutientibus confusus non sum, quia resurrectionis gloriam non incertus speraui. Itaque posui faciem meam vt petram durissimam, i. percutiendam & vellendam, conspuendam & iridentem. Et scio, inquit, quoniam non confundar ab expectatione mea: imò hæc ipsa mea passio temporalis, sempiternam adducet gloriam. Iuxta est enim qui iustificat me.

Cōsciētia
bona secura sit.
Luc. 5
Ioan. 8.

Nimirum mens bene conscia, conseruat patientiam. Quis enim hæc condemnet quam Deus ipse qui eam per gratiam inhabitat, iustificat? Iustificauit filium suum pater dicens, Hic est filius meus dilectus, in quo mihi bene complacuit. Vnde et ipse filius ait, Qui me misit mecum est, & non reliquit me solum, quia quæ placita sunt ei, facio semper. Itaque qui fieri posset vt blasphemantibus & conspuentibus me aduersarijs, ipse me deserat pater qui mihi auxilietur? Quis contradicet mihi, me verbis impugnando & calumniando dicens me peccatorem, & à Deo non esse, vbi mihi patris testimonium suffragatur, & ab huiusmodi falsis criminationibus defendit? Stemus simul. i. veniat & dicat quæcunq; dicere illi libitū fuerit in me. Quis est aduersarius meus? dicens me morte turpissima iure condemnandum. Accedat ad me, & me vel coram ipso Pontio Pilato iudice accuset, vt sic iniquo condemnatus iudicio pro mundi salute innocens moriar. Accedat ad me inquam qui positus sum quasi signum ad sagittam, cui vtiq; contradicatur, audire preesto sum contumelias & opprobria, & nō modo mansueta verba respondere, sed etiā meo sanguine vel eos qui

Sap. 2.

Tre. 3.
Luc. 2

qui hunc effundent saluare.

Circa tertium dicitur.

Ecce omnes quasi vestimentum conterentur; tinea comedet eos.

Hic prædicatur hominum impiorū siue Christo, E
siue membris suis aduersantium, pœna. Quorum per
ditionis causa ex ipsis venit, sicut tinea de vestimen-
to nascitur, quæ ipsum consumit. Perditio tua, inquit, Osee. 13.
ex te Israel, ex me tantum auxilium tuum. Potest etiã Impij vt
& per tineam scelerata conscientia male semetipsam cõsumen-
rodens, intelligi. A proprijs ergo peccatis et hic & in tur.

Circa quartum dicitur.

Quis ex vobis timens Dominum audi-
ens vocẽ serui eius? Quis ambulauit in te-
nebris & non est lumen ei? Speret in nomi-
ne Domini, & innitatur super Dominum
Deum suum.

Hic datur conuersis ad Dominum salutaris fidu- F
cia. Quis, inquit, ex vobis Iudæis timens Dominum Datur con-
& audiens vocem serui eius. Non enim Dei verbum uersis fidu-
audire consueuerūt nisi qui timent Dominum. Quis, cia.
quis igitur ex vobis hæc duo assequutus est, videlicet
vt & Dominum timeat, & audiat vocem serui eius,
id est, Christi (qui secundum humanitatem se Dei ser-
uum, & Deum Dominum suum esse recognoscit) vo-
cem videlicet illam qua ait, Pœnitentiam agite, ap- Mat. 4.
propinquabit enim regnum cœlorum, hic speret in
Domino. Ac si ipse Dominus dicat. Vos me flagel-
lastis & conspuistis, nihilominus tamen ego vos ad
pœnitentiam inuito, quia nolo mortẽ peccatoris, sed Ezc. 18
vt conuertatur & viuat.

Audiat proinde quisquis timet Dominũ & illam

R 2 præ

FERIA TERTIA

Luc. 23. præsertim vocem filij eius qua dixit, Pater ignosce illis quia nesciunt quid faciunt. Hæc quippe vox peccatoribus spem consequendæ remissionis ingerit. **Mat. 11.** cut & illa, Venite ad me omnes qui laboratis & onerati estis, & ego reficiam vos. Sequitur.

Quis ambulauit in tenebris incredulitatis & ignorantia, & non est gratiæ aut consolationis lumen ei? Quisquis ille est, timeat Dominum & Christi vocem non aure surda, sed beneuolus & credens audiat: & sic speret in nomine Domini, & ita pertinet ad lumen gratiæ & cõsolationis. Non autem in dijs speret alienis, auro suo vel argëto, sed in Deo qui viuificat mortuos, & vocat ea quæ nõ sunt, sicut ea quæ sunt, & imitatur super Dominum Deum suum, yt humana fragilitas Dei fortitudine fulciatur.

Rom. 4.

FERIA TERTIA

post Palmarum.

Ego quasi agnus mansuetus qui portatur ad victimam. **Iere. 11.**

In hac lectione quatuor notantur. Primum est, in Christo Domino nostro occultorum & futurorum præcognitio. Secundum est innocentis Christi benignissima mansuetudo. Tertium est malitiosa Iudæorum aduersus Christum machinatio. Quartum contra impios iustæ ultionis imprecatio. Primum a principio lectionis. Secundum ibi. Et ego quasi agnus. Tertium ibi. Venite mittamus lignum. Quartum ibi. Tu autem Domine Sabaoth.

Circa primum dicitur.

Domine demonstraſti mihi & cognoui,
tu ostendisti mihi studia eorum.

Hæc

Hec dicens Jeremias propheta, Christi figuram in se præferbat. Per hos enim dies Iudæorum consilia & studia contra Christum magis ac magis efferbuerunt, sed metuentibus ne forte fieret tumultus in populo, facultas deerat sceleris peragendi. Nam ipse Dominus noster diebus quidem (vt ait Lucas) erat docens in templo, noctibus autem exibat in montem qui vocatur Oliueti, & omnis populus mane festinabat ad eum in templum. Intantum enim nulli vnquam adulatus est, vt in magna & ampla ciuitate, vel vni- uitate ho-
 us noctis hospitium nunquam habuerit. Putabant spitium
 inter hæc illi sua molimina Christum latere, qui exa- Christus
 cuerunt vt gladium linguas suas, qui intenderunt ar- nō habuit.
 cum rem amaram, id est, mortis machinationem, vt sagittent in occultis immaculatum. Sagittabunt eum
 & non timebunt, quia firmauerunt sibi sermonē ne-
 quam. Illum scilicet, Expediit vt ipse vnus moriatur. Ioan. 11
 Sed frustra conati sunt abscondere laqueos. Frustra
 dixerunt, Quis videbit eos? quia tu Domine (inquit
 in natura assumpta patrem Dominum suum appel-
 lans) demonstraſti mihi & cognoui. Alioqui quomo-
 do scire possem eorum cor prauum & inscrutabile,
 nisi tu id mihi reuelasses. Te autem demonstrante vi-
 deo cogitationes singulorum, & quid gerant, vel cui-
 us sint voluntatis. Nam crudelis homicidij facinus
 sic moliebantur, vt tamen videri cuperent se illud non
 actitare. Sed ego sum, inquit, cui tenditis insidias, &
 ego vidi. Ostendisti enim mihi o pater studia eorū. i.
 machinationes & insidias aduersum me. Siquidē hæc
 omnia pater filio homini reuelauit.

Circa secundum dicitur.

Et ego quasi agnus mansuetus qui por-
 tatur ad victimam, & non cognoui quia co-
 gitauerunt super me consilia dicentes.

Hic notatur innocentis Domini benignissima

R 3 B
man

FERIA TERTIA

Christus
agnus pas-
schalis in
victimam
destinatus.

mansuetudo. Ego, inquit, quasi agnus mansuetus. Vere agnus innocuus, agnus amabilis & tractabilis ipse fuit, qui peccatum non fecit, & tulit peccata mundi. Agnus Paschalis à patre pro expiatione reatus totius mundi in victimam destinatus. Ipsi, inquit, aduersarii mei, lanistæ crudeles, mala pro bonis retribuentes, mortis meæ facinus tractantes cultros in me suos exauerunt. Ego vero interim mansuete sustinui, ac voluntate patris in manus eorū spontaneus obtuli me metipsum. Hinc enim in eum Esaias ait, Quasi ouis ad occisionem ductus est, & quasi agnus coram tondente se obmutuit, & nō aperuit os suum. Nam quū malediceretur, non maledicebat, quum pateretur non comminabatur, Hunc agnum Dei Pilatus male tondit, quando flagellis cæsum Iudæorum voluntati tradidit crucifigendum.

Esa. 53.

1. Pet. 2.

Sequitur. Et non cognoui, inquit, i. quasi non cognouissem dissimulaui & tacui insidias eorum. Non enim fugi, sed potius ad mortem me rapere querentibus occurri spontaneus quasi nesciens quæ cogitauerant contra me. Vel sic. Et nō cognoui me quicquā admisisse propter quod necem mihi parare deberent. Nullius quippe in eos delicti mihi conscius eram, quo illorum aduersum me machinationes cōmeruissem. Sed audi consilium homicidarum.

Circa tertium dicitur.

Venite mittamus lignum in panem eius,
& eradamus eum de terra viventium, & no-
men eius non memoretur amplius.

C
Hest. 6.
Iudæorum
cōtra chri-
stū machi-
natio præ-
figurata.

Hic notatur malitiosa Iudæorum contra Christi machinatio. Nam quomodo olim superbissimus Haman erecta cruce in domo sua quam Mardocheo parauerat quærebat oportunitatē qua regi suggereret de illo vt appēderetur: sic diabolus inito consilio in domo sua, id est, in cordibus Iudæorum dicen-

do. Ve

do, Venite mittamus lignum in panem eius, id est, ne diutius pane vescens possit viuere, ligno crucis hunc afficiamus, quærebat oportunitatem vt Romanæ potestati traderet crucifigendum.

Erat prouerbium inter Iudæos quotiens alicui in teritum molirentur, vt dicerent, Mittamus lignum in panem eius. Quauis fortassis nomine panis, & Christi corpus & etiam doctrinæ suæ sermo non absurde posset intelligi. Nam de corpore suo loquens dicit, Caro mea vere est cibus, de quo rursus ait, Ego sum panis viuus qui de cælo descendi. In hunc, inquit, ipsius panem, lignum crucis mittamus, vt quū eum morte turpissima necauerimus, & hinc rumore sinistro fama ipsius fuerit contaminata, tum nomen eius non memoretur amplius.

Sed præter spem eorum in contrarium lapsa res est, Quia is qui ante passionem suam paucis erat notus in Iudæa Deus, post resurrectionis triumphum vsque adeo clarificatus est, vt à solis ortu vsq; ad occasum magnum fieret nomen eius in gentibus, & omne genu in nomine eius flecteretur cælestium terrestrium & infernorum. Quod ipse futurum esse non ignorans de se loquens dicebat: Nisi granum frumenti cadens in terram mortuum fuerit, ipsum solum manet, si autem mortuum fuerit, multū fructum affert.

Proinde quòd nomine panis Christi, ipsius doctrinæ sermo possit accipi per hoc patet quod ipse ait. Non in solo pane viuunt homo, sed in omni verbo quod procedit de ore Dei. Videntes ergo Iudæi quòd doctrinæ Christi verbo turba pasceret, mittamus, inquit, lignum crucis (doctrinæ suæ scandalum) in sermonem eius, tanquam in panem quo sequentes eum pascuntur, vt sic omnes vbique homines autorem crucifixum audientes, panem doctrinæ eius abominentur.

Christi panis.

Ioan. 6.
Ibidem.

D
Christus per crucē clarificat⁹.
Malac. 1.
Phil. 2.

Ioan. 12.

Mat. 4.
Christi doctrinā per crucē Iudæi destruere voluerunt.

FERIA TERTIA

Sed longe diuerso sensu credentium ecclesia mitti
suadet lignum in panem eius. Nam quum sermoni
eius ipsa Domini crucifixio iungitur, quasi crucis li-
gnum in panem doctrinæ suæ mittitur. Quod etiam
hoc modo nobis imitandum est, vt quum doctrinæ
Christi panem acceperimus, spontaneæ crucem pœ-
nitentiæ & mortificationis carnis assumamus. Maxi-
mè quum ipse dicat. Qui non accipit crucem suam
& sequitur me non est me dignus. Sed vt ad pri-
ora redeamus, frustra & vane deliberant dicentes. Ve-
nite mittamus lignum in panem eius. i. per ignomi-
niam crucis doctrinam crucifixi cunctis reddamus
abominabilem, quia futurum erat vt per crucis lignū
quod illi insipientes & maligni in panem eius missu-
ri erant, idem doctrinæ suæ panis longe dulcior & sa-
pidior credentibus offerretur.

Mat. 10

Exo. 15

E

Aque Ma-
rath per li-
gnū dul-
ces effecte

Luc. 14.

Nā sicut aquæ Marath præ nimia amaritudine bi-
bi nequaquam poterant donec immisso in illas ligno
quod Moyssi diuinitus ostendebatur dulces atq; pota-
biles effecte sunt, ita & sermo doctrinæ Christi quo
p̄cipit odiri in hoc mundo animam suam, abnegare
semetipsum, spontaneam sibi quotidie crucem acci-
pere, & sequi se, amarus proculdubio nec mūdo por-
tabilis extitisset, si non exemplo sui mortē crucis sub-
euntis & passionis calicem potabilem & doctrinæ
suæ veritatē credibilem mundo & acceptabilem gen-
tibus præbuisset.

Judæis in-
sultatur.

Esa. 1.

Amos. 6

Ioan. 7.

Judæi vt
perculsi.

Deut. 28.

Quid itaq; iam promouistis gens peccatrix, popu-
le detestabilis, et grauis iniquitate, semen nequam, filij
scelerati, quid inquam promouistis conterendo fra-
trem vestrū Ioseph? Profecto sicut per legem quam
nemo vestrum facit prædictum vobis fuit, percussit
vos Deus amentia, & cæcitate, & furore mentis, vt
palpetis in meridie, sicut palpare solet cæcus in tene-
bris, quando quidem Christi doctrinam contra pro-
positum impiæ voluntatis vestræ, per lignum cru-
cis quod illi dolo parastis, non modo credibilem

(vt di-

(vt dictum est) sed etiam amabilem & amplectendam, comprobandamq; cunctis gentibus reddidistis.

dei propo-
sitū Iudæi
inuiti pro-
mouent.

Quum enim (vt dictum est) verbo doctrinæ eius authoris crucifixio iungitur, lignum profectò in panem mittitur. Antè siquidem quàm mitteretur lignum in panem eius quum adhuc doctrina eius panis tantum & non lignum esset, tunc nondum in omnem terram exierat sonus Apostolorum eius. Sed postquàm panis iste fortitudinem per lignum assumpsit, tunc primum in omnem terram sermo doctrinæ passionis, glorificationisq; eius processit. Vt ergo panis euangelicæ doctrinæ suauior sit, frequens dominicæ passionis recordatio misceatur. Huiuscemodi doctrinæ panem cum ligno crucis Apostolus commiscuit, qui de semetipso loquens ait: Nihil iudicauī me scire inter vos, nisi Christum Iesum, & hunc crucifixum.

F
Christi do-
ctrina per
crucē cor-
roborata.

1. Cor. 2.

Circa quartum dicitur.

Tu autem Domine sabaoth qui iudicas iustè, & probas renes & corda, videam vltionem tuam ex eis. Tibi enim reuelauī causam meam.

Hic ponitur promeritæ vltionis aduersum impios imprecatio. Qui enim ab iniquis iudicibus opprimuntur iusti iudicis Dei iudicium fidenter implorat. Qui hinc iustè iudicat, quia causæ merita optimè cognoscit. Hinc itaq; ait. Tu autem Domine Sabaoth, qui iudicas iustè, & probas renes, & corda, hoc est mentis habitū, & intentionem cordis, quæ hi iudices mei nimis iniqui nec nouerunt, nec volunt nosse, videam vltionem tuam ex eis.

Sed huic contraire videtur quod in cruce pendens pro crucifixoribus suis orat, dicens: Pater ignosce illis quia nesciunt quid faciunt. Quid enim magis diuersum ei quod hic dicitur, videam vltionem tuam ex eis? Sed facile hæc quæstio soluitur si consideremus duo

G
Quæstio.
Luc. 23.

R 5 genera

FERIA TERTIA

Duo homi
num gñā
in Christi
necem con
sentiētū.

Mat. 21.

genera hominum in Christi mortem consentientiū.
Quidam enim scientes tam ex dictis Prophetarum,
quā ex operibus ipsius, quod ipse esset Christus,
nihilominus tamen hunc per inuidiam oppresserunt.
Hic est (inquiūt hæres) venite occidamus eum & ha
bebimus eius hæreditatem. Aduersum hos patrem
interpellans dicit: Videam vltionem tuam ex eis.
Vltionem, inquam, temporalis afflictionis, ad eo
rum correctionem per Romanos inferendam, vel si
ex illa non respuerint, videam ex eis vltionem æter
nam, vt traditi rugientibus præparatis ad escam, ge
hennæ flammis sine fine crucientur.

Quidam verò Iudæorū idiotæ & è vulgo, à prin
cipibus Sacerdotum & Phariseis seducti, ex igno
rantia magis quā ex inuidia, in Christi necem con
senserunt. His non vltionem, sed remissionem in cru
ce precatus est. Sicut enim illos qui ex inuidia magis
quā ex ignorantia in se peccantes permansuros præui
dit in malitia, ita & istos ex ignorantia peccātes quos
apud patrem excusat, dicens: Pater ignosce illis quia
nesciunt quid faciunt, præuidit errore suo cognito po
nitentiam acturos, qui visis in sua morte signis, per
cutientes pectora sua reuertebantur. Sequitur.
Tibi enim reuelauī causam meam. Quippè qui istius
causæ merita optimè nosti, illam inquam tibi come
mendo, vt ipsis vel respiscentibus miserearis, vel vlt
tionem exerceas in obstinatos & proteruos.

LUC. 23.

FERIA

post Palmarum.

IPse autem vulneratus est propter iniquitates nostras, attritus est propter scelera nostra. Esaiæ. 53.

In hac lectione propheticus sermo. Primum explicat perfidorum incredulitatem.

Secundo denunciat ortus Christi qualitatem. Tertio euangelizat potius quam prophetet Christi passionem. Quarto subinfert passionis Christi mirram fructificationem. Primum facit à principio lectionis. Secundum ibi. Et ascendit sicut virgultum. Tertium ibi. Non est species ei neque decor. Quartum ibi. Si posuerit.

Circa primum dicit.

Domine quis credidit auditui nostro, & brachium Domini cui reuelatum est?

In spiritu loquens futuram prænunciat Iudæorum aduersus Dei filium duritiam & incredulitatem dicens: Domine quis credidit auditui nostro? Plurimum demiratus quod tam pauci ex Iudæis Prophetarum de Christo vaticinijs foret credituri. Non enim omnium est fides, quia non omnes obediunt Euangelio (yt ait Apostolus) qui etiam mox hoc præfens ex Esaiæ testimonium assumit dicit. Esaias enim dicit. Domine quis credidit auditui nostro? hoc est, his quæ te reuelante de filio tuo olim incarnando cognouimus. Et brachium Domini cui reuelatum est? Brachium Domini ipse Christus est, Dei virtus & Dei sapientia qui brachium Domini dicitur, tum quod per illum cuncta pater operetur, tum quod per illum nos pater sibi reconciliatos amplectatur, tum quod per illum idem pater nos defendat à principe tenebrarum & nobis auxilietur. Hoc Domini brachium assumpta mortali carne velatum quodammodo fuit, nec nisi credentibus reuelatur.

A Iudæorum incredulitas.

1. Tess. 3.
Rom. 10.

Christus
quare brachium
Domini.
1. Cor. 1.

Quum

FERIA QVARTA

Quum ergo dicit brachium Domini, cui reuelatum est, ostendit Iudæos qui Christum & opera eius viderunt non credituros. Vnde & b. Ioannes Euangelista plurimum admirans, quum, inquit, tanta signa fecisset coram eis, non crediderunt in eum. Quibus & hoc tempore non dissimiles sunt, qui tamen Christi voce confiteantur, factis tamen negant, hi praesertim qui detestabili perfidia corrupti, hæreses & errores vera fide relicta sectantur, non aduertentes fidei catholice testimonia credibilia esse nimis, signa videlicet & miracula soli virtuti diuinæ possibilis per quæ eiusdem fidei nostræ veritati Deus adstipulatus est, & per quæ primum fides plantata, nutrita, & corroborata est, quæ signa nemo vnquam nisi in fide recepta patrauit. Hinc mirari est quod nonnulli tam citò transferuntur ab eo quod illis traditum est seruandæ unitatis ecclesiasticæ sancto mandato, veterem fidem tot signis & miraculis confirmatâ, propter seductorum & pseudopredicatorum nugas nullo vnquam signo diuino (quod absit) confirmatas, relinquentes, in schismata & hæreses & blasphemias deuoluuntur.

Circa secundum principale dicitur.

Et ascendit sicut virgultum coram eo,
& sicut radix de terra sitienti.

C Hic Propheta denūciat ortus Christi qualitatem. Ascendit inquit sicut virgultum coram eo. Ascendit enim filius hominis, & vsq; ad antiquum dierum .i. qualitatem patris peruenit, & dedit ei potestatem & honorem & regnum, & omnes populi, tribus, & linguæ, ipsi seruiunt, ecce quousq; ascendit. Quod autem (vt Apostolus ait) ascendit quid est nisi quia & descendit primum? Descendit enim quo inferius non potuit. s. vsq; ad humanitatem, vsq; ad mortalitatem, vsq; ad formam serui, deniq; vsq; ad mortem, mortem autem crucis.

Itaq; & vnde ascendit, & ascensionis suæ modum
aduera

Ioan. 12.
B

Incredulis
Iudæis qui
similes.

Galat. 1.

Ortus
Christi
qualis.

Danie. 7.

Ephe. 4.

aduerte. Ascendit, inquit, sicut virgultum. Prius dixerat hic idem Propheta. Egre dietur virga de radice Iesse, non solum autem sicut virgultum, sed & sicut radix de terra sitienti ascendit. Christus enim credentium vita & salus, idem ipsorum origo & radix est. Ascendit autem hæc radix, i. Christus de terra sitiēti, quia non de infusa virili semine, sed virginea carne Dei filius homo factus est. Rursus, de terra sitiēti hæc radix ascēdit, quia de matre paupere & humili, & vni de nequaquam venturus existimabatur, natus est.

Vnde dicunt existimatores improbi & stulti, qui non verum iudicium sed tantum secundum faciem nouerant iudicare. Christus quum venerit nemo scit vnde sit. Hunc autem scimus vnde sit. Est enim fabri filius, verum dicunt quia fabri filius est, sed eius qui fabricatus est auroram & solem. Sed nolite iudicare secundum faciem, inquit, quia quæ stulta sunt mundi elegit Deus vt confundat sapientes, & infirma mundi elegit Deus vt confundat fortia, & ignobilia mundi & contemptibilia elegit Deus, & ea quæ non sunt, vt ea quæ sunt destrueret, vt non gloriatur omnis caro in conspectu eius. Non ergo gloriatur sapiens in sapientia sua, nec gloriatur fortis in fortitudine sua, nec diues gloriatur in diuitijs suis, quum videat Christum Ecclesie credentis radicem in hominum oculis squallidum & despectum, & quasi de sitiēti terra ascendentem.

Sed attende quæ amœnam, quæ fecundam, quæ grandem arborem radix ista pepererit, nutriat, & sustentet. Scriptum est enim, Videbam & ecce arbor in medio terræ, magna arbor & fortis, & proceritas eius contingens cœlum. Aspectus eius erat vsque ad terminos vniuersæ terræ, folia eius pulcherrima, & fructus eius nimius, & esca vniuersorum in ea. Subter eam habitabant animalia & bestia, & in ramis eius cœuerant volucres cœli. Hæc omnia de Ecclesia populi credētis, quæ radice Christo consurgit, nutritur,

& conser-

Esa. 7.

D
Ortum
Christi Iu
dæi cur des
piciunt
Ioan. 7.

1. Cor. 1.

Iere. 9.

Daniel. 4.
Ex inuisa
radice ar
bor amœ
nissima.

FERIA QUARTA

& consistit, mysticè verificantur.

Circa tertium principale dicitur.

Non est species ei neq; decor, & vidimus eum & nō erat aspectus, & desyderauimus eū despectum & nouissimum virorū, virum dolorum & scientem infirmitatem. Et quasi absconditus vultus eius & despectus, vnde nec reputauimus eum. Verè languores nostros ipse tulit, & dolores nostros ipse portauit. Et nos putauimus eum quasi leprosum, percussum à Deo & humiliatū.

E

Hic de Christi passione adeò patenter differit, vt non minus Euangelistam q̄ Prophetam existimes. Ostendit autem Christi passionem fuisse. Primo ignominiosam & despectam. Secundo acerbam & dolorosam. Tertio voluntariam & promptam. Quarto innocuo inflictam, & ideo vltore Deo vindicandam.

Passio christi ignominiosa.

Circa primum vbi ostendit Domini passionem fuisse ignominiosam & despectam dicit: Non est species ei neq; decor, opinione. s. plurimorum, quum tamen reuera esset ipse speciosus forma præ filiis hominum, & vsque adeò speciosus vt desyderent in eum & angeli prospicere. Vidimus tamen eū, inquit, nos Prophetæ, oculis nostræ mentis diuinitus ostensum, in eo statu & habitu quo passus est, & non erat aspectus, præ nimis indigna ipsius abiectione, sicut ipse per aliū Prophetam de semetipso loquens dicit: Ego autem sum vermis & non homo, opprobriū hominum & abiectio plebis. Et desyderauimus eū multo antè videre, sicut ipse discipulis suis hinc loquens, ait:

1. Pet. 1.

Christus à seculis desideratus.

Luc. 10.

F

Beati oculi qui vident quæ vos videtis, dico enim vobis, q̄ multi Prophetæ & Reges voluerunt videre quæ

re quæ vos videtis & non viderunt, & audire quæ
auditis, & non audierunt. Hinc rursus ad Iudæos ait: **Ioan. 8.**

Abrahâ pater vester exultauit vt videret diem meum,
vidit & gauisus est. Desyderauimus, inquit, salutis
authorem indignè despectum prohi dolor, & cum
sceleratis reputatum, appensum ligno crucis, factum **Galat. 3.**
propter nos maledictum & peccatû. i. hostiam pro
peccato, & hinc nouissimum virorum existimatum,
virum dolorû & scientem infirmitatem, nempe qui
verus homo in passione verè doluit, & per experi-
mentum in semetipso scientem assumptam pro no-
bis & à nobis infirmitatem.

Et quasi absconditus. Lab incredulis vultus eius
& despectus. Vnde neq; me scitis, inquit, neq; pa- **Ioan. 8.**
trem meum scitis. Diuinitas enim sub assumpta infir-
mitate abscondebatur, sicut alio loco hic idem Pro-
pheta ait: Verè tu es Deus absconditus Deus Israël **Esa. 45.**
saluator. Quia ergo absconditus fuit & despectus,
nec reputauimus eum, hoc dicit Propheta erranti po-
pulo sese connumerans.

Secundum (videlicet q; passio Domini fuit acer- **G**
ba & dolorosa) notatur quum dicitur: Verè languo- **Passio chri**
res nostros ipse tulit. Verè, inquit, non simulatoriè, **sti acerba.**
non apparenter aut fantasticiè, sicut garrunt blasphe-
mantes hæretici, quin imò crucifixus, verè & acer-
bissimè doluit. Doluit inquam & anima & corpore.
Ait enim, Tristis est anima mea vsq; ad mortem.
Tulit autem languores nostros non suos. i. non à se,
Mat. 26.
sed à nobis pro meritis. Et iniquitates nostras in cor-
pore suo super lignum portauit. Et quia multis pec-
catis & magnis exactrici iustitiæ multæ & graues
pœnæ debébantur, mox sequitur.

Nos putauimus eum quasi leprosum, percussum
à Deo & humiliatum. Nos, inquit, qui per ignoran-
tiam in incredulitate in ipsum & in Deum patrem ip-
sius peccauimus, sed rursus penitentes credidimus,
leprosum putauimus, i. abominabilem, eiecctum extra
castra

FERIA QVARTA

Nu, 5. castra, quasi peccatorem, & ob peccata percussum a Deo, cum latronibus crucifixū, & cū iniquis reputatum vt dictum est. Veruntamen non suo merito per tulit hæc, sed vulneratus est propter iniquitates nostras, sicut ipse per Psalm. ait: Foderunt manus meas & pedes meos, vt suis liuoribus animarum nostrarum vulneribus medeatur.

Attritus proinde est flagellis & spinis & alapis, propter scelera non sua, sed nostra. Disciplina pacis nostræ super eum. i. flagellum quo & Deo & angelis reconciliati sumus. Ipse enim est pax nostra qui fecit vtraq; vnum. Nec fuit quisquam qui non egeat hoc mediatore. Siquidem omnes nos quasi oues errauimus, quasi oues, inquit, quæ perierunt, & quæ dæmonum, quasi luporum rapacium moribus, in prædam expositæ sunt, Errauimus, inquit, vnusquisq; in viam suam. i. propria concupiscentia abstractus & illectus, vagus in via cordis sui, a via quæ Christus est declinauit, de qua via ipse dicit. Ego sum via. Nemo venit ad patrem nisi per me. Et Dominus posuit in eis iniquitates omnium nostrum. i. poeniam ab illo exegit, quæ omnium nostrum peccatis debebatur, vt quam nos persolvere non potuimus, hanc ipse qui potis est, pro nobis omnibus exolueret homo Deus.

Iaco. 2.

Ioan. 14.

H
Passio christi spontanea.

Ioan. 10.

Mat. vlt.

Iob. 35.

Tertium exprimitur quomodo subditur. Oblatus est quia ipse voluit. Oblatus inquam pro nobis in cruce hostia preciosa, hostia adoranda. Nec tamen oblatu est quia Iudæus præualuit, sed quia ipse voluit. Nemo inquit, tollet animam meam a me.

Propter hoc de angustia. i. de cruciatibus & formidine mortis, & de iudicio iniusto per resurrectionis gloriam, sublatus est, data sibi omni potestate in cælo & in terra, vt mundum hunc iustè iudicet, qui iniqui iudicium iudicis subire non recusauit, sicut scriptum est, Causa tua quasi impij iudicata est, causam iudiciumq; recipies.

Sed istius tam humiliter, tam patienter, iniquum contra

contra se iudiciū sustinentis, iudicis tam mortuorum
 q̄ viuorum generationem quis enarrabit? Genera-
 tionem inquam eius, tam humanam q̄ diuinam, tam
 temporalem q̄ aeternā quis enarrabit? Vtraq̄ enim
 inuestigabilis est. Nihilominus talis ac tantus quum
 sit, non tamen repperit iudicij veritatem, sed inno-
 cens ad mortem damnatus est. Hinc iure admiratur
 Propheta q̄ omnium Dominus iniuriæ passionis se
 exposuit. Nam abscisus est (à Iudæis) de terra viuendi-
 tium. i. à cohabitatione hominum per mortem, vt
 viueret in cælo. Sed propter scelus populi mei per-
 cussit eum, inquit pater, propter scelus inquam expian-
 dum. s. atq̄ delendum.

Quartum videlicet q̄ Christi innocentis passio à
 Deo foret vlciscenda, notatur quum subditur. Et da-
 bit impios pro sepultura, hoc est, Deus pater dabit
 impios Iudæos, homicidas filij sui detestabiles, in ma-
 nus Romanorum pro sepultura, quia scilicet vsq̄ ad
 mortem, & post mortem ipsam, etiam sepultum per-
 sequuti sunt, munientes sepulchrum & signantes
 lapidem cum custodibus. Et diuites pro morte sua,
 hoc est, impios diuites, videlicet Iudæorum princi-
 pes, tradet in supplicium iustum pater, q̄ vsq̄ ad
 mortem Dei filium, hominem secundum gratiæ suæ
 dispensationem propter nos inopem & mendicum,
 nec sese defendentem, insatiabili odio persecuti sunt.
 Eo q̄ iniquitatem non fecit, propter quam esset ob-
 noxius morti, nec dolus inuentus fuerit in doctrina
 oris sui.

Circa quartum principale dicitur,

Si posuerit pro peccato animam suam,
 videbit semen longæuum, & voluntas Do-
 mini in manu eius dirigetur, pro eo quod
 tradidit in mortem animam suam, & cum

S sceleras

sceleratis reputatus est. Et ipse peccatum multorum tulit, & pro transgressoribus orauit vt non perirent.

Luc. 8.
Semen
Christi
longeuū
quid sit,

I Hic notatur passionis Christi mira fructificatio. Si posuerit, inquit, pro peccato animam suam, quod & fecit, videbit semen longæuum. i. Euangelij sui verbum (semen vtiq; suum quod ipse exijt in mundum seminare) nequaquam veterascet, quo modo veteratum & abolitum est testamentum vetus. Vel semen eius longæuum, credentium populus est, qui non deficiet, sed in fide perseverabit, & cum ipso tandem beatus regnabit in æternum. Et voluntas Domini. i. humani generis redemptio, propter quam filium suum pater misit in mundum, in manu eius dirigitur, id est per effectum suæ passionis humani generis redemptio secundum voluntatem patris perficietur. Proinde quicquid voluit pater, Christi virtute adimplebitur. Et hoc ideo quia tradidit in mortem animam suam. i. vlroneus obtulit vitam suam. Et cum sceleratis reputatus est. Vnde ipse per Psalmistam ait: *Æstimatus sum cum descendentibus in lacū.* Et peccata multorum quia non omnium quātum ad remissionis effectum sed multorum inquit. i. prædestinatorum, ipse tulit, in semetipso quæ nō rapuit exoluēs. Quod vel in hoc vno apparuit, quod pro transgressoribus. i. sui crucifixoribus & illusoribus, orauit, vt non perirent, dicens; *Pater ignosce illis, quia nesciunt quid faciunt.*

Luc. 23.

IN

nae Domini.

Exemplum dedi vobis, vt quem admodum ego feci vobis, ita & vos faciatis. Ioan. 13.

In hac lectione tria nobis deuotissima attentione consideranda proponuntur. Primum est, admiranda Christi erga suos dilectio. Secundum est, admiranda dilectionis pariter & humilitatis Christi per effectum exhibitio. Tertium est, ad ipsius imitandam dilectionem & humilitatem, salutaris exhortatio. Primum a principio lectionis. Secundum ibi. Surgit a coena. Tertium ibi. Postquam ergo lauit.

Circa primum dicit Euangelista.

Ante diem festum Paschae sciens Iesus quia venit eius hora vt transeat ex hoc mundo ad patrem.

Hic notatur admiranda Christi erga suos dilectio. Circa quam primo notat Euangelista Christi transitus praefigurationem. Secundo miram erga suos dilectionem. Tertio aeternae maiestatis suae humilem erga nos inclinationem. Secundum ibi. Quum dilexisset suos. Tertium ibi. Et coena facta.

Circa primum dicitur. Ante diem festum Paschae sciens Iesus quia venit eius hora vt transeat ex hoc mundo ad patrem. Paschae sacrificium hinc sanctum fuit & Paschae solennitas veneranda: quia figurabat Dominum Iesum pro salute mundi per passionem mortis fore transiturum ex hoc mundo ad patrem. Nam Pascha transitus interpretatur, quod Hebraice phase dicitur, nomen ex eo vetus habens, quod transferit in eo Dominus per Aegyptum, percutiens primogenita Aegypti, & filios Israel liberans, & quod ipsi filii Israel transferunt illa nocte de Aegyptia seruitute vt irent ad terram promissae hereditatis.

Christi transitus praefiguratus.

Exod. 12

IN COENA

Moraliter
Pascha ce-
lebratur.

Myſtice nihilominus ſignificans, q̄ in eo Domi-
nus tranſiturus eſſet ex hoc mundo ad patrem (vt di-
ctum eſt) & q̄ eius exemplo fideles abiectis tempo-
ralibus deſiderijs, abiecta vitiorum ſeruitute, contra
nuiſ virtutum ſtudij tranſire debeant ad promiſſam
in cœlis hæreditatem.

B

Ait igitur. Antè diem feſtum Paſchæ. Erat autem
primi menſis luna decimaquarta, in cuius diei veſpe-
ra quando luna ſam pleniffima eſt, & decimaquinta
nobis incipit haberi, agnus immolabatur magnis
prefulgens myſterijs, non ſolum quia luna plena erat,
ſed etiam quia non niſi poſt equinoctium vernale,
quando videlicet iam dies ſuperare noctem incipit,
quum primum occurrifſet luna plena, agebatur hæc
magna ſolemnitas.

In plenilu-
nio poſt
equino-
ctium ver-
num Pa-
ſcha.

Plena quippè luna, plenitudinem temporis ſignifi-
cat, quo iam multiplicata per præteritas generatio-
nes Eccleſia, redemptionem de cœlo mittendam apud
inferos expectabat.

Porro dies longior noctem ſuperas, illud designat,
quia per paſſionis Chriſti myſterium cōtra tenebras
errorum, quæ hæcenus præualuerant, nunc verſa vi-
ce præualere inciperet in cunctis Gentibus clara no-
titia veritatis. Sciens ergo, inquit, Ieſus quia venit eius
hora vt tranſeat ex hoc mundo ad patrem, illa vide-
licet hora quam intuens hic Euangelifta prius dix-
erat, Et nemo in eum miſit manus, quia nondum ve-
nerat hora eius. De qua & ipſe Dominus ait: Tem-
pus meum nondum aduenit.

Ioan. 7.

Ibidem.

Circa ſecundum videlicet miram Chriſti er-
ga ſuos dilectionem conſequenter di-

Quum dilexiſſet ſuos qui erant in mun-
do, in finem dilexit eos.

C

Quum dilexiſſet ſuos. i. eos quos elegerat ab initio
vt ſui eſſent. Nam ne ſolos putaremus Apoſtolos, vel
Iſraëliticam dumtaxat gentem ſecūndum electionem,
de qua

de qua Caiphas prius nesciens prophetauerat q̄ Iesus esset moriturus pro gente, non ait tantum suos, sed addidit, qui erant in mundo. s. vt omnes intelligamus electos. Quia profectò non tantum moriturus erat pro gente, sed vt filios Dei qui erant dispersi congregaret in vnũ. Ergo quum dilexisset suos qui erant in mundo, ac si dixisset.

Quum opus magnæ dilectionis facere cœpisset erga suos qui propter originale peccatum eiekti de paradiso, peregrinabantur in hoc mundo. Quo modo autem cœperat diligere suos, & quem vsq̄ in finem dilexit eos? Sic vtiq̄ iam dilexerat eos vt de cœlo ad terram descenderit propter eos, & vt ipse qui erat Deus inuisibilis in sinu patris, homo visibilis è ventre materno fuerat effectus. Sed nondum erat consummata ista dilectio. Nihil enim suis profuisset q̄ homo factus fuerat, si nō pro illis etiã pateretur, sicut ipse dixit: Nisi granũ frumenti cadens in terram mortuum fuerit, ipsum solum manet. Si autem mortuum fuerit, multum fructum affert. Itaq̄ (vt oportebat) in finem dilexit eos. i. dilectionem erga illos eoufq̄ perfecit, vltra quod non posset augeri, videlicet, vt animam suam pro illis poneret, qua dilectione maiorem nemo habet.

Circa tertium videlicet suæ erga nos maiestatis humilem inclinationem, dicit conseruenter Euangelista.

Et cœna facta quum diabolus iam misisset in cor vt traderet eum Iudas Simonis Scariothis, sciens quia omnia dedit ei pater in manus, & quia à Deo exiuit, & ad Deum vadit.

Vt comprobaret q̄ suos in finem vsq̄ dilexisset, cœna facta placuit sibi illud agere in quo exprimeret qualiter suã erga illos dilectionem inceperat, & qua

Ioan. ix.

Qualiter suos Christus dilexerat.

D
Qualiter suos dilexit in finem.
Ioan. 12.

Ioan. 15.

IN COENA

lem vsq; ad finem hanc esset perducturus. Hoc non solum verbis dicere, sed & signanter voluit agere, videlicet, vt & nunc presentis mirandæ humilitatis schemate viscera suorum tangeret, & post resurrectionem suam quando aperiret illis sensum vt intelligerent scripturas, istud quoque factum illi vulnerata memoria recolentes, profundius intelligerent, & eandem dilectionem ipsius, cuius ob significationem talis vel tantus ipse tali hora vel tempore, taliter egisset.

Agnus secundum legem cœnæ dicitur quid. Et cœna facta, inquit, Hæc ipsa cœna. i. agnus Paschalis assus cum azymis panibus & lactucis agræstibus comedendus, ipsi verò agno causa esse poterat, vt in semetipso turbaretur, quia videlicet passionis suæ significationem post tot retro generationes ab exitu filiorum Israël de Ægypto hoc ritu celebratam, nunc in presentiarum morte sua completi oportebat. Hoc enim sciebat cœna facta. Sed & illud non ignorabat, quia diabolus iam miserat in cor vt traderet eum Iudas Simonis Scariothis, qui & pridie abierat ad Phariseos & dixerat: Quid vultis mihi dare, & ego vobis eum tradam.

Mat. 26.

F Hoc sciens ipse & illud quoq; quia omnia dedit ei pater in manus, inter quæ omnia & ipsum traditorum, & eos quibus tradendus erat, & mortem quam erat passurus, sciebat, vt de his omnibus quæ vellet faceret, malumq; eorum sua potentia conuerteret in bonum. Sciebat etiam quia quum in forma Dei esset, semetipsum exinaniuit formam serui accipiens, quod est per humilitatem incarnationis à Deo exisse, & quia per victoriam resurrectionis ad Deum erat rediturus, nec Deum quum inde exiret, nec nos deserens quum rediret. Et quia, inquit, ad Deum vadit vt se deat ad dextram maiestatis in excelsis, sicut dicit de illo Dauid in spiritu, Dixit Dominus Domino meo sede à dextris meis. Et quidem hæc omnia quum sciret, nihilominus in magnæ pietatis suæ iudiciū, & no

Philip. 2.

Heb. 1.

stræ exemplum humilitatis, surgit à cœna sicut in articulo sequenti patebit.

Circa secundum principale dicitur.

Surgit à cœnâ & ponit vestimenta sua, & quum accepisset lintheum præcinxit se. Deinde misit aquam in peluim & cepit lauare pedes discipulorum suorum, & extergere lintheo quo erat præcinctus.

Hic ponitur admirandæ humilitatis pariter & dilectionis Christi per effectum exhibitio, vbi tria notantur. Primum est, Dei hominibus ministrantis humilis dispositio. Secundum est, de tanta Christi humilitate Petri trepidantis stupefactio. Tertium est, de necessaria ad salutem nostri per Christum lotionem, informatio. Secundum ibi. Venit ergo ad Simonem. Tertium ibi. Respondit Iesus & dixit.

Circa primum di. Surgit à cœna, & ponit vestimenta sua. Quid deinde? Et quum accepisset lintheum, præcinxit se & cætera quæ sequuntur. Magnum quidem & mirandum tam angelis quàm hominibus spectaculum. Lauit discipulorum pedes, officium non Dei & Domini, sed hominis & serui adimplens: eius quoque pedes abluens, quem nouerat in sui traditione teterrimo scelere polluendum.

Surgit, inquit, à cœna. Nimirum, qui vt ostenderet quantum suos dilexisset prius surrexerat de accubitu suo, de sinu patris æterni, de throno incircumscriptæ maiestatis, & depositis vestimentis gloriæ suæ, exinanitus à claritate quam habuit prius quàm mundus fieret, ad eum nudus. i. nostri per omnia similis absque peccato inter homines apparuit, vt quomodo in typum eius seruus seruorum maledictus Cham, patrem suum Noë nudum foris iacentem dormire nunciauit fratribus, sic hæretici Cerinthus & Marcion alijque quàm plures eundem Dominum nostrum nullatenus Deum de Deo

G

Christi ministrantis
schema.

Quantum
suos dilexit
it ostendit.

H
Cham quorum
typus
fuit.
Gene. 9.

IN COENA

antè secula natum, sed hominem tantū extitisse & ex Maria cœpisse cōtenderint, maximè pro eo quia Iintheo præcinctus, i. tribulatione passionis afflictus vera morte homo verus esse comprobatus sit.

Linthum mysticè.

Ioan. 19.

Quare solos pedes lauat.

Apoc. 1.

Sequitur. Misit aquam in peluum & cœpit lauare pedes discipulorum, & extergere lintheo quo erat præcinctus, quia in illa nuda humilitate passionis suæ sanguinem & aquam de latere suo profudit, vnde vsq; hodie peccata suorum mundare non desinit. Quare autem solos pedes tunc lauit, quum secundum exterior rem hominem simul & interiorē, credentes in se lauet in sanguine suo à peccatis eorum & Videlicet quia hora illa rem solummodo significare non etiam agere debuit. Præterea idcirco pedes, potius quàm manus aut caput lauare voluit, quia videlicet in lauandis pedibus & affectuosior est gestus humilitatis, & propinquior significatio charitatis qua nos lauit (vt dictum est) à peccatis nostris in sanguine suo,

I Per quid abluimur.

Puluis pedum. Luc. 10.

I Deniq; non solum nos lauat à peccatis nostris in sanguine suo, dum vnusquisq; nostrum baptizatur, sed & quotidie lauat ab actualibus peccatis quando in sancto altari carni eius communicamus & sanguini. Ipsa autem peccata quæ non omnino fugere potest vita humana quamlibet religiosa, per puluerem pedum solent significari. Vt verbi gratia cum discipulis suis, loquens di. In quamcunq; ciuitatem intraueritis & non susceperint vos, exeuntes in plateis eius discite: Etiam puluerem qui adhæsit nobis de ciuitate vestra extergimus in vos. Quod est dicere. Etiam nimia peccata sine quibus hæc vita tametsi sancta, transigi non potest, quotidianis remedijs palam expurgate, vt non habeant homines imprudentes, ob quã vitæ vestræ reprehensionem videantur sibi quasi rationabiliter prædicationem vestram contemnere.

Circa secundum quod est Petri Apostoli de tanta Christi humilitate trepidantis stupefactio consequenter Euangelista subiungit,

Veniſ

Venit ergo ad Simōnem Petrum, & dixit ei Petrus, Domine tu mihi lauas pedes?

Non ita intelligendum est quasi post alios ad Petrum venerit, sed quia ab illo qui primus Apostolorum erat coeperit, & ille tale ministerium, quia mysterium nesciebat non frustra abhorruit. Quod etiā quilibet eorū acturus fuisse non dubitatur, si non illa teneretur sententia, qua Petro dictum est, Si non laueris te non habebis partem mecum. Dicit ergo ei Petrus, Domine tu mihi lauas pedes? Tu quem confessus sum Christum filium Dei viui. Tu rex regum & Dominus dominantium vestimenta tua posuisti, aquam infudisti, & ut pedes mihi laues procumbis? Expauit nimirū, de Domino & magistro suo, uti par erat, magna de se humilia sentiens. Siquidē adhuc non plene cognouerant Apostoli magistri sui disciplinam. scilicet quod in schola eius ille maior esset, qui & humilior, hoc nondum bene cognouerant.

Vnde etiam nunc secundū Lucam facta fuit contentio inter eos quis eorum videretur esse maior. Et quidem verbis verum dominationis & tenendae potestatis ordinem eos docuit di. Reges gentium dominantur eorum, & qui potestatem habent super eos benefici vocantur. Vos autem non sic, sed qui maior est vestrum fiat sicut iunior, & qui praecessor est, sicut ministrator. Nam quis maior est qui ministrat an qui recumbit? Nonne qui recumbit? Ego autem in medio vestrum sum, sicut qui ministrat. Sed praeterea factis illis amplius instruens palam apparebat ipse inter eos sicut qui ministrat, lauando pedes eorum, simulque (ut iam dictū est) significabat qualis ministerij minister foret, videlicet qui animam suam pro multis in redemptionem daturus esset. Quū ergo sic Petrus expauescit, audi quid sequitur.

Circa tertium (quod est de necessaria ad salutem nostri per Christum lotionis salubris informatio)

S. 1. sub

K
Petr⁹ apo
stolorū pri
mo laua
tur.

Mat. 16

Luc. 12

Mat. 26

IN COENA

subdit Euangelista.

Respondit Iesus & dixit ei. Quod ego facio tu nescis modo, scies autem postea.

L Pedum lotio quid significabat

Causam, inquit, propter quam hoc facio, tu nescis modo, sed & si dicam tibi non potes portare modo, scies autem postea, videlicet quum venerit spiritus veritatis, qui vos & huius facti causam, & omnem docebit veritatem. Dicit ei Petrus. Non lauabis mihi pedes in æternum. Respondit Iesus. Si non lauero te, non habebis partem mecum. Quid expauescis Petre talem humilitatis meæ habitum, ministerium tale? Nisi ego adhuc altius præcinctus, maiori dispendio meo lauero te, non habebis partem meum. Vere enim nisi Christus dilectos suos lauisset à peccatis eorum, in sanguine suo, nec Petrus nec quisquam cæterorum hominum partem habuisset cum illo. Hoc ergo nunc oportune Petro dictum est quia videlicet & quum expauesceret humilitatem talis ministerij, multo magis abhorrebat contumeliam dominicæ passionis, qua & illum & omnem mundum oportebat lauari.

M Obedientia Petri.

Dicit ei Simon Petrus. Domine non tantum pedes meos, sed & manus & caput. Quum enim audisset. Nisi lauero te non habebis partem mecum, solito mox amoris diuini seruore correptus, respondit obediens, & secundum nomen suum bene locutus fuit. Simon enim interpretatur obediens. Ac si aperte dicat. Quia iam te docente intelligo quod lauando pedes meos errata mea te mundare significas, non solum pedes, sed & manus & caput tibi lauando offero, quia non solum pedibus affectionum, sed & intentione mentis, & operatione hoc est capite quodammodo, et manibus, me deliquisse, cognosco.

Lotioque necessaria.

Dicit ei Iesus. Qui lotus est non indiget nisi ut pedes lauet, sed est mundus totus. Vbi Rupertus. Manifeste insinuat quod aliam præter illam exteriorem, dicit necessariam

nec
quæ
dicit
ritu
dur
rum
ta d
tur
lig
tum
det
uet

tus
mi
tol
na
tra
cu
in
tu

m
m
ca
v
tu
n
c
n
q
p
u
t
v

necessariam pedum lotionē. Quis enim lotus est nisi quē Christus in sanguine suo lauit à peccatis vt iam dictum est. Quid autem ad conseruandam illam spiritalē munditiam proficit ista corporalis lotio pedum? Nunquid quotidie pro consequenda peccatorum remissione pedes lauare, & non potius sacramenta dominicæ passionis opus habemus percipere? Igitur Petrus aliud intelligit, Dñs aliud postmodū intelligendū insinuat, quā dicenti Petro Domine nō tantum pedes meos sed & manus & caput, ipse respondet. Qui lotus est inquit nō indiget nisi vt pedes lauet, sed est mundus totus, ac si dicat.

Qui semel in morte mea quæ nunc adest baptizatus est, non est opus amplius vt præterita ante baptismum peccata, siue originalia, siue actualia lauet, sed totus mūdus est, tantum modo pedes lauet. i. quotidiana vel communia peccata sine quibus humana vita transigi non potest quotidianis remedijs expurget, sicut is qui solos ex itinere sordidatos habet pedes, & in reliquo corpore à sordibus liber est, vadens cubitum non indiget nisi vt pedes lauet.

Itaque manifeste denuntiat q̄ lotio pedum illa remissionem quidem peccatorum designaret, non tantum eam quæ in baptismo semel datur, sed potius eam qua quotidiani fidelium reatus (sine quibus non viuitur in hac vita) quotidiana eius gratia mundantur. Pedes nanque quibus incedentes terram tangimus, ideoq; eos à contagione pulueris sicut reliquum corpus immunes custodire nequimus, ipsam terrenæ habitationis necessitatem designant. Quia in quantum quotidie desides nos & negligentes efficiuntur, intantum etiam magni quicq; & summæ conuersationis viri, à cœlesti quam maxime diligunt conuersatione reuocantur, vt si dixerimus quia peccatum non habemus, nos ipsos seducimus, & veritas in nobis non est.

Lotio pedum quid,

1. Ioan. 1.

Qui

IN COENA

Qui ergo lotus est non indiget nisi vt pedes lauet, sed est mundus totus, quia qui ablutus est fonte baptisimalis in remissionem peccatorū, non indiget rursum imō non potest eodem modo abluī, sed quotidiana tantum mundanæ conuersationis contagia, necesse habet quotidiana sui redemptoris indulgētia tergantur, propter quod orantes quotidie dicimus, Dimitte nobis debita nostra sicut & nos dimittimus debitoribus nostris. Verum hæc de Apostolis eorumq; similibus dicta sunt, beatis videlicet immaculatis in viâ, qui timentes ambulant in vijs Domini.

Mat. 6.

O
Magis peccantes maiori opus habent expiatione.

Sed nos qui sæpe diuini timoris oblitī, non illa leui & quotidiana orationis solemnitate possumus ab erratum nostrorum sordē liberari, sed maior necesse est inquinatio, maiori orationum, vigiliarum, atq; ieiuniorum, lachrymarum & eleēmosynarum, exercitio purgetur, ipso nimirum interius vestigia cordis nostri mundate, qui sedens in dextera Dei per assumptę habitum humanitatis quotidie interpellat pro nobis. Sequitur.

Rom. 3.

Et vos mundi estis sed non omnes. Sciebat enim quisnam esset qui traderet eum, propterea dixit, non estis mundi omnes.

P Vos, inquit, qui permanistis mecum in tentationibus meis, mundi estis, propter sermonem quem loquutus sum vobis, quia credidistis, mundi inquam estis ex hoc, quia nunc ego sanctifico meipsum pro vobis, vt vos in veritate sancti sitis, dum ego sanctifico, id est, ego meipsum sacrificium offero pro vobis. Iam enim vado immolari pro vobis, vt mundi sitis, sed non omnes. Nec enim omnibus vobis præsens passionis meæ sanctificatio prodest, sciebat enim (inquit Euangelista) quisnam esset qui traderet eum, propterea dixit, Nō estis mūdi omnes.

Ioan. 17.

Circa tertium principale dicit,

Postea

Postquam ergo lauit pedes eorum accepit vestimenta sua, & quum recubisset iterum, dixit eis.

Hic post exhibitionē memorabilis exempli, subditur discipulorum per magistri sermonem informatio. Vbi tria notantur. Primum est Christi post ministerium docentis veneranda dispositio. Secundum est exhibiti exempli commemoratio. Tertium est ad sui imitationem salutaris exhortatio. Secundum ibi. Scitis quid fecerim vobis. Tertium ibi. Si ergo laui.

Circa primum dicit. Postquam autē lauit pedes eorum. Ergo inquit, quia sciens ea quæ dicta sunt. scilicet quia sciuit quod venit eius hora ut transeat ex hoc mundo ad patrem, & quia omnia dedit ei pater in manus, & quia à Deo exiuit & ad Deum vadit, ideo sic & sic fecit. Magnum & omnium maximè spectaculum admirandum quod tantus ille Dominus & magister surrexit à cœna & posuit vestimēta sua, præcinctusque lintheo pedes lauit, iterumque acceptis vestimentis suis recubuit, & docere cœpit, & multo maximum est, quod sicut illic sanctissime ac religiosissime significatū est, creator angelorum & hominum semetipsum exinanivit, minoratus paulominus ab angelis, & in forma serui cinctus est labore & angustia passionis, ut nos in sanguine suo lauaret à peccatis nostris et iterum resurgendo à mortuis indutus gloria immortalitatis et honore incorruptionis, recubuit in cœlo ad dexterā patris, & dato spiritu sancto fecit nos scire, quidnam ipse fecerit nobis. Aperuit quippe per spiritū mysterium lotionis, quod eis pauloante exhibitum non intellexerant. Nam postquam patiēdo in cruce lauerunt remissionis consecrauit, accepit membra iam immortalia, quæ mortalia posuerat, & quum aperisset discipulis sensum ut intelligerent scripturas, exposuit eis vtilitatē suæ passionis, cuius eatenus quia virtutē

Q

Christus resurgens vestimēta sua remisit & mysteria declarat.

Luc. 14.

tutēna

IN COENA

tutem mysticam nesciebant, euentum timebant: *Sic* quidem per interpretem spiritum sanctum quem de caelo misit, ipse gloriosam immortalitatis vestem indutus & residens in sublimi (vt dictum est) fecit suos intelligere quid fecerit eis.

Circa secundum quod est exempli exhibiti commemoratio dicit.

Scitis quid fecerim vobis? Vos vocatis me magister & Domine, & bene dicitis. Sum etenim.

Scitis, inquit, quid fecerim vobis? qua nimirum interrogacione excitat vt attentos reddat auditores suos orator gratiae & veritatis. Interrogati nempe quod nescimus, attentus quasi manu pulsantis excitati audire solemus. Vos vocatis me magister & Domine. Quum ergo interrogat di. Scitis quid fecerim vobis? utique nos commonefacit vt eorum non simus imemores quae propter nostram ipse gessit salutem, nec eorum proinde quae omnibus nobis in communi, vel unicuique nostrum in speciali suae gratiae & munificentiae dona largitus est. Vos vocatis me magister & Domine & bene dicitis. Sum etenim. Magister propter eam quam vos doceo sapientiam. Dominus propter eam quam in virtutibus & miraculis ostendit potentiam. Qua nihilominus cum patre mihi communi, etiam cunctis praesum creaturis.

Circa tertium quod est ad sui imitationem salutis exhortatio di.

Si ergo ego laui pedes vestros Dominus & magister, & vos debetis alter alterius lauare pedes. Exemplum enim dedi vobis vt quemadmodum ego feci vobis, ita & vos faciatis.

Si ergo

S
Magister
& Dñs,

rect
acci
bit
obe
cis,
stru
dor
arb
ma
rat
pli
pol
ius
cio
sup
illi
pul

Iau
bel
nu
in
ne
po
ita
re

Si ego, inquit, quem vos Dominū & magistrum recte vocatis memetipsum exinaniui formam serui accipiens in similitudinem hominum factus, & habitu inuentus vt homo, & humilio meipsum factus obediens patri vsque ad mortem, mortem autem crucis, si ego inquam sic feci vt vos lauem a peccatis vestris, æquum est vt & vos apostolatam vestram non dominationem, sed summæ humilitatis ministerium arbitremini, cuius in hoc perfectio est, vt ponatis animas pro fratribus vestris. Hoc inquam dicere poterat si potuissent portare modo. Hoc enim vera exempli eius imitatio est. Nam pedes corporaliter lauare possunt & illi qui nullatenus Domini & magistri huius exemplum sequuntur, sed nonnullis regibus atrociores, subiectis sibi sub religioso pastorum nomine superbissime dominantur. Non solum imparati pro illis animas ponere, sed etiam ausi rapaciter viduas & pupillos deuorare.

Quod autem hinc ad nos attinet quod ait. Si ego laui pedes vestros Dominus & magister, & vos debetis alter alterius lauare pedes, hoc nimirum insinuat, vt per charitatem seruiamus inuicem, nō solum in lauando pedes fratrum, sed in quibuslibet eorum necessitatibus subleuandis. Proinde vt sicut nobis poenitentibus Dominus peccata dimittere consuevit, ita etiam peccantibus in nos fratribus dimittere non recusemus.

SAB

Phil. 21

Pralati qd
de se senti
re debent.

T

Alter alte
rius lauare
pedes.

IN pace in idipsum dormiam & res-
quiescam. Psal. 4.

A

Heb. 2.

Sap. 2.

Luc. 11.

Col. 2.

Decertato mortis agone, & principe tenebrarum qui mortis imperium habebat, cuius inuidia mors intrauit in orbem terrarum, illo inquam principe mundi huius, qui fortis armatus, eatenus atrium suum custodiebat, per fortiorem superato atque spoliato redemptor noster in sepulchro quieuit, per mortem suam peccati chirographo deleto, inter Deum & hominem composita iam pace. In hac pace, inquit, dormiam & requiescam. Hoc autem sabbatum, hæc requies veneranda in illud sabbatum respicit, de quo in creatione mundi scriptum fuerat. Et quieuit Deus die sabbati ab omni opere suo quod patrauerat. Qui tunc sex diebus creaturam mundi perfecit, et septimo quieuit, ipse est qui prima sabbati (quã dominicam diem dicimus) ciuitatem ingressus, & sexto die tandẽ mortuus ob reuerterandã creaturam humanam septima die in sepulchro secundum carnem quiescebat, anima vero paradisi beatissima requie fruebatur. Itaque tria se offerunt hoc sancto die attenta mente contemplanda. Primũ est de impietissimæ gentis in Christum carne mortuum renouata persecutione. Secundum est de animæ Christi ad inferos descensione. Tertium est de quorundam huius diei mysteriorum expositione.

De Iudæorum in Christum mortuum persecutione.

B

Gene. 49.

Quoad primũ præmittendũ occurrit illud quod per patriarcham Iacob de Christo fuerat prophetatum. Catulus leonis Iuda, ad prædã filii mi ascendisti, quiescens accubisti vt leo, & quasi leona. Quis suscitabit eum? Iuda quod interpretatur confessio, Christus

stus Dominus est confessionis nostræ princeps, ortus
de tribu Iuda. Ipse Catulus leonis. i. filius Dei fortissi-
mi. Agnus fuerat eatenus & sicut ovis ad occisionem
ductus, sed vbi consummatum est quicquid secundū
similitudinē agni aut ovis eum pati oportebat, statim
infremuit idem catulus leonis, frustra Iudæis ipsius
gloriæ invidentibus.

Esa. 53

Viuens enim grauis illis fuerat etiam ad viden-
dum. Nunc autem mortuus & sepultus sic iacebat
vt etiam lapide signato, lapide valde magno super
eum posito, puteus sepulchri eius esset clausus & ob-
structus ne resurgeret, nec vel illuc anima introire ad
corpus, aut etiā si reuixisset posset inde prorepere cor-
pus, adhibitis etiam custodibus propter discipulos
eius. At ille habitans in cælis irridebat eos, & sabbat-
nabat eos, sed interim sabbatizabat (vt dictum est). i.
requiescebat vt leo & quasi leæna, securus de præ-
da, quia mortuos eripuerat, & mortem captiuam
tenebat.

Sap. 2
Frustra
clauditur
monumē-
tum.

Sed aduertamus quidnam quiescente Domino, &
sabbatizante, insipientes & maligni qui quasi mare
effluens quiescere nequaquam potuerunt, ac itaue-
rint, vt malitię suę cui erant addicti morem gererent.
Ait Euangelista.

Mat. 27
C
In Chri-
stū mortu-
um sœuitia
Iudæorū.

Altera die quæ est post parasceuen conuenerunt
principes sacerdotum, & Pharisei ad Pilatum dicen-
tes, Domine recordati sumus quia seductor ille dixit
adhuc viuens post tres dies resurgam. Vides quæ acer-
bo in mortuum odio sœuiunt, cuius præ nimia inui-
diā nomen quod vtique venerandū est super omne no-
men exprimere non possunt, sed clamitant seducto-
rem, vt constet impletū esse quod per Ieremiam Do-
minus longe ante prædixerat. Facta est mihi hære-
ditas mea quasi Hyena quæ est fera crudelis, & sœuit
in mortuos. Et quidem magna iniquitas, magna vi-
litas Iudæorum, quæ necdum innocentis morte turpis

Iere. 12:
Iudæorū
synagoga
Hyena.T
sima

SABBATO

simā satiati, etiam mortuum criminari non cessant, seductorem Dei filium Christum coram præsidente vocitantes. Sat illis esse debuerat quod ab iniquo iudice per falsas accusationes & clamores seditiosos, contra innocentem, iudicium mortis obtinuerant. Sed diabolico furore perciti & immortalī furentes odio, nulla innocētis Domini pœna exsaturari potuerūt. Nam sicut omni tempore diligit qui amicus est, ita nimirū quisquis vere inimicus impense odit, odit semper. Et quoniā cōscientia scelerata quia nequiter egit semper trepidat, ideo ne pateat malum quod iniuste commisit, inimicum etiam mortuum nouis (si quo modo potest) criminationibus insectatur, ne forte silendo videatur esse confusa.

D Itaque Dei filium salutis omnium autorem & viuentem & mortuum ore blasphemio seductorem appellarunt. Sed digni non erant qui ab eo seducerentur, sed quidem in æternæ vitæ sortem eorum fuisset acta seductio. Sed potius quā hunc sequerentur, infixi sordibus suis remanere maluerunt. Et quidem (tameñ aliter quā ipsi intendebant) innumeros homines Christus Dominus seduxit ad salutem, usque adeo, ut etiam mundi huius imperatores et reges terrarum quod in illam seductionē venerint crediderunt se beatos. Fœlix enim est illa seductio quæ à Sathana vinculis ereptos, in libertatem gloriæ filiorum Dei perducit.

Domine, inquiunt, seductor ille adhuc viuens. Dominum vocant cui non voluntate, sed necessitate subduntur inuiti: quia peruersorū est etiā laudare quem odiunt, ut perficiant ipsi quod nequiter cupiunt. Pro omnibus autem suis peragendis contra Christum factationibus recurrant ad præsidentē, ut efficacior sit iniquitas, ubi adest autoritas. Iube, inquiunt, custodiri sepulchrum. Quid facient resurgenti quem timent in sepulchro quiescentem? Sed eorum cassa est sollicitudo, ut vita & resurrectio mortuorum à furto discipulorum

rum custodiatur.

Sanè proprio cōmento amplius confusi sunt, dum adhibiti custodes resurgenti Domini testes et ipsi effecti sunt. Signant proinde monumentū sigillis suis, sed hæc ipsa maximum resurrectionis testimonium erant præbitura.

Iudæi proprio cōmento amplius confusi,

De animæ Christi ad inferos descensione.

Christum ad inferos descendisse sancta constitetur ecclesia. Siquidem articulus fidei est. Credimus enim propter quod & loquimur, quia redemptor & saluator noster qui passus sub Pontio Pilato, crucifixus, mortuus, & sepultus est, ipse etiam descendit ad inferna. Et iuxta Apost. Descendit ad inferiores partes terræ. Sepultum enim est corpus ipsius, sed quoad animam descendit ad inferna.

E

Eph. 4

Quum enim Dei filius in habitu mortalitatis nostræ cum diabolo congressus, hunc fortem armatum vicisset, ad euidentiā suæ victoriæ & salutem suorum, intrare voluit domū fortis et diripere vasa eius, & spolia erepta distribuere. Quandiu autem corpus Christi fuit in sepulchro, anima ipsius diuinitati coniuncta, fuit in inferno, quod ipsius Christi testimonio confirmatur, qui ait, Sicut fuit Ionas in ventre ceti tribus diebus & tribus noctibus, sic erit filius hominis in corde terræ tribus diebus et tribus noctibus. Hanc figuram superius habes expositam.

Christus domū fortis intrauit

Mat. 12

Ionas in ceto.

Christus enim tempestate Iudaici furoris exorta in passiōis amaritudinē quasi in mare proiectus est, quē inferus quasi cetus grandis, aperto glutiniuit ore, quē tamen die tertia euomuit. Sed aduerte quod quum dicitur Christus ad inferna descendisse, inferorū nomine non pœnas sed locū duntaxat pœnarū designari. Ad quē quidē locū nō necessitate vt ceteri, sed voluntate descendit, vnus ipse inter mortuos liber.

T 2

Des

SABBATO

F Descendit autem illuc tamen propter scripturę ad
 Zach. 9. impletionem dicente Zacharia propheta in eum, Tu
 Cur Chri quoq; in sanguine testamenti tui eduxisti vincetos tu
 stus ad in os de lacu in quo non erat aqua. Tum vt consuetam
 feros de ostenderet humilitatem. Qui enim descendere digna
 scendit. tus est de coelis a regalibus sedibus in has exilij nostri
 Sap. 18. calamitates, ipse idem (quod certe per angelicum mi
 nisteriũ efficere potuisset) per semetipsum facere vo
 luit. Tum ad consolationem vincetorum, quam pro
 culdubio populus electorũ apud inferos eatenus ca
 ptiuis accepit, quum ad eos ipse per se venit. Tum
 propter confusionem aduersariorum tam hominum
 damnatorum, qui dum viueret in cordibus suis dixe
 rant, Non est Deus, q̄ ipsorum dæmonum, vt qui ab
 ipso coacti & victi fuerant in mundo, etiam ab ipso
 triumpharentur victi & spoliati in inferno. Decebat
 enim vt potestatem suam Dei filius, quam & viuens
 do & moriendo ostenderat in terra, etiam in inferno
 declararet.

De qua ipsius ad inferos descensione B. Aug. pul
 chre loquitur di. Mox vt Christus spiritum tradidit,
 vnita suę diuinitati anima ad infernorũ profunda des
 cendit. Quumq; tenebrarum terminos quasi quidam
 depredator splendidus & terribilis apprehendisset,
 aspicientes eum tartareę legiones territę perquirere
 cœperunt. Vnde est iste tam fortis, tam terribilis, tam
 præclarus? Mundus ille qui nobis subditus fuit nuntius
 quam nobis talem mortuum misit. Ecce qui solebãt
 nobis esse subditi, non solum iam nihil verentur, sed
 insuper nobis minantur. Vt quid huc istum adducere
 voluisti o princeps noster. Perijt nobis omnis lætitia
 dum Christum suspendis in ligno. Ignoras quanta
 damna sustineas in inferno post istas iam audaciũ vo
 ces dicentium. Quem expectabamus benedictus ad
 uenisti redemptor noster. Hoc enim innumerabiles
 sanctorum populi lachrymabili voce clamabant,
 Aduo

Aduenisti, quem quotidie expectabamus, descendisti pro nobis ad inferos. Hæc ille.

Cæterum diabolo illusori qualiter per Christū illudatur & qualiter violentus prædo per eundem de prædatur, attendendū est. Diabolus enim est ille draco quem Dominus formauit ad illudendum ei, sicut de illo ad beatū Iob sub interrogatione loquitur di. Nunquid illudes ei quasi aui & aut ligabis eum ancillis tuis? quasi dicat, Intantum humiliabitur draconis istius fortitudo & omnino pro nihilo erit, vt illudendus habeatur, & ad illudendum sanctis angelis deputetur. Quòd autem quasi aui illudi perhibetur, hoc vtique significat q̄ velut res parua & minima ad virtutem Dei omnipotentis habeatur. Quòd autem ab ancillis ligandus dicitur, illud est quod ipse Dominus in Euang. ad discipulos suos ait, Ecce dedi vobis potestatem calcandi super serpentes & scorpiones, & supra omnem virtutem inimici, & nihil vobis nocerebit. Non solum igitur à Christo, sed etiam à sanctis animabus, quæ sunt quasi ancillæ Dei, alligatur atque illuditur.

De quo rursus ibidem dicitur, An extrahere poteris Leuiathan hamo? videlicet ex multitudine gentium quasi ex mari ne illic ultra dominetur. Hoc ille solus potuit qui appropinquate passione sua ait, Nunc princeps huius mundi eijcietur foras.

Qualiter autem huic illusori per Dei sapientiam illusum sit aduerte, Ero, inquit, mors tua o mors, morsus tuus ero inferne. Sic, inquit, de morte redimam eos, non auro neque argento, sed morte mea mortem ipsorum interficiendo. Moriar vt ipsi viuant, & ad infernum descendam. Hoc enim est quod dicit ad ipsam mortem, ad ipsum infernum sermonem conuertendo, mortis & inferni potens debellator, vitæ & mortis dominator, ero mors tua o mors, morsus tuus ero inferne. Ostendit ergo qualiter ipse futurus esset mors

G
Qualiter
diabolus
illusus est.

Iob. 40

Luc. 10

Iob. 40

Leuiatham
hamo captus.

Ioan. 12

Osee. 13

SABBATO

mortis dicens. Morsus tuus ero inferne. Et est sensus;

H Tu qui habes mortis imperium, tu Leuiathan draco magne in aquis gentium per mortem dominationem exercens, tu inquam deceptus mordebis me, Ego factus homo tibi hamus ero. Sicut enim in hamo esca. i. carnis teneritudo ostenditur, et acumē ferri occultatur, sic humanitatis infirmitas te o humani generis inimice inuitabit, vt mordeas, vt te diuinitatis interior fortitudo transigat, vt captiuus pendeas. Quia taliter morsus tuus efficiar, mors mortis ero, quia interiora tua o inferne deglutitum me non sustinebunt, sed quā vitam momorderis, disrupto ventre vitam remittes, morte mortua, euadentibus viuus, quicunq; vita sunt digni.

Diabolo
esca & ha-
mus,

7. rictus
diaboli,

Sed operæ precium est aduertere quomodo cruentus hic draco præpositus mortis, vt Christum deuoraret, hominibus impijs carnem suam occidere volentibus ore patulo septē rictus immanes aperuit, & in cæteris frustratus, septimo tandē rictu carnē comprehendit, sed malo suo, vt dictum est,

Mat. 2. Primus nanque draconis huius hiatus fuit, vbi secundum Matthæum mox nati pueri Iesu animam furens Herodes quæsiuit, & propter eum infantes occidit.

Luc. 4. Secundus fuit, vbi secundū Lucam quum venisset Nazareth, vbi fuerat nutritus, & doceret in Synagoga, surrexerunt & eduxerūt illum extra ciuitatem, & duxerunt vsq; ad supercilium montis, supra quem ciuitas illorū erat edificata, vt precipitarent eum. Ipse autem transiens per medium illorum ibat.

I Ioan. 7. Tertius fuit, quando miserunt principes & pharisei ministros vt apprehenderent eum. Quibus reuersis vacuis cum eis diceretur, Quare non adduxistis eum? responderunt, Nunquam sic locutus est homo. At illi in intentione persistentes, adduxerunt mulierem in adulterio deprehensam, tentantes vt possent

Ioan. 8.

accusare

accusare eum.

Quartus rictus siue hiatus fuit, vbi quum dixisset, Amen amen dico vobis antequam Abraham fieret ego sum, tulerunt lapides vt iacerent in eum. Ioan. 8.

Quintus, vbi quum dixisset, Ego & pater vnum sumus, sustulerunt lapides vt lapidarent eum. Ioan. 10.

Sextus, Vbi abeuntes Pharisei concilium inierunt vt caperent eum in sermone, & mittunt ei discipulos suos cum Herodianis interrogantes si licet censum dare Cesari an non, vitæ ipsius insidiantes. Mat. 22.

Septimus qui & vltimus, vbi collegerunt aduersus eum conciliū, nec destiterunt donec crucifigerent eum, præposito mortis qui in ipsorum cordibus habitabat hos agitante. Ioan. 11.

Cæterum de inferiorū spoliatione (ex quo iam per crucem suam fortem illum armatum custodientem atrium suum fortior ipse superueniens superatum alligauerat) ipse apud Matthæum ait, Quomodo potest quisquam intrare in domum fortis et vasa eius diripere, nisi prius alligauerit fortem? & tunc domum illius diripiet. Quis alter hoc efficere potuisset præter eum in quem Zacharias quod supra memorauimus ait, Tu quoque in sanguine testamenti tui emisisti vinctos tuos de lacu in quo non est aqua? Ipse nimirum est ille catulus leonis de quo (vt etiam supra meminimus) scriptum est dicente Iacob, Catulus leonis Iuda, ad prædam filii mi ascendisti. K Mat. 12.

Requiescens accubisti vt leo, qui apertis dormit oculis, & quasi læna. Consummato siquidem negotio, mox vt dicto consummatum est spiritum emisisti, requieuisisti à laboribus tuis, requieuisisti cum præda quam cepisti ex inferis. Ad prædam, inquit, filii mi ascendisti, ad prædandum infernum inualuisti. Primum spoliū quod iste prædator mortis inferno abstulit, latro ille fuit qui quum ad ipsas iam appro-

Christus
catulus leo
nis.

Primum
Christi
spoliū.

SABBATO

Luc. 23. pinquaret fauces inferni, vna breui confessione retentus ab illo audiuit. Amen dico tibi, hodie mecum eris in paradiso.

Ioan. 12. Sed ad quantam prædam protinus sic incipiendo ascendit? Verè desyderatus prædo, reddens vitæ quos abstulit morti, reddens cælo quos eripuit inferno, quod ipse non incerto futurū sciens. Ego, inquit, si exaltatus fuero à terra, omnia traham ad meipsum,

Heb. 2. omnia. s. electa, siue omnem potestatem in cælo & in terra. Nam propter passionem mortis gloria & honore coronatus, propter patibulum crucis iudex viuorum & mortuorum est constitutus, & omnia subiecta sunt pedibus eius.

L Requiescens accubuisti vt leo & quasi leæna. Nimirum quia Deus & homo in vna eademq; persona, secundum diuinam naturam, leo: de quo & alibi scriptum est, Leo rugiet quis non timebit? Porro secundum naturam humanam paulò antè ovis dum duceretur ad immolandum, nunc autem ex quo dixit consummatum est, iam leæna erat: Leæna, inquam, quæ catulos suos. i. omnes electos quos æternæ vitæ suo sanguine pepererat, in cubili suo componebat, in paradiso suo lactabat anima fortis & libera, statim post Sabbatum ad carnem suam reditura, eamq; catulis suis reportatura, cuius de visione nimirum catulis illis copiosior manare habebat & nunc manat vitalis lactis alimonia.

De quorundam huius diei mysteriorum expositione.

M Proprium quoddam huius diei decus est cereus **Mysteriū cerei paschalis.** à Zozimo Romanæ Ecclesiæ Pontifice tricesimo nono per Ecclesias benedici institutus, à cuius dulcis sona benedictione, præconia gloriosæ resurrectionis Christi inchoantur. Significat enim eundem Dominum nostrum resurgentem, suorum tristitiam discipulo

pulorum imò mundum vniuersum lætitiæ salutaris claritate serenantem. Et hoc quidem mirè congruit, vt sicut præteritis noctibus extincta luminaria faciem Ecclesiæ contristauerunt, sic eandem nocte hac cereus illuminatus igni, flammæ tripudiantis iubarē latificet.

Sanè sicut per candelas quæ extinctæ sunt significæntur mortes Prophetarum & iustorum, qui à sanguine Abel iusti vsq; ad Christum occisi sunt, ita per ipsam candelam non maiorem cæteris, quæ vltimo (& vt quibusdam Ecclesijs mos est) ad Euangelium extinguitur, ipse Dominus significatur qui euangelizans occiditur, vnus ex Prophetis reputatus. Constat autem quòd hunc qui cõtemptus & humilis occisus est, Deus suscitauit, ac principem ac saluatorem exaltauit, ad dandam pœnitentiam in remissionem peccatorum. Bene ergo significationis ordo procedit, dum claram resurgentis magnitudinem, præclari significat cerei magnitudo. Eo autem vel maximè per cereum Christus significatur quòd paruula quæ substantiam ceræ apes mater educit, absq; concubitu cõcipit & parit, Cui rectè comparatur virgo Maria Christi mater, quæ humilitate apud se paruula, inuiolata nobis Deum in carne quasi mel in cera protulit. Quum ergo rectè cereus hic humanitatis Christi similitudinem gerat, annus illi (vti multis Ecclesijs mos est) ab incarnatione eiusdem Domini consequenter insculpitur.

Sed quærere posset aliquis cur benedictionem materiæ tantæ rei significatiuæ, super cereum pronunciet diaconus, præsentente sacerdote vel etiam Pontifice. Sed causa manifesta sese offert quærentibus. Constat enim quia bonum sanctæ resurrectionis Christi nunciium per minorem sexum, id est, per mulieres sanctis Apostolis stentibus & lugentibus Euangelizatum est. Hoc autem tam rationabili diuinitatis dispositio-

Candelæ
extinctæ in
tenebris
quid.
Mat. 23.

Act. 8.

N
Cur cereū
diaconus
benedicit.

SABBATO

ne actum est, vt inter illa quæ significatiuè sunt in Ecclesia memoriale suū omnino iure habere debeat. Nam quia mulier à diabolo missa viro mortem obtulit, pulchrè sexus idem à rediuuo Christo missus, virili sexui vitam euangelizauit. Hinc ergo rectè gradus inferioris minister, tam dulci, tam pulchra, tamq; melliflua cerei benedictione, tantæ solennitatis nostræ gaudium inchoat, quia per inferiorem sexum tam iocundum, tamq; pium dominicæ resurrectionis miraculum, viris non quibuslibet, sed ipsis Apostolis nunciatum est.

Cur p̄ mulierē Christi resurrectio primū nūciatur.

Frustula in censi quæ cereo insurguntur quid. Mar. 16.

Quod autem quādo diaconus cum cæteris subministris ad benedicendum cereum accedit, frustula quoq; portantur incensi, vt cruciculæ quæ cereo insculpta est offerendo insigat, & hoc quoq; ad prædicta respicit. Illæ namq; mulieres quæ mortuum quærebant Dominum & viuum videre meruerunt, aromata ferebant, sicut Euangelista referente cognouimus vt vngerent Iesum.

Quod igne nouo cereus accenditur quid

Quod autem non quolibet igne, sed nouo atq; benedicto cereus illuminatur, illud innuitur, qd̄ extinctam in sepulchro iacentem humanitatis Christi substantiam, de supernis aspirans ignea diuinitatis potentia rursus animauit, & sicut verè rutilans ignis ita gloria beatæ resurrectionis hac nocte in perpetuum nobis gaudium feliciter illuxit.

Quod à cerebro cereoli ecclesiæ illuminetur quid. Ioan. 20.

Proinde qd̄ eodem igne consecrati cerei, cuncti qui in Ecclesia sunt illuminari debent cereoli, id nimirū significat, quod Dominus noster ea die qua resurrexit, quum esset sero, stans in medio discipulorum suorum, manusque & latus ostendens eis, insufflauit & dixit eis: Accipite spiritum sanctum. Illic enim cepit hominibus dari ignis, quem per hunc visibilem ignem constat significari, quem venit ipse mittere in terram, & voluit vehementer accendi,

Luc. 12.

Cata

Cæterum per hoc q̄ in huius cerei benedictione inter cætera pronunciat̄, Columnæ huius præconia nouimus & cætera apertè nobis innuitur, q̄ illud idem per hanc preciosam lampadem intelligere debeamus q̄ per illam præfigurabatur columnam quæ castra filiorum Israël de Ægypto exeuntium per mare Rubrum præcedebat. Significabat autem illa columna nubis, bene notam nobis nubem humanitatis Christi. In qua proprie posuit thronum suum sapientia Dei, sicut ipsa dicit. Thronus meus in columna nubis. Siquidem nunc illa columna nubis, populum suum à diaboli seruitute liberatum, & baptismi Rubrum mare transeuntem præcedit dux itineris, vt inducat in veram terram repromissionis, terram viuentium, quam (sicut Moyse ait) Dominus Deus noster die ac nocte intuetur, nunc cœlestibus doctrinis compluens, vt verè columna nubis, nunc igne sui spiritus accendens, vt verè columna ignis.

Deniq̄ dies hæc pro mysteriorum magnitudine commune nomen excessit vt vocetur Sabbatum sanctum, & hoc propter multa quæ per singula profectum qui longum esset, præsertim tamen propter hoc, quod ad suscipiendam tantam luminis claritatem noua Ecclesia sacro baptismi fonte sanctificatur. Hac enim die solenne est, & iuxta veram & Euangelicam patrum traditionem, fontes benedici, & præparata per fidem tam corporum quam animarum credentium vasa, regeneratione noua sanctificari. Præparantur animæ quæ mortuæ fuerant vitæ victici, morte victa, de bello reuertenti, vt in magna regis Christi curia nullus sit vernaculus aut seruus emptitius qui non ad ingressum triumphantis Domini gratiæ serico vestitur. Quum enim fortem illum armatum (de quo superius dictum est) Christus Dominus fortior superaret.

P
Cereus &
columna
ignis.

Exod. 12.
& 14.

Eccli. 244

Deut. 17

Q
Cur sabbatum sanctum dies ista vocetur.

SABBATO SANCTO.

rari & arma eius abstulerit in quibus confidebat,
 & crucis suæ vexillum eidem bellator inferens ipso
 sum ceperit, alligauerit, & spolia paradiso reddiderit,
 rectè nunc celebratur baptismi sacramentum, quo
 constanter aduersus victi potestatem iniquam eant
 sacerdotes, legati utiq; victoriosi regis Christi, titu-
 losque victoriae proferentes, victi abrenunciationem,
 victorisq; ab hominibus qui ab ipsius potestate ere-
 ptisunt exigunt professionem. Et licet modo bap-
 tismi sacramentum non magis hoc Sabbato sancto
 quam alijs diebus administraretur, seruatur tamen sua
 per fontes Ixrania & oratio consueta, pro illis
 qui baptizati sunt, quatenus adiutrice
 gratia baptismi professionem di-
 gnè Deo seruare & operi-
 bus Christianismo di-
 gnis valeant re-
 dimere.

Homiliarum quadagesi-
 malium finis.

Typis Ioan. Graphet.

apalabras locas ovesy sordas

surdus ad insanam coniue murmurata vocis
 nec moueant animos frivola pba tuos.

dean con Rabia desu dueno traba

dentibq; adipret camp irritata proteujs
 et dominum Rabie solitante suum

feruida Recteo caret uacundia clario

ml sancti. aut pensu. vitrea bilis habet

abuen hombre goza dguerto

sepi9 obtentu bonitatis fraude potimur

nan tegit admispum laus celebrata nefas

aspice quid valeat sincere gloria fame

illa pot- facili conderi nube dolos,

ebat,
s ip
lerit,
quo
eant
titua
em,
erca
otila
cto
sua



ERRATA.

Fol.	Fa.	Linea.	Fol.	Fa.	Linea.
1	1	18. dele, inquit,	32	1	30. diuina: vō
2	2	9. res propter,	57	1	5. ad nec
23	1	8. humiliati,	64	1	10. & ipse
18	1	33. secutus,	70	1	25. del. quas deus
20	2	15. vel flores.	70	2	26. del. alibi hic
24	2	12. fonte.	78	2	28. quo dict.
25	2	35. de. per psal.	81	1	28. dispersi
30	2	37. portat,	85	1	12. prophetarū
34	2	25. videretur.	88	2	12. ad statum.
38	1	4. de. intenta.	91	2	9. dele autem
39	2	33. fandum in ea	94	1	35. fidei lu.
		tribu.	99	2	29. euentu.
46	1	19. In ea,	101	1	2. & gentium
48	1	21. in mar. ecclēs	102	1	24. nisi ea
48	1	33. Væ Assur.	105	1	18. Hi.
49	1	5. astus.	113	1	8. psal. dicitur
50	1	20. extemplo.	114	1	4. dele &
51	2	4. respondent.	117	2	11. Iudxi.

no ay boda sin tor-na boda.

post Risum lamenta time. post pocula lites
 post lucem tenebras: post tua vota necem.
 nocte dies premit^o. tristi merore voluptas
 gaudia principium cuncta dedere mali.

lactea con sanguine entra

et patris et patre delectantia Relinque
 musaz quis quis limina sacra teris.
 ad disciplinas nemo sine sanguine honestas
 fecit iter, sophie per salubrosa via est
 encasa del Rujn la muger es alguazil

ou mpsit, confuxq̄ virum sibi duxit meptam
 quem facit obsequis subcubijse suis.
 non homo, sed molis dicendus foemina qn^o.
 imperij, -enun confuge dante capis,

vo

s deus
bi hic
ct.

tarū
m.
m

nt

it

